

ПОЭТИКА

(НАФИС САНЬАТЛАР ҲАҚИДА)

АХЛОҚИ КАБИР

(КАТТА АХЛОҚ КИТОБИ)

РИТОРИКА

(ХИТОБА)

Тошкент
«Янги аср авлоди»
2011

УДК: 821.512.133

ББК 83.7

A-74

Арасту. Поэтика. Ахлоқи кабир. Риторика. –Т.: «Янги аср авлоди», 2011. 352 б.

ISBN 978-9943-08-704-0

Қадимиятнинг даҳо мутафаккири, устози аввал, Искандар Зулқарнайнга мураббийлик қилган Арасту (Аристотел) асарлари орасида «Магниа Моралия» – «Ахлоқи кабир» алоҳида ўрин тутади.

«Ахлоқи кабир» асарида барча замонлар ва барча инсонлар учун сув ва ҳаводай, қуёш нуридай зарур илми ҳикмат дурдоналарини топамиз, бу дурдоналар бизнинг маънавий оламимизни бойитади ва гўзаллаштиради.

Форобий, Беруний, Ибн Сино каби буюк Шарқ алломаларининг ҳам устози бўлган Арасту — Аристотелнинг (эрамиздан аввалги 384-322 йиллар) ижодий мероси ҳозиргача ҳам жаҳон фалсафий-эстетик тафаккури хазинасининг қимматли бойлиги саналади.

Алломанинг «Поэтика» (Нафис санъатлар ҳақида) рисоласидан бизга қадар фақат баъзи қимматли парчаларгина етиб келган бўлиб, ана шу қисмлар ҳам ҳозиргача барча файласуф, санъатшунос, адабиёт назариётчиларининг асосий дастурул-амали бўлиб хизмат қиласди. «Поэтика» ўзбек тилида илк марта 1979 йилда Иzzат Султон таҳрири остида босилган эди.

Арастунинг «Риторика» («Хитоба») асари биринчи китоби ўзбек тилида илк маротаба нашр этилмоқда.

УДК: 821.512.133

ББК 83.7

A-74

Таржимонлар:

Маҳкам Маҳмуд, Уммат Тўйчиев

Масъул муҳаррирлар:

Сайд Шермуҳаммедов, фалсафа фанлари доктори,

Ҳамидулло Болтабоев, филология фанлари доктори

Тақризчилар:

Тилаб Маҳмудов, фалсафа фанлари доктори,

Рашидхон Шукуров, филология фанлари номзоди,

Ҳикматхон Аҳмедова, тадқиқотчи

ISBN 978-9943-08-704-0

© Арасту. Поэтика. Ахлоқи кабир.
Риторика. «Янги аср авлоди», 2011 йил.

УСТОЗИ АВВАЛ

Арасту (милоддан аввалги IV аср) — барча замонларнинг олимлари учун устоз ҳисобланган буюк юонон файла-суфларидан бири. Милоддан аввалги 384 йилда Эгей денгизи бўйидаги Стагир шаҳрида туғилган (шу туфайли гоҳо Арасту Стагирий дейилади). Эллада Иттифоқидан ажралиб чиққан бу мустақил шаҳар-давлат кейинроқ Македония таъсирига тушади. Арастунинг отаси Никомах табиблар наслидан бўлиб, Македония шоҳи Эминта III саройида хизмат қиласди.

Арасту ёшлигидан Македония шоҳининг ўғли Филипп II билан ўртоқ эди. Филипп II таҳтга чиққач, Арасту унинг ўғли Искандарга мураббийлик қила бошлади. Арасту ўсмирлигига табобатда отасига ёрдам бериб юрар эди. 369 йилда 15 ёшли Арасту ота-онасидан етим қолди ва табиблик касбини тутди.

Отаси ўрнига мураббийлик, васийлик қилувчи Проқсен йигитчанинг қизиқишилари доираси кенгайгандигини билиб, уни илм-фанлар маркази Афинага ўқишини давом эттиришга юборди.

Арасту 367 йилда Афинада машҳур Афлотун академиясига ўқишига кирди ва у ерда 12 йил Афлотун фалсафий мактабида шогирдликни ўтади. Сўнг шу академияда мударрислик қила бошлади. Афлотун шогирди Арасту билан фахрланарди ва уни бошқа, дангасароқ шогирди Ксенократга таққослаб, «Бунисини қамчи билан уриб туриш, унисининг жиловини тортиб туриш керак» дер экан.

347 йилда Афлотун вафот этгач, Арасту унга бағишилаб марсия ёзди. Афлотуннинг билимсизроқ жияни (Спевсипп) Академияга раҳбар бўлиб қолгач, Арасту дўсти Ксенократ билан Афинани тарк этдилар.

Шундан сўнг Арасту кичик Осиёдаги Ассос шаҳрига келиб қолади. Бу ерда Афлотуннинг икки шогирди маҳаллий

ұқым Гермийга фалсафадан устозлик қылар әдилар. Арасту ұам улар сафига қүшилди. Бу ерда у билимларини чуқурлаштирии ва ұқым Гермийнинг жияни Пифайага үйланди. Үч йилдан сүңг у оиласи билан қүшни Лесбос оролидаги Митиленага күчиб келди. Бу орада Ассос ұқими Гермий Македонияга содиқлиги учун форслар қўлида қаҳрамонларча шаҳид бўлди. Эллада қаҳрамони сифатида унга Дельфа да ҳайкал ўрнатилди, Гермий ўлими олдидан файласуф дўстларига мактуб юбориб, фалсафага, адолатга заррача хиёнат қилмаганигини билдириди. 340 йилларда Арасту Македония пойтахти Пеллага Филипп II томонидан таклиф этилиб, 13 ёшли Искандарга мураббий этиб тайнланди.

Арасту Искандарни Ҳомернинг «Илиада» достонида куйланган қаҳрамонликлар руҳида тарбиялади. Кейинчалик Искандар «Мен Арастуни отам қатори ҳурматлайман, чунки отам менга ҳаёт берди, Арасту ҳаёт қадриятларини берди» деган экан. 339 йилда Искандар отаси қатори подшоҳ бўлгач, Арасту она шаҳри Стагирга қайтди. Филипп II вақтидаги урушларда вайрон этилган бу шаҳарни Искандар устози ҳурмати учун тиклаб берди. Бунинг учун Стагир халқи Арастуга миннатдорчилек билдириб, ҳар йили унинг шарафига байрам ўтказар эди.

Милоддан аввалги 336 йилда Арасту ҳаётининг иккинчи Афина даври бошланди. Эллик ёшида, ақли етишган вақтида Арасту Афинада Искандарга ноиб бўлиб турган лашкарбоши Антипатр ёрдамида ўз академиясини — фалсафа мактабини очди. Афинанинг шарқ тарафидаги Ликей боғларида айвон-равоқлар қурилди. Бу айвон-равоқлар юононча перипатус деб аталгани учун Арасту фалсафа мактаби издошларини перипатетиклар деб атай бошладилар. Афина ликейида (лицеида) Арасту 12 йил мударрислик қилди.

Искандарнинг Бобилда 323 йил 13 июня идә ўттиз уч ёшида вафот этиши (у заҳарлаб ўлдирилган деган тахмин бор) Арасту тақдирига ұам таъсир кўрсатади. У Ликей академиясидан қочишга мажбур бўлади. Ва Эвбяя оролида онаси нинг ҳовли боғида вафот этади.

Қадимият файласуфи Диоген Лаэртийнинг ёзишича, Арасту жуда бой фалсафий мерос қолдирган. Қадимий ка-

талолгарда Арастунинг бир неча юз асарлари тилга олинади. У асарларида фалсафий ғоялардан ташқари 158 хил давлат тузумини таъриф қилган. Арастунинг ўғли Никомах унинг асарларини асраб, нашр эттириш билан шуғулланган. Арасту асарларидан машҳурлари — «Эвдем», «Софист», «Политик», «Мнексен» (диалоглар), «Ғоялар ҳақида», «Фарновонлик ҳақида», «Биринчи аналитика», «Иккинчи аналитика», «Категориялар», «Софистларга раддия» (мантиқ фанига доир бу асарлар «Органун»га жамланган); «Физика», «Метафизика», «Ҳаёт тарихи», «Жоғ ҳақида», «Никомах ахлоқи», «Эвдем ахлоқи», «Ахлоқи кабир», «Сиёсат», «Поэтика», «Риторика» ва бошқалар.

Арастунинг бадиий-эстетик қарашлари кўпроқ «Поэтика» ва «Риторика» асарларида ўз ифодасини топган.

Қадимият маданиятининг атоқли тадқиқотчиси А.Ф.Лосев ёзишича, Арасту гўзаллик ёки ажиблик ҳақидағи фикрларида ақлий идрок ва ҳиссий идрок уйғунылигига эътибор беради. Арасту фикрича, ҳар қандай сезги, истак-майл ёки ўй-хаёл бирор нарса, ҳодисага (хилқатга — М.М.) интилар экан, ўша нарсадан қандайдир роҳат-фарофат олади, шу маънода ўша ҳодиса ажиг ёки гўзал (ёки баркамол) бўлади. Ўша хилқатни тилаш, майл ёки ҳамдардлик билдириш билан у ҳақда фикр билдириш мувофиқ, уйғун келиши керак. Бошқача айтганда, хаёлдаги хилқат билан ўша нарса ҳақидағи хаёл (асар) мутлақо уйғунашгандагина баркамоллик юзага келади.

Арастунинг «Поэтика» (Нафис санъатлар ҳақида) китобида ҳозирги замон тушунчасидаги шеърият эмас, балки умуминсоний нафосат, санъат қонун-қоидалари баён қилинади. Алломанинг бу асари Шарқ ҳалқлари эстетик тафаккури ривожига ҳам катта таъсир кўрсатган. Атоқли шарқшунос олим Абдусодиқ Ирисов «Аристотель «Поэтика»си ва унинг Шарқдаги издошлари» номли илмий асарида юнон алломасининг асари қандай қилиб Шарқда тарқалғандигини тадқиқ қиласиди. «У маҳалларда, — деб ёзади Абдусодиқ Ирисов, — араб тили ҳали илмий тил сифатида танилмаган, кўп асарларни, шулар жумласидан, кўп юнон муаллифларининг таълифларини сурёний тилига таржима қилиш

одат эди. Ҳатто, «Калила ва Димна» китоби ҳам арабчага таржима қилинишидан анча олдин санскрит (қадимги ҳинд) тилидан сурёний тилига күчирилган эди. Кейинчалик, Ҳасрға келиб «Поэтика» сурёний тилидан арабчага таржи-ма қилинди. Арастуниңг эстетик қарашлари, у қўйган му-аммолар ҳақида фикр юритиш, шу соҳада айрим рисола асарлар ёзиш. Абдусодик Ирисов таъкидлаганидай, олим-ларнинг олижаноб бурчи ҳисобланган. Арастуниңг «Поэти-ка» асарига бағишлиб дастлаб Абу Исҳоқ ал-Киндиј (801-866), сўнг Абу Наср Форобий (878-950), Ибн Сино (980-1037), Ибн Рушд — Аверроэс (1126-1198) каби атоқли олим-лар китоблар ёзишган ва буларда ўзларининг эстетик қараш-ларини баён этишган.

Ал-Киндиининг таржимаи ҳолидан маълум бўлишича, у юонон тилини яхши билган ва шунинг учун Арасту асари-нинг асл нусхасидан баҳраманд бўлган ва бу тўғридаги му-лоҳазаларини битиб кетган, дейиш мумкин.

Араб олими Абу Усайбия гувоҳлик беришича, Исҳоқ ибн Хунайн Арастуниңг «Софистика», «Хитоба» («Риторика») ва «Поэтика» асарларини араб тилига таржима қилган.

Ўрта асрларда ёқ Фарбда ва Шарқда Арасту «Соҳибу-л-мантиқ» сифатида танилган. Шунингдек, илк замонларда ҳам Арасту «Органун» асарининг «Биринчи аналитика» қисмидан айрим категориялар — назарий тушунчалар маъ-лум эди. Мантиқ фани ўз даврида қувватли янги — афло-тунчилик ҳаракати таъсирида янада ривожланганлигини Па-улус Перса ўзининг «Аристотел мантиқи» номли асарида шарҳ этган, дейилади туркча «Ислом энциклопедияси» да.

Арастуниң тил, мантиқ, физика ва тиббиёт соҳасидаги қарашлари бир тарафга қўйилса, исломиятдаги фалсафий тафаккур манбалари, тамал тошлари Арастуга эмас, балки Афлотун, Фисагур (Пифагор) ва Ҳермесга тақалади. Турк-ча «Ислом қомуси»да ёзилишича, Арасту асарларининг Шарқда атрофлича ўрганилишига унинг олам тузилиши ҳақидаги қарашлари ислом ақидаларига номувофиқ экан-лиги халал берди. Шарқда бу қарашлар ҳақида шиддатли баҳслар авж олди. (Ал-Киндиј, Форобий асарлари). Тури мазҳабларга мансуб каломчилар янги-афлотунчилар изидан

бориб, Арасту қарашларига қарши чиқдилар. Булар орасида шиъа Хишом б-ал-Ҳаким (ваф. 845), мұтазилачи — басралиқ Абу Ҳошим (ваф. 933) ва Ал-Ашъарий (873-935)ларни ёдга олиш мүмкін.

Арасту асарлари Ибн ал-Кифтий ва Ибн Абу Усайбиага сұяниб ёзишларича, 100 китобдан иборат. Бу асарлардан арабчага таржима этилғанлари рўйхати ёзилган бир кутубхона дафтари топилган.

Ривоятларга кўра (Фихрист. Флюгель нашри, 243-бет) халифа Ал-Маъмун тушида Арасту ҳакимни кўради. Юнон донишманди унга ақлий ва ҳиссий билимларни уйғунлаштиromoқ зарурлигини тушунтиради. Ал-Маъмун, сўнг Ал-Мансур даврида фақат Арасту эмас, балки деярли барча юнон алломаларининг асарлари сурёний христианлари ва мусулмонлари томонидан араб тилига таржима этилди, уларга шарҳлар ва тафсирлар ёзилди.

Арасту асарлари асосан 4 синфга бўлиниб, тасниф этилади: мантиқ, физика (табииёт), метафизика (руҳшунослиқ) ва этика — ахлоқ фанларига оид асарлар. «Органун»да Арастунинг 8 хил асари: «Категориялар» («Маъқулот»), «Ҳерменевтика» («Ал-Ибора» ёки «Ат-тафсир»), «Аналитика» («Ал-қиёс») ва «Поэтика» («Санои нафиса») тилга олинади. Бу асарларнинг ҳаммаси шарқ тилларига таржима қилинган: «Физика» (Ас-Само ат-Табиия) кўкка, фалакиётта доир «Ас-само ва-л оълам», «Ал-Кавн ва-л-фасод», «Метеорология» — «Ал-асар ал-алавия», «Психология» — «Ан-Нафс» («Рӯҳ») «Ал-Кавн-Хосс ва-л Махсус», ҳайвонот (ҳаёт) тарихига доир — «Ал Ҳайовон», яна баъзи фанларга (ўсимликшунослиқ, маъданшуносликка) доир асарлари юқоридағи китоблар қаторига кирган. Арастунинг «Политика» («Сиёсат») асари Афлотуннинг «Республика» — «Жумҳурият» ва «Қонунлар» асарлари руҳидадир. Баъзиларига Ибн Сино ҳам шарқ ёзган.

Араб тилидаги асарларни кўздан кечирганимизда, — дейилади «Ислом Қомуси»да, биз ҳақиқий ва сохта аристотелчиликни фарқлашимиз зарур. Аввалги асрларда Арасту асарларига ёзилган шарҳлар ва тафсирларда янги афлотунчиларнинг қарашлари аралашиб кетган. Эски даврнинг энг

холис арастучиси Ибн Рушд ўз асарларида Арасту фалса-фасига янги афлотунчи Порфирий ва Фемистий изоҳлари-ни афродизиялик Александр изоҳларидан устун қўяди. Милоднинг V-IV асрларида ўтган Плотиннинг «Эннеада» аса-рининг муҳтасар тафсири бўлган «Теология» асарини Ал-Киндий ва Форобий Арастунинг асари деб ўйлайдилар. (Эҳтимол, бу — Арастуниң «Жон — руҳ» ҳақидаги асари бўлса керак — М.М.). Бундан ташқари. Арастунинг руҳ аба-дийлиги ҳақидаги «Фаэтон», турли мавзуларга оид «Китоб ал-туффоҳ», физиогномика (одамнинг қиёфасига қараб, тақ-дирини билиш) ҳақидаги «Секретум секреторум» («Сиррул-асрор») асарларини, шунингдек, Искандар Зулқарнайнга ёзган бир туркум мактубларини тадқиқотчилар тилга ола-дилар. Алломанинг сеҳр ва нужумга доир қарашлари Штей-ншнейдер асарларида тадқиқ этилган.

Алишер Навоийдан уч аср аввал ўтган Шарқ маданиятининг буюк алломаси Низомий Ганжавий «Хамса» асарининг сўнгги достони «Шарафнома» да Арасту ҳақида қизиқарли ҳикоятларни келтиради. Мисрлик Марям исмли ма-лика Шом (Сурия) подшоҳи бўлиб турганида, қудратли Ҳабашистон (аввалти номи — Нубия, сўнг — Эфиопия) давлати қўшинлари ҳужумларидан оғир аҳволда қолади. Мар-ям Мисрия ўз давлатини ва халқини душмандан ҳимоя қилиш учун ёрдам сўраб, Юнон подшоҳи Искандарнинг қошига боради. Искандар Марямнинг арзини тинглаб, мас-лаҳат учун Арасту ҳакимнинг ҳузурига юборади. Маликага ҳарбий ёрдам беришдан аввал, Арасту унга илми ҳикматга оид жуда кўп билимларни ўргатади.

Низомий достонида тасвирланишича, Арасту ҳакимнинг Искандар ҳузуридаги мартабаси шу қадар юксак эканки, подшоҳлар ва маликалар Арасту қўлинни юваётганида кўза кўтариб, сув қуйиб туришни орзу қилас эканлар. Хусусан, мисрлик Марям ҳам шу шарафли хизматга мұяссар бўлади.

Арасту маликага ўз давлатининг қудратини ошириш учун қўшинларга ва халқга ғамхўрлик қилиш зарурлигини уқтиради. Бунинг учун эса Арасту бойлик, сийму зар кераклиги-ни айтиб, Марямга мисларни олтинга айлантиришга имкон берувчи кимё илмининг сир-асрорларини ўргатади. Мали-

ка бу илмларни ва адолатли бошқаришни ўрганиб, ўз давлатини кучайтиришга эришади.

Низомий Ганжавий яна тасвирлашича, Арасту ҳаким Искандарга яқинлиги, ўз феълидаги мағурурлик туфайли бир вақт жуда кибрланиб, Афлотуннинг устозлигини унугиб, ўзини биринчи устоз деб, бошқаларни писанд қилмай қўяди. Бундан дили ранжиган Афлотун шогирдига гўзал бир сабоқ беради. У ғоят нафис, нозик оҳанглар чиқарувчи руд чолғусини ихтиро қиласди. Афлотун бу созни чалганида бутун борлиқ, табиат — ҳайвонлар, қушлар сеҳрланиб, куйга сел бўлиб, ухлаб қоладилар. Афлотун куй оҳангларини ўзгартирганида — яна барча мавжудотлар уйғониб, ҳушига келади.

Арасту ҳам устозидан қолишишмаслигини исботлаш учун руд созининг бошқа хилини ихтиро қиласди. У созни чалганида ҳам гуллар, ҳайвонлар ва қушлар сел бўлиб эриб, ухлаб қоладилар. Аммо, сўнг Арасту ҳар қанча маҳорат билан чалса ҳам — улар уйғонмайдилар. Мудроқлигича қоладилар. Бу ишни шоҳ ва аъёнлари, ҳалойиқ кузатиб турган эди. Табиатни уйғотолмай, шарманда бўлган Арастунинг кибру ҳавоси осмонга учуб, устози қошига бориб, узр сўрайди. Ва ундан яна чолғуда маҳорат ўргатишни илтимос қиласди.

Афлотун ҳаким гина сақламасдан, Арастуга соз санъатидаги бор маҳоратини ўргатади. Шундан кейин Арасту куй чалиб, табиатни уйғотади. Сўнг устозига бир умр садоқатли шогирд бўлиб қолади.

Алишер Навоий «Хамса» достонларида Арастунинг фалсафий қараашларига кенг ўрин ажратган.

Алишер Навоий «Садди Искандарий»да Арасту ҳақида ёзади:

«Машриқ ва мағриб мамлакатлари фотиҳи Искандар устози Арастудан сўради:

— Эй, тафаккуринг билан осмону фалакни лол қолдирган донишманд! Манзилга қайси йўл яқинроқ? Ва у манзилга қайси йўл билан бориш маъқулроқ?

Устози аввал Арасту, подшоҳи оламга бундай жавоб берди:

— Агар одамнинг давлати кўп бўлса, эл-юрга хайру саҳоват қилиш имконияти ҳам кўпроқдир. Бадавлат одамнинг саховатидан кўпчилик умидвордир. Кимки, савоб ишларни кўпроқ қилган бўлса, унинг Ҳақ висолига етиш умиди кўпроқдир.

Арасту ҳаким яна тушунтириб айтадики, молу давлатни нималарга, кимларга ва қанча сарфлаш муҳим аҳамиятга моликдир. Арзимас ва ўринсиз ишларга кўп саховат кўрсатиш бефойдадир. Ва агар қилган хайрли ишлари ўринли бўлса, бу хайр-саховати, албатта, Ҳақ даргоҳида қабул қилинур.

Арасту ҳакимнинг қуийдаги маслаҳатлари барча замонларнинг подшоҳлари учун ҳам аҳамиятлидир:

— Бирор шоҳнинг ҳузурига отланган бўлса, у аввало ўз йўлида учрайдиган қароқчилардан — шоҳ қабулига етгунча йўлда туриб олган пораҳўрлардан эҳтиёт чораларини кўриши шарт. Қароқчилар билан иттифоқ бўлган шахс (вазир ёки бошқа мансабдор) шоҳ мажлисида ўтиришга ноҳойиқдир. Подшоҳ барча яхшиликларини бегараз, холис, фақат Худонинг розилиги учун қилса — бу энг олий мартабадир. То қиёматгача унинг номи агадий қолади».

Навоий айтади: «Гавҳарлар эгаси Арасту бу дурларни шу тарзда сочгач, савол берувчи (яъни, Искандар) садафдек жим бўлиб қолди. Яъни, у айтилган маслаҳатларни қабул қилди.

Навоий «Тарихи анбиё ва ҳукамо» асарида айтади: «Аристотолис — Афлотуннинг шогирдидур. Искандарнинг вазири эрди. Анинг сўзларидан будурким: «Подшоҳ улуғ рудға (дарёга) ўхшар, ва атбои (ўз тобелиғидаги) ариғлар-ғаким, ул руддин айрилдилар, руд суйига (сувига) ҳар ҳол бўлса, ариғлар суйига ҳам ул ҳолдур. Ул (дарё) чучук бўлса, булар (ундан айрилиб чиқувчи анҳор ва жилғалар) ҳам чучук. Ул (дарё) аччиқ бўлса, булар ҳам аччиғ. Ул (дарё) соғ бўлса, булар соғ.

Бас, подшоҳға ғоят ҳикмат ва эътидол ила (барча ишни меъёрида, ҳаддан оширмай ва камайтирмай) маош қилмоқ (ризқ ва мартаба улашмоқ) вожибдур, то хайл ва ҳашами (вазирлари, ҳокимлари, қариндош-уруғлари) анга мутобабат қилғайлар (доимо тобеликда бўлғайлар — М.М.).

*Шоҳ — дарё ва ҳалқ эрур — анҳор.
Иккисининг сувида бир маза бор.*

Навоий Арасту ҳакимнинг бу фикрини «Маҳбубул-қулуб» асарида янада ривожлантириб, бундай дейди:

«Кимки шоҳга хизматкор ва қарам бўлса, иши ва (одамларга) муносабати ҳам шоҳниги ўхшаш бўлади. Агар шоҳ адолатпарвар бўлса, вазирлари, аҳолисида ҳам адолатпешалик бор. Агар шоҳнинг одати ҳалққа зулм қилиш эса, эли ҳам зулмга мойилдир. Агар шоҳ иймон, эътиқодли бўлса, ҳалқ ҳам ислом динига амал қилувчидир. Агар шоҳ кофиртабиат бўлса, қўл остидаги тобеъларида ҳам худди шундай кофирлик феъли авж олади». Шундан сўнг Навоий Арасту ҳаким фикрини келтиради:

«Донишмандлар шоҳни улуг, сермавж дарёга, аҳолиси ва яқинларини эса, дарё атрофидаги анҳорларга ўхшатадилар» («Маҳбубул-қулуб», саҳ. 22.)

Арасту ҳакимнинг бу фикрини Навоий юксак баҳолашининг сабаби маълум — шоир ёшлик чоғларида беҳад гўзал орзулар билан, дўсти Султон Ҳусайн билан биргаликда донишмандлар даврасида адолатли тузум ўрнатиб, элни шод, юргни обод қилишига ишонган эди. Мутафаккир шоир бу орзусини қисман амалга оширди. Аммо кейинчалик, сulton Ҳусайн атрофидаги олчоқ, бахил, уришкоқ, баднафс амирлар ва ҳокимларнинг сўзларига учиб, салтанат у ёқда турсин. ўз оиласида, фарзандлари орасида ҳам тинчлик ва адолат ўрнатолмади. «Тожу тахтимга кўз олайтирди» деб, севимли набираси, келгусида адолатли ҳукмдор бўлиши кутилаётган етук инсон — Мўмин Мирзои қатл этди. Ҳалқ гарданига оғир солиқлар солиб, жабр-зулмни кучайтирди.

Бу ҳодисада биз Арасту фикрининг тескарисини ҳам кўрамиз. Яъни, дарёга келиб қўшилаётган ирмоқларнинг тиниқ ёки лойқа бўлиши дарё сувининг ҳам қандайлигини ҳал этади.

Алишер Навоий «Садди Искандарий» достонида улуг салтанат раҳбари Искандарнинг ўз устози Арасту билан суҳбатларини келтиради. Достоннинг XXII бобида қуйидағи шоҳ байтларни ўқиймиз:

*Яна шоҳ Арастуға қилди хитоб,
«Ки, эй дониш-оийнү ҳикмат-маоб!
Шаҳеким, эрур адлнинг жозими,
Не ишилар экан адлнинг лозими?»*

Яъни, шоҳ устози Арастудан «Адолатли подшоҳ бўлишга жазм қилган одам адолатни қарор топтириш учун не ишилар қилиши зарур?» деб сўради.

Арасту ҳаким жавоб берди:

*Деди: «Шаҳки, адл ўлса ойин (одат) анга,
Мусаххардурур дунёю дин анга...*

*Шаҳеким, анга адл бунёд ўлур,
Натижса буким, мулки обод ўлур.*

*Чу мулки ўлди ободу, ҳалқи ганий,
Яқиндурки, маъмур ўлур маҳзани...*

Яъни, агар подшоҳ адолатни бунёд этса, мулки — эл-юрти ҳам обод. ҳалқи ҳам бадавлат ва шод, хазинаси ҳам мўл-кўл бўлади. Давлат хазинаси адолатсиз ундирилган бойлик билан тўлганида эса подшоҳ, вазирлар ҳалқнинг қарғишига учрайди. Ҳалқ бой-бадавлат, фаровон ҳаёт кечирганида хазина тўлса, давлат ҳам бойийди, сипоҳ армиянинг ҳам куч-қудрати ортади. Ҳатто душман подшоҳларнинг ҳалқлари ва сипоҳлари ҳам адолатли подшоҳ қўл остига ўтишни орзу қиласидилар.

Навоий фикрича, агар шоҳ ҳалқнинг дилини ранжитар экан, ўз жонини дўзах ўтига тайёр қилган бўлади. Ҳалқа зулм қилган шоҳ ёки ҳоким аслида бу зулмлар ўзига қайтишини тушунмайди. Қуръон оятларида келганидек, «Улар фақат ўзларига зулм қилувчилардир». Навоий бундай одамлар ҳақида «Зулмкорликни ўзига мақсад қилиб олганлар эл кўнглига ёқмайдиган, номи бу дунёда ҳам (яхши маънода) тилга олинмайдиган бадном кишилардир, дейди. Бу тоифа шахслар, Навоий фикрича, бошқа оламдан ўзларига жой ахтариб ўтирамайдилар, чунки улар ҳеч қаерда тўхтамай,

түппа-түгри жаҳаннамга равона бўлмоқлари лозим. Қайси шоҳ адолатдан узоқлашса, ўз жонига жабр қиласди. Агар шоҳ ёки ҳоким адолат ҳунарини касб қилиб олса, унинг қўлидан фақат яхшилик келади».

Адолат булоғидан сув ичганлар бу табаррук булоқнинг кўзини очган раҳбарни доимо дуо қилиб, унга ҳамиша яхшилик, икки олам саодатини тилайдилар. Адолатпарвар инсон Навоий назарида абадий ҳаётда жаннат булоқларидан қониб сув ичади.

Арастунинг Искандарга яна бир насиҳати барча замонларда раъият, халқ билан подшоҳ, ҳокимлар ўртасида чиқадиган низоларнинг олдини олиш учун муҳим аҳамиятга моликдир. Навоий «Садди Искандарий»нинг 26-бобида ёзишича, подшоҳ Арастудан «ҳар қандай низоларни хирад — ақл, донолик рад этади, бирор ноёб жойда — йўл топилғаймуки, анда низолар келиб чиқмаса?» — деб сўрайди.

Арасту бу саволга шундай жавоб беради: «Ақл низоларни рад этиши тўғри, аммо баъзида ақл низони ҳам зарур, деб билади. Бирор (подшоҳ ёки вазир) нодилпазир — халқ кўнглига ёқмайдиган иш қиласди (солиқларни ҳаддан оширади ва ҳоказо). Бундан норози томон дарҳол низо чиқармай, ўз норозилигини одоб, маданият билан айтиши зарур».

Аммо подшоҳ, вазир шунда ҳам ўжарлик қилиб, халқ ман этган ишни тарқ этмаса, икки орада низо чиқиши табиийдур. Яхши одамларнинг подшоҳга насиҳати ҳам қаттиқ ва қўпол сўзлар билан эмас. мулойим оҳангда, аниқ қилиб айтилса яхши.

Форс адабиёти тарихида асрлар давомида ўқиладиган «Арастунинг Искандарга насиҳати» да анча қаттиқ гаплар ҳам учрайди. Аммо булар барчаси доно, фойдали насиҳатлардир.

Арастунинг бундай доно маслаҳатларига амал қилган Искандар адолат билан жаҳонни фатҳ этди. Бу — Навоий Искандари. Асл Искандар устози Арастунинг насиҳатларига ҳар доим амал қилганми?

Искандар ҳаётини ишончли манбаларга асосланиб тадқиқ этган австриялик атоқли тарихчи Фриц Шахермайер ўз китобида унинг подшоҳлик таҳтига ўтириши билан қилган

ишиларини муфассал ёритган. Тарихчининг ёзишича, Искандар отаси Филиппга суиқасд қилиб ўлдирган жиноятчини топиб, қатл этгач, бу ишга алоқадор ва алоқасиз жуда кўп одамларни «келгусида тахтга даъвогар бўлмасин» деб, битта қолмай ўлдириради. «Буларнинг авлодлари мендан ўч олишга уринади», деб, уларнинг катта-ю кичик барча фарзандларини ҳам бошини кестиради. Фақат отасининг сафдошлари — қўшилларда катта таъсир кучига эга бўлган Антипатр, Парменион ва бошқа саркардалар омон қоладилар. Улар кейинчалик Искандар учун жаҳон мамлакатларини забт этишда фаол қатнашадилар.

Ф.Шахермайер қадимиият тарихчиси Плутарх асарига суюниб ёзишича, подшоҳ Филипп ва ўғли Искандарни йўқотиш режасини тузган фитначилар бошида малика Олимпиада турган. У мана шу фитна амалга ошса, Македония тахтига ўз авлодларини қўймоқчи эди. Аммо Искандар подшоҳлик тахтига чиқиши билан ўгай онасига қарши ҳеч қандай чора кўролмаган. Аксинча, жуда кўп айбсиз зодагонлар ва саркардаларни ўлимга ҳукм этган. «Ҳар қалай подшоҳ Александр ўз ҳукмдорлигини одамларни ўлдириш ва жиноий жавобгарликка тортиш ишлари билая бошлади. — деб ёзади Ф.Шахермайер. — Унинг бундай шафқатсиз чоралар кўришини давлат зарурияти деб ҳам оқлаш мумкин эмас ... Бу шафқатсизликларни Александр жаҳл устида эмас, балки пухта ўйлаб амалга оширган».

«Қуръони карим»нинг (18) «Қаҳф» сурасида золим подшоҳдан қочиб, Форда 309 йил ухлаб қолган ўсмирлар қиссасидан сўнг Зулқарнайн қиссаси келади: «Дарҳақиқат, биз унга (Зулқарнайнга) бу Ерда салтанат, ҳукмронлик бердик ва (ният қилган) барча нарсасига йўл — имконият ато этдик. Бас, у (аввал Farbga қараб) йўл олди. То кун ботадиган жойга етгач, у (Қуёшнинг) бир лойқа булоққа ботаётганини кўрди ва у булоқ олдида бир қавмни учратди. (Бу кофир қавмлар янгилиш эътиқод билан булоқдаги қуёш аксига сажда қилаётган бўлса керак). Биз: «Эй, Зулқарнайн, ё (уларни) азобга дучор қилурсан ёки уларга яхши муомалада бўлурсан», дедик. У айтди: «Золим бўлган кимсани, албатта, азоблаймиз. Сўнгра, парвардигорига қайтарилгач, у зот уни яна

даҳшатли азоб билан азоблар. Энди, иймон келтириб, яхши амаллар қилган зотга келсак, унинг учун гўзал оқибат — жаннат мукофот бўлур...» (18-83-88). Шундан сўнг, Қуръон оятларида хабар берилишича, Зулқарнайн ҳалқнинг илтимоси билан Яъжуж ва Маъжужга қарши улкан девор қуриб беради. Алишер Навоий Қуръонни ва унинг тафсирларини жуда яхши билган, шунинг учун ўз достонини ҳам «Искандар девори» деб атаган.

Қуръонда «Зулқарнайн» сўзи бору, «Искандар» сўзи йўқ, бундан ташқари, Қуръонда Зулқарнайн пайғамбар эканлиги ҳақида ҳам сўз йўқ. У фақат Оллоҳ фармонига итоат этгувчи, даҳрийларни жазоловчи подшоҳ сифатида кўрсатилган. Шу сабабли Рабгузий ва бошқаларнинг тафсирларида ҳам Луқмон билан Зулқарнайн пайғамбарлигига ихтилофлар борлиги айтилади.

Хуллас, тарихдаги Искандарни буюк Низомий ўз «Хамса»сида Қуръондаги пайғамбар деб баҳоласа-да, биз бу шахслар бошқа-бошқадир, деб ўйлаймиз.

*Маҳкам Маҳмуд Андижоний,
Мирзо Улугбек номидаги Ўзбекистон
Миллий университети, фалсафа
куллиётининг мударриси*

САНЬАТ ВА АДАБ НАЗАРИЯСИННИГ ИЛК ДУРДОНАЛАРИ

Арастунинг «Поэтика» (Нафис санъатлар ҳақида) китоби жаҳонда юзага келган энг биринчи адабиёт назариясидир. Бу асар ўз давригача шу соҳада қилинган ишларнинг энг мукаммали ҳисобланади. Арасту барча санъат турлари ни поэзия деб атаган; поэзиянинг драма, эпос, лирика каби турлари ва уларнинг кўринишларини тушунтирган. Унингча, поэзия асосида ҳаёт туради; шоир бўлиб ўтган, бўлаётган ва бўлиши мумкин бўлган ҳодисаларни акс эттиради. Шоир ҳодисаларнинг ўхшашини ижод этади ёки ҳодисаларни қайтадан гавдалантиради. Арасту поэтик санъатнинг ижтимоий-маърифий моҳиятини тўғри англади. У поэзия санъатининг эстетик-эмоционал кучини қадрлади.

Эстетик қарашлар кейинчалик мислсиз ўсди. Шунинг учун Арасту «Поэтика»сидан адабиётшуносликка оид бўлган ҳозирги замон қарашларининг ҳаммасини ҳам қидиравериш тўғри эмас.

Ҳозир турли жанрларда ёзилган асарларнинг ўзига хос ҳусусиятларини ҳам, тузилишини ҳам, тор маънода, «Поэтика» деб аталмоқда. Аслида поэтика адабиёт назарияси дарслекларининг бир қисми, боби ёки масаласи эмас. Ҳозир «Поэтика» сўзи ўрнига «адабиёт назарияси» термини қўлланилаёттир, поэтика, кенг маънода, нафис санъатлар назарияси демакдир.

«Поэтика» IX асрда сурёний тилига, 930-йилга яқин сурёний тилидан араб тилига таржима қилинган эди.

Абу Наср Мұхаммад ал-Форобий (873-950) Арасту «Поэтика»си таъсирида «Шоирлар санъати қонунлари ҳақида рисола» асарини ёзди. Бундан ташқари, Форобийнинг «Поэтика»га ёзган шарҳлари ҳам уни тушунишда қимматли аҳамиятта эга.


Арасту «Поэтика»си XII асрда Ибн Рушд (Аверроэс) томонидан араб тилида баён қилинган эди. Айрим таниқли форс-тожик ва ўзбек классик шоирлари ал-Форобий рисолоси билан, шунингдек, Арасту «Поэтика»сининг арабча таржимаси билан таниш бўлишлари мумкин. Буни Алишер

Навоийнинг «Хамса» ва бошқа асарларидаги поэтика, қофия, шеърий нутқнинг оҳангдорлиги, таъсир кучи, ўлчовдорлигига доир бўлган мулоҳазаларидан ҳам сезса бўлади. «Поэтика»ни 1256 йилда Ибн Рушд баёнидаги арабча таржимадан Г. Аллеман лотин тилига, 1508 йилда венециялик Г. Валла юонончадан лотин тилига таржима қилиб, нашр этилар. Арастунинг «Поэтика» асарини рус тилига турли вақтларда В.К. Тредиаковский, С.П. Шевырев, Б.И. Ординский, В.Г. Аппельрот, М.Л. Гаспаров ва бошқалар таржима қилганлар.

«Поэтика»нинг рус тилидаги намуналари ичida В.Г. Аппельротнинг 1893 йили қилган таржимаси ўз аниқлиги билан машҳурдир. Москвадаги ГИХЛ нашриёти 1957 йили бу таржимани эълон қилди. 1978 йилда Москвадаги «Наука» нашриёти томонидан асар М.Л. Гаспаров таржимасида қайта нашр этилди. Антик дунёнинг буюк олимни Арастунинг эрамизгача 336-332 йилларда ёзган бу ажойиб китоби В.Г. Аппельрот ҳамда М.Л. Гаспаров таржималари асосида рус тилидан ўзбек тилига таржима қилинди. Изоҳларни Ф.А. Петровский, Т.А. Миллер, М.Л. Гаспаров, М.М. Маҳмудов, У.Тўйчиевлар тузган. Оддий қавслар текст мазмунига тегишли, бурчакли қавслар илгари «Поэтика» текстидан тушиб қолган деб тахмин қилинган тўлдиришларни ўз ичига олади, квадрат қавслар русча таржиманинг равшан бўлиши учун таржимон томонидан киритилган сўзларни англатади. Қадимги юонончадан рус тилига қилинган кейинги таржима муаллифи М.Л. Гаспаров асарнинг тушунилишини осонлаштириш мақсадида бўлимлар ва бобларга шартли ном қўйган. Ўзбекча таржима муаллифлари ҳам ана шу номлардан фойдаланишган.

Арастунинг Шарқ мутафаккирлари, хусусан Форобий ижодига таъсири ҳақида қимматли маълумотлар берган устоз шарқшунос Абдусодик Ирисовни миннатдорчилик билан эслаймиз. Асарнинг I-XVII бобларини Маҳкам Маҳмудов, XVIII-XXVI бобларини Уммат Тўйчиев таржима қилиган.

Нажмиiddин КОМИЛОВ,
филология фанлари доктори



ПОЭТИКА

(Нафис санъатлар ҳақида)



I. АСАР МАЗМУНИ

Биз умуман, поэтик санъат тўғрисида, шунингдек, унинг алоҳида кўринишлари ва улардан ҳар бирининг имкониятлари, поэтик асарнинг яхши чиқиши учун фабула қандай тартибда тузилиши зарурлиги тўғрисида сўзлаймиз.¹ Бундан ташқари, асарнинг нечта ва қандай қисмлардан иборат бўлиши, шу билан бирга, бу тадқиқотга тегишли бўлган ҳамма бошқа масалаларга тўхталиб ўтамиз. Табийики, ўз сўзимизни бошланғич масаладан бошлаймиз.

Поэзия ўхшатиш санъати

Эпос ва трагедия, шунингдек, комедия ва дифирамба ижод этиш, авлетика ва кифаристиканинг катта қисми — бу ҳаммаси, умуман айтганда, ўхшатиш (мимесис) санъатидан ўзга нарса эмас; улар ўзаро уч жиҳатдан: (1) тасвирлашнинг турли воситалари билан; (2) НИМА тасвирланаётгани билан; (3) ранг-баранг, ўхшатиш усувлари билан фарқланади.

Тасвирлашнинг турли воситалари

Баъзи кишилар маҳорат, баъзилар малака сабабли, яна баъзилар туфма истеъдодлари туфайли бўёқлар ва шакллар ёрдамида кўп нарсаларнинг тасвирини — ўхшашини тасвирлайдилар. Ҳозиргина эслаб ўтилган санъатларнинг ҳаммасида ҳам алоҳида ё ритм, ё сўз ва ёхуд гармония ёрдамида, ёки шуларнинг ҳаммаси уйғунлигига тасвирлайдилар. Авлетика ва кифаристика ҳамда мусиқа санъатининг бошқа хиллари фақат гармония ва ритмдан фойдаланади. Масалан, сурнай чалиш санъати, рақс санъатида хусусан гармониясиз, ритм ёрдами билан ўхшатадилар, чунки улар айни ифодали ритмик ҳаракатлар орқали характерлар, эҳтирослар ва воқеаларни қайта гавдалантирадилар. Бироқ вазнли сўз ёрдамида, шунингдек, бир неча вазнни аралаштириб ё

улардан биронтасини қўллаш йўли билан юзага келувчи, ёхуд яланғоч (вазнсиз) сўз воситасида тасвирилаш санъати ҳозиргача (таърифланмай) қолаётир. Бирор триметр, элекик ёки бошқа шунга монанд шеър турлари ёрдамида тасвирилади. Шундай экан, биз Софон ва Ксенарх мимлари га ҳам, Суқротона суҳбатларга ҳам умумий ном бера олмаймиз. Фақат «ижод» тушунчасини вазн билан боғловчи кишиларгина ҳаётни қайта гавдалантириш моҳияти туфайли эмас, умуман, вазн туфайли (уларнинг ҳаммасини) шоирлар деб улуғлаб, баъзи бирларини элегиклар, бошқаларини эпиклар деб атайдилар. Мабодо, медицина ёки физикага оид қандайдир рисолани вазнга туширган ҳолда нашр этсалар муаллифни одатда шоир деб атайдилар. Бу ўринда Ҳомер ва Эмпедокл² билан вазндаги яқинликдан бошқа ҳеч қандай умумийлик йўқ, шу боисдан ҳар иккисини шоир дейишидан кўра, биринчисини шоир, иккинчисини табиатшунос деб аташ адолатлидир. Шу билан баробар, Ҳеремон «Кентавр»да барча вазнларни аралаш ҳолда қўллаб, рапсодияларни барча ритмик ўлчовлардан яратгани сингари кимдир ҳамма вазнларни қўшган ҳолда ишлатиб, асар ёзиб чиқарса, (уни) ҳам шоир деб аташга тўғри келади. Бу масала хусусида шу айтилганлар етарли бўлар.

Бироқ баъзи бир санъатлар борки, улар ҳамма айтилганлардан, яъни ритм, оҳанг ва вазндан фойдаланади, масалан, дифирамбик поэзия, комлар, трагедия ва комедия шулар жумласидандир. Булар шу билан фарқланадики, уларнинг баъзилари мазкур воситалардан бирданига, бошқалари эса айрим қисмларидангина фойдаланади, холос. Мен санъатлар ўртасидаги тасвирилаш воситаларига тааллуқли бўлган фарқларни шундай тушунаман.

II. ТАСВИРЛАНМИШ ҲАЁТНИНГ ХИЛМА-ХИЛЛИГИ

Санъаткорлар муайян шахсларни тасвириладилар, улар эса яхши ёки ёмон бўлиши мумкин. (Негаки, шахсларнинг қандайлиги шу билан белгиланади, зоро, ҳамма одамлар характерларидағи иллатлари ёки фазилатлари жиҳатидан фа-

рқланадилар). Улар биздан яхшироқ ёки биздан ёмонроқ, ёки ҳатто биздек бўладилар. (Худди рассомлардагидек. Полигнот, масалан, энг яхши одамларни, Павсон — ёмонларни, Дионисий эса бизга ўхшаш кишиларни тасвирлайди.) Чамаси, юқорида айтилган тасвирий усулларнинг ҳар бири ҳам ана шундай тафовутларга эга бўлади. Демак, хилма-хил предметларнинг тасвири ҳам ҳар хил бўлади. Чунки шунга ўхшаш фарқланувчи хусусиятлар рақсда ҳам, авлетикада, сурнай, кифара чалишда, наср ва оддий шеърда ҳам бўлиши мумкин. Ҳомер — энг яхшиларни. Клеофонт — оддий одамларни кўрсатади. Пародияларнинг биринчи ижодчиси фасослик Гегемон ёки «Делиада»нинг автори Никохар ёмон одамларни гавдалантирган. Худди шу хусусият дифирамблар ва комларга ҳам оидdir. Аргант ёки Тимофеј ва Филоксен «Киклоплар»да қандай қаҳрамонларни яратган бўлса, дифирамба ва комларда ҳам шундайларни яратиш мумкин. Трагедия ва комедия орасида ҳам худди шундай тафовут мавжуд: комедия ҳозирги вақтда яшаётганлардан кўра ёмонроқ, трагедия эса, яхшироқ кишиларни тасвир этишга интилади.

III. ТАСВИРЛАШНИНГ ТУРЛИ УСУЛЛАРИ

Бу соҳада асарлар яна тасвирлаш усуллари жиҳатидан ҳам бир-биридан фарқланади. Зотан бир хил нарсани бир хил восита билан тасвирлаган ҳолда ё автор воқеаларга аралашмай ҳикоя қилиши, ёки ўзини худди Ҳомердай тутиши мумкин. Ёки бутун ҳикоя давомида автор ўзлигича қолиши, ёхуд барча акс эттириувчи шахсларни гавдалантириши мумкин.

Нима билан (қайси жанрда), нимани ва қандай акс эттириш усулидаги уч хил тафовут ана шулардан иборат.

Шундай қилиб, Софокл акс эттиришда бир жиҳатдан Ҳомерга ўхшаш бўлса (чунки уларнинг ҳар иккиси ҳам яхши одамларни тасвирлайди), бошқа жиҳатдан эса Аристофанга яқин, зоро, уларнинг иккови ҳам одамларни ҳаракатда, шу билан бирга, драматик ҳаракатда кўрсатади. Шунинг

учун ҳам баъзилар драманинг ўзи ҳам ҳаракат, чунки у ҳаракат қилувчи шахсларни акс эттиради дейишади. Шу сабабга кўра доридаликлар трагедия ва комедияни ўzlарида келиб чиққанлиги ҳақидаги даъволарини баён қилмоқдалар; мегараликлар, хусусан, тубжой кишилар сифатида комедиянинг гўё уларда демократия ўрнатилган вақтда келиб чиққанлигини даъво қилишмоқда, сицилияликлар ҳам Хионид ва Магнетдан хийла олдинроқ яшаган шоир Эпихарм ўзларидан бўлгани учун шундай даъво билан чиқмоқдалар. Пелопоннеслик дорийлар ҳам трагедияга оид даъволарини айтмоқдалар. Улар буни атамалар билан исбот қилишга уринмоқдалар. Уларнинг сўзларига қараганда комедия сўзи шаҳар атрофидаги қишлоқлар — комлар (афиналиклар демлар дегандай) сўзидан келиб чиққан; зеро, қизиқчилар — комедиантлар сўзи *комадзейн* (базм қилмоқ) феълидан эмас, балки шаҳарликлар томонидан қадр-қиммат қилинмаганларнинг комлар (қишлоқлар) бўйлаб дарбадар кезишидан келиб чиққан;⁹ шунингдек, «ҳаракат қилмоқ» тушунчаси ҳам уларда *дрен*, афиналикларда эса *праттейн* сўзи билан ифодаланади. Шундай қилиб, акс эттиришдаги тафовутлар қанча ва қандай бўлиши тўғрисида етарли сўзланди.

IV. ПОЭЗИЯНИНГ ТАБИИЙ ПАЙДО БЎЛИШИ

Поэтик санъатнинг келиб чиқишига очиқ-оидин иккита сабаб бўлиб, иккаласи ҳам табиийдир. Биринчидан, тақлид, ўхшатиш инсонга болаликдан хос бўлган хусусият. Инсон бошқа жонли мавжудотлардан ўхшатиш қобилиятига эга эканлиги билан ҳам фарқланади, ҳатто дастлабки билимларни у ўхшатишдан олади ва бу жараён самаралари барчага ҳузур бағишлийди. Буни қуйидаги далил ҳам исботлайди: биз ҳақиқатда ёқимсиз кўринган нарсаларга, масалан, жирканч жонивор ва мурдалар тасвирига завқ билан боқамиз. Бунинг сабаби шундаки, билим олиш фақат файласуфларгагина эмас, балки бошқа кишиларга ҳам жуда ёқади, фарқ шундаки, оддий одамлар билиш учун томоша қилмайдилар. Улар тасвирга завқланиб қарайдилар, чунки унга боқиб

«манави нарса бундай экан», деб мулоҳаза юритишни ўрганидилар. Агар ўхшаши тасвиirlанган нарсани аввал кўрмаган бўлса, ўхшатишдан эмас, балки бичим, бўёқ ёки шунга ўхшаш бошқа бир нарсадан завқ туядилар.

Зероки, ўхшатиш гармония ва ритм сингари қадимданоқ одамларнинг табиатига хос хусусиятдир¹⁰ (вазнлар — ритмнинг маҳсус тури эканлиги сир эмас), одамлар қадимданоқ табиатан ўхшатишга қобилиятлидирларки, улар буни озодзан тараққий эттира бориб, бадиҳа шеърлар (импровизация)дан ҳақиқий поэзияни юзага келтирғанлар.

Поэзиянинг тараққиёти ва бўлинниши

Поэзия шоирларнинг шахсий характеристига мувофиқ икки турга бўлинади: чунончи, жиддийроқ шоирлар гўзал қилиқлар ва унга монанд кишиларни тасвир этадилар. Худди олдингилари гимн ва мадҳ қўшиқлар яратганидек, кейингилари дастлаб ҳажвий қўшиқлар тўқийдилар. Шоирлар Ҳомергача ҳам кўп бўлган бўлса-да, биз Ҳомернинг «Маргит»и ва шу хилдаги асарларига монанд бирон асарни таъкидлай олмаймиз. Мана шу шеърларда энг қулай ямб ўлчови пайдо бўлдики, у ҳозиргача ямбик (истеҳзоли) вазн, деб аталади, чунки унинг воситасида кишилар бир-бирларига истеҳзо қилганлар. Натижада, қадимги шоирларнинг баъзилари қаҳрамонлик вазни ва баъзилари ямбларнинг ижодкорлари бўлиб қолдилар.

Ҳомер поэзиянинг мураккаб турида ҳам шу қадар буюк эдики, у мукаммал шеър ижод қилибгина қолмай, балки драматик тасвиirlарни ҳам яратса олди.¹¹ У масхаралашта эмас, кулгили нарсага драматик пардоз бериб, биринчи марта комедиянинг асосий шаклларини ҳам бунёд қилди, бинобарин, «Илиада» ва «Одиссея» трагедияга қанчалик тааллуқли бўлса, унинг «Маргит»и комедияга шунчалик монандир. Трагедия ва комедиялар вужудга келганида эса, табиатан поэзиянинг шу турларига мойил бўлган ямбчилар энди комик шоирлар, эпиклар эса трагиклар бўлиб қолдилар, чунки мазкур шакллар аввалгиларига нисбатан аҳамиятлироқ ва муносиброқ эди.

Трагедиянинг камолоти

Трагедия ўзининг ҳамма кўринишларида, ўз ҳолиша ва театр томошаси сифатида етарли тараққиётга эришдими¹² ёки йўқми, ҳозир бу ҳақда тўхтаб ўтиришнинг ўрни эмас. Илк пайтларда бадиҳагўйлик (импровизация) йўли билан — дифирамбани бошлаб бериш ва ҳозир ҳам кўп шаҳарларда яна қўлланилаётган фалл қўшиқларни бошлаб беришдан келиб чиққан трагедия ва комедия хос хусусиятларини аста-секин ривожлантириш йўли билан бир оз ўсади. Хуллас трагедия кўп ўзгаришларни кечиргач, ўзига хос табий хусусиятларини кашф этган ҳолда етилиб қолди. Актёрлар иштироки масаласига келганда, Эсхил битта актёр ўрнига иккита киритди, хор қисмини озайтирди ва диалогни биринчи ўринга қўйди, Софокл эса актёрларни уттага етказди ва декорациялар киритди. Камолот масаласига келганда шуни айтиш керакки, кичик афсоналар ва кулгили ифода усулидан бошланиб, сатирик томошалар йўлини босиб ўтган трагедия аллақачон ўзининг улуғворлик босқичига эришди; унинг вазни ҳам (трохаик) тетраметрдан ямбга айланди (дастлаб тетраметрдан фойдаланилган вақтларда, поэзия асарлари сатирик руҳда ва кўпроқ рақста мойил эди, диалог тез ривожлангандан сўнг эса, бу хусусият унга мувофиқ келувчи вазнни кашф этди, чунки ямб ҳамма вазнлар ичida жонли сўзлашув тилига энг яқин бўлиб қолди. Биз бир-биrimiz билан қилган сухбатда жуда кўп вақт ямб билан сўзлашишимиз бунинг исботидир, гекзаметр эса баъзан нутқ уйғулиги бузилгандагина жуда сийрак учрайдиган ҳодисадир). Ниҳоят, қўшимча қисмларнинг кўплиги ва трагедияга зарур бўлган бошқа маҳсус безаклар ҳақида, биз юқорида айтилганлар билан чекланамиз, чунки ҳаммасини батафсил тушунтириш ҳаддан ташқари мушкулдир.

V. КОМЕДИЯНИНГ МОҲИЯТИ ВА ТАКОМИЛЛАШУВИ

Комедия эса таъкидлаганимиздек, ёмон кишиларни бутунлай бадном қилиш маъносида бўлмаса-да, гавдалантиришдир, зеро, кулгили ҳолат хунуқликнинг бир қисми холос. Аслида, кулгили нарса — бу ҳеч кимнинг дилини оғритмайдиган ва ҳеч кимга зарар келтирмайдиган баъзи бир нуқсон ва мажруҳликдир.¹⁴ Мисол излаб узоқча бормаслик учун шуни айтиш керакки, кулгили ниқоб азоб (ифодаси) сиз, хунуқлик ва айниганликни тасвирлашдир.

Шундай қилиб, трагедия соҳасидаги ўзгаришлар ва уларнинг айборлари бизга аён, комедиядаги ўзгаришлар эса бизга номаълум, чунки унга бошданоқ эътибор бермаганлар; ҳатто комиклар учун хорни эндиғина архонт театри нисбатан кечикиб бера бошлади, дастлаб у ҳаваскорлардан ташкил топган эди.¹⁵ У муайян шаклга эга бўлгандан кейин эса, унинг ижодкорларининг номлари эслана бошланди. Аммо ниқобни, прологни ким киритган, актёрлар миқдорини ким орттирган ва бошқа қатор масалалар номаълум бўлиб қолмоқда. Кулгили ривоятларни Эпихарм ва Формий ёза бошладилар. Бу кашфиёт даставвал Грецияга Сицилиядан ўтди, бироқ Афина комикларидан Кратет биринчи бўлиб ямб билан шеър ёзишни ташлаб, нутқ (диалог) ва умумий руҳдаги ривоятларни яратса бошлади.¹⁶

Трагедиянинг эпосдан фарқи

Эпопея муҳим воқеалар (шахслар ва хатти-ҳаракатлар)-ни акс эттиришга интилиб, дабдабали вазндан ташқари барча соҳаларда трагедияга эргашди. Эпопея трагедиядан вазннинг бир хиллиги ва баён услуби билан, шунингдек, ҳажми билан фарқланар эди. Зеро, трагедия иложи борича бир кунлиқ (ёки ундан сал ошиқроқ) вақт доирасига жойлашишга интилади, эпопея эса вақт жиҳатдан чекланмаган, асосий фарқ мана шунда; дарвоқе, дастлаб бу хусусият трагедия ва эпосларда бир хил эди. Трагедиянинг баъзи қисмлари эпопеяга муштарак, баъзи қисмлари эса фақат ўзига хос хусусиятларга эга. Шунинг учун яхши билан ёмон трагедияни

фарқлай оладиган кимса эпосларнинг яхши-ёмонини ҳам ажрата олади. Чунки эпопеяда нима бўлса, у трагедияда ҳам мавжуд, аммо трагедияда нима бўлса, ҳаммаси ҳам эпопеяда мавжуд бўлавермайди.

VI. ТРАГЕДИЯ. УНИНГ МОҲИЯТИ

Гексаметрларда тасвиrlаш санъати ва комедия ҳақида кейинроқ тўхталамиз. Ҳозир эса юқорида айтилганлардан муайян моҳияти англашилувчи трагедия ҳақида мулоҳазалар юритамиз. (Мана бу таъриф:) *Трагедия муайян ҳажмили, турли қисмлари турлича сайқалланган тил ёрдамида, баён воситасида эмас, балки хатти-ҳаракат орқали кўрсатила-диган ва изтироб билан инсон руҳини покловчи муҳум ва ту-гал воқеа тасвиридир.*

«Сайқалланган тил» деганда мен ритм, гармония ва мусиқийликка эга бўлган тилни назарда тутаман. «Турли қисмлари турлича сайқалланган» деганда эса, баъзи қисмлари фақат вазн билан, бошқа қисмлари ҳам вазн, ҳам мусиқийлик билан безалган нутқ англашилади.

Трагедия. Унинг унсурлари

Тасвиrlаш ҳаракат орқали ифодалангани учун зарурийлик нуқтаи назаридан трагедиянинг биринчи унсури (ёки қисми) манзара, кўриниш орасталиги бўлади, ундан кейин иккинчиси музика қисми ва учинчиси тилдир. Фақат ана шу воситалар орқалигина акс эттириш содир бўлади. Тил деганда мен асарнинг вазн қурилишини кўзда тутаман. Мусиқа қисми нимани англатиши эса изоҳсиз ҳам равшандир.

Шундай қилиб, трагедия қилмиш тасвири бўлиб, у эса муайян характер ва фикрлаш тарзига эга бўлган қаҳрамонлар томонидан амалга оширилади. (Худди шунга мувофиқ биз уларни қандайдир қилмишлар деб атаемиз). Табиийки, бундан хатти-ҳаракатнинг икки сабаби — характер (трагедиянинг тўртинчи унсури) ва фикр — фоя (бешинчи унсури)

келиб чиқади. Ана шу фикр ва характерга мувофиқ фаол шахслар муваффақиятга ёки муваффақиятсизликка учрайди.

Құлмиш тасвирининг ўзи эса (олтинчи унсур) фабула¹⁷ — воқеадир. Аслида ривоят (мифос) деб мен воқеалар оқимиини, характер деб эса, биз ундай ёки бундай (феъл-атворни) деб атайдиган иштирок этувчи шахсларни назарда тутаман. Фикр (ғоя) деганда иштирок этувчиларнинг ниманидир исбот қилишлари ёки ўзига хос мудоҳаза (ҳукм)лари англышлади.

Шундай қилиб, ҳар қандай трагедияда олти унсур мавжуд бўлиши керак. Шунга мувофиқ трагедия ундай ёки бундай бўлади. Булар — фабула, характерлар. тил, фикр — ғоя, томоша ва музика қисмлари. Бу қисмлардан иккитаси (тил ва музика) тасвиrlаш воситаларига, биттаси (томуша) — тасвиrlаш усулига, учтаси (ривоят, характерлар, ғоя) тасвиrlаш мазмунига киради.

Фабула ва унинг муҳимлиги

Бироқ бу қисмлардан энг муҳими — воқеалар оқимиидир. Чунки аслида трагедия, кишиларни тасвиrlаш эмас, балки ҳаракат ва ҳаёт, баҳтлилик ва баҳтсизликни тасвиrlашдир, баҳт ва баҳтсизлик эса, доимо инсон (характери) ва құлмишидан бўлади.¹⁸ Трагедияда акс эттиришнинг мақсади ҳам қандайдир фазилатни эмас, бирор воқеани талқин этишдир. Характер кишиларга фазилат баҳш этади, фақат бирор воқеа оқибатидагина улар баҳтли ва баҳтсиз бўлишлари мумкин. Трагедияда ҳаракат фақат характерларни тасвиrlаш учунгина амалга оширилмайди, улар (характерлар) хатти-ҳаракат орқали кўрсатилади холос. Шундай қилиб, трагедиянинг асосий мақсадини фабула, воқеа ташкил этади, мақсад эса ҳаммасидан муҳимдир. Бундан ташқари, трагедия воқеасиз яшай олмайди, характерларсиз эса яшай олиши мумкин. Масалан, янги трагедияларнинг кўпчилигига характерлар тасвиrlанмайди.¹⁹ Умуман рассомлардан Зевксид ва Полигнот бир-биридан қандай тафовут қилса, кўпчилик шоирлар ҳам ўзаро шундай фарқланадилар. Полигнот

ҳақиқатан ҳам характерларни аъло даражада чизгувчи эди.²⁰ Зевксид асарларида эса характерлар мутлақ учрамайди.

Сүнгра, кимки атайлаб кўплаб характерли, ўзгача иборалар, ажойиб ифода ва фикрларни қалаштириб ташласа, у трагедия олдига қўйиладиган вазифани бажара олмайди, аммо шулардан оз даражада фойдаланган, бироқ ривоят ва воқеалар оқимига эга бўлган трагедия ўз вазифасини нисбатан яхшироқ амалга оширади. Трагедиянинг руҳни мафтун этувчи қисмлари — перипетиялар, яъни бурилиш нуқталари ва ривоят-воқеа қисмларидадир. Яна бир далил. Трагедия ёзмоқчи бўлган ижодкор энг аввало тил, нутқ ва характерларда муваффақият қозониши мумкин (воқеада эса — кейин). Қадимги шоирларнинг деярли барчаси шундай.²¹

Шундай қилиб, трагедиянинг бошланиши, унинг қалби воқеа бўлиб, характерлар эса иккинчи ўринда келади. Раскомлиқда ҳам худди шунга ўхшаш ҳолни кўрамиз. Кимdir энг яхши бўёқларни чаплаштириб ташлагани билан кишига оддий суратчалик завқ бера олмайди. Бунинг устига трагедиянинг инсон қалбини мусаффолантиришига қараганда ҳам энг зарури воқеа қисмининг моҳияти — кутилмаган ҳолатлар ва сирнинг очилишидир.

Трагедиянинг учинчи қисми фикр теранлигидир. Бу сиёсат ва нотиқлик санъатидаги каби, ишнинг моҳияти ва шароитларига тааллуқли бўлган нарсани сўзлай олиш маҳоратидир. Қадимги шоирларда шахслар сиёсатдонлардек гапирса, ҳозиргиларда эса нотиқлар сифатида тасаввур қилинади.²² Инсон майлиниң нимададир намоён бўлиши, кимнинг ниманидир афзал деб ҳисоблаши ё ниманидир ёқтиргмагани — характердир; ёки гапирудчининг нимани маъқуллаши, ёки ёқтиргмагани аниқ ифодаланмаган нутқда характер гавдаланмайди. Фоя эса ниманингдир борлиги ёки йўқлигини исботлаш, ёхуд умуман ниманингдир ифодаланишидир. Сўз билан ифодалашнинг тўртинчи қисми нутқ, яъни сўз воситасида мулоҳаза юритишдир. Бу, юқорида айтилганидек, вазнагина эмас, насрой нутқда ҳам бир хил аҳамиятга эга бўлган сўз орқали тушунтиришдир. Қолган бешинчи, музикали қисм безакларнинг асосийсидир. Саҳнаниң жиҳозланishi — декорация эса қалбга таъсир этса ҳам, бироқ у по-

эзия санъатидан мутлақ ташқаридан туради ва поэзияга камроқ тааллуқлидир, чунки трагедиянинг кучи декарациясиз ҳам, актёр (ўрни безалмаса) ҳам сезилади. Бунинг устига яна²³ саҳнани безашда шоирларга қараганда декоратор санъати кўпроқ аҳамиятга моликдир.

VII. ТРАГЕДИЯНИНГ ЯХЛИТЛИГИ

Бу хусусиятларни эътироф этгач, воқеаларнинг уйғунлашуви қандай бўлиши керак, деган масалага тўхтalamиз, чунки бу трагедияда биринчи ва энг зарурий қисмдир. Трагедия муайян ҳажмга эга бўлган, тугал ва бир²⁴ бутун воқеанинг тасвири эканлигини эътироф этдик. Чунки (руҳиятда) ҳажмсиз яхлитлик ҳам бўлади. Яхлит нарса ибтидоси, ўртаси ва интиҳоси бўлган нарсадир. Ибтидо бошқа нарсанинг кетидан келиши зарур бўлмаган, аксинча, табиат қонунига кўра, орқасидан нимадир келувчи ёхуд содир бўлувчи нарсадир; аксинча, интиҳо зарурият туфайли ёхуд одатга кўра, албатта, бошқа нарса кетидан келувчи нарсадир; ундан кейин эса ҳеч нарса бўлмайди; ўрта эса ўзи бошқа нарсанинг кетидан келувчи ва унинг кетидан ҳам бошқа нарсанинг келишига асосланган. Шундай қилиб, яхши тузилган ривоятлар дуч келган жойдан бошланиб, яна дуч келган жойда тугамаслиги, балки кўрсатилган қоидалар асосида бўлиши лозим.

Трагедия ҳажми

Сўнгра, муайян бўлаклардан таркиб топган, тартибли ва айни чоғда ҳар қандай ҳажмга эмас, балки муайян ҳажмга эга бўлган мавжудот, ҳар қандай нарса гўзалдир; гўзаллик ҳажм ва тартибдан келиб чиқади, ҳаддан ташқари кичкина бўлган мавжудот гўзал эмас, чунки сезилар-сезилмас оз вақт ичиди қаралганда унинг барча хусусиятлари аралашиб кетади. Ҳаддан ташқари катта нарса ҳам гўзал эмас, масалан, ўн минг стадияли нарсани бир нигоҳда қамраб олиш мумкин эмас; кўрувчилар учун нарсанинг бутунлиги ва яхлит-

лиги йўқолади. Шундай қилиб, жонли ва жонсиз гўзал нарсалар бир қарашда сезиб олинадиган ҳажмга эга бўлиши керак, бас, шундай экан, ривоятлар ҳам осон эсда қоладиган ҳажмга эга бўлиши лозим. Ривоятнинг узунлигини тетарп мусобақаси ва (томошабинларнинг) ҳиссий идрок этиши нуқтаи назаридан таърифлаш поэзия санъатининг иши эмас. Агар ўзишувда юзта трагедия кўрсатиш лозим топилган бўлса, сув вақти асосида мусобақалашган бўлур эдилар, илгарилари ҳақиқатан ҳам шундай бўлган дейишади. Ҳажм асарнинг моҳиятидан келиб чиқади. Ҳар доим яхшироқ тушиниладиган нарса ҳажман ҳам гўзалроқ бўлади. Шу тариқа оддий таъриф берсак, шундай ҳажм қониқарлики, унинг ичидаги воқеалар ҳам эҳтимолият, ҳам заруриятга кўра тўхтовсиз давом этади, баҳтсизликдан баҳтга ёки баҳтдан баҳтсизликка томон кескин ўзгариш бўлиб туради, деб айта оламиз.

VIII. ВОҚЕА БИРЛИГИ

Ривоят, баъзилар ўйлаганидек, битта қаҳрамон атрофида айлансанагина бир бутун бўлавермайди: чунки бир (шахс) билан алоқадор бўлган чексиз, сон-саноқсиз ҳодисалар юз бериши, ҳатто, уларнинг баъзилари ҳеч қандай бутунликка эга бўлмаслиги мумкин. Бир шахс хатти-ҳаракати ҳам худди шундай кўп миқдорлидир, улардан ҳеч қандай ягона воқеа яратиб бўлмайди.²⁷ Шунинг учун «Ҳераклеида», «Фесеида» ва шунга ўхшаш поэмаларни ёзган шоирлар янгишаётганга ўхшайди.²⁸ Улар Ҳеракл битта эди, (у ҳақда) ривоят ҳам битта бўлиши даркор, деб ўйлашмоқда. Ҳомер, (ўзга шоирлардан бошқа барча соҳаларда фарқланганидай) чамаси, бадиий маҳорати ёки табиий истеъдоди туфайли бу масалага ҳам тўғри қараган.²⁹ У «Одиссея»ни ижод этганида, қаҳрамон нималарни бошидан кечирган бўлса, ҳаммасини, масалан, у Парнасда қандай ярадор бўлганини, урушга ёрдам тўплаш вақтида қандай қилиб ўзини жинниликка солганигини кўрсатмади, чунки бу воқеалардан бирининг орқасидан бошқаси рўй бериши учун ҳеч қандай зарурат (ёки) эҳти-

моллик йўқ эди; ҳа, у «Одиссея»ни, шунингдек, «Илиада»ни ҳам биз айтган маънода бир воқеа доирасида яратди. Бино-барин, акс эттиришнинг ўзи, бошқа муқаллид санъатларда-ги сингари, бигта (нарса)га ўхшатувдир, шунингдек, риво-ят ҳам битта ва айни вақтда ягона ва яхлит воқеанинг тас-вири бўлиши лозим. Сўнгра воқеаларнинг қисмлари шун-дай жойлаштирилиши зарурки, бирон қисм алмаштирил-ганда ё олиб ташланганда яхлит нарса ўзгариб кетсин, ё ҳаракатга келсин, чунки мавжудлиги ё мавжуд эмаслиги се-зилмаётган нарса бутуннинг узвий қисми бўла олмайди.

IX. ВОҚЕАДА ЎЗИГА ХОСЛИК ВА УМУМЛАШМА

Айтилганлардан шу нарса маълум бўладики, шоирнинг вазифаси ҳақиқатан бўлиб ўтган воқеа ҳақида эмас, балки содир бўлиши мумкин бўлган, демак, бўлиши тахмин этилган ё бўлиши зарур бўлган воқеа ҳақида сўзлашдир. Зоро. тарихчи ва шоир бир-биридан бири вазн — назмда, бошқа-си эса насрда ёзиши билан фарқланмайди. (Ахир Геродот асарларини ҳам шеърга солиш мумкин. Бироқ унинг асарлари хоҳ назмда, хоҳ насрда бўлсин, барибир тарихлигича қолаверади.) *Тарихчи ва шоир шу билан тафовутланадики, уларнинг бири ҳақиқатан бўлган, иккинчиси эса бўлиши мумкин бўлган воқеа ҳақида сўзлайди.* Шунинг учун поэзия та-рихга қараганда фалсафийроқ ва жисдийроқдир: поэзия кўпроқ умумий, тарих эса алоҳида воқеаларни тасвирлайди. Поэзияда қандайдир характер эҳтимол ё зарурият туфайли бундай, ёки ундаи сўзлаши, ҳаракат қилиши керак. Мана шуни умумлашув дейилади. Поэзия қаҳрамонларга исм қўйиш орқали умумийликка интилади. Энди, масалан, Ал-кивиаднинг нима қилгани, унга нима бўлгани эса — бу якка, алоҳида ҳодисадир. Комедияда шундайлиги ҳеч қандай шубҳа туғдирмайди.³⁰ Унда шоирлар эҳтимоллик қонунлари асо-сида воқеа тузиб, қаҳрамонларга хоҳлаган исмларни қўяди-лар, улар ямбдан фойдаланувчи шоирларга ўхшаб, айрим шахслар учунгина (ҳажв) ёзишмайди. Трагедияда номларни ўтмишдан олишга риоя этилади, бунинг сабаби шуки, (фа-

қат) содир бўлиш имконияти бор, эҳтимол тутилган воқеаларгина ишончли бўлади. Эҳтимоллиги, юз бериш имконияти йўқ воқеаларга эса ишонмаймиз, юз берган нарса, шаксиз ишончлидир, чунки у агар юз бериш имкони бўлмаганда содир бўлмаган бўлур эди. Шундай бўлса-да, баъзи трагедияларда битта ё иккита исм машҳур, қолганлари эса ўйлаб топилган, баъзиларида эса ҳатто битта ҳам машҳур ном йўқ. Масалан, Агафоннинг «Гул»ида воқеалар ҳам, номлар ҳам бир йўсинда тўқумалигига қарамай, бу асар барибир шуҳрат қозонмоқда.³¹ Шундай экан, трагедияга асос бўладиган анъанавий ривоятларга маҳкам ёпишиб олиш шарт эмас. Бунга интилиш ҳақиқатан кулгилидир, чунки ҳатто аён бўлган воқеа оз кишиларгагина тушунарли бўлса-да, бироқ ҳаммага бир хилда ёқади. Демак, бундан шу нарса маълум бўладики, шоир фақат вазнларни эмас, кўпроқ ривоятларни ижод этиши лозим, чунки у тасвир воситасида ҳаракатни гавдалантира олгани учун ҳам шоирдир. Ҳатто унга ҳақиқатан бўлиб ўтган воқеани тасвирлашга тўғри келганда ҳам у озми-кўпми шоир бўлиб қолади. Чунки ҳақиқатан бўлиб ўтган³² воқеалардан айримларининг эҳтимоллик ва имконият туфайли қандай содир бўла оладиган бўлса, ўшандай содир бўлишига ҳеч нарса халақит этмайди. Бу жиҳатдан шоир уларнинг ижодкоридир.

Оддий ривоят ва воқеалардан энг ёмони эпизодикларидир. Эпизодик ривоят, деганда мен ривоятдаги эпизодларнинг ҳар қандай эҳтимолсиз ва заруриятсиз бирин-кетин келишини назарда тутаман. Бундай трагедиялар ёмон шоирлар томонидан, иқтидорсизликлари натижасида, яхши шоирлар томонидан актёрларни назарда тутиб ёзилади. Улар мусобақаларда актёрнинг имкониятларини кўрсатиш учун ички мазмунга зид тарзда, кўпинча воқеанинг табиий тартибини бузишга мажбур бўладилар.

(Трагедия) фақат тугал воқеанингина эмас, балки қўрқинч ва ҳамдардлик уйғотувчи воқеаларни ҳам тасвирлашдир. Охиргиси, айниқса, кутилмаган воқеа содир бўлган пайтда, қолаверса, бир воқеа ортидан кутилмаганда бошқа воқеа ёки шу йўсинда, ҳайрон қолдирадиган ҳодиса ўз-ўзидан ва тасодифан рўй бергандагина юзага келади. Чунки тасодиф-

лар орасида кўпинча, атайн қилингандай тасаввур ҳосил қилувчи воқеалар нисбатан ҳайрон қоларлидир. Бунга Ар-³³ госдаги воқеа мисол бўла олади. Митий ўлимининг айб-дори унинг (Митийнинг) ҳайкалига қараб турганида, ҳай-
кал қулаги тушиб, уни ҳалок этади. Шунга ўхшаш нарсалар тасодифий кўринмайди. Шундай экан, шунга монанд риво-
ятлар зарур ва энг яхшидир.

X. МУРАККАБ ВА СОДДА ФАБУЛАЛАР

Асар воқеаси — фабулаларнинг айримлари оддий, бош-қалари эса ўзаро чирмашиб кетган бўлади. Чунки ривоят-ларда акс этган воқеалар ҳам худди шундайдир. Мен, шундай тўхтовсиз ва ягона воқеани содда деб атайманки, ундай воқеа давомида (юқорида айтилганидек) тақдир ўзгариши кескин бурилишсиз ва тўсатдан англашсиз содир бўлади. Чирмашган фабулада эса воқеалар кескин бурилиш ва тўсатдан англаш ёки уларнинг ҳар иккиси воситасида содир бўла-ди. Бунинг ҳаммаси воқеа мантиқидан, аввалги воқеанинг зарурият ё эҳтимоллик асосидаги давоми тарзида келиб чи-қиши керак. Чунки бирон нарса сабабли бошқа нарсанинг келиб чиқиши билан бир нарсадан кейин бошқа нарсанинг юз бериши ўртасида катта фарқ бор.

XI. ТРАГЕДИЯНИНГ ИЧКИ БЎЛИНИШИ: МУШКУЛОТ, ТЎСАТДАН БИЛИШ, ЭҲТИРОС

Кескин бурилиш (перипетия), таъкидланганидек, воқеанинг қарама-қарши томонга ўзгаришидир. Айни вақтда, бу эҳтимоли кутилган ёки зарурий ўзгаришдир. Чунончи, «Эдип»да шоҳ Эдипнинг аслида кимлигини айтиб, хурсанд қилиш учун, шоҳни онасидан қўрқиш туйғусидан қутқазиш учун келган ҳабарчи амалда мутлақ зид натижага эришади; «Линкей»да ³⁴ ҳам шундай, бирорни ўлимга олиб кетишади. Данай эса уни ўлдириш учун орқасидан боради. Аммо воқеалар давомида бунинг тескариси бўлади, ³⁵ биринчи одам омон қолади, кейингиси эса ўлимга учрайди. Тўсатдан анг-

лаш, номидан ҳам кўриниб турганидек, билмаслиқдан билишга томон, баҳтиёрлик ёки баҳтсизликка маҳкум этилган шахсларнинг дўстлик ёки душманлик томон ўтишидир.

Тўсатдан билишнинг энг яхши намунаси худди «Эдип»да юз бергани сингари, мушкул аҳвол давомида содир бўлади. Албатта, ўзгача билиб қолишлар ҳам бўлади; чунончи, таъкидланганидек. жонсиз ва умуман ҳар қандай тасодифий нарсаларни ҳам, шунингдек, кимнингдир нимадир қўлгани ёки қўлмаганини ҳам англаш мумкин. Бироқ фабула учун энг зарури ва воқеа учун нисбатан аҳамиятлиси, юқорида айтилган, тўсатдан англашдир, чунки бундай англаш кескин бурилиш — мушкул аҳвол билан биргаликда ачиниш ёки қўрқувни юзага келтиради, трагедия эса худди шундай воқеаларни акс эттиради. баҳт ва баҳтсизлик ҳам худди шундай тўсатдан англаш билан бирга содир бўлади.

Тўсатдан англаш кимнидир билиш бўлгани учун ҳам гоҳо бир шахс фақат бир кишини билиши мумкин (агар иккинчисига биринчиси маълум бўлса), гоҳо икки киши бир-бирини тўсатдан англаши мумкин. Масалан, Орест Ифигенияни хат туфайли билади, лекин Ифигениянинг Орестни таниши учун ³⁶ ўзгача тўсатдан англаш ҳолати талаб қилинади.

Шундай қилиб, фабуланинг икки қисми, аввал таъкидланганидек, мушкул аҳвол мушкулот ва тўсатдан билишдир, учинчи қисмини эса пафос — эҳтирос ташкил этади. Бу қисмлардан мушкулот ва тўсатдан билиш ҳақида юқорида айтилди. Эҳтирос эса ҳалокат ёки изтироб келтирувчи ҳаратдир. Масалан, саҳнадаги ўлим, кучли изтироблар, ярадор бўлиш ва бошқа шунга ўхшашлар...

XII. ТРАГЕДИЯНИНГ ТАШҚИ БЎЛИНИШИ

Трагедиянинг қисмлари, унинг ташкил этувчи асослари ни юқорида айтиб ўтдик. Унинг ҳажм жиҳатдан бўлинишлари қуйидагича: пролог, эпизодий (эпизод), эксад ва ўз навбатида парод ва стасимга бўлинувчи хор қисм; охирги қисмлар ҳамма хор қўшиқларига хос, айримларининг ўзига

хос хусусиятлари сақнадан айтиладиган қўшиқ ва коммос-лардан иборат. Пролог — трагедиянинг хор пайдо бўлгун-гача даврдаги яхлит бир қисми. Эпизодий — трагедиянинг барча хор қўшиқлари орасидаги яхлит бир қисми. Эксод — трагедиянинг ўзидан сўнг хор қўшиғи айтилмайдиган яхлит қисми. Хорнинг пароди — хорнинг биринчи яхлит нутқ қисми; стасим — анапестсиз ва трахейсиз бўлган хор қўшиғи.³⁷ Коммос эса хор ва актёrlарнинг аламли йифи қўшиғи.

Шундай қилиб, трагедиянинг фойдаланиши зарур бўлган ташкилий қисмлари тўғрисида биз аввал айтган эдик, унинг ҳажм жиҳатидан бўлиннишларини эса таъкидладик.

XIII. ТРАГЕДИЯНИНГ ТАРКИБИ

Ҳозир айтилганлардан кейин, тартибли равишда риво-ятларни ижод қилишда нимага интилиш ва нимадан сақла-ниш лозимлиги, трагедия вазифаси қандай бажарилиши тўғрисида гапиришимизга тўғри келади. Чунки энг яхши трагедиянинг таркиби оддий эмас, балки мураккаб бўлиши лозим. Шу билан бирга, у қўрқинч ва ҳамдардлик уйғотув-чи воқеани акс эттириши керак. (Чунки бу хусусият бадиий тасвирлашнинг ўзига хос қонуниятидир.) Ундай тақдирда (биринчидан), шу нарса аёнки, обрўли кишиларни баҳтиёр-ликдан баҳтсизликка ўтувчи тарзида акс эттириш тўғри эмас, чунки бу қўрқинчли ва аянчли бўлмаса-да, бироқ нафрат-лидир, (иккинчидан), тентак одамларнинг баҳтсизликдан баҳ-тиёрликка ўтиши тўғри эмас, чунки бу трагедияга ҳаммадан кўра ҳам кўпроқ ётдир, чунки у трагедия учун зарур бўлган на инсонга муҳаббатни, на ачинишни, на қўрқинчни қўзғай-ди. Ниҳоят (учинчидан), бутунлай лаёқатсиз одам баҳтиёр-ликдан баҳтсизликка тушмаслиги даркор, чунки (воқеалар-нинг) бундай кечиши инсонга меҳр уйғотса-да, аммо ҳам-дардлик ва даҳшат қўзғата олмайди. Чунки биз бегуноҳ из-тироб чеккан одам учун қайфурамиз, ўзимизга ўхшаш баҳт-сиз инсон тақдиди учун эса қўрқамиз.³⁸ Шундай экан, бу-тунлай лаёқатсиз кишидаги ўзгариш бизда на меҳр-шафқат уйғотади, на қўрқув.

Демак, ана шу икки чегара ўртасида турган инсон қоляпти. Бундай одам на яхшилиги ва на тўғри сўзлиги билан ажралиб туради. У лаёқатсизлиги ва нуқсони туфайли эмас, балки қандайдир хатоси туфайли баҳтсизликка тушган. Масалан, Эдип, Фиест ва шунга ўхшаш, авваллари шон-шарафли ва баҳтиёрликда бўлган кишилар шулар жумласидандир. Яхши тузилган ривоят, баъзилар айтганидек, икки қатламли бўлгандан кўра, нисбатан содда бўлиши ва тақдир унда баҳтсизликдан баҳтга эмас, аксинча, баҳтдан баҳтсизликка қараб, гуноҳ натижасида эмас. балки юқорида таъкидланганидек ёки ёмондан кўра яхши шахс йўл қўйган катта хато туфайли ўзгариши даркор. Буни тарих ҳам тасдиқ этади. Шоирлар дастлаб илк дуч келган ҳар бир мифни бирин-кетин ишлайверганлар. Ҳозир эса энг яхши трагедиялар ҳам озроқ уруғлар доирасида, масалан, даҳшатли тақдирга учраган ёки даҳшатни юзага келтирган Алкмеон, Эдип, Орест, Мелеагр, Фиест, Телеф³⁹ ва бошқалар доирасида яратилмоқда.

Шундай қилиб, санъат қонунларига биноан яратилган энг яхши трагедия худди шундай тартиб берилган трагедиядир. Ўз трагедияларида бунга риоя қилаётган ва трагедияларнинг кўпчилиги баҳтсизлик билан хотималанаётган Эврипидни койиётганлар хато қиласидилар. Бундай хотималаш, таъкидлаганимиздек, тўғридир. Бунга энг яхши исбот шуки, саҳна ва мунозараларда (агар улар яхши қўйилса) шу хилдаги трагедиялар энг фожиавийдир. Эврипиднинг ҳатто бошқа соҳада нуқсонлари бўлса-да, ҳар ҳолда у энг трагик шоирлардан бири бўлиб қолаверади.

Трагедиянинг баъзилар биринчи деб атаган иккинчи тури «Одиссея»га ўхшаб, икки қатламли таркибга эга бўлганидир, ҳам яхши, ҳам ёмон кишилар учун ёқимли (яъни, яхшилик билан) тугалланади. У томошабинларнинг ожизлиги туфайли биринчи ўринга чиқиб қолганга ўхшайди. Ахир шоирлар томошабинларнинг кўнглини олиш учун уларга мослаб шундай қиласидилар. Аммо бундан олинган завқ трагедияга эмас, балки кўпроқ комедияга хосдир. Дарҳақиқат, бунда Орест ва Эгисф каби ашаддий душман бўлганлар охирда дўст бўлиб кетадилар ва уларнинг биронтаси ҳам бошқасининг қўлида ўлмайди.⁴⁰

XIV. ҲАМДАРДЛИК ВА Даҳшат Уйғотиши

Даҳшатлилик ва аянчлилик саҳна жиҳозлари орқали келиб чиқиши мумкин, бироқ воқеалар таркибининг ўзидан ҳам пайдо бўладики, бу аксарият ўринларда асар муаллифининг яхши шоирлигига далилдир. Аслида асар шундай ёзилиши керакки, у саҳнада кўрилмаганида ҳам бўлиб ўтадиган воқеани тингловчи ҳар бир киши, худди Эдип ҳақидаги ривоятни тинглагандай, ҳодисаларнинг ўсиб боришидан фам чекувчига нисбатан ўзида ҳамдардлик сезсин ва вужуди жи-вирлаб сескансин. Бунга театр жиҳози воситасида эришиш санъатнинг иши эмас, балки саҳнага қўювчининг ишидир. Саҳна томошаси орқали қўрқинчли эмас, балки фақат ғаройиб воқеани тасвир этадиган асарларнинг трагедияга ҳеч қандай алоқаси йўқ, чунки трагедиядан ҳар қандай завқланишни эмас, фақат унга хос бўлган муайян хусусиятни излаш даркор. Чунки трагедияда шоир бадиий тасвир ёрдамида бериши лозим бўлган завқ раҳмдиллик ва қўрқинчдан келиб чиқади, шуниси равшанки, у бу туйғуларни воқеаларнинг ўзида гавдалантириши керак. Шунинг учун ҳодисалардан қайсилари қўрқинчли ва қайсилари аянчли эканлигини текшириб кўрамиз. Қўрқинчли ва аянчли воқеалар, албатта, бир-бирига дўст ёки бир-бирига душман бўлган одамлар, ёки бир-бирига дўст ҳам, душман ҳам бўлмаган одамлар ўртасида содир бўлиши лозим. Агар рақиб рақибни азоб чекишга мажбур этса, у ўз хатти-ҳаракати билан ҳам, шундай ҳаракат қилиш нияти билан ҳам ачиниш қўзғата олмайди; бир-бирига бефарқ шахслар ҳаракат қилганида ҳам шундай ҳол содир бўлади. Бироқ бу азобланишлар дўстлар ўртасида пайдо бўлса, масалан, aka-укалардан бири иккинчисини ёки ўғил отасини, ёки она ўғлини, ёки ўғил онасини ўлдирса, ёинки ўлдиришни ният қилса, ёки шунга ўхшаш бирон-бир ҳаракат қилса — шоирнинг излаши керак бўлган ҳолатлар худди мана шулардир.

Ривоят тарзида сақланиб қолган (Мен Клитемнестранинг Орест қўлида ва Эрифиланинг Алкмеон қўлида ўлиши capability назарда тутаман) мифларни бузиб талқин қилиш ярамайди. Лекин шоирнинг ўзи кашф этувчи бўлиши ва ри-

воятлардан ҳам моҳирона фойдалана олиши лозим. Моҳирона дегани нимани англатишини ҳозир изоҳлайман. Воқеани онгли равишда, билиб, тушуниб ҳаракат қилувчилар амалга оширади. Қадимги шоирларнинг асарларида шундай. Эврипид ҳам ўз болаларини ўлдирувчи Медеяни шундай гавдалантирган. Шундай бўлиши ҳам мумкинки, бирор одам даҳшатли ишни ўзи билмай туриб қилиб қўяди-да, кейин қурбони ўзининг яқин одами эканлигини билиб қолади (Софоклнинг Эдипи сингари). Бу ерда даҳшатли иш драмадан ташқарида содир бўлади; бироқ бальзан даҳшатли иш трагедиянинг ўзида содир бўлиши мумкин. Астидамант асаридаги Алкмеон ёки «Ярадор Одиссея»даги Телегонларнинг⁴³ фожиаси эса трагедиянинг ўзида амалга ошади.

Бундан ташқари яна учинчи ҳолат ҳам борки, бунда бехабарлик оқибатида қандайдир тузатиб бўлмайдиган жиноят қилиш мақсадига тушган киши бу ишни амалга оширишдан олдин хатосини билиб қолади. Бундан бошқача ҳолатларда фожиа келиб чиқмайди, чунки бирор ишни онгли ёки онгсиз амалга ошириш, ёки оширмаслик керак. Бу ҳолатларнинг энг ёмони нимадир қилишни мақсад қилиб, уни амалга оширмасликдир. Бу жирканч ҳолат, аммо фожиа эмас, чунки унда эҳтирос йўқ. Шунинг учун айрим ҳолатлардан ташқари (масалан, «Антихона»да Гемон Креонтни ўлдиришни ният қиласи, аммо уни ўлдирмайди)⁴⁴ шоирлардан ҳеч ким бундай талқин қилмайди. Асарда ниманидир қилишнинг ўзи асарни кучайтиради. Энг яххиси, ҳодисани амалга оширишгача бехабар бўлиш, воқеанинг юз беришидан сўнггина билишдир, чунки бундай ҳолатда жирканчлик бўлмайди, тўсатдан билиш эса кишига завқ беради.

Энг кучли таъсир этадигани охирги (юқорида айтиб ўтилган) ҳолатдир; мен бу ўринда, масалан, «Кресфонт»даги Меропа ўз ўғлини ўлдиришга қасд қилиши, ўлдирмаслиги ва таниб қолиши, «Ифигения»да сингил акани, «Гелла»да онасига хоинлик қилмоқчи бўлган ўғилнинг онасини таниб қолишини назарда тутаман.⁴⁵ Шунинг учун ҳам, таъкидланганидек, трагедиялар бальзи уруғлар хусусидагина ёзилади, холос. Албатта, шоирлар ўз ривоятларини шундай усулда ишлашни санъат йўли билан эмас, балки тасодифан кашф

этадилар. Шунинг учун улар фақат шу йўсингдаги баҳтсизлик рўй берган оиласаларга мурожаат қилишлари керак бўлиб қолади. Шундай қилиб, ҳодисалар оқими ва ривоятлар қандай бўлиши кераклиги ҳақида етарли сўзланди.

XV. ХАРАКТЕРЛАР

Характерларга келсак, улардан тўрт мақсад кўзда тутилади.⁴⁶ Биринчи ва асосийси: қаҳрамон олижаноб бўлиши керак. Аввал айтганимиздай, шахс агар ўзининг гаплари ва ишларида қандайдир мақсадга амал қилса, характерга эга бўлади. Агар шахс яхши мақсадларни кўзласа, характери ҳам яхши бўлади. Бу ҳар бир одамда мавжуд бўлиши мумкин: аёл ҳам, ҳатто қул ҳам яхши бўлиши эҳтимол, биринчиси (эркақдан) ёмонроқ, қул эса ундан ҳам ёмонроқ бўлиши ҳам мумкин.⁴⁷ Иккинчидан, характерлар ўзига хос бўлиши керак: характер мардона бўлиши мумкин, аммо аёл кишига мардлик билан кучлилик ярашмайди. Учинчидан, характерлар (ҳаётий) ҳаққоний бўлиши керак: бу юқорида айтилгандан мутлақ бошқача бўлиб, уларни яхши ёки ярашиқли қилиб тасвирлаш керак деган гап эмас. Тўртингидан, характерлар изчил бўлиши керак: ҳатто, тасвирланган шахс ноизчил бўлиши, шу характернинг барча ишларига ноизчиллик хос бўлиши мумкин. Аммо характернинг мана шу ноизчиллиги ҳам изчил бўлиши зарур.⁴⁸ Зарурат туфайли эмас, балки ўзича тубан бўлган кишининг характерига «Орест»даги Менелайни, номуносиб ва ярашмаган қилиқли характерга «Сцилла»даги Одиссейнинг йифисини ва Меланиппанинг нутқини, ноизчил характерга «Ифигения Авлидада»⁴⁹ асаридаги Ифигенияни мисол қилиб келтирса бўлади. Чунки илтижо қилаётган Ифигенияга шундан кейинги эпизоддаги Ифигения мутлақ ўхшамайди.

Характерларнинг изчиллиги ҳақида

Характерларда ҳам, воқеалар таркибида ҳам доимо зарур ёки эҳтимоликни излаш керак, яъни кимдир қайсиdir гапни, ё ишни зарурият туфайли, ёки эҳтимол тутилгани-

дай гапирсин, ё бажарсин ҳамда қандайдир воқеа бошқа воқеа туфайли зарурият тақозоси билан ёхуд әхтимол тутилганидай содир бўлсин. Бинобарин, табиийки, ривоят ечими ҳам асар воқеаларининг ўзидан келиб чиқиши керак. «Медея» ва баъзи асарлардагидай ёхуд «Илиада» асаридағи қирғоқдан сузуб ⁵⁰ кетиш каби асар ечими техника ёрдамида ҳал қилинмасин.

Фақат драмадан ташқарида содир бўладиган воқеаларда, аввал юз берган воқеаларни ёки одамзод билиши лозим бўлмаган воқеаларни, ёхуд кейинроқ юз берадиган ва (худолар томонидан) башорат қилинишига, ваҳий келтирилишига боғлиқ нарсаларни кўрсатишдагина техникадан фойдаланиш мумкин, чунки биз худолар ҳамма нарсадан огоҳ, деб ишонамиз. Зотан, воқеаларда характерлардаги каби мантиққа зид ҳеч нарса бўлмаслиги керак, аксинча, мантиққа зид воқеалар чиндан ҳам трагедиядан ташқари⁵¹га кўчирилади, масалан, Софоклнинг «Эдип»ида шундай.

Характерларнинг ҳаётийлиги ҳақида

Модомики, трагедия биздан кўра яхшироқ одамларни гавдалантирад экан, демак, биз одамларнинг ўзига хос хусусиятларини тасвирлашда мавжуд кишиларга монанд ва айни вақтда чиройлироқ қилиб ишлайдиган яхши портрет усталаридан ўрнак олишимиз керак. Шоир ҳам характерида жаҳли тезлик, бегамлик ва шу каби камчиликлари бўлган одамларни тасвирлар экан, уларни қандай бўлса шундай (жаҳлдор, бегам қилиб) ва айни чоғда гўзал одам қилиб кўрсатади. Характердаги шафқатсизлик хислатига Агафон ва Ҳомер яратган Аҳилл мисол бўла олади. ⁵² Демак, (характер тасвирида) барча айтилганларга амал қилиш зарур. Бундан ташқари, поэзиядаги нотўри таассурот қолдирувчи қусурлар ҳақида ҳам ўйлаб кўриш керак, чунки бу масалада ҳам шоир кўп хатоларга йўл қўйиши мумкин. Аммо бу хилдаги хатолар ҳақида асарларимизда етарли фикр айтганимиз.

XVI. БИЛИБ ҚОЛИШ

Билиб қолиш нималиги хусусида олдин тўхталган эдик. Билиб қолишнинг турлари эса тубандагилардир. Биринчи ва энг оддийси — шоир етарли бадиий воситаларга муҳтожлигидан (ташқи) белгилардан фойдаланади. Булар баъзан табиий белгилар бўлади. (Каркин «Фиест» асарида тасвирлаган «Ер фарзандларининг найзаси» ёки у қўллаган «юлдузлар» шундай.⁵³ Гоҳо бундай белгилар табиий, туғма бўлмайди, баъзилари одамнинг ўзида (масалан, чандиқлар), баъзилари одам билан бирга (масалан, марварид шодаси ёки «Тиро»даги каби тогорача бўлиши мумкин). Аммо бундай воситалардан яхшироқ ҳам, ёмонроқ ҳам фойдаланиш мумкин. Чунончи, бир ўринда энагаси Одиссей оёгини юваётганида чандигидан билиб қолади, бошқа ўринда эса чўчқабоқарларга Одиссей ўзини танитиш учун чандиқни ўзи кўрсатади. (Охирги мисолдагидай). Белгилар фақат одамнинг кимлигини аниқлаш учун ёки шунга ўхшаш ҳолатлар учун ишлатилса бадиийлиги камроқ бўлади. Улар кескин ўзгариш жараёнида (оёқ ювиши саҳнасидагидай) ўз-ўзидан зоҳир бўлса, бадиийлиги зиёдроқ бўлади. Билиб қолишнинг иккинчи кўриниши шоир томонидан тўқиб чиқарилган, шунинг учун бадиийликдан йироқдир. «Ифигения»да Орест ўзини худди шундай усул билан билдириб қўяди: Ифигения бу ўринда ўзини хат ёрдамида танитади. Орест эса ривоят воқеасидан келиб чиқиб гапирмай, шоир истаги билан гапиради. Шунинг учун бундай билиб қолиш муваффақиятсиз бўлиб, юқорида айтилганлардан фарқ қилмайди. Худди шунингдек, Орест ўзида белгиси бўлганида ҳам худди шундай ҳолатда бадиий заиф бўлур эди (Софоклнинг «Терей»⁵⁴даги «тўқувчи мокисининг овози»га таққослаб кўринг).

Учинчиси — хотиралар орқали билиб қолищdir. Одам бирор манзарани кўрганида нимадир эсига тушиб, ҳаяжонланиб кетади. Дикеогеннинг «Киприяликлар» асарида (қаҳрамон) бир суратни кўриб йиғлаб юборади. «Алкиной ҳузуридаги ҳикоя»да эса қаҳрамон кифарабчининг куйини тинглаб, (бошидан кечган) воқеалар эсига тушиб, ҳўнграб йиғлаб юборади. Шу орқали иккиси билиб қолинади.

Түртінчи хил билиб қолиш хulosса чиқариш орқали со-
дир бўлади. «Хоэфоралар»да шундай: «(Ментга) ўхшаш ким-
дир келди, менга фақат Орест ўхшар эди, демак, Орест кел-
ган». Софист Полиид асарида ҳам шундай, унда Орест синг-
лиси қурбонликка берилганидай, ўзи ҳам шу қисматга уч-
раяжаги ҳақида табиий равишда ўйлайди. Феодектнинг «Ти-
дей»ида ҳам (қаҳрамон) «ўғлимни излаб келган эдим, мана
ўзим ўляпман», деб ўйлайди. «Финей қизлари»да ҳам аёл-
лар бир жойни кўрганларида, шу жойда кемадан туширил-
ган эдик, шу жойда ўлиб кетсан керак, деб ўз қисматлари
ҳақида хulosса чиқаришади.⁵⁵ Яна (бешинчи хил) мураккаб
билиб қолиш ҳам бўлади, унда қаҳрамон суҳбатдошининг
ёлғон хulosаси орқали ўзини танитиб қўяди. «Одиссей —
сохта хабарчи»да бир одам (ўзи кўрмаган) ёйни танийман,
дейди. Бошқаси «суҳбатдошим ёйни (кўрган экан) таний-
ди», деган ёлғон хulosса чиқаради.

Аммо энг яхши билиб қолиш воқеаларнинг ўзидан ке-
либ чиқувчи ва табиийлиги билан ҳайратга солувчи (олтин-
чи хил) Софоклнинг «Эдип»и ва «Ифигения»дагидай ҳолат-
дир. Воқеа шу қадар ишонарлики, Ифигения мактубни (уйи-
га) бериб юбормоқчи бўлади.Faқат ана шундай билиб
қолишлар турли тўқиб-чатилган белгиларга ва маржонлар-
га муҳтож бўлмайди, иккинчи ўринда эса хulosса ёрдамида
билиб қолиш туради.

XVII. ЖОНЛИ ТАСАВВУР

Шоир фабулани тартибга солиб ва уни сўз билан ифо-
далаётганида, иложи борича, воқеаларни кўз ўнгидаги жонли
тасаввур қилиши керак; ана шунда шоир гёё воқеаларда ўзи
қатнашгандай бўлади, барча зарур тасвирларни излаб то-
пади ва ҳеч қандай мантиқсизликка йўл қўймайди. Бунга
исбот сифатида Каркин асаридаги камчилликни кўрсатиш
мумкин. Асарда Амфиарай ибодатхонадан чиқади, бироқ
бу уни ибодатхонага кирганини кўрмаган томошабин учун
мантиқсиз бўлиб қолади, шунинг учун томошабинлар но-
рози бўлишди, драма эса муваффақиятсизликка учради.

Ҳатто имо-ишоралар ҳам иложи борича ифодалашга хизмат қилиши керак. Эҳтиросларининг табиати бир хил бўлган қаҳрамонларни тасвирлаган шоирлар кўпроқ ишончга сазовор. Ўзи ҳаяжонлана оладиган шоир томошабинларни ҳаяжонлантира олади, ўзи ғазаблана оладиган киши томошабинларни ҳам ғазаблантира олади. Шунинг учун поэзия — истеъдодли ёки мажнунсифат инсоннинг қисматидир. Истеъдодли одамлар руҳан жуда таъсирчан, мажнунсифатлари эса жазавага мойил бўладилар.

Асарнинг умумий ва ҳусусий томонлари

Шоир асар ёзаётганида (ривоятлар ёки тўқима воқеаларга асосланган) драмаларнинг мазмунини (аввало) умумий тарзда тасаввур қилиши керак, сўнгра эса, унга тафсилотлар қўшиб кенгайтириши зарур. «Умумий тарзда кўриб чиқиши» нима эканлигини «Ифигения» мисолида кўрсатаман. Бир қизни қурбонликка олиб келишади, аммо у қиз қурбонликка келтирувчиларга сездирмай ғойиб бўлади. Бошқа бир ўлкага бориб, ибодатхонада коҳинлик хизматини адо эта бошлайди. Бу ўлканинг одатларига кўра фақат мусо- фирмлар қурбонлик қилинар экан... Маълум вақт ўтгач, бу ерга шу қоҳина қизнинг акаси келиб қолади (худо уни қандай сабаб билан бу ёққа юборгани, унинг нима иш билан келгани асар учун аҳамиятли эмас). Йигит бу ёққа келгач, уни тутиб, қурбонликка тайинлашади. Аммо у ўзини танитиб қўяди (Эврипидда табиий равишда йигит «синглим ҳам қурбон қилинган эди, менинг ҳам қисматим шу экан», деб ўзини танитиб қўяди) ҳамда шу билан қурбонликдан қутублиб қолади. Шундан сўнггина қаҳрамонларнинг исмини қўйиб, қўшимча тафсилотлар (ёзиш)га киришиш керак. Аммо, бу қўшимчалар (тафсилотлар) ўз ўрнига тушиши лозим. Масалан, Орестнинг жинни бўлиб қолиб, тутилиши, унинг покланиш йўли билан халос бўлиши ўринли тафсилотлардир. Демак, драмаларда тафсилотлар қисқа бўлади, эпос аксинча, чўзиқ тафсилотлар билан кенгайиб кетади. «Одиссея»нинг асосий мазмуни унча кенг эмас. Бир одам кўп йиллар бегона юртларда сарсон бўлиб кезади, уни По-

сейдон таъқиб қиласы, у ёлғиз. Уйида эса күёвлар мол-мұлкіни талон-тарож қилишади ва ўғлини үлдириш пайига тушишади. Қаҳрамон бўрондан қутулиб, сафардан қайтиб келади, баъзиларга ўзини танитади, душманларига ҳужум қилиб, уларни қириб ташлайди. «Одиссея» асарида асосий мазмуннинг бор-йўғи шу. Қолган воқеалар эса тафсилотлардир.

XVIII. ТУГУН ВА ЕЧИМ

Ҳар қандай трагедияда тугун ва ечим бўлиши зарур.

Драмадан ташқаридаги барча воқеалар, шунингдек, баъзан драманинг ичидаги айрим воқеалар — тугун, қолганлари эса — ечимдир. Мен трагедиянинг бошланишидан то (қаҳрамоннинг) баҳтсизликдан баҳтиёрликка ёки баҳтиёрликдан баҳтсизликка томон ўтиш ҳаракати бошланган че-гарагача бўлган қисмни тугун деб атайман. Ана шу ўтиш бошланган жойдан (асарнинг) охиригача бўлган қисм — ечимдир. Чунончи, Феодектнинг «Линкей»ида барча аввали воқеалар, чақалоқнинг сўнгра ота-оналарнинг қўлга олиниши — тугун, қотилликда айбланиш бошланган жойдан асарнинг охиригача — ечимдир.

Трагедиянинг турлари

Трагедиянинг турлари тўртта (қисмлари ҳам шунча деб кўрсатилган эди): 1) мураккаб тўқимали трагедия, бунда ҳамма нарса кескин ўзгариш ва билиб қолишга асосланади; 2) изтироблар трагедияси. Аянт ва Иксион ҳақидаги асар каби; 3) характерлар трагедияси. «Фтиотидалар», «Пелей» каби; 4) ажойиботлар трагедияси. «Форкидалар», «Прометей» ва воқеалари Аидда юз берадиган барча трагедиялар ҳам шу турга киради. Энг яхшиси, мана шу хусусиятларнинг ҳаммасини бириктиришdir, агар бунинг иложи бўлмаса, айниқса, шоирларга ноҳақ ҳужум бошланган ҳозирги пайтда бу хусусиятларнинг кўпроғи ва муҳимроғини танлаш керак. Илгарилари трагедиянинг ҳар қандай соҳаси

бўйича (устод) шоирлар бор эди, ҳозир эса бир шоирдан уларнинг ҳаммасини орқада қолдиришни талаб этишяпти.

Яна тугун ва ечим ҳақида

Биз трагедияларни ривоят (тузилиши)га қараб турли хил ёки бир хил дейишга ҳақлимиз. Яъни тугун ва ечим бир хил бўлгандагина трагедияларда ҳам бирхиллик юзага келади. Баъзи (шоир)лар тугунни яхши туғишадп, бироқ ечимни улдалай олишмайди, ҳолбуки, иккаласига ҳам моҳир бўлиш керак.

Бир ва кўп фабулали трагедиялар

Аввал ҳам неча қайта таъкидланганидек, эпик таркибли (яъни кўп ривоятлардан ташкил топган) трагедиялар ёзиш керак эмаслигини унутмаслик керак. Масалан, бирон-бир шоир томонидан трагедия учун «Илиада» ривоятини яхлит-лигича қамраб олиш ўринсиздир. Эпосда умумий кенглик бўлгани учун ҳар бир қисм ўзига яраша ҳажмга эга бўлади. Драмаларда эса шоир ўйлаганидай бўлмайди. Қанчадан-қанча шоирлар «Илионнинг қулаши»ни ёки «Ниоба»ни тўлигича кўрсатишга интилиб, муваффақиятсизликка учраши, мусобақаларда енгилиши бунинг исботидир. Ҳатто Агафон ҳам фақат шу сабабдан муваффақиятсизликка учради. Фақат Эврипид «Илионнинг қулаши»ни, Эсхил эса «Ниоба»ни қисм-қисм қилиб кўрсатганлари учун муваффақият қозондилар ва мусобақаларда енгиб чиқдилар. Ҳолбуки ана шу (трагик шоир)лар фожиййликни ва (ҳеч бўлмаса) одамийликни кескин ўзгаришлар — перипетиялар ва оддий воқеалар орқали аъло даражада кўрсата олар эдилар. (Одамийлик деганда Сизиф каби ақлли, лекин нуқсонли одамнинг алданиши ёки жасур, лекин адолатсиз кишининг енгилиши кўзда тутилади. Чунки униси ҳам, буниси ҳам эҳтимоллиқдан узоқ эмас. Агафон айтгандай, «кўпгина ғайри-табиий нарсаларнинг ҳам юз бериши табиийдир».)

Воқеада хорнинг роли

Хорни ҳам актёрлардан бири деб ҳисоблаш керак. Хор яхлит нарсанинг бир қисми бўлиб, воқеада Эврипиддаги-дай эмас, балки Софоклдагидай қатнашуви лозим. Бошқа шоирларнинг асарларида эса хор муайян трагедияга қанча алоқадор бўлса, бошқа трагедияларга ҳам шунчалик алоқадор. Шунинг учун уларнинг асарларида хор қўшимча қўшиқларни куйлади. Бунга Агафон асос солган. Ростдан ҳам қўшимча киритилган қўшиқлар куйлаш билан бутун бир монолог ёки ҳатто эпизодни трагедиядан трагедияга кўчириб юриш ўртасида нима фарқ бор?

XIX. ТИЛ ВА ФИКР

Шундай қилиб, кўп нарсалар ҳақида айтилди; тил ва фикр ҳақида гапириш қолди, холос. Аммо фикрга таалтуқли нарсаларга риторикада тўхталиш керак эди, чунки булар риторика таълимотига тегишилдири. Сўз билан эришиладиган нарсаларнинг ҳаммаси фикр (соҳаси)га тегишилдири. Хусусан, бу соҳа — исботлаш ва рад этиш, эҳтиросли туйғуларни (бирга қайфуриш, қўрқув, ғазаб ва ҳоказолар каби) уйғотиш, шунингдек, улуғлаш ёки камситиш сингари вазифаларни ўз ичига олади. Табиийки, воқеаларни тасвиirlаганда ҳам, аянчли ёки қўрқинчли, буюк ёки оддий нарсаларни кўрсатганда ҳам ўша тушунча (идеал)лардан келиб чиқиш керак. Лекин фарқ шундаки, (трагедияда) воқеалар равшан ва ўгит (дидактика)сиз кўрсатилиши лозим. Нутқ замиридаги фикрлар эса гапирувчи шахс орқали гавдаланади ва унинг нутқи давомида юзага келади. Ҳақиқатан, агар ҳамма иш қаҳрамоннинг нутқисиз ҳам битадиган бўлса, гапирувчи бу ерда нима қиласи эди?

Нутқа тегишли бир масала борки, у (поэтикама эмас) талаффуз санъатига ва нутқ тузиш билимларига алоқадордир. Бу — нутқ майлларидир: буйруқ, илтижо, ҳикоя, дўқпўписа, савол, жавоб ва ҳоказолар. Бундай нарсаларни билиш ёки билмаслик поэтик санъат учун арзирли ҳеч қандай эътироz уйғотмайди. Маълумки, Протагор: «Куйлагил, маъ-

буда Аҳилл ғазабин...» сўзларида Ҳомер илтижони ифодаламоқчи бўла туриб, буйруқни ифодалаган, ахир нима қилиш керагу, нима қилмаслик кераклиги буйруқча хос-ку, деб таъна қилган эди. Аслида бундай нарсаларни хато деб бўлмайди. Поэтикага эмас, бошқа фанга тааллуқли бўлгани учун бундай нарсалар устида тўхталиб ўтирамаймиз.

XX. НУТҚ БЎЛАКЛАРИ

Умуман, нутқ қуидаги бўлакларга бўлинади: асосий товуш, бўғин, боғловчи, бўлак (аъзо), от, феъл, келишик, гап. Асосий товуш бўлинмас товушдир. Ҳар қанақа эмас, балки англанган товуш ҳарф бўла олади. Ҳайвонларда ҳам бўлинмас товушлар бор, аммо мен у товушларнинг биронтасини товуш демайман. Унли, ундош, унсиз товушлар бор. Лабнинг иштирокисиз эшитиладиган товуш унли бўлади, лабнинг иштирокида эшитиладиган товуш ундош бўлади. З ва R каби; (ҳатто) лабнинг иштироки билан ўзи жарангламай, бошқа товушлар билан келганида эшитиладиган товуш унсиз товуш бўлади. К ва Т каби. Барча товушлар оғизнинг вазиятига, (пайдо бўлиш) ўрнига, нафаснинг қуюқлиги ва енгиллигига, узун ва қисқалигига, урғунинг ўткирлиги, оғирлиги ва ўртачалигига қараб бир-биридан фарқланади; аммо буларнинг тафсилотлари вазнда ўрганилади.

Бўғин унсиз товушлардан ва унли ёки ундош жарангли товушлардан ташкил топган маъносиз бирикмадир. Г, Р товушлари А сиз ҳам, А билан ҳам (ГРА) бўғин бўла олади. Дарвоқе, бўғинларнинг фарқларини ўрганиш ҳам вазнга тааллуқлидир.

Боғловчи (1) мустақил маънога эга бўлмаган кўп сонли товуш билан маънони билдирувчи бирон сўзнинг ясалишига халақит этмайдиган ва кўмаклашмайдиган сўздир. У гапнинг охираida ва ўртасида келиши мумкин, гап бошида эса мустақил келолмайди (фақат бошқа сўз билан қўшилиб келади). Боғловчи (2) бир неча (мустақил) маъноли сўзлардан битта (мустақил) маъноли гап тузга оладиган (мустақил) маъноли (кўмакчи) сўздир.

Аъзо (бўлак) (1) гапнинг бошини, охирини ёки бирор бўлагини билдирувчи (мустақил) маъно англатмайдиган сўздир. Ёки (2) кўпгина сўзлардан иборат (мустақил) маъно англатувчи гап ясалишига халақит этмайдиган ва кўмақлашмайдиган, (мустақил) маъно англатмайдиган сўздир.

От — мураккаб, (а) маъно англатувчи, (б) замонни билдирумайдиган, (в) қисмлари ўз-ўзидан маъно англатмайдиган (г) сўздир. (Чиндан ҳам ясама сўзларда уларнинг қисмлари мустақил маъно англатмайди. Феодор сўзидағи «дор» мустақил (берди деган) маъно англатмайди.

Феъл — мураккаб (а), маъно англатувчи (б) замонни англатувчи, (в) отлардаги каби, қисмлари маъно англатмайдиган (г) сўздир. Чунончи, «одам» ёки «оқ» (сўзлари) замонни англатмайди, «боряпти» ёки «кељди» сўзлари бошқа хусусиятларидан ташқари, ҳозирги ёки ўтган замонни ҳам англатади.

Келишик. От келишиги ёки феъл келишиги — кимни? кимга? ва ҳ.к. саволларга жавоб берувчи ёки бирлик, ёки кўплини англатувчи (масалан, «кишилар» ва «одам») каби от келишиклари ёинки талафуз оҳангини билдирувчи (сўроқ ё буйруқ «кељдинг?» ёки «бор!» каби хилдаги) феъл келишиклиаридир.

Гап эса мураккаб (а) мустақил маъно англатувчи, (б) қисмлари ҳам мустақил маъно англатувчи (в) сўзлар йиғиндисидир (гарчи ҳар қандай гап феъллар ва отлардан тузилмаса-да, масалан, одамни сифатлаш каби феълсиз тузилсада, барибир гапда ҳамиша маъно англатувчи бўлаклар бўлади). Масалан, «Клеон келяпти» гапидаги «Клеон» сўзи. Гап битта бўлса ҳам турли маъноларда ё битта нарсани, ё кўп нарсаларнинг йиғиндисини ифодалаб келиши мумкин. Масалан, «Илиада» кўп нарсаларнинг йиғиндисини ифодаловчи битта сўз бўлса, инсонни сифатлаш эса якка нарсани англатади.

XXI. ОТЛАРНИНГ ТУРЛАРИ

От икки хил, содда ва мураккаб бўлади. Мен мустақил маънога эга бўлмаган қисмлардан ташкил топганини содда от деб атайман. Масалан, «тупроқ». Мураккаб от эса мустақил маънога эга ёки эга бўлмаган), ёки бир неча мустақил маънога эга турдиган қисмлардан ташкил топади. Бундай қисмлар учта, тўртта ёки ундан ортиқ бўлиши мумкин. Кўпинча «Гермокайкоқсанф» каби дабдабали сўзлар шундай бўлади.

Ҳар қандай от кенг қўлланиладиган ёки ноёб, кўчма маъноли, ёки безакли, ёки тўқима, ёки узун, ёхуд қисқа, ёинки янги ясалган бўлиши мумкин.

Ҳамма ишлатадиган сўзларни кенг қўлланиладиган ва барча ишлатмайдиган сўзларни ноёб сўзлар деб атайман. Табиийки, бир сўз баъзи одамлар орасида кенг қўлланилиши, бошқа одамлар орасида кам қўлланилиши мумкин. Чунончи, дротик (ханжар) сўзини Кипр аҳолиси кенг истифода қиласади, биз учун эса бу ноёб саналади.

Кўчма сўз (метафора) — нарсага хос бўлмаган, жинсдан турга ёки турдан жинсга, ёхуд турдан турга кўчирилган, ёинки ўхшатилган сўздир.

1. Жинсдан турга кўчирилган сўзларга «Ана, менинг кемам ҳам турибди...» жумласи мисол бўла олади. Бу ерда умуман «турибди» сўзи «лангарда турибди» хусусий маъносини англатади.

2. Турдан жинсга кўчирилган сўзлар. «Минглаб шавкатли ишларни қиласди. Одиссей...» жумласидаги «минглаб» сўзи умуман «қўплаб»нинг хусусий ҳолати бўлгани учун бу ўринда «қўплаб» маъносини англатади.

3. Турдан турга кўчирилган сўзлар. Масалан, «Мис билан жонини бўшатиб» ва «сув заррасин чарчамас мис билан кесиб». Биринчи ҳолда «бўшатиб» сўзи «кесиб» маъносида, иккинчи ҳолда «кесиб» сўзи «бўшатиб» деган маънода келяпти.

4. Ўхшатилган сўзлар. Бу ерда мен иккинчи сўз биринчи сига қанчалик алоқадор бўлса, тўртинчи сўз учинчисига

шунчалик алоқадор бўлган ҳолни назарда тутаман. Шунинг учун (шоир) иккинчи сўз ўрнига тўртингини ёки тўртингини сўз ўрнига иккинчисини айтиши мумкин. Гоҳо бунга алмаштирилган сўзга алоқадор бўлган сўз ҳам қўшилади. Масалан, коса Дионисга қанчалик алоқадор бўлса, қалқон Аресга шунчалик алоқадор. Шунинг учун косани «Дионис қалқони», қалқонни эса «Арес косаси» дейиш ҳам мумкин. Ёки, масалан, қарилик билан умр алоқаси шом билан кундуз алоқасига ўхшайди. Шунинг учун шомни «қундузнинг» қарилиги (ёки Эмпедоклдаги каби), қариликни эса «умр шоми» ёки «ҳаётнинг сўниши» дейиш мумкин. Таққосланган тушунчаларнинг баъзилари доимий исмга эга бўлмаса ҳам ўхшатиш маъносида номланавериши мумкин. Масалан, деҳқоннинг уруф сочишини «экиш» деймиз. Қўёшнинг нурларини сочиши алоҳида номланишга эга бўлмаса-да, «экиш» экувчиға қандай қўлланилса, шу сўз қўёшга нисбатан ҳам қўлланилиши, «Тангри ато этган нурларни экиб» дейилиши мумкин. Бундай кўчма ибораларни бошқачасига ҳам тузиш мумкин. Бирон тушунчага хос бўлмаган сўзни қўшиб, унга хос бўлган сўзни айриб ишлатиш ҳам мумкин. Масалан, қалқонни «Арес косаси» дейиш ўрнига «вино қуйилмайдиган коса» деб ишлатиш ҳам мумкин.

Янги сўз — ҳеч қачон ҳеч ким қўлламаган, фақат шоир томонидан қўлланилган, ўйлаб топилган сўзлардир. Масалан, «шохлар», ўрнига «мугизчалар», «коҳин» ўрнига «дуогўй» кабиларнинг қўлланиши шунга монанддир.

Чўзилган ёки қисқарган сўзлар: 1. Узайган сўз унли товушни керагидан ортиқ чўзганда ёки ортиқча бўғин қўшганда ҳосил бўлади. (Масалан, «посбон»даги «о»ни чўзиб ёки «посибон» деб «и» қўшиб ўқиганда сўз чўзилади.) 2. Қисқарган сўзлар — баъзи сўзларнинг бир қисми вазн, оҳанг талаби билан тушириб қолдирилади. (Масалан, «лекин» ўрнига «лек», «ва лекин» ўрнига «вале» каби.)

Ўзгарган сўзлар — кўп ишлатиладиган сўзнинг бир қисми ўзича қолдирилиб, бошқа қисми тўқиб чиқарилади. Масалан, ўнгга дейиш ўрнига, ўнг кўкракка каби.

Номлар аслида эркакча, аёлча ва ўрта жинсда бўлади. Кўпинча, охири унсиз П, Н билан тугаган, шунингдек, Ф, Е

билин бирга келувчи мураккаб сўзлар эркак жинсида бўлади. Аёл жинсидаги исмлар ҳамиша чўзиқ ва унлилар билан, чўзилувчилардан эса А товуши билан тугайди. Шундай қилиб, эркак ва аёл жинсидаги сўз охирларининг сони бир хил, чунки Φ ва Е ҳарфларининг ҳар иккиси ҳам бир хилдир. Ҳеч бир исм унсиз ва қисқа унли ҳарфлар билан тугайди, И билан эса фақат учта исм тугайди (мис, камед, қалампир), У ҳарфи билан эса бешта, ўрта жинсдаги отлар эса юқоридаги ҳарфлар билан, шунингдек, (А), Н, (Р) Е билан тугайди.

XXII. СЎЗ ТАНЛАШ

Тубан бўлмаган, тушунарли нутқ қимматли нутқдир. Энг тушунарлиси ҳамма ишлатадиган сўзлардан тузилган нутқдир. Аммо бундай нутқ тубан бўлади. Масалан, Клеофонт ва Сfenел поэзияси шундай. Муносиб ва кўп ишлатилмаган ифода кутилмаган, ғалати сўзлардан фойдаланиш орқали келиб чиқади. Мен кўп қўлланиладиган ҳамма сўзлардан бошқасини; ноёб сўзлар, метафора, чўзилган ва бошқа сўзларни ғалати деб атайман. Лекин кимдир бутун нутқни шундай асосда тузса ё топишмоқ. ё варваризм келиб чиқади. Кўчма сўзлар, метафоралардан ташкил топса, топишмоқ, ноёб сўзлардан ташкил топса, варваризм юзага келади. Амалда топишмоқнинг моҳияти ҳақиқатан мавжуд бўлган нарса тўғрисида сўзлаш, шу билан бирга, бутунлай мумкин бўлмаган нарсаларни бирлаштиришдир. Бунга (кўп қўлланиладиган) сўзлар воситасида эришиб бўлмаса, метафоралар орқали мумкин, масалан:

*«Қалқон билан инсонни олов-ла бириктирган
Эрни кўрдим мен».*

Ва бошқалар. Ноёб сўзлардан эса варваризм пайдо бўлади. Шундай экан, бу ифодаларни қандай бўлмасин, қоришириш лозим: бир томондан ноёб, кўчма маънодаги, безак ва бошқа қайд қилинган сўзлар нутқни сийқа ва тубан бўлишдан сақласа, бошқа томондан кўп қўлланадиган сўзлар (унга) аниқлик беради. Ифоданинг аниқ, равшан ва ажо-

йиб бўлишини таъминлашда узайган, қисқарган ва ўзгарган сўзлар ҳам самарали таъсир қиласи. Бундай сўзлар, кўп қўлланиладиган сўзлар, нисбатан, одатдагидан ўзгачароқ бўлиб, бошқачароқ эши билади ва шунинг учун нутқни сий-қалаштирумайди, одатдаги сўзлар билан муштарак бўлгани учун унга аниқлик киритади.

Шу маънода баъзиларнинг эътиroz билдириб, бундай сўз қўллашни танқид қилишлари ва комедияларда шоирлар устидан кулишлари адолатдан эмас. Катта Эвклид унли товушларни ўз хоҳишимча узайтиришга рухсат этсалар, шеър ёзиш учча қийин иш эмас, деб шоирларни таҳқир қилган эди. Бу ифода усулини таҳқир этиб, у ўзи топган бўғинларда шеърлар ҳам ёзди:

Э — эпихарни мен *Ма-арафон йўлида кўрдим...*

У — унинг попук гули ме-енга ёқмайди...

Ҳар ҳолда бундай ифода усулидан бемеъёр фойдаланиш кулгили, зеро, ҳамма вақт ифоданинг турларида меъёр бўлиши лозим. Ҳақиқатан метафора, ноёб сўзлар ва бошқа сўзлардан кулги қўзғатиш мақсадида, дидсиз ва атайлаб фойдаланган киши Эвклиддек таъсирчанликка эришган бўлур эди. Лекин (бу ифодаларнинг) ўринли қўлланилиши бутунлай бошқа масала. Эпик поэзияда вазнга солинган ноёб сўзлар, метафора ва ифоданинг бошқа шаклларини кўп қўлланиладиган сўзлар билан алмаштириб кўрган ҳар қандай киши бизнинг сўзларимизнинг адолатли эканлигига ишонади. Масалан, Эсхилда ҳам, Эврипидда ҳам ямбда битилган бир хил шеърлар бор. Аммо шу шеърдаги биргина кўп қўлланиладиган сўз ўрнига ноёб сўз алмаштириб қўйилса, бир шоирнинг шеъри гўзал, бошқасиники дафал кўринади. Эсхил «Филоктет»ида:

«Оёгим суягин яра ейди абадий», — дейди. Эврипид эса «ейди» ўрнига «маза қилиб ейди»ни қўяди. Худди шунингдек:

«Нима? Мени пакана, таъвия, заиф одамча...» мисраси ўрнига кимдир кўп қўлланиладиган сўзлар билан:

«Нима? Мени арзимас таъвия, арзимас киии...» дейиши ёки:

«Үнга күримсиз курси ва митти столни суриб» мисраси ўрнига кимдир:

«Үнга хунук курси ва кичик столни суриб» дейиши мумкин.

Ёки «қырғоқ увлайди» бирикмаси ўрнига «қырғоқ қичқиради» деса ифода ўзгарамади. Арифрад ҳеч ким томонидан суҳбатда ҳам қўлланмайдиган... каби ифодалардан фойдаланганларни учун трагикларни масхара қиласди. Аслида шунга ўхшаш ифодалар кам қўлланилгани учун нутқдаги сайқаллик йўқолади. Мазахчи эса буни билмайди. Кўрсатилган (ифода усулларининг) ҳаммасидан, мураккаб ва ноёб сўзлардан, айниқса, кўчма сўзлардан ўринли фойдаланишнинг аҳамияти катта: фақат бошқалардан кўчириб ишлатиш ярамайди.

Кўчимларни моҳирона ишлатиш истеъод белгиси, яхши метафоралар кашф этиш учун нарсалардаги ўхшашликни пайқаш зарур. Мураккаб сўзлар кўпроқ дифирамба учун, ноёб сўзлар қаҳрамонлик шеърларига, метафоралар эса ямб шеърларига мос келади. Дарвоқе, юқорида санааб ўтилган сўзларнинг ҳаммасини қаҳрамонлик ҳақидаги шеърларда қўллансанса бўлади. Жонли тилда фойдаланиладиган ҳамма сўзлар ямбдаги шеърларга мосдир, чунки бу (шеърлар) хусусан (жонли) тилга тақлид этади, кўп қўлланиладиган сўзлар, метафоралар ва безовчи сифатлашлар шундайдир.

Шундай қилиб, трагедия тўғрисида ва ҳаракат орқали акс эттириш ҳақида айтилганлар билан чегараланамиз.

ХХIII. ЭПОС, УНИНГРИВОЯТ ЖИХАТИДАН ТРАГЕДИЯГА ЎХШАШЛИГИ

Вазн воситасида тасвирловчи ҳикоя қилиш санъати ҳақида гапирсак, шуниси равшанки, бундай поэзияни (ҳам) драматикроқ руҳда — яхлит ва тугал, яъни бошланиши, ўртаси ва охири бўлган, мукаммал ҳамда жонли мавжудот каби завқ берувчи муайян бир воқеа атрофида қуриш керак. Эпос асарлари оддий тарихларга ўхшамаслиги керак.

Оддий тарихларда биргина воқеа тавсифланмайды, уларда бир вақтнинг ўзида юз берган, гоҳо бир-бiri билан фақат тасодиғий боғланишга эга бўлган, бир одамнинг ёки кўп одамларнинг бошидан ўтган барча воқеалар тавсифланаверади. Масалан, Саламин ёнидаги денгиз жанги ҳамда Сицилияда карфагенликлар билан бўлган жанг бир вақтда юз берганига қарамай, улар замирида ҳеч қандай умумий мақсад йўқ эди. Воқеалар турли вақтларда юз берганида ҳам ҳеч қандай ягона, умумий мақсад билан боғланмаган бўлур эди. Аммо шунга қарамай, деярли барча шоирлар худди шундай (тарихчилардай) иш тутишади. Аввал айтганимиздай, Ҳомер бу ерда ҳам бошқаларга таққослаганда арши-аъюда турди, у бутун уруш ҳақида асар ёзмади, ҳолбуки, урушнинг боши ва охири бор эди. (Негаки, (ўн йиллик) уруш жуда маҳобатли, қамраб олишга ноқулай, ўргача ҳажмда эса (ниҳоятда) қуроқ ва шу туфайли чалкаш эди.) Йўқ, Ҳомер урушнинг (фақат) бир қисмини олди, қолган қисмларидан эса асарни бўлакларга бўлиш учун қўшимча тафсилотлар сифатида фойдаланди, холос. Масалан, кемаларни санаб кўрсатиш, шунингдек, бошқа тафсилотлар. Қолган эпик шоирлар бир қаҳрамон, бир замон ҳақида ёзишди, бир воқеани тасвирлаганда эса «Киприяниклар» ва «Кичик Илиада» каби кўп қисмли қилиб ёзиши. Шунинг учун ҳам «Илиада» ва «Одиссея»нинг ҳар биридан бир-иккитадан трагедия тўқилгани ҳолда «Киприяниклар»дан кўплаб трагедиялар чиқди, «Кичик Илиада»дан эса саккиздан ошиқ — «Қурол баҳси», «Филоктет», «Неоптолем», «Эврипил», «Тиланчилик», «Лаконика аёллари», «Илионнинг қулаши», «Сузиб кетиш», шунингдек, «Синон» ҳамда «Троя аёллари».

XXIV. ТУРЛАР ВА ТАРКИБИЙ ҚИСМЛАРДАГИ ЎХШАШЛИК

Бундан ташқари, эпопея турлари худди трагедия турларидай (ё оддий, ё мураккаб тўқимали, ё характерлар эпопеяси, ё эҳтирослар эпопеяси), қисмлари ҳам трагедия қисмларидай (мусиқа ва томоша безагидан ташқари) бўлади.

Чунки эпопеяда ҳам кескин ўзгариш (перипетия)лар, түсатдан билиб қолышлар, изтироблар, фикр ва тил яхши бўлиши керак. Ҳомер шуларнинг ҳаммасидан биринчи марта ва аъло даражада фойдаланди. Унинг иккала поэмасидан бири «Илиада» кучли эҳтирослар эпопеяси, «Одиссея» эса мураккаб тўқимали (бутун поэма тўсатдан билиб қолишлардан иборат) бўлиб, характерлар эпопеясидир. Тил ва фикр жиҳатидан ҳам улар ҳамма достонлардан устун туради.

Эпопея трагедиядан таркиби узунлиги ҳамда вазни билан фарқланади. Бу узунликнинг чегараси (меъёри) ҳақида қўйида айтиладиган гаплар етарлидир: эпопеяда бир назар билан воқеанинг боши ва охирини қамраб олиш керак; эпопеялар таркиби қадимгилардан қисқароқ бўлиб, бир томонша вақтида кўрсатилувчи трагедиялар ҳажмига яқинлашсангина бу мумкин бўлади. Аммо эпопея ҳажмининг (худди шу) чўзиқлиги туфайли у муҳим бир хусусиятга эга бўлади. Трагедияда бир вақтда юз бераётган воқеаларнинг кўпгина қисмларини тасвирлаб бўлмайди, (трагедия) воқеанинг фақат саҳнада актёрлар томонидан кўрсатилаётган қисминигина тасвирлаши мумкин. Эпопея эса ҳикоя қилиш бўлгани учун бир вақтда юз бераётган кўпгина қисмларни (воқеаларни) тасвирлаши мумкин. Худди ана шу воқеалардан (агар улар ўринли бўлса) поэманинг ҳажми кенгаяди. Худди шу туфайли эпопея улуғворроқ бўлади, тингловчиларга ҳар хил таъсир кўрсатади, қўшимча тафсилотлари хилма-хил бўлади. Трагедиялар эса тез ғашга тегадиган бир хиллиги туфайли гоҳо муваффақиятсизликка учрайди.

Эпосда тажриба натижасида қаҳрамонлик вазни (гекзаметр) асосланиб қолди. Чиндан ҳам агар бирор шоир бошқа вазнда ёки кўпгина вазнларда ҳикоя қилса, у (асар) но-мутаносиб кўринади. Ҳақиқатан, қаҳрамонлик вазни энг барқарор ва асосли вазн бўлиб қолди, чунки унга ҳаммадан кўра ноёб ва кўчма сўзлардан фойдаланиш мос тушади, бу эса ҳикоячилик тасвирининг ўзига хос фазилатидир. Ямб (триметр) ва тетраметр эса — ҳаракатчан вазнлар бўлиб, бири саҳна тасвирлари учун, иккинчиси рақс учун қулайдир. Херемондагидек турли вазнларнинг қоришуви эса, яна-да ўринисизdir. Худди шунинг учун эпик асарларни ҳеч ким

қаҳрамонлик вазнидан бошқасида ёзмаган. Таъкидлагани-миздек, табиатнинг ўзи бундай асарларга яраша вазн танлашни ўргатиб қўйган.

Ҳомер бошқа фазилатларидан ташқари яна шу билан ҳар қандай мақтovга сазоворки, шоирлар ичida биргина у (шоир) поэма яратиш учун нима қилиш зарурлигини яхши билган. Шоир (поэмада) иложи борича ўзи камроқ гапириши керак, чунки унинг тасвирлаши бунга мутлақ боғлиқ эмас. Бошқа шоирлар эса (ўз ҳикоя усулида) ҳамма соҳада ўзини кўрсатишга интилишади, фақат кичик, озгина нарсаларнигина акс эттиришади. Ҳомер эса кичик бағишлиов тугаши биланоқ қаҳрамон (йигит ёки аёл)нинг муайян характеристики оча бошлайди, у қаҳрамонларини, албатта, характеристи билан кўрсатади ва ҳеч кимни характеристисиз кўрсатмайди!

Трагедияларда ажойиботларни ёзиш керак, бироқ эпопеяда яна ҳам кўпроқ ақл бовар қылмас нарсаларга йўл қўйилади, худди шу нарсалар ажойиботларни туғдиради. Бунинг сабаби шуки, (трагедияда) биз ҳаракат қилувчи шахсларни юзма-юз кўрмаймиз; саҳнада Гекторни қувиб юриш кулгили бўлур эди, ҳамма жойида туради ва қувмайди, бири бош ирғаб, уларга имо-ишора қиласди, эпосда эса бундай камчиллик сезилмайди.

Аслида ажойиботлар ёқимли бўлади, буни шундан ҳам билиш мумкинки, барча ровийлар тингловчиларнинг завқини келтириш учун лоф ишлатишади. Бундай лофларни қандай айтиш кераклигини Ҳомер бошқа барча шоирлардан кўра яхшироқ ўргата олади. Бу нарса соҳта хулоса чиқариш натижасида содир бўлади. Одамлар, агар бир нарса бўлса (юз берса), бошқа нарса ҳам бўлади (юз беради), шунинг учун, кейинги нарса бор экан, олдинги нарса ҳам бор, деб ўйлашади. Бу эса нотўғри. Шунинг учун, агар биринчи нарса нотўғри бўлса, мабодо иккинчи нарса бўлса ҳам гўё биринчи нарса бор (юзага келади). деган ўйга бормаслик керак. Бизнинг қалбимиз охирги нарсанинг чиндан ҳам борлигини билиб туриб, биринчи нарсани ҳам гўё бор, деб соҳта хулосага келади. «Ювиниш» саҳнаси бунга мисол бўла олади.

Умуман, гаройиб, аммо эҳтимол тутилган нарса, ишонарсиз бор нарсадан кўра ҳақиқатга яқинроқдир.

(Албатта) Ҳикояларни тасаввур қилиб бўлмайдиган қисмлардан тузиш яхши эмас: ҳикояларда тасаввур қилиб бўлмайдиган нарсалар бўлмагани яхши, агар бўлса ҳам улар (мазкур) ривоятдан ташқарида қолсин (Масалан: Эдипнинг Лайи қандай ўлганлигини билмаслиги воқеаси), драманинг ўзида эса бўлмагани яхши («Электра»да пифия ўйинлари ҳақидаги ҳикоя, «Мисияликлар»да Тегеядан Мисияга келган соқов киши воқеаси). Бошқача қилганда ривоят бузилади, дейиш кулгилидир, чунки ундан ривоятларга бошиданоқ қўл урмаган маъқул. Лекин модомики, бундай ривоятлар ёзилган ва шу тарзда талқин этилган экан, демак, мантиқа зид (фаройиб) нарсага ҳам йўл қўйиш мумкин. «Одиссея»да ҳам (Итакада) кемадан тушиш шу қадар мантиқсизки, агар воқеани нодонроқ ёзувчи тасвирлаганида, унга ҳеч ким тоқат қилолмасди. (Ҳомердай) шоир эса бу мантиқсиз ҳолатга сездирмай, ҳар хил йўллар билан ишонтиради.

Эпопеянинг тили масаласига келсак, айниқса, ҳаракат йўқ бўлган, характерлар ва фикрлар жиҳатидан ҳам ўткир бўлмаган қисмларда тилга алоҳида сайқал бериш керак. Баъзан ҳаддан зиёд ялтироқ сўзлар характерларни ва фикрларни аксинча хиралаштириши мумкин.

XXV. ПОЭЗИЯДАГИ ҲАҚИҚИЙ ВОҚЕЛИК ТАСВИРИНИ ТАНКИД ҚИЛГАНЛАРГА ЖАВОБ

Поэзияга қарши эътиrozлар ва уларга раддияларга келсак, уларнинг неча турли ва қандай бўлиши қўйида кўриб чиққанларимиздан маълум бўлади.

(А) Модомики, шоир (мусаввир ёки бошқа тасвирловчилар сингари) ҳаётни акс эттирап экан, демак у, муқаррар равища қўйидаги уч нарсадан бирини — (1) ҳаёт қандай бўлса, шундайлигича, (2) ё одамлар айтиётган ва тасаввур қилганича, (3) ё ҳаётнинг қандай бўлиши кераклигини тасвирлаши керак бўлади. (Б) Бу нарсаларга эса (ё оддий) тил билан, ё ноёб, ё кўчма маъноли сўзлар билан эришилади. Тилнинг жуда кўп ажойиботлари бор ва биз шоирларнинг булардан фойдаланишларига йўл қўяшимиз. (В) Бундан ташқари, поэзия ва

сиёсатдаги ҳаққонийлик ўртасида поэзия ва санъатнинг бошқа турларидаги ҳаққонийлик ўртасида катта фарқ бор. Поэзиянинг ўзида ҳам хатолар икки турли бўлади: бир хиллари жуда аҳамиятли, бир хиллари жузъий хатолар. Агар шоир тасвир учун (тўғри нарсани) танлаган бўлсаю, уни тасвирлашга кучи етмаса, бу шоирнинг ўз камчилиги бўлади. Агар шоир тасвир учун нотўғри нарсани (масалан, бирданига иккала ўнг оёғини кўтарган отни ёки табобат, ё бошқа бир санъат нуқтаи назаридан нотўғри нарсани) танласа, бу поэзияга унчали тегишли хато эмас. (Танқидчиларнинг) эътиrozларини рад этишга доир қарашлар шулардан иборат. (Г) Аввало, санъатнинг ўзига оид эътиrozларга тўхталайлик.

(1). Албаттa, агар шоир мумкин бўлмаган нарсани ёса хато қилади; аммо у шу нарса туфайли санъатнинг юқорида айтилган мақсадига эришса, яъни асарнинг у ёки бу қисмини ўткирлаштирса, тўғри йўл тутган бўлади. Масалан, Гекторни қувлашни олайлик. («Илиада» достонида — М.М.)

Лекин ана шу мақсадга мумкин қадар тегишли санъат — ҳунарларга зид келмайдиган йўл билан эришиш мумкин бўлса, шоирнинг хатога йўл қўйиши нотўғри. Чунки мумкин қадар хатога йўл қўймаган яхши.

(2). Сўнгра, хатолик санъатга доирми ёки тасодифийми, шунга ҳам эътибор бериш керак. Чиндан ҳам агар шоир оҳунинг шохи йўқлигини билмаса, бу унчалик хато эмас. Аммо (шохи йўқлигини билса ҳам) уни ёмон тасвирласа — буни кечириб бўлмайди.

(3). Шоир ҳаётда қандай бўлса, шундай тасвирламабди, деган таънага эътироz билдириб, шуни айтиш мумкинки, шоир ҳаётда қандай бўлиши кераклигини (ҳам) тасвирлайди: Софоклнинг айтишича, у одамларни қандай бўлиши керак бўлса, шундай тасвирлаган, Эврипид эса қандай бўлса, ўшандай тасвирлаган.

(4). Мабодо, иккала ҳолат ҳам назарга олинмаса, одамлар шундай дейишади деб қўя қолиш керак. Масалан, одамлар худолар ҳақида ҳақиқатдагидан яхшироқ гапиришмайди, эҳтимол ҳақиқатдагичалик ҳам гапиришмайди, балки Ксенофан ўйлаганидай гапиришади. Бироқ шунга қарамай одамлар (худолар ҳақида) шундай гапиришади.

(5). Бошқа нарсалар ҳақида ҳам одамлар асли қандай бўлса, ўшандан яхшироқ гапиришмайди. Ўша нарсалар бир вақтлар қандай бўлса, (ҳозир ҳам) ўшандай деб ўйлашади. Масалан, найза ҳақида: «Найзаларнинг ёғоч соплари ерга санчилган эди», деб ёзишади. Аммо найзалар илгари шундай қўйилар эди. Ҳозир ҳам иллирияниклар найзаларни шундай қўйишади.

(6). Кимdir алланимани яхши ёки ёмон дегани, аллақандай ишни яхши ёки ёмон қилгани ҳақида ҳукм чиқарганда — фақат айтилган ёки қилинган ишга қараб, муносиб ёки расво, деб ҳукм чиқармаслик керак. Бундай вақтда гапирувчи ёки бажарувчининг шахсига қарашиб, шу нарса ким учун, қачон, қандай ва нима учун айтилгани ёки қилинганига ҳам эътибор бериш лозим. Масалан, ўша нарса балки яхшилик учун ёки янада ёмонроқ фалокатнинг олдини олиш учун айтилгандир, ёки қилингандир.

(7). Баъзи таъналарга эътиroz билдирганда тилнинг хусусиятига эътиборни қаратиш керак. Масалан, (бирор асарда) ноёб сўзлар ишлатилгандир, таъна қилувчи ноёб сўзнинг маъносини тушуммагандир. Масалан, «Аввало у (Аполлон) мескларга бало ёғдирди...» деган жумлада «месклар» улов (эшак) эмас, балки соқчилар бўлиши мумкин. Ёки Долон ҳақида «кўримсиз эди...» дейилади. Бу ерда заиф жусса эмас, балки хунук юз ҳақида гап бораётгандир? Критда «кўримли» сўзи «чиройли чеҳра» маъносида ишлатилади-ку. Ёки «винони яхшироқ қилиб суз...» сўзлари маст-аластлар ичадиган, сув қўшмай суз, деган маънони эмас, балки «чаққонроқ суз» деган маънони англатади.

(8). Баъзи гаплар эса кўчма маънода айтилади (аммо мунаққидлар буни англамай эътиroz билдирадилар). Масалан, «Фарофатли тангрилар ҳам, қурол-яроғли суворийлар ҳам... Борлиқ ухлар бу кечабы...» сатрларидан сўнг дарҳол: «Қанча қарамасин у, трояликлар томон, ажабланар, найлару, сурнайлар шовқининг...» дейилади. Аслида бу ерда «Борлиқ» сўзи «Кўпчилик» маъносида келяпти, чунки «борлиқ» гоҳо «кўпчилик»нинг хусусий кўриниши бўлади. Худди шунингдек, «Танҳо зот ҳам бегона энди...» сўзлари ҳам кўчма маънода ишлатилган. «Танҳо» бу ерда «Ҳаммага таниш» маъносида келяпти.

(9). Баъзи (англашилмовчиликлар) сатр устидаги зер-забарлар ўрни алмашганидан келиб чиқади. Фасослик Гиппий сўзларида шундай қилган эди.

(10). Баъзи англашилмовчиликлар тиниш белгиларининг ўзгариб қолганлигидан келиб чиқади. «Боқий зотлар энди ўткинчи, пок бўлганлар, аввал нопокдир».

(11). Баъзи эътиrozлар сўзнинг бошқа маъносини тушунмаслиқдан келиб чиқади. Масалан, «туннинг иккидан кўп улуши ўтди» жумласида «кўп» сўзи «тўлиқ» маъносини билдиради.

(12). Баъзи эътиrozлар тилимиздаги қонуниятлар билан боғлиқ. Чунончи, биз винога сув қўшилса ҳам вино деймиз. Қўйидаги мисол худди шу маънода: «Қўрғошин оёғингни алмаштирсанг ҳам, янгини ҳадя этсанг ҳам юриб кўраман».

Темирчи усталарни ҳам мисгарлар деймиз. Шу маънода, «худолар» вино ичмаса ҳам Ганимедни Зевснинг «соқийси» деяверамиз. Эҳтимол, бу сўз кўчма маънода қўлланилгандир.

Ҳар ҳолда бирор сўзда мантиқа зидлик бордай туюлса, мазкур гапда шу сўз нечта маъно англатиши мумкинлигини ўйлаб кўриш керак.

«Найзани худди шу ушлаб қолди» деган гапдаги «ушлаб қолди» сўзи нечта маънода келади? Менинча, шундай йўл тутиш тўғрироқдир. Баъзилар эса тескари йўл тутишади. Баъзилар Главкон айтганидай, ўzlари ўша тасаввур қилган нарсаларини қоралашади, сўнгра маълум хулоса чиқаришади ва ўша хулоса ўзларининг фикрига тўғри келмаса, шоирга таъна қилиб, фалон-фалон (ёмон) фикрни айтибди, дейишади. Ҳолбуки, бу ўзларининг фикри бўлади. Икарой ҳақида ҳам шундай (нотўғри) фикрга боришган. Уни гўё лакониялик деб ўйлашиб, шу асосда нега у Лакадемонга келганида Телемах билан учрашмадийкин, деб ажабланишган. Лекин воқеа кефалленияликлар айтганидай бўлиши ҳам мумкин: Одиссейнинг хотини Кефаллениядан бўлиб (Пенелопанинг) отаси Икарой эмас, балки Икадий бўлиши ҳам мумкин. Чамаси шу хато туфайли эътиroz келиб чиқкан.

Умуман олганда, поэзиядаги мумкин бўлмайдиган нарсани «ҳаётдагидан яхшироқ» деган маънода ёки «ҳаёт ҳақида

одамлар шундай ўйлашади», деган маънода тушуниш керак. Чунки поэзияда мумкин бўладиган нарсани одам ишонмайдиган қилиб тасвирлашдан кўра, мумкин бўлмайдиган нарсани ишонарли қилиб тасвирлаш яхшироқdir. Чунончи Зевксид тасвирлагандай одамлар ҳаётда бўлиши мумкин эмас, аммо шундай бўлгани яхши, негаки, санъат асари ҳаётдаги нусхадан кўра аълороқ бўлиши зарур. Поэзияда ақл бовар қилмайдиган нарсаларни эса «одамлар шундай дейишади» деган маънода тушунмоқ лозим. Яна шу маънода тушуниш керакки, ақлга тўғри келмайдиган нарса ҳамиша ҳам ақлга номувофиқ бўлавермайди: ахир «мумкин бўлмаган нарсалар ҳам кўп содир бўлиши мумкин». Мантиққа зид гапларни ҳам одамларнинг ўзича ўйлашларини рад этганимиздай тушунишириш мумкин. Яъни, бир нарсанинг худди ўзи айтилганми. худди шу нарса ҳақида айтилганми, худди шу йўл билан айтилганми — мана шулар шоир ўзига қарши чиқаяптими, ўз ўзига қарама-қарши чиқаяптими — ҳаммасига жавоб беради.

Лекин агар шоир ҳеч бир заруриятсиз маънога зид (Эвриппидда Эгейнинг пайдо бўлишидай) нарсани ёхуд ахлоққа зид («Орест»даги Менелайнинг тубанлиги каби) нарсани тасвирласа, уни чиндан ҳам шундай нарсаларни тасвирланган деб айблаш асосли бўлади.

Демак, шоирга билдириладиган эътиrozлар тўрт хил бўлади: (1) мумкин бўлмаган нарсаларни тасвирлагани учун; (2) ақлга зид нарсаларни тасвирлагани учун; (3) ўз фикрига зид нарсаларни тасвирлагани учун; (4) санъат қоидаларига зид тасвирлагани учун. Бу эътиrozларни юқорида айтилган ўн икки жиҳатдан инкор этиш мумкин.

XXVI. ТРАГЕДИЯНИНГ ЭПОСДАН УСТУНЛИГИ

Эпик тасвир яхшими ёки трагик тасвирми, деган савол туғилиши мумкин. Унчалик оғир бўлмаган асар, албатта яхши, у энг яхши томошибинларга мўлжалланган. Ҳамма нарсани акс эттирувчи поэзия ҳамиша вазминроқ бўлади. Чунончи, баъзи ижрочилар, агар ўzlаридан бирон нарса қўшмаса, дисқ отаётганини кўрсатмоқчи бўлиб, пириллаб

айланадиган «Сцилла» трагедиясини ижро этаётганида ко-рифейга ёпишиб оладиган баъзи бемаза найчиларга ўхшаб, мумкин қадар кўп ҳаракат қилишмаса, томошабин тушун-май қолади, деб ўйлашади. Илгариги актёрлар кейинги ак-тёрлар авлоди ҳақида шундай фикр билдиришади. Масалан, аввалги актёр (Минниск) кейинги давр актёри Калли-пидни ижрода ошириб юборгани учун маймун деб атаган эди. (Актёр) Пиндар ҳақида ҳам шундай фикр бор эди. (Эпос тарафдорлари) трагедия ҳақида ҳам шу каби фикрларни айт-тишади. Каллипид ва Пиндар каби актёрлар кейинги авлод-га мансуб бўлганидай, бутун трагедия санъати эпосга нис-батан енгилпроқдир, дейишади эпос тарафдорлари. Эпос та-рафдорлари, — олижаноб одамларга мўлжалланган. Эпос актёрларнинг масҳарабозларча имо ва ҳаракатларига зор эмас, трагедия санъати эса авом учун чиқарилган, дейиша-ди.

Аммо, биринчидан, бу танқид поэзияга эмас, актёрлик санъатига дахлдордир. Ошиқча қилиқлар рапсодда ҳам уч-раши мумкин. Масалан, Сосистрат шундай бўлган. Яраш-маган қилиқларни лирик қўшиқлар ижрочиси опунтлик Мнасифей ҳам қилас эди. Сўнгра, (иккинчидан) умуман гавда ҳаракатларини инкор қилиш тўғри эмас. Акс ҳолда рақсни ҳам рад этиш керак бўлади. Бироқ истеъдодсиз актёрлар-нинг гавда ҳаракатларини инкор этиш керак, албатта. (Ил-гарироқ) Каллипидни ҳам, бошқа актёрларни ҳам эркин аёл-ларни ўхшатиб ўйнаёлмагани учун танқид қилинган ва ҳозир ҳам танқид қилинмоқда.

(Учинчидан) трагедия ҳар қанақа (ортиқча) ҳаракатлар-сиз ҳам ўз вазифасини эпопеядай бажара олади. Трагедияни ўқиганда ҳам унинг қандайлигини билиш мумкин. Шунинг учун ҳам трагедия барча жиҳатлардан устун экан, бу танқидни рад этиш мумкин. Қолган барча соҳаларда траге-дия юқори мавқега эга. (Биринчидан) Эпопеяда бор ҳамма нарса трагедияда ҳам бор: у эпопеянинг вазнидан фойдала-ниши мумкин; музика ва театр жиҳозлари ҳам унинг бир-мунча қисмини ташкил этади. Шу туфайли одамлар жуда катта лаззат оладилар. (Иккинчидан) трагедия ўқилганда ҳам, (саҳнада) қўйилганда ҳам чуқур таассурот қолдиради.

(Учинчидан) трагедия ўз мақсадига анча кичик ҳажм билан эриша олади — узоқ вақтга чўзилган барча нарсалардан кўра муайян бир жойга йифилган нарсалар ёқимлироқ таас-сурот қолдиради. Айтайлик, мабодо кимдир Софоклнинг «Эдип»ини худди «Илиада» каби қўшиқларга (бобларга) солиб ёзив чиқса нима бўлар эди? Ниҳоят, (тўртинчидан) эпопея тасвирида яхлитлик кам бўлади (бунинг исботи шуки, ҳар қандай поэмадан бир неча трагедия чиқарса бўла-ди), шунинг учун агар эпик шоирлар фақат бир ривоят билан чеклансалар, уларниң асарлари ё воқеалар баёнининг ихчамлиги туфайли нисбатан қисқа, ёки вазни чўзилиб кетса — серсув бўлиб қолади... Агар (поэма) «Илиада» ва «Одиссея» каби, бир неча воқеалардан ташкил топса, улар бир неча қисмлардан ташкил топадики. буларниң ҳар бири ўзига яраша ҳажмга эга бўлади. Тўғри, бу иккала поэма ило-жи борича гўзал ёзилган ва ягона воқеанинг аъло даражага-даги тасвири бўла олади.

Шундай қилиб, агар трагедия юқорида айтилган барча жиҳатлардан аъло экан, бунинг устига ўз санъати билан ҳам таъсир этар экан, трагедия ҳам, эпос ҳам ҳар қандай эмас, балки биз айтгандай лаззат бағишлар экан, демак, ўз-ўзи-дан равшанки, трагедия эпопеяга нисбатан мақсадга муво-фиқроқ бўлгани учун ҳам ундан аълороқдир.

ХУЛОСА

Трагедия ва эпопея ҳақида, уларниң турлари ва қисмлари хусусида, (уларниң) нечталиги ва бир-бирларидан фарқлари ҳақида, уларниң яхши ва ёмон чиқшии сабаблари тўғрисида, поэзияга билдирилган эътиrozлар ва уларни инкор этиши ҳақида шу айтганларимиз билан кифояланамиз...

ШОИРЛАР САНЬЯТИ ҚОНУНЛАРИ ҲАҚИДА

Бу ерда (келтирилаётган) муроҳазалардан мақсадимиз ҳаким Арастунинг «Фи-с-синоат аш-шеър» — («Шеър санъати» — «Поэтика») асарида айтган фикр-муроҳазаларини исботлаб кўрсатишдан ва унинг маъноларига ишора қилишдан иборатдир. Зероки, ана шу муроҳазалар билан шеърий санъат ишқибозларининг барчасини таништириш ниятидамиз. Шуниси ҳам борки, ҳаким Арасту ўзининг «Шеър санъати» у ёқда турсин, ҳатто софистика ҳақидаги муроҳазаларини ҳам мукаммал баён қилиб улгурмаган эди. Шунинг учун бу борадаги гапларнинг ҳаммасини ипидан-игнасигача муфассал қилиб, тартиби билан битмоқчи эмасмиз. Чунки «Софистика санъати» асарининг охирги жумлаларида Арасту айтиб ўтган муроҳазаларга қараганда, у бунинг сабабини аҳволни чинакамига ифодалаб бериш учун ўзидан олдин ўтганларнинг асаларига мувофиқ келадиган, (эскиларни) тартибга тушириб, улар асосида янгиларини пайдо қиладиган бирор усул ва қонун-қоидалар тополмагани билан изоҳлаган.

Ҳаким Арасту ўзининг шундай фазилати ва даҳоси билан тугатиб қўйишга жазм қилолмаган бир ишни биз ниҳоясига етказишга интилишимиздан кўра, бу санъатда фойда берадиган ва ҳозирги замонда учрайдиган қонун-қоидалар, мисол ва муроҳазалар келтириш билан чеклансанк яхшироқ бўлади.

Модомики шундай экан, биз деймизки, ... маънони билдирадиган сўзлар содда ва мураккаб бўлади. Мураккаб бўлган сўзлар бирор муроҳазани ё англатади, ё англатмайди. Муроҳазани англатадиганларининг қатъий жазмлилиги ва жазмсизи бўлади. Қатъийлари ё тўғри, ё ёлғон бўлади. Ёлғонларининг баъзилари эшитувчилар зеҳнига маъноси билан ўрнашиб қолади, бошқалари эса киши онгига нарсларнинг ўхшаши — акси билан ўрнашиб қолади. Мана шу нарса ўхшатиш — шеърий муроҳазалар саналади.

Мана шу акс — ўхшашликларнинг баъзилари энг мукам-мал бўлади, бошқалари нуқсонли бўлади. Уларнинг мукам-маллигини ё нуқсонли эканини аниқлаш шоирлар ва турли-туман тил ва шеъриятни ўрганаётган маърифат аҳлининг фикр доирасига киради. Лекин бундан ҳеч ким софистика билан акс этиш икковини бир сўз деб ўйламасин. Булар иккови ҳам баъзи сабабларга кўра бир-биридан бутунлай фарқ қиласиди.

Софистнинг мақсади билан тақлидчининг мақсади тур-лича, бир-биридан фарқ қиласиди. Софист эшитувчini ғалат-га унданб, ҳақиқатга тўғри келмайдиган, нуқсонли нарсаларни (одамнинг) кўз олдига келтириб қўяди. Ҳатто у мавжуд нарсани номавжуд деб, номавжуд нарсаларни эса мавжуд деб тасаввур қилдиради.

Аммо тақлидчи бўлса нарсанинг тескарисини эмас, бал-ки ўхшашини тасаввур қилдиради. Бунга ўхша什 нарсалар ҳисда ҳам учрайди. Ўз жойида турган киши шундай ҳолатга тушса, гўё ҳаракат қилаётгандай бўлади. Масалан, кемага минганди киши кемадан тушиб қирғоқда қолганларга қараса ёки ёз чоғида осмондаги ой ва юлдузларга тез сузаётган бу-лутлар ортидан қаралса шундай бўлади. Бундай ҳол одам-ларнинг ҳисларини чалғитади.

Аммо кўзгуга ёки ялтироқ силлиқ жисмга қараган киши-нинг ҳоли ҳам худди шундай бўлади, унга назар ташлаб, ўша нарсаларга ўхша什 нарсани кўраётгандай туюлади. Мулоҳазалар бир қанча бошқа қисмларга ҳам бўлиниши мумкин. Биз сенга айтсак, бу шулардан иборат: мулоҳаза ё қатъий, ё қатъий эмасликдан холи бўлмайди. Бордию, агар у қиёсий бўлса, у ҳолда билқувва табиатидан бўлади ё бўлма-са билфеъл ҳаракатидан бўлади. Бордию агар у унинг таби-атидан бўлса, у ҳолда мулоҳаза ё истиқро (индуктив), ё там-силий (аналогия) бўлади. Тамсил эса кўпинча шеър санъа-тида ишлатилади. Бундан аён бўлишича, шеърий мулоҳаза тамсил — аналогияга киради.

Қиёслар, умуман олганда, мулоҳазалар бошқа турларга ҳам бўлиниши мумкин. Айтишларича, мулоҳазалар ё бутун-лай рост, ё бутунлай ёлғон бўлиши мумкин. Ё бунинг теска-риси — тўғри ва ёлғон меъёри баб-баравар бўлиши мум-кин. Буткул рост мулоҳаза, ҳеч сўзсиз, бурхоний-исботли

деб аталади. Бордию, унинг рост томони кўпроқ бўлса, у ҳолда у жадалий — диалектик бўлади. Бордию, рост ва ёлғон иккови баробардан бўлиб қолса, у ҳолда у хитобий-риторик бўлади. Рост бутунлай камайиб бораверса, у ҳолда су-фастоий-софистик бўлади, бутунлай ёлғон бўлса, у ҳолда уни, ҳеч шубҳасиз, шеърий деб аталади. Ушбу қисмларга бўлиннишдан кўринишича, шеърий мулоҳаза на исботли, на диалектик, на хитобий-риторик ва на софистик эмасдир.

Шу билан бирга, у сужисмус — силлогизмга ёки унга қарам бўлган навларнинг бирига бориб тақалади, яъни «қарам бўлган навлар» дейишимдан кўзлаган мақсадим истиқро-индукция, мисол-аналогия, фаросат-интуиция ва шунга ўхшаш нарсалар бўлиб, улар мантиқи қувватида ўша қиёс — силлогизмнинг куч-қуввати бўлади.

Юқорида зикр қилиб ўтган нарсаларни тавсифлаб берганимиздан кейин энди биз шеърий мулоҳазаларнинг навларга қандай бўлиннишини таърифлаб беришимиз керак.

Шеърий мулоҳазаларга келганда, биз сенга айтсак, ё вазнларга қараб турларга бўлинади, ё бўлмаса маъноларга қараб бўлинади.

Аммо вазнларга қараб бўлиннишларга келганда шуни айтиш керакки, бундан бу ёғига мулоҳаза юритиш мусиқор — музикачи ва арузчиларга тегишилдир. Шу билан бирга, мулоҳазалар (яъни шеърий сўзлар) қайси тилда бўлгани ва музикачининг қайси тоифадан чиққанига боғлиқ.

Аммо шеърнинг маъносига қараб илмий томондан навларга тақсим қилинишига келсак, бу жиҳатлар ҳар бир халқ ва тоифадаги рамзларни билувчи ва шеърларни шарҳловчиларга, уларнинг маъноларини назорат қилувчи ва ўшаларга қараб улардан маълум хулосаларчиқарувчиларга ҳавола қилинади. Бу худди ҳозирги замонамизда форс ва араб шеърияти олимларининг бу борада китоблар тасниф қилганига ўхшаб кетади. Улар шеърларни турли навларга, чунончи, ҳажвия (сатира), мадҳия, муфоҳара, луғз — топишмоқли шеър, кулгили (комик), ғазалиёт, васфий шеър ҳамда китобларда топилиши қийин бўлмаган бошқа навларга бўладилар. У ерда булар битилганлиги бизни бу ҳақда муфассал эслашимиз ва гапни чўзиб ўтиришимиздан қутқаради.

Келинглар, бошқа масалага ўтайлик. Асарлари бизгача етиб келган ўтмиш ва ҳозирги замон шоирларининг кўпчилиги шеърларнинг аҳволига қараб вазнларини аралаштириб юборганлар. Улар шеъриятда мавжуд бўлган навларнинг ҳар бирига уларнинг мазмунига қараб маҳсус вазн белгилаб чиқмаганлар. Бу ҳолатдан фақат юнонларгина холи, холос. Улар шеър навларининг ҳар бирига маҳсус вазн турларини белгилаганлар. Чунончи, мадҳиялар вазни ҳажвиялар вазнидан бутунлай фарқ қиласди. Бошқа вазнларнинг аҳволи ҳам худди шундай.

Аммо бошқа халқ ва тоифаларда айтишларича, мадҳиялар ҳажвиялар куйланадиган кўп вазнларда ҳам куйланади. Бунда ё бутунлай мадҳия вазнида ҳажвия айтилади, ёки бутунлай бўлмаса ҳам кўпроқ айтилади. Бунга улар чегарани худди юнонлар кўйганидек жуда ҳам қатъий қилиб кўйишмаган.

Биз бу ерда худди ҳаким Арасту ўзининг шеър санъати ҳақидаги мулоҳазаларида санаб ўтганидек, юнонлар шеърлари турларини санаб ўтамиш, уларнинг ҳар бирининг навларига ишорат қилиб ўтамиш.

Энди биз сенга айтсан, юнон шеърияти мен қуида санаб ўтадиган навларга бўлинади. Улар шулардан иборат: трагедия (трағўзиё), дифирамби (дисирамби), комедия (кумузия), ёмби (иёмбу), драма (драмото), эний, диаграмма (диакрамма), сатира (сотовро), поэма (фиюмото), эпос (эфитсий), риторика (риторий), эфизоносоус ва акустика (акуститсий).

Аммо трагедияга келсак, у шеърнинг маълум бир нави бўлиб, унинг ўқилаётганини эшигтан ё ўзи овозини чиқарив ўқиган киши ҳузур қиласди. Трагедияларда бировларга мисол (ўрнак) бўла оладиган яхшиликлар ва мақтаниладиган феъл-атворлар зикр қилинади; бу вазнда шаҳарни бошқарувчи — ҳукмдорлар мадҳланади. Музикачилар подшоҳлар олдида шу трагедия вазнида куйлайдилар. Бордию, бирор подшоҳ ўлиб қолгудек бўлса, трагедия қисм-бўлакларига қўшимча нағмалар қўшиб, ўлган подшоҳга атаб навҳа-марсиялар айтганлар.

Аммо дифирамбига келсак, у шеъриятнинг бир тури бўлиб, унинг вазни трагедия вазнидан икки баробар катта

бўлади. Унда яхшилик ва мақталаидиган барча хулқ-атворлар, инсоний фазилатлар зикр этилади: дифирамбида маълум бир подшоҳ ё кишини мадҳ этиш мақсад қилиб олинмайди, балки ундаги умумий яхшиликлар зикр қилинади...

Аммо комедияга келсак, бу шеъриятнинг маълум бир тури бўлиб, унинг ҳам маълум вазни бўлади, унда ёмон феъл-атвор зикр қилинади, одамлар, уларнинг ахлоқларида қораланадиган ва хуш кўрилмаган табиатлар ҳажв қилинади. Кўпинча унинг бўлакларига оҳанг-нағмалар қўшилиб, уларда ҳам қораланадиган хулқ-атворлар эсланади. Бу эсланган хулқ-атворларда инсон, ҳайвон ва икковига алоқадор бўлган хунук шакл — тимсоллар иштирок этади.

Аммо ёмби ҳам шеъриятнинг бир нави бўлиб, унинг ҳам ўзига хос маълум вазни бўлади. Унда ҳам машҳур мулоҳазалар эсланади. Аммо куйланадиган нарсалар хушфеъл ҳам бўлиши мумкин, бадфеъл ҳам бўлиши мумкин — барибир, лекин шуниси борки, бу мисоли бир зарбулмасал — мақоллар каби машҳур бўлиши шарт. Шеъриятнинг бу нави тортишув, уруш-жанжал, фазаб ва фижинган пайтларда ўқила-диган шеърларда ишлатилади.

Аммо драмага келсак, у ҳам худди юқорида келтирилганлар каби шеър турларидан бири саналади: фақат бунда маълум кишилар ва маълум шахслар тўғрисида машҳур бўлган масал ва нақллар зикр қилинади.

Аммо эйнийга келсак, бу ҳам шеъриятнинг навларидан бири бўлиб, унда одамни хурсанд қиласидиган мулоҳазалар зикр қилинади. Шуниси ҳам борки, булар ё маҳоратнинг зўрлигидан ва ё ғоятда гўзал битилганидан одамни хушнуд этади.

Аммо эпиграммага келсак, бу ҳам шеъриятнинг бир нави бўлиб, буни қонуншунослар инсон хулқини тузатиш ҳамда тарбиялаш мушкул бўлган тақдирда унда шеър битиб, кимки қонун-қоидага риоя қўймас экан, унинг оқибатида аянчли аҳволга тушади, деб қўрқитиш ва руҳини даҳшатга солиш учун ишлатадилар.

Аммо эпика ва риторикага келсак, бу ҳам шеъриятнинг бир нави бўлиб, бунда илгари ўтган сиёсий ва қонуний тартиб-қоидалар тавсиф қилинади. Шеъриятнинг бу навида

подшоҳларнинг хулқ-атвори, у ҳақдаги хабарлар, унинг даври ва у билан боғлиқ бўлган воқеалар зикр қилинади.

Аммо сатирага келгандша шуни айтиш керакки, бу ҳам шеъриятнинг бир нави бўлиб, унинг ўзига хос вазни бор. Бу навдаги шеърларни музикачи олимлар яратганлар. Улар ўз куйлари билан тўрт оёқли ҳайвон, умуман олганда, ҳатто жамики ҳайвон зотларини ҳаракатга келтирадилар. Шунда бу ҳайвонлар ўзлари — табиий ҳаракатларидан (бир оз) четга чиққан бўлиб (маълум қилиқ қилиб), одамларни тажжубга соладилар.

Аммо фиюмуто-поэмага келсак, бу шеъриятнинг бир нави бўлиб, унда (бошқа навларга ўхшамаган ҳолда) яхшию ёмон, тўғрию эгри ҳар хил сифатлар куйланади, тасвиранади. Бу хилдаги ҳар бир шеър навларида гўзал ва яхши, қабиҳ ва разил ишлардан иборат бўлган воқеалар ифодаланади.

Аммо эфижоносуусга келсак, бу ҳам шеъриятдаги навларнинг бир тури бўлиб, буни табиатшунос олимлар яратганлар. Улар бунда табиий илмларни тавсифлаганлар. Шеър санъатидан энг узоқ саналган нав худди мана шу шеър нави ҳисобланади.

Аммо акустикага келсак, бу ҳам шеър навларининг бир тури бўлиб, бу нав орқали музика санъати ўргатилади. Бу тур шеър фақат музикага хос холос, бошқа ўринларда ундан фойдаланилмайди.

Юнон шеъриятини яхши билган кишилардан бизга етиб келган муфассал хабарларга кўра ва ҳаким Арастуга нисбат берилган шеър санъати ҳақидаги мулоҳазаларида ҳамда Томастиюс (Темистий) билан икковидан ташқари юнон китобларини шарҳловчи қадимги олимлар асарларида юнон шеърияти турлари ва уларнинг мазмунлари ҳақида топган гапларимиз мана шулардан иборат. Биз уларнинг баъзи мулоҳазаларида топганларимизга қараганда, улар ўз таснифларининг охирида шу маъноларни улаб кетганлар. Биз уларни қандай учратган бўлсак, ўшандай ҳолда эслаб ўтамиз.

Энди биз сенга айтсак, шоирлар чиндан ҳам түгма қобилятили ва шеър битишга тайёр табиатли кишилар бўлади ва улар ташбиҳ ва тамсилга лаёқатли бўладилар. Шоирлар

ё шеър навининг кўп турида, ё бўлмаса бир турида ижод қилишга лаёқатли бўладилар. Бир хил шоирлар шеър санъатидан етарлича хабардор бўлишавермайди, балки улар туғма қобилиятларининг яхшилиги билангина қаноат ҳосил қиласдилар, улар ўзларининг истеъдод даражаларига кўра иш тутадилар. Бундай шоирлар чинакам мусалжис-мутафаккир шоирлардан саналмайдилар. Чунки уларда шеър санъатини ўзлаштириб олиш учун камолот етишмайди ва бу санъатда турғунлик бўлмайди. Кимки ундан одам шеърини кўриб, у қобилиятли одам экан, деб ўйлаган бўлса, бу шунинг учунки, унинг феъл-авторида шоирларга хос бўлган турқ-кўриниш мавжудлигидангина шундай мулоҳазага келинган. Ё бўлмаса бу хил одамлар чинакамига шоирлар санъатини эгаллаган бўлишади, ҳатто шеър ижодига хос бўлган хусусиятлардан бирортаси ҳам — у қайси шеър турига алоқадор бўлмасин, барибир, бу қонун-қоидалар ундан қочиб қутулолмайди. Улар шеърият санъатида қўлланиладиган ташбиҳ ва тамсилларни жудаям маҳорат билан ишлатадилар. Бу хил шоирлар чиндан ҳам қобилиятли шонрлар дешишга сазовордирлар.

Ёки бўлажак шоирлар ўша юқорида айтиб ўтилган аввалги икки табақа шоирлар ва улар феълларига тақлид қилувчилар бўладилар. Булар ўша аввалги иккала табақа шоирлар йўли — ижодини ёдлайдилар. Бу турдагиларнинг ўзларида туғма шеърий табиати бўлмаган ҳолда, шеърий санъат қонун-қоидаларидан хабардор бўлиб туриб, ташбиҳ — ўхшатиш ва тамсил — метафоралар кетидан борадилар. Йўлдан адашадиган ва тоядиган шоирларнинг кўпчилиги худди мана шу табақа шоирлар ичидан чиқади.

Энди биз сенга айтсак, ўша юқорида айтиб ўтганимиз учтоифа шоирлар ҳар бири ижодда ё табиийлик, ё мажбурийликдан холи бўлмайди. Бундай дейишдан кўзлаган мақсадим шуки, бир шоир кўпинча мадҳияга ва ё бир яхши сўз айтишга табиатли бўлса, баъзан вазият уни ҳажвий ва бошқа турда шеър айтишга ҳам мажбур қилиб қолади. Айтаник, бир шоир шеърият навларининг маълум бир навида ижод қилиш санъатини танлаб олган ва ўзини шу хилдагига шеър ёзишга одатлантирган бўлса, баъзи ҳолларда тан-

лаб олмаган турларда ҳам шеър ижод қилишга түфри келади, бу эса унинг учун ўзи ижод қилишга одатланган шеър турига нисбатан бошқа бир навда мажбурий битилган шеър бўлади. Бу мажбурият ё ички, ё ташқи сабаблар билан бўлади. Аммо шоирнинг энг яхшиси, туфма шоир бўлгани саналади.

Сўнгра шоирларнинг шеър ижод қилиш борасидаги аҳволи камолотга етишгани ва етишмагани жиҳатидан турлича бўлади. Бу эса ё фоя жиҳатидан, ё бўлмаса мавзу жиҳатидан шундай бўлиши мумкин.

Аммо фоя жиҳатидан олган тақдиримизда, улар шеърга баъзан ёрдам берса ҳам, баъзида унга ёрдам беролмай қолади. Бунга баъзан руҳий (нафсоний) кайфиятлар сабаб бўлади. Шунда у руҳий кайфиятлар устун келади, ё бўлмаса баъзан ўзи унга муҳтожлигидан тушкунликка учраб, пасайиб кетади.

Аммо бу бобдаги текширишларимиздан мақсад бу масаланинг ипидан-игнасигача синчиклаб аниқлашдан иборат эмас, чунки буларнинг ҳаммаси ахлоқ ва руҳий кайфиятлар тавсифлари ҳамда уларнинг ҳар бирининг (инсон руҳига) алоҳида таъсири ҳақида битилган китобларда керагича баён қилинган.

...Шоирнинг етук ва етукмаслиги ҳақида муроҷаза ўша ўхшатишнинг (ҳақиқатга) яқин ё узоқлигига боғлиқ бўлади.

Баъзан шунақаси ҳам бўладики, шеър санъатида энг орқада қолган шоир ҳам юқори даражада ажойиб шеър яратиши мумкин, ҳатто бу соҳада билағонлар ҳам унга тенг келадиган нарса (шеър) яратолмаслиги мумкин. Лекин шуниси борки, бунга сабаб баҳт ва тасодифнинг түфри келишидан бўлади. Лекин ундан одам (қанчалик ажойиб шеър ёзган бўлмасин) бу ёзган шеъри билан сўз санъаткори деган номга сазовор бўлолмайди.

Ташбиҳ даражалари турлича бўлади. Шу жиҳатдан қаранганимизда ўхшатишнинг яқин ва муносиб бўлмоғи мавзуга ҳам боғлиқ ё бўлмаса шоирнинг бу санъатдаги маҳоратига ҳам боғлиқ. Ҳатто шу уста шоир бир-биридан узоқ бўлган икки нарсани муроҷазаларни орттириш билан бир-бирига мувофиқдек қилиб кўрсата олади. Бу эса шоирлардан яширин бўлмаган ҳоллардандир. Шу жумладан шоирлар А билан Б ни ва Б билан Ж ни бир-бирига ўхшатадилар. Чунки

бунда А билан Б ўртасида яқин ва муносиб ҳамда маълум бўлган ўхшашлик бор. Шу билан бирга, яна Б билан Ж ўртасида ҳам яқин муносиб ҳамда маълум бўлган ўхшашлик бор. Улар сўз маъносини шунга буриб, ҳатто сомиъ — эшитувчи, муншид — ўқиб берувчиларнинг фикр-энкрини, гарчи улар ораси узоқ бўлмаса ҳам А билан Б ва Б билан Ж ўртасида бўлган ўхшашликдан огоҳлантироқчи бўладилар.

Бу санъатда шоирликнинг танланиши одатда жуда улкан бойлик саналади. Бу худди ҳозирги замондаги баъзи бир шоирлар қилмишига ўхшаб кетади. Улар шундайки, агар бир сўзни шеърдаги байтга қофиядош қилиб қўйиб, олдинги байтда лозим бўлган нарсаларни ёки тасвирлаш ниятида бўлган нарсаларни бита олса, у ҳолда одамда жуда ажойиб ҳузурбахш ҳолат пайдо бўлади.

Биз яна шундай деймиз: бу санъат аҳли билан нақш берувчи рассом санъати ўртасида қандайдир муносабат бор. Булар иккаласининг санъатдаги моддаси турли-туман бўлса ҳам, аммо шаклда, яратилиш ва мақсадларда бир-бирига мос келади. Ёки айтайлик, ўша иккала яратилган нарсада, улар шаклларида ва мақсадларида бир-бирига мувозанат, ўхшашлик бор. Бу шундайки, шеър санъатини безайдиган нарсалар сўз — мулоҳазалар бўлса, рассомлар санъатини безайдиган нарса — бўёқлар саналади. Буларнинг иккови ўртасида фарқ бор, аммо иккалasi ҳам феълда бир-бирига ўхшаш, иккалasi ҳам одамлар тасаввури ва сезгиларида бир мақсадга — тақлид қилишга йўналган бўлади.

Шоирлар санъати илмини ўрганувчилар фойдаланадиган умумий қонун-қоидалар мана шулардан иборат. Бу қонунларнинг кўпини (илмий нуқтаи назардан) текшириб чиқиб, мулоҳазалар билдириш ҳам мумкин эди, лекин бундай санъат соҳасида илмий текшириш олиб боришдек нарса инсонни санъатнинг бир навида бир томонлама мулоҳаза олиб боришга элтиши ҳамда бошқа навлар ва қарашлардан юз ўгиришга олиб келиши мумкин.

Шу сабабдан бу соҳада айтиб ўтган мулоҳазаларимиз унга ўхшаган бирор нарсани ҳал қилиб ҳам беролмайди.

(Шу билан Абу Наср Муҳаммад ибн Муҳаммад ибн Тархон ал-Форобий ёзган рисола тугади.)

АРАСТУ «ПОЭТИКА»СИ ВА УНИНГ ШАРҚДАГИ ИЗДОШЛАРИ

Арасту «Поэтика»си ўрта асрларда Шарқда дастлаб қадимги сурёний тилида, сўнгра эса араб тилида тарқалган эди.

У маҳалларда араб тили ҳали илмий тил сифатида танилмаган, кўп асарларни, шулар жумласидан кўп юон муллифларининг таълифларини сурёний тилига таржима қилиш одат эди. Ҳатто «Калила ва Димна» китоби ҳам арабчага таржима қилинишдан анча олдин санскрит тилидан сурёний тилига кўчирилган эди. Кейинчалик ўнинчи асрга келиб «Поэтика» сурёний тилидан арабчага таржима қилинди. Бунинг дастлабки таржимонларидан бири Исҳоқ ибн Ҳунайн (вафоти 911) бўлса, бошқаси Матто ибн Юнус ал-Қунной (941-да ҳаёт бўлган) эди. Ал-Қунной таржимаси давримизгача ҳам етиб келган. Шу билан ўрта асрларда бу асар араб дунёсига тарқалиб кетди.

Арасту асарларини рўёбга чиқаришга бел боғлаган Фарб олимлари Шарқ олимлари мероси билан ҳам қизиқиб, уларни нашр этишга хизмат қилдилар. Инглиз шарқшунос олими Давид Самуил Марголиус 1887 йили Арасту «Поэтика»сининг Матто ибн Юнус қилган таржимасини топиб, уни Лондонда нашр этди ва шу китобига Ибн Синонинг «Аш-Шифо» асарининг бир бўлаги бўлмиш «Шеър санъати» китобини ҳам илова қилди. Шу билан бирга Марголиус Ибн Синонинг «Уюн ал-Ҳикма» («Ҳикмат булоқлари») асарида ўша китобидан келтирилган шеъриятга оид парчани ҳам нашр этди.

Маълумки, Арастунинг бу китоби ҳақида араб файласуфи Абу Исҳоқ ал-Киндий (801-866) ҳам қисқа бир китоб ёзган.

Чунки бу соҳада фикр-мулоҳаза билдириш, айрим рисола-асарлар ёзиш олижаноб бурч саналган. Шу сабабдан бўлса керак, ал-Киндийдан сўнг машҳур файласуф Абу Наср

Форобий (873-950), Ибн Сино (980-1037) ва Ибн Рушд (1126-1198) каби атоқли кишилар ҳам «Поэтика» борасида ўз мулоҳазаларини баён этгандар, бу асар орқали ўша давргача юонон адабиётида мавжуд бўлиб, араб адабиётида бўлмаган адабий шакл, жанрларни тарғиб қилганлар. Иккинчи томондан, улар бу тўғрида ўз андишалари билан китобхонлар оммаси билан ўртоқлашишган. Натижада «Нафис санъатлар» ҳақида арабийнавис адабиёт вакиллари орасида ҳам қатор асарлар пайдо бўлган. Айниқса, Форобий, Ибн Сино, Ибн Рушдларнинг бу тўғридаги асарлари диққатта сазовор.

Ал-Киндийнинг бу ҳақдаги асарини бизгача етиб келган ёки келмаганлиги ҳалигача илмий адабиётда маълум эмас. Унинг таржимаи ҳолидан маълум бўлишича, у юонон тилини яхши билган, шунинг учун Ал-Киндий Арасту асарининг оригиналидан баҳраманд бўлган ва бу тўғридаги мулоҳазаларини битиб кетган дейиш мумкин.

Абдураҳмон Бадавий Ал-Киндийнинг бу китоби ҳақида мулоҳаза билдириб, уни Арасту «Поэтика»сидан қисқартириб олинган, деган хulosага келади.

Араб олими Ибн Абу Усайбия (1203-1270) «Уюн-ал-анбо» («Янги хабарларнинг булоқлари») асарида қуйидагиларни ёзади:

«Абу Закариё Яҳё ибн Адий Иброҳим ибн Абдуллоҳдан илтимос қилиб, сен бориб айтгин, Исҳоқ эллик динорга менга Арастунинг «Софистика», «Хитоба» («Риторика») ва «Поэтика» асарлари таржимасини берсин, деган экан, у ўз таржималарини аталган пулга сотмасдан ўлаётган вақтида ёқиб юборган экан».

Бу жумладан кўринишича, Исҳоқ Ибн Ҳунайн Арастунинг «Поэтика» асарини дастлаб таржима қилган кишилардан бўлган.

* * *

Абу Наср Форобий Арастунинг кўп асарларига шарҳлар боғлаб, уларни кўпчилик ўртасида оммалаштирган. Ана шунинг учун ҳам уни Арастудан кейинги етишган иккинчи муаллим — Муаллими соний деб аташган. Ибн Синонинг таржимаи ҳолидан маълум бўлишича, у Арастунинг «Ме-

тафизика» асарини қирқ бор ўқиган, лекин шундай бўлишига қарамай, унинг ибораларидан ҳеч нарса англамаган. Ибн Сино ниҳоят Форобий ёзган шарҳ орқали уни тушунишга муваффақ бўлган. Форобий Арастунинг «Поэтика» асарини ўқиб у ҳақда бир асар — рисола ёзиб, унинг мазмунини талқин қилишга ва унинг аҳамиятини баён қилишга уринган.

Унинг «Рисола фи қавонийн синоат аш-шуаро» деб аталган асари мана шу мулоҳазага далил бўла олади.

Ундан ташқари, Форобий бу тўғрида бошқа бир рисола ҳам ёзган. Унинг бу асари «Шеър китоби» деб аталиб, унинг бир нусхаси Чехословакиянинг Братислава шаҳрида сақланадиган араб қўлёзмалари орасида топилган.

Булардан кўринишича, Форобий шеърият масаласи ва уларнинг юонон адабиётидаги шакллари, шоир ўрни ва унинг — вазифаси борасида анча кенг фикр юритган. Ибн Абу Усайбианинг кўрсатишича, Форобийнинг «Калом фи-ш-шеър ва ал-қавофи» («Шеър ва қофиялар ҳақида сўз») ҳамда «Китоб фи-л-лугот» («Тил ҳақида китоб») асари ҳам бўлган.

Форобий «Шеър китоби» асари дебочасида ёзади: «Биз бу ерда худди Ҳаким Арасту ўзининг шеър санъати ҳақида ги мулоҳазаларида санаб ўтганидек, юонлардаги шеър турларини санаб ўтамиш, уларнинг ҳар бирининг навларига ишорат қилиб ўтамиш».

Лекин шуниси борки, Арасту «Поэтика»сида Форобий келтирган жанрлар тақсимоти бутунлай йўқ. Арасту жанрларни бундай тақсим қилмаган. Бу балки юонон адабиётига тегишли бошқа манбалардан олинган бўлиши мумкин. Балки Форобий Арасту «Поэтика»сининг тўла қисмини ўқишига мұяссар бўлгандир. Ундей десак, Ибн Синодан илгарироқ ўтган Матто Ибн Юнуснинг Арасту «Поэтика»сини сурёний тилидан араб тилига таржима қилган нусхаси ҳозиргача етиб келган. Бу таржиманинг оригинални — яъни сурёнийчаси анча илгари таржима бўлганидан дарак беради. Аммо бунда ҳам «Поэтика» асари ҳозирги кундагидек йигирма олти қисмдан иборат.

Форобий бу асарини ёзишда бу борадаги бошқа асарлардан ҳамда Арастунинг шогирди Фемистийнинг бу тўғрида ёзганларидан фойдаланган кўринади.

Ибн ал-Ибрийнинг кўрсатишича, Ҳомернинг «Илиада»-си сурёний тилига таржима қилинган эди. Демак, бу даврда юонон адабиёти шоҳ асарларининг кўпи сурёний тилига таржима қилинган бўлади. Бундан эса араб тилига кўчган бўлиши ҳам мумкин. Бу тилни Форобийнинг устозлари (чунончи, Ибн Хийлон) ҳамда дўст ва шогирдлари (Матто ибн Юнус ва Ибн Адий) яхши билган эди. Шуниси ҳам борки, Форобийнинг ўзи ҳам сурёний тилини билган бўлиши ҳақиқатдан узоқ эмас. Унинг кўп тил билиши у ҳақда сақланиб қолган фольклор материалларидан ҳам маълум.

«ПОЭТИКА» ВА ҲОЗИРГИ ЗАМОН АДАБИЁТИ

Трагедия таърифидаги сўзларнинг мазмуни кўп асрлардан бери турлича шарҳланиб келаётир. Бу таърифнинг таржимаси ҳам табиийки, турлича талқинларни ўз ичига олади. Рус тилидаги «действие» сўзи кўп маъноларни, хусусан «ҳаракат», «иш-ҳаракат», «воқеа», «кўриниш» маънолари ни англатади. Ўзбек тилида эса биз «Поэтика»нинг трагедия таърифига оид контекстидан келиб чиқиб, «действие» сўзини «хатти-ҳаракат», «қилтулик» ёки «қилмиш» деб олиши ни лозим кўрдик. Чунки Арасту санъат назариясига асос қилиб олган трагедияларнинг («Антихона», «Орестея», «Эдип», «Электра» ва бошқалар) мазмуни ва моҳиятидан келиб чиқсан, асарларда қаҳрамонларнинг қилмиши асосий ўринни эгаллайди. Эдипнинг қилмиши фақат ўзини фожиага учратиб қолмай, балки давлат, жамиятнинг ҳам бошига кўп фалокатлар ёғдиради. Эдипнинг гуноҳи жуда даҳшатли — у ўзи билмагани ҳолда отасини ўлдириб, онасига уйланади. Антихона эса онгли равишда сингиллик бурчини ижро этади. Эдипнинг ўғиллари Этеокл ва Полиник тахт талашиб, ўзаро кураш бошлашади. Полиник ўзга юртларга кетиб, яна олти лашкарбоши билан бирга (еттига бўлиб) она шаҳри Фивага қарши курашади. («Фиванинг етти душманни.») Ака-ука ўзаро жангда ҳалок бўлишади. Фивага ҳукмрон бўлган Креонт Этеоклни шон-шавкат билан кўмади. Юртга душманларни бошлаб келган Полиникнинг жасадини эса дағн этмаслик ҳақида фармон чиқаради. Агар кимки фармонни бузса, ўлим жазосига ҳукм этилади. Антихона ўлим хавфидан қўрқмай акасини дағн этаётганида қўлга тушади. Бундай қилмишларни эса оддий «ҳаракат» ёхуд «иш-ҳаракат», ҳатто «воқеа» сўзи билан ифодалаш тўғри бўлмас эди. Бугина эмас, рус тилида драматик асар қаҳрамонлари га нисбатан «действующие лица» сўзлари ишлатилади. Ўзбек тилида бу сўзларни оддий «ҳаракат қилувчилар» ёки «қатнашувчилар» деб олиш мақсадгага мувофиқ эмас. Шунинг учун

биз бу сўзларни «асар қаҳрамонлари» ва «фаол шахслар» деб олдик. Чунки, юқорида айтилганда, даҳшатли ёки буюк қилмишларни табиийки, оддий «ҳаракат қилувчилар» эмас, балки фаол шахсларгина юзага келтирадилар. Арастунинг қуидаги сўзлари ҳам тўғри йўл тутганимизни кўрсатади: «Бироқ бу қисмлардан энг муҳими — воқеалар оқимидири, — дейди мутафаккир, — чунки трагедия «пассив» одамлар тасвири эмас, балки қилмиш тасвиридири, ҳаёт, баҳт-сизликлар эса (инсон) қилмиши туфайли бўлади». («Поэтика», V боб.) Бу жумладаги «пассив» сўзини файласуф М.Л. Гаспаров аниқлик киритиш учун тўғри қўллаган. Чунки у ҳам Арасту фикрининг моҳиятидан келиб чиққан.

Арасту трагедия таркибини олти унсур (элемент)га бўлиб кўрсатади: биринчиси — томошавийлик, иккинчиси — музыка қисми, учинчиси — асар тили — қаҳрамонлар нутқи, тўртинчиси — фикр (фоя), бешинчиси — характер, олтинчиси — ривоят — воқеа. Арасту асар фояси ва характерга жуда катта аҳамият беради. «Ана шу фоя ва характерга мувофиқ фаол шахслар (ёки қаҳрамонлар) муваффақиятга ёки мағлубиятга учрайдилар», дейди у. Чиндан ҳам фоя, эътиқод қаҳрамонларнинг тақдирига ҳал этувчи таъсир кўрсатади. Прометей, Насимий, Машраб, Улугбек, Галилей, Бруно, Коперник, Жанна д'Арк сингари буюк шахслар фоя, эътиқод йўлида ҳаётларини фидо қилдилар. Асарда (айниқса, қадимий афсоналар даврида) фоя ва характер манбаи ривоят (воқеа)дир. Характер қирралари ва шахс интилган фоя, эътиқод воқеада кўринади. Воқеада характернинг қандайлиги маълум бўлади. Демак, Арасту мифос деганда ривоят ёки афсона воқеасини кўзда тутади. «Демак, шоирлар фаол шахсларни уларнинг характерларини кўрсатиш учун тасвирламайди, улар характерларни ҳам қилмиш орқали кўрсатишади. ...Қилмиш тасвирининг ўзи эса воқеадир» (Поэтика, VI боб.).

Ҳозирги замоннинг барча адабиёт назариётчилари бадиий асарда характерни биринчи ўринга қўйишади. Арасту эса, негадир бундай қилмайди. «Трагедиянинг мақсади бирон фазилатни эмас, балки воқеани, қилмишни тасвирлашдир, — дейди у. — Кишилар ўз характерига кўра қандайдир

фазилатга эга бўлади, қилмиши билан эса баҳтли ёки баҳтсиз бўлиб чиқади». «Поэтика» автори учун инсонларнинг характери қандайлиги, яхши ёки ёмонлиги, олижаноб ёки тубанлиги муҳим масала бўлса ҳам, аммо бадий асарда инсон характерининг қандайлигини кўрсатувчи асосий мезон, бу — одамларнинг хатти-ҳаракати, қилмишлари. Чунончи, Эсхил асарининг қаҳрамони Прометей характеридаги улуғворлик, жафокашлик унинг буюк қилмиши — худолар, қудратли ҳукмдорлар ғазабидан қўрқмай, халққа олов келтириб бериши орқали намоён бўлади. Агар Прометейнинг шу қилмиши бўлмаса, унинг характери қандайлигини билолмаган бўлардик. Эврипиднинг «Электра» трагедиясида ҳам Клитемнестранинг характери унинг ёвуз қилмишида яққол кўринади: у ўйнаши Эгисф билан тил биритириб, эрини, бирлашган юонон қўшинларининг бош қўмондени, Троя урушининг шавкатли қаҳрамони — Агомемнонни алдаб, тузоққа тушириб ўлдиради. Одамларнинг характерлари уларнинг ҳар қандай қилмишида эмас, балки хоҳ улуғвор, хоҳ тубан — фаол қилмишларида равшан кўринади. Демак, шахсларнинг фаоллиги ҳам уларнинг муҳим қилмишлари орқали юзага чиқади.

Шу мулоҳазалардан сўнг Арасту асаридаги миф — фабула, ривоят тушунчаси нимани англатиши ҳақида гапириш эҳтиёжи туғилади. Чунончи, бу муҳим муаммо ҳам юқоридаги масалалар билан узвий боғлангандир. А.Квятковскийнинг «Поэтик терминлар луфати»да бундай дейилади: «Фабула (лотинча — тарих, ҳикоя) — бадий асарда сюжет асосидаги воқеалар ва ҳодисаларнинг кетма-кет (изчил) ривожланишидир» (320-бет). Арасту асаридаги «мифос»ни Аппельрот «фабула» деб, М.Л.Гаспаров «сказание» деб таржима қилган. Асар контекстидан, Аристотель фикрлари моҳиятидан келиб чиқилса, М.Л.Гаспаров қўллаган сўз — «сказание» мақсадга мувофиқроқ келади. Кейинги вариантни маъқуллаганимиз учун биз «ривоят» деб олдик. Чунки «Поэтика»да худди шу ҳақда гап боради. Тўғри, асар фабуласи, сюжети, бадий асар воқеаси сўзлари бир-бири билан унчалик узоқ тушунчаларни англатмайди. Шунга қарамай, М.Л.Гаспаров «сказание» сўзини ишлатганининг боиси

шуки, Аристотель даврида яратилган эпос ва трагедия асарларининг ҳаммасига қадимий мифлар, ривоятларнинг воқеалари асос бўлган. Шунинг учун у вақтларда «ривоят» сўзи «фабула», «сюжет йўллари» маъносида ҳам ишлатилган.

Арасту асарнинг (трагедия асарининг) асосий таркибий қисмларидан, «сюжет йўллари»дан бири деб «перипетия»ни — воқеаларнинг кутилмаган, кескин ўзгаришини кўрсатади. Агар бу сўзларнинг моҳиятидан келиб чиқсан, «перипетия»ни яна «мушкулот» деб таржима қилиш мумкин. Чунки асар воқеалари давомида қаҳрамон тақдирида юз берган, кутилмаган, кескин ўзгариш, албатта, мушкулотни, мурракаб аҳволни юзага келтиради. Ана шу мушкулот пайтларида эса характерлар, одамларнинг қандайлиги билинади.

Асар воқеалари ривожидаги яна бир муҳим унсурни Аппельрот ҳам, Гаспаров ҳам рус тилига «узнавание» деб таржима қилганлар. Бу сўз асар қаҳрамонларининг тақдирида ҳал қилувчи лаҳзаларда бирор муҳим воқеани (ёки ўша воқеада қатнашган одамни) тўсатдан билиб қолиш деган маънени англалади. Шундай ҳолатларда билиб қолиш қаҳрамон тақдирини ҳам, воқеалар оқимини ҳам ўзgartириб юборади. Софокл асарида Эдипнинг воқеалар давомида Иокастатининг кимлигини билиб қолиши, Ифигения акаси Орестни таниб, билиб қолиши, «Одиссея»да Пенелопа тўй куни ҳижронда юрган Одиссейни билиб қолиши, Фирдавсий достонида Рустам яккама-якка жангда мағлуб бўлган рақиби — ўғли Суҳроб эканлигини билиб қолиши, Алишер Навоийнинг «Сабъаи сайёр» достонидаги ҳикоятларда Суҳайл билан Мехрнинг, Аҳий билан Фарруҳнинг кутилмаганда бирбируни таниб, билиб қолишлари, Абдулла Қодирий романида Отабекнинг тўй куни чимилдиқда келин — севгилиси Кумуш эканлигини билиб қолиши — буларнинг ҳаммаси асар воқеаларини ўзgartириб юборади ва қаҳрамонлар тақдирига ҳал қилувчи таъсир кўрсатади. Ўзбек тилида ана шу бадиий унсурни «таниб қолиш» ёки «билиб қолиш» деган бирикма билан ифодалашга тўғри келади. Трагедиянинг ва

ҳар қандай бадиий асарнинг яна бир муҳим унсурини Арас-ту пафос деб атайди. М.Л.Гаспаров бу сўзни «страсть» деб таржима қилган. Ўзбек адабиётшунослигига бу тушунча пафос деб ҳам, эҳтирос деб ҳам ифодаланмоқда. Ҳақиқатан пафоссиз, эҳтироссиз асар на томошабинни, на ўқувчини қизиқтиромайди, ҳаяжонга солмайди. Асарда, унинг ижодкорида, албатта, кучли ҳаяжон бўлиши керак. Табиатан қаҳрамонларидаи эҳтиросли бўлган шоирлар кўпроқ ишонтира олади. «Ўзи ҳаяжонлана оладиган шоир томошабинларни ҳам ҳақиқатан ҳаяжонлантира олади, — дейди Арас-ту. — Ўзи ғазаблана оладиган киши томошабинларни ҳам ҳақиқий ғазаблантира олади» («Поэтика», XVII боб).

Арасту яна бир ўринда бундай дейди: «Кўрқинчлилик ва аянчлилик саҳна жиҳозлари орқали келиб чиқиши мумкин, бироқ энг яхши шоирларнинг асарларида эса воқеалар оқимининг ўзидан ҳам пайдо бўлади. Аслида асар шундай ёзилиши керакки, у саҳнада кўрилмаганида ҳам бўлиб ўтадиган воқеани тингловчи ҳар бир киши худди Эдип ҳақида-ги ривоятни тинглагандай, ҳодисаларнинг ўсиб бориши да-вомида ғам чекувчига нисбатан ҳамдард бўлсин ва вужуди живирлаб сескансин» («Поэтика», XIV боб). Бу фикр ада-биёт назариясига муносаб ҳисса қўшган ва қўшаётган ўзбек адиблари ва олимлари ижодида ҳам учрайди. «Ёзувчи ўзи ҳис қилмаган нарса ҳақида ёёса, буни ўқиган ўқувчи ҳам ҳеч нарсани ҳис қилолмайди, — деган эди Абулла Қаҳҳор. — Демак, куйдириш учун куйиш, ардоқлаш учун ардоқла-ниш шарт. Ҳис қилинмасдан ёзилган нарса қофоздан қилин-ган гулга ўхшайди». Истеъоддларга бой ва йил сайин камо-лотга интилаётган ҳозирги ўзбек адабиётида ҳам чуқур ҳис қилиб, эҳтиросли ёзилган бадиий асарлар билан бирга, мав-зуни чуқур билмай, айниқса, ҳис қилмай, лоқайдлик (ёки сохта пафос, сохта эҳтирослар) билан ёзилган асарлар бор. Шунинг учун Арастунинг пафос, эҳтирос, ҳаяжон, ғазаб ижодкорнинг табиатида бўлиши керак, деган таълимоти ҳозирги давр учун ҳам foят қимматлидир.

Арастунинг истеъодд ва маҳорат ҳақидағи фикрлари ҳам узоқ асрлардан буён баҳс-мунозараларга сабаб бўлиб келмоқда. Русча таржимада маҳорат тушунчаси «санъат» деб

олинган. Бу сўз ҳозир кўпчилик тушунадиган «санъат асарлари» деган маънода эмас, балки касб-ҳунар маъносида ишлатилган. Форобий асарларида ҳам арабча «санъат» сўзи касб, ҳунар, фан маъносида ишлатилади. Арасту ҳам поэзия санъати ҳақида гапирмай, истеъдод, туғма истеъдод ҳақида гапирганида, «санъат» сўзини «маҳорат», «малака» маъносида қўллади ва уни маълум маънода «туғма истеъдод»га қарши қўяди. «Баъзи кишилар санъаткорлик туфайли, баъзилар малака сабабли, яна баъзилар туғма истеъдодлари туфайли бўёклар ва шакллар ёрдамида кўп нарсаларнинг тасвирини яратадилар», дейди у «Поэтика»нинг биринчи саҳифаларидаёқ. Бу ерда «санъаткорлик» сўзи «маҳорат» маъносида, соз чалиш ёки шеърий техника маъносида келяпти. Илгари ва ҳозир баъзи адабиётшунос олимлар санъаткорлик ва маҳоратни бадий асар ёзишда асосий, бирламчи унсур деб биладилар. Платон диалогларида («Федр»), Аристофан комедияларида поэтик асарни назарий принципларни чуқур ўзлаштирган одамларнинг маҳорати ёки малакаси маҳсули деб ҳисоблашган.

Абу Наср Форобий ҳам Арастунинг «Поэтика» асарига ёзган шарҳларида шоирларни бир неча тоифаларга ажратади. «Энди биз сенга айтсак, шоирлар чиндан ҳам туғма қобилиятли ва шеър битишга тайёр табиатли кишилар бўлади ва улар ташбиҳ ва тамсилга лаёқатли бўладилар, — дейди у. — Бир хил шоирлар шеър санъатидан етарлича хабардор бўлишавермайди, балки улар туғма қобилиятларининг яхшилиги билангина қаноат ҳосил қиласидилар. Бундай шоирлар чинакам мусалжис — мутафаккир шоирлардан саналмайдилар. Чунки, уларда шеър санъатини ўзлаштириб олиш учун камолот етишмайди ва бу санъатда турғунлик бўлмайди». Форобийнинг бу мулоҳазаларида Арастудан кўра Афлотун нафаси сезилиб туради. Чунки Форобий шеър санъатини (маҳоратини, техникасини) яхши билган, мулоҳазакор шоирларни туғма истеъдодли шоирлардан устун қўяди. Тўғри, Форобий замонида, Навоий замонидаги каби буюк шоирлар шеър назариясини, техникасини ҳам чуқур билишган. Навоийнинг «Мезонул авзон», Бобирнинг «Аруз» — «Мухтасар» асарларини эслайлик. Бундан ташқари, Форо-

бий — «мuloҳазакор» эмас, «мутафаккир» демоқчидир? Аслида, мuloҳаза, силлогизм мантиқ шеър соҳасига кирмаслигини Форобий яхши тушунади. «Айтишларича, мuloҳазалар ё бутунлай рост, ё бутунлай ёлғон бўлиши мумкин, — дейди Форобий. — Ё бунинг тескариси — тўғри ва ёлғон меъёри баббаравар бўлиши мумкин. Бутқул рост мuloҳаза, ҳеч сўзсиз, бурхоний — исботли деб аталади. Бордию, унинг рост томони кўпроқ бўлса, у ҳолда у жадалий — диалектик бўлади. Бордию, рост ва ёлғон иккови баравардан бўлиб қолса, у ҳолда у хитобий — риторик бўлади. Рост бутунлай камайиб бораверса, у ҳолда суфастоий — софистик бўлади. Бутунлай ёлғон бўлса, у ҳолда уни, ҳеч шубҳасиз шеърий деб аталади». Албатта, бу ерда Форобий ёлғон дегандা хаёл қилинган, образли, ташбиҳли, тимсолли, метафорали, кўчма маъноли сўзларни назарда тутса керак. Шеъриятда ана шундай поэтик ёлғон табиатини тушунмаган ҳозирги баъзи мунаққидлар шоирларнинг асарларини одатдаги схематик фикрлаш қолипига солиб, худди ёвуз Прокруст каби, каравотига сифмаса, қўл-оёғини кесмоқчи бўладилар. Ўзлари кўп нарсага ақл ва тасаввурлари етмагани ҳолда нега ундей, нега бундай деб сўрайверадилар. Шеъриятда (умуман, бадий адабиётда) инсонлар қушга, дарёга, юлдузга айланиб қолиши мумкин. Турлича вазиятда, турлича лаҳзаларда яхшиёмон кайфиятга тушиши, эрталаб бошқача, тушдан кейин бошқача ўйлаши мумкин. Нодон танқидчи, нега қаҳрамон изчил фикрламаяпти, нега унинг тасаввuri меникидай (ёки бошқа одамларни кидай) эмас, деб жар солади. Ҳолбуки, санъатда ана шу «ёлғон» образлар орқали кўпгина «рост» гаплардан кўра тезроқ ҳақиқатга эришиш мумкин. Масалан, Гойя чизган бир суратда одамнинг оғзига каттакон қулф осилган. Албатта, ҳаётда худди шундай бўлмайди, ҳаётда инсон оғзини қулфлашнинг бошқа йўллари кўп. Аммо Гойя сўз эркинлиги ҳақидаги фикрни жуда ихчам, содда қилиб англатган. Аксинча, ҳаммага маълум ва «тўғри» гаплар кўпинча воқеа-ҳодисаларнинг моҳиятини тўғри акс эттирмаслиги мумкин.

Атоқли арастушунос олим Т.А.Миллер ҳам «мимесис», яъни ўхшатиш, тасвирлаш санъат моҳияти эканлигини эъти-

роф этгани ҳолда санъат принциплари — «технене»ни бади-
й ижоднинг шарти деб ҳисоблайди. У поэтик ҳиссиёт, туғ-
ма истеъдод билан ижод қилишни англанмаган санъат, «тех-
не» билан ижод қилишни онгли санъат асари яратиш деб
тушунади. Аслида, бу кўп асрлардан бери ечилмаётган ва
ечилиши қийин бўлган мураккаб масаладир. Ички ҳиссиёт,
интуиция, шоирона илҳом билан ижод қилиш аслида ақл —
мулоҳаза, тадбиркорлик билан ижод қилишга қарама-қарши
бўлмаса-да, аслида иккаласи ўртасида жуда катта фарқ бор.
Ҳаётийликдан йироқ, бадиий жиҳатдан заиф, аммо ақлли
гаплар билан тўлиб-тошган асарлар камми? Аммо, халқ,
китобхон, томошабин, тингловчи бундай асарларни ўқиб
завқ олмайди, Арасту айтганидай, қаҳрамонлар билан бир-
га дард чекмайди, уларга бефарқ қарайди. Чунки, воқелик-
ни илмий тадқиқ этишни механик равищда бадиий ижодга
кўчириш мумкин эмас. Ахир санъат воқеликни илмий аниқ-
ликда қайд этувчи тарих эмас. «Тарихчи ва шоирнинг фа-
рқи бири вазидан фойдаланишда ва бошқаси фойдаланмас-
лигида эмас, — дейди Арасту. — Ҳеродот асарлари шеърга
солинганида ҳам, вазнисиз бўлганда ҳам сира тарих бўлмай
қолмас эди. Тарихчи ва шоир шу билан тафовутланадики,
бири ҳақиқатан бўлган воқеа ҳақида, иккинчиси бўлиши
мумкин бўлган воқеа тўғрисида сўзлайди. Шунинг учун по-
эзия тарихга қараганда фалсафиyroқ ва жиддийроқдир: по-
эзия кўпроқ умумий, тарих эса якка нарса тўғрисида сўзлайди». Аммо поэзия мазмунининг умумийлиги билан фандаги
умумлаштириш бир-бираидан жуда узоқ нарсалардир. Фан
ҳамма ўсимликлар учун ёки ҳамма кимёвий, ёки физикавий
жараёнлар учун умумий бўлган қонуниятларни текширади.
Санъат асарининг қаҳрамони эса, маълум маънода типик
бўлишдан кўра индивидуал ўзига хос олами билан, дунёда
ҳеч кимга ўхшамаслиги билан қимматлидир. Акс ҳолда санъ-
атнинг вазифаси умумий қоидани иллюстрация қилишдан
иборат бўлиб қолар эди. Чунончи, шоҳ Эдипнинг бошидан
ўтган фожий воқеа типик воқеа эмас; у ҳатто Эдип замо-
ни учун ҳам типик эмас эди. Аммо, шунга қарамай, санъат
асаридаги Эдип образи минг йиллар давомида одамлар қал-
бини, руҳий оламини ларзага солади. Тўғри, санъат асари

шу маънода умумийки, у тарихчилар учун ҳам, файласуфлар учун ҳам, физик ёки лириклар учун ҳам баббаравар қизиқарлиди. Чунки, юқорида айтганларимизнинг ҳаммаси аввало инсон бўлиб, кейингина тарихчи, инженер, файласуф, физик ёки лирикдир. Инсон эса ўзининг инсонлигидан, бинобарин, адабиёт, санъатдан узоқлашуви мумкин эмас. Ҳақиқий адабиётнинг, санъат асарининг қудрати шундаки, ижодкор ҳаётга ўхшатиб, ҳаётнинг ўхшашини, тасвирини яратиб, қодир табиатга тенглашишга интилади. Бу эса табиий, түфма истеъдод қудратига боялиқдир.

«Поэтика»нинг XXV бобида Арасту ҳаётнинг ўхшашини, тасвирини яратувчи шоирларнинг асарларига билдириладиган турли эътиrozларга ўзининг раддияларини баён қиласди. Худди шу бобда поэзиянинг асосий хусусияти «мимесис» — ҳаётга тақлид қилиш эмас (ҳатто ҳаётга оддий ўхшатиш эмас), балки ижод, янги ҳаёт яратиш эканлиги аён бўлади. Арасту ижод эркинлигини, санъат имкониятларини жуда кенг миқёсда тушунади. У бадий тасвирнинг асосий хусусиятлари ҳақида бундай дейди: «Модомики, шоир (мусавир ёки бошқа тасвирловчилар) ҳаётнинг ўхшашини яратар экан, у муқаррар қуйидаги уч нарсадан бирини: а) ҳаётнинг қандай бўлганлигини ёки (ҳозир) қандайлигини; б) одамлар у ҳақда қандай айтган ёки (улар) қандай тасаввур қилганлигини; в) (ҳаёт ва одамлар) қандай бўлиши кераклигини тасвирлайди. Бу нарсаларга эса (ё оддий) тил билан, ёки ноёб сўзлар, кўчма маъноли тасвирлар билан эришилади». Санъаткорлар Арасту айтган бу шартлардан бирига ёки ҳаммасига бирданига амал қилиши ҳам мумкин. Алишер Навоий достонларида тасвирланган воқеалар ва характеристлар бу талабларга жуда мукаммал жавоб беради. Навоий, чунончи «Фарҳод ва Ширин» достонида ҳаёт ва одамлар қандай юксакликда бўлиши кераклигини тасвирлайди. У тасвирлаган Фарҳод ақл-заковатли, деярли барча ҳунар ва санъатларни мукаммал эгаллаган, олижаноб фазилатлар соҳиби. «Сабъаи сайёр» достонидаги ажойиб-ғаройиб воқеалар эса (Саъдининг деву шайтонлар сеҳру жодуларини енгиши, Суҳайлнинг сеҳрли чашмага ўнғиб, бошқа оламдан чиқиши ва Меҳр билан топишуви) халқ айтган

ривоятлар асосига қурилган. «Садди Искандарий» досто-нида Навоий ҳам ҳақиқий бўлиб ўтган воқеаларни, ҳам халқ тасаввуридаги (яъжуж-маъжувлар каби) нарсаларни тасвирлайди. Шоир асарларининг кўпчилигига адолатли шоҳнинг характеристи қандай бўлиши кераклигини тасвирлайди.

«Бундан ташқари. — дейди Арасту, — поэзиядаги (санъатдаги) ҳаққонийлик билан сиёсатдаги ҳаққонийлик ўртасида катта фарқ бор». Адабиётшунослар ва санъатшуносларнинг кўпчилиги ана шу фарқни чуқур англамасдан, сиёсат ёки ахлоқ қонунлари билан санъат қонунларини аралаштириб юборадилар ва бадиий асар образларига ўринсиз равишда сиёсий тус бериб, баъзан ўзлари кулгига қоладилар. Адабиёт, санъат асарида кўрсатилган воқеа ва характеристерлар муайян умумлаштирувчи тарбиявий таъсир кучига эга бўлса-да, уларни қонунлаштириш ёки нормативлаш кулгилидир.

Арасту ўз асарида шунчалик огоҳлантиришига қарамай, ўша даврда ҳам, бир неча аср кейин ҳам поэзия асарларининг юқоридаги табиий хусусиятларини тушунмай, уларни кескин айбловчилар ҳам кўп бўлди. Буюк Рим шоири Публий Овидий «Севги илми» номли шеърий тўпламида шахсий туйғулар эркинлигини тарғиб қилган эди. Ўзини илоҳийлаштирган император Октавиан Август ўз саройидаги турли фитна, адоватлардан ҳалқни чалғитиши учун баҳона қидириб, шоир Овидийни ахлоқсизликда айблайди ва уни Рим империясининг энг олис ўлкаси — Қора денгиз бўйидағи Тома (ҳозирги Руминиянинг Констанца) шаҳрига сургунга юборади. Овидий бир йилдан сўнг (янги эранинг 9-йилида) қайгули элегияларидан энг машҳурини ёзиб, Октавиан Августга юборади. У ўз шеърларини оқлаб, мунтазам «ҳимоя нутқини» тузади. Аввало, гап шундаки, шоирга хайриҳоҳ бўлмаган ўқувчиларгина бу шеърларни ахлоқсиз руҳда деб ўйладилар. Иккинчидан, бу шеърлар ҳақида Август бегоналарнинг галига қараб ҳукм чиқарган. Учинчидан, шеърларнинг ўзида покиза аёлларнинг эмас, ёмон аёлларнинг ахлоқи тасвирланган. Тўртинчидан, мабодо бу шеърлар ифратли аёлларда ёмон фикрлар уйғотса, бошқа шоирларнинг ҳар қандай шеърлари ҳам шундай фикрлар уйғоти-

ши мумкин (шунинг учун нега мен айбдор бўлай). Бешинчидан, бу шеърлар шоирнинг ахлоқи бузуқлигини кўрсатмайди, балки унинг юксак мавзуларда ёзолмаслигини кўрсатади, холос. Олтинчидан, умуман ишқий шеърлар ўзи шунаقا бўлади. Грецияда ҳам, Римда ҳам шундай. Еттинчидан, поэзияда шаҳват манзаралари тасвири ҳам кечирилади-ку. Саккизинчидан, шоир кейинги ёзган шеърларида бундай камчиликлардан қутулган. Шунинг учун ҳам шоирни айблаш инсоф-адолатдан эмас.

Қадимий Греция ва Рим адабиётининг атоқли тадқиқотчisi М.Л.Гаспаров ўзининг «Овидий сургунда» номли асарида шоирнинг «айби» Август саройидаги иллатларни билишида эди, асарлари эса нуқсонсиз эди, деб хулоса чиқарди.

«Поэзияда (нафис санъатда) табиий нарсани одам ишонмайдиган қилиб тасвирлашдан кўра ғайритабиий нарсани ишонарли қилиб тасвирлаш яхшироқdir», — дейди Арасту. У қадимги замоннинг машҳур трагик шоири Агафоннинг «Ҳаётда ғайритабиий нарсаларнинг кўп содир бўлиши ҳам табиийdir» деган фикрига асосланади. Ғайритабиий (невозможное) дегани ҳақиқатга зид дегани эмас, албатта. Чунончи, Чингиз Айтматовнинг «Алвидо, Гулсари» қиссасида қари йўрга отнинг сўнгиз хаёллари, унинг армонлари, хотиралари тасвирланади. Юзаки ўйлайдиган ўқувчига бу тасвirlар ҳақиқатга зид кўриниши мумкин. Аслида эса, ҳаётни фотонусхадай акс эттирувчи адабнинг асарига нисбатан отнинг хаёлларида ҳақиқат кўпроқdir. Ёки «Оқ кема»да боланинг ўзини сувга отиб, балиққа айланишига ишонниши ҳаётий ва бадий ҳақиқатдир. Ҳеч нарсага ишонмайдиган ва ҳис этмайдиган одамларгина тасаввури бой одамлар устидан кулишади. И.С.Тургеневнинг эътиқодича эса, хаёлпаст Дон-Кихотлар ҳаётнинг кўрки, гўзаллигидир. Бундан ташқари, юзаки қараганда ғайритабиий кўринган ҳодисалар ҳақиқий ҳаётнинг моҳиятини ҳаққонийроқ акс эттира оладилар. Хаёли чекланган, тасаввури қашшоқ одамлар хаёлга бой асарларни ҳазм қилолмайдилар. Аммо, ғайритабиий, хаёлий тасвirlар ҳаётни тадқиқ этишнинг рангбаранг кўринишларидан, усулларидан бири сифатида ҳур-

мат-эътиборга лойиқдир. Бугина эмас, хаёл, тасаввур бойлиги, хаёлий манзаралар санъатнинг фалсафий бойлиги ва гўзаллигини ҳам ташкил этади.

Аммо, файритабиий, ғалат нарсанинг ўзи тасвирининг асосий мақсади бўлмаслиги, одамларни ҳақиқий ҳаётдан чалғитишга хизмат қиласлиги лозим. Маълумки, қадимги соғистлар ақл бовар қилмайдиган нарсаларни ўйлаб топиб, одамларни калака қиласар эдилар.

Абу Наср Форобий ўзининг Арасту «Поэтика» сига ёзган машҳур шарҳларида шу ҳақда гапириб, бундай дейди:

«Софист эшишувчини ғалатга ундан, ҳақиқатга тўғри келмайдиган, нуқсонли нарсаларни (одамнинг) кўз олдига келтириб қўяди. Ҳатто у мавжуд нарсани номавжуд деб, но мавжуд нарсаларни эса мавжуд деб тасаввур қилдиради.

Аммо тақлидчи (тасвирич) бўлса нарсанинг тескарисини эмас, балки ўхшашини тасаввур қилдиради».

Шунинг учун ҳам оламни бадиий ва маърифий ўрганишда, ҳақиқатни излаш ва қашф этишда тасвирич — санъаткорларнинг истеъоди, ижоди бебаҳо аҳамият касб этади. Н.В.Гоголь асарларини таҳлил қиласар экан, буюк рус тандидчиси В.Г.Белинский «Ҳақиқат — олий гўзалликдир» деган эди. Ҳақиқатга эришиш йўллари эса чексиз ва ранг-брангдир.

АРАСТУ «ПОЭТИКА» СИ ФОРОБИЙ ТАЛҚИНИДА

Устози аввал Арастудан сўнг Устози Соний деб танилган Абу Наср Муҳаммад Форобийнинг адабий-эстетик қарашлари унинг «Ихсо-ул-улум» («Исламнинг ҳосиятлари»), «Хитоба» («Риторика»), «Мусиқада оҳангдошлиқ», «Шеър санъати», «Шоирлар санъати қонунлари ҳақида», «Ароу аҳли мадинату-л-фозила» («Фозил одамлар шаҳри аҳолисининг фикрлари»), «Афлотун фалсафаси», «Арасту фалсафаси» каби асарларида баён этилган. Қуйида шу асарлар ҳақида фикр юритамиз.

Форобий «Ихсо-ул-улум» («Исламнинг ҳосиятлари») асарида (бу асарни «Исламнинг келиб чиқиши» — «Қудусу-л-улум»га адаштирумайлик) шеърият ҳақидаги қисқа мулоҳазаларини китобнинг тилшунослик ва мантиқ қисмларида келтиради. Аллома бу асарида шеърий тафаккур қоидаларини тилшунослик нуқтаи назаридан тушунтиради. Форобий фикрича, шоир она тилининг лексик-семантик бойлигини, Алишер Навоий ибораси билан айтсан, маънолар хазинасини яхши билиши зарур. «Ҳар ҳалқнинг тилини инжা (гӯзал, нафис) қилувчи етти катта бўлими бор:

1. Якка сўзлар илми (морфология, нахв).
2. Бирикма сўзлар илми (синтаксис, сарф).
3. Якка сўзларнинг қонун-қоидалари.
4. Сўз бирикмаларининг қонун-қоидалари.
5. Тўғри ёзиш қоидалари.
6. Тўғри ўқиш қоидалари.

(Бу икки бўлим араб алифбосида ёзиш ва ўқишга таалуқли).

7. Тўғри шеър (ёзиш ва ўқиш) қоидалари.

Шеър қонунлари илми Форобий фикрича, тил жиҳатидан қараганда уч бўлимдан иборат:

1. Оддий ва мураккаб вазнларнинг қўлланилиши.
2. Нутқ товушларига кўра вазнларнинг турли (очиқ, ёпик) бўғинлари, (ҳижоларни) билиш.

Байтларнинг охирида келадиган сўзларнинг товушлари бир-бирига мувофиқ келиши (радиф ва қофия).

3. Қайси сўзларни шеър-назмда ва қайси сўзларни насрда қўлланиш мумкинлиги. (Шеърий тил ва насрий тил қоидалари).

Айни замонда Форобий фикрича, аruz илми (юончапросодия) тилшунослик соҳасидан кўра, мантиқ илмига яқинроқдир. Аruz илмининг вазнларга (баҳрларга) муносабати мантиқ илмининг фикрлаш қоидаларига муносабати кабидир. Форобий фикрича, мантиқ илми ақлий фикрлаш (билин ҳақиқатни аниқлаш) қоидаларини, намуналари (моделлари)ни ўргатса, аruz илми шеърий фикрлаш қонун-қоидаларини ўргатади.

Форобий «Иҳсо-ул-улум»нинг мантиқ қисмida ҳам шеърият назарияси ҳақида айрим фикрларини билдиради. Шу ерда мантиқ сўзи нутқ тўғрилиги, ҳаққонийлигини билдириши, нутқ сўзи эса уч маънони ифодалаши ҳақида гапиради.

1. Инсон кўнглида туғилган сўзларнинг — товушлар ёрдамида ифодаланиши.

2. Инсон руҳий ҳолатини (тасаввурларини) маъқулотлар — ақлий тушунчаларни билдиради (нутқ).

3. Инсонда азалий, фитрий, туғма ҳолда мавжуд бўлган, уни бошқа жонзодлардан ажратиб турувчи руҳ қуввати (яъни, қувваи тамийз (яхши, ёмонни, рост, ёлғонни, ҳалол, харомни фарқлаш қуввати.)

Қувваи тамийз, Форобий фикрича, ҳамма одамларда бир хил бўлмайди. Болаларда камроқ, ёши катталарда кўпроқ. Етук инсонларда қувваи нотиқа – фикрлаш қуввати жуда кучлидир.

Форобий фикрича, инсон фикр-мулоҳазалари беш турлидир. 1. Даили, бурхонли. 2. Жадалий (диалектик). 3. Суфастоий (муғолата). 4. Хитобий (риторик). 5. Шеърий (поэтик) фикр-мулоҳазалар фарқланади.

«Инсонларнинг маъқулоти (ақлий тушунчалари), илмлари ва санъатлари (касб-ҳунарлари) шу қувват ила қўлга киритилур. Ашёнинг (нарсанинг) жиддий (дикқат ила) тадқиқи шу қувват билан, гўзал ва чиркин ишлар шу қувват билан фарқланур». (Иҳсо-ул-улум» асаридан)

Шундан сўнг Форобий далил-бурхонли фикр, жадалий (диалектик) фикр, суфастоий (муғолата, ғалат, хато қилув-

чи, янглиштирувчи) фикр, хитобий (риторик) фикр ва шеърий фикр ҳақида алоҳида таъриф, тушунчалар беради.

«Шеърий сўзларга келсак, — дейди мутафаккир, — улар суҳбат вақтида тилга олинган нарсани ва ё ҳолатни, афзаллик ёки пастликни янада аниқроқ, равшанроқ тасвиrlаш, кучайтириш учун қўлланилади. Бу-да (шеърий тафаккур ҳам) гўзаллик ва чиркинлик, юксаклик ва тубанлик (олтоқлик)ни ёки шу каби (ҳаёт ҳодисаларини) тасвиrlашдир».

Форобийнинг «Шеър китоби»даги мана бу сўзлар ҳам «мимесис» — тақлид ҳақида айтилган:

«Байтлардаги сўзлардан тушуниладиган маънолар ўша сўз бораётган (ҳинд поэтикаси «Дханвія-лока»да ифодаланиши керак маъно ва ифодалангандан маъно дейилган) нарса ва ҳодисаларга ўхшайдиган — тақлидий бўлмоғи керак». (Форобий. «Шеър санъати», Т.: АСН., 1979, 13-бет.)

Муҳаммад Форобий бу ерда Арасту «Поэтика»сини шарҳламаётган бўлса-да (бу ердаги фикрлар «Поэтика» шарҳида янада чуқурлашади), «Илмларнинг ҳосиятлари»да поэзиянинг асосий қонунияти, тамойили — «мимесис» (ҳаётга ўхшатиш-тақлид санъати) эканлиги тасдиқланмоқда.

«Шеърий сўзларни ҳис этган вақтимизда, — дейди Муҳаммад Форобий «Илмларнинг ҳосиятлари» асарида, — руҳимизда ҳосил бўлган хаёл (тасаввур) ниманинг ўхаши тасвиrlанган бўлса, гўё ўша (шеърдаги) ўхаш нарсанинг ўзини кўргандай ҳис қиласиз ўзимизни».

Форобий бу фикрини янада чуқурлаштириб, бундай дейди: «Агар биз шеърда хушланмайдиган (ёқимсиз) нарсанинг тасвирини ўқиб, кўз олдимизга келтирсак, бу хунук нарса фақат суврат (хаёлий) эканлигини билсак ҳам, руҳимизда унга нисбатан нафрат, жирканч уйғонади ва ундан узоқлашгимиз келади». Шу ўринда Форобий шеърда тасвиrlанган (севинчли ёки қайғули) манзара, ҳолат бизнинг ҳаётимизда эмаслигини билсак ҳам, шеърий сўз таъсирида, ўша воқеа, ҳолат шоир (рассом) тасвиrlаганидек бўлган, деб ишонамиз, дейдики, бу адабий-назарий фикр ҳам шеър санъати табиатини тушуниш учун жуда муҳим аҳамиятга эгадир. Мутафаккир бунинг сабабини қуйидагича тушунтиради:

«Одамлар кўпинча ўз мулоҳаза-ўйлари ва илмий билимларига қараб эмас, балки ўз тасаввурлари бўйича иш қила-дилар, гарчи қилаётган иши ўй-мулоҳаза ва илмий билимларига зид келса ҳам. Одатда суҳбатли томошаларда нарсаларни ёки иш-ҳаракатга ўхшаш ҳолатларни тасаввур қилганида шу ҳолатларга тушади».

Бу ерда Форобий «суҳбатли томошалар» деб, юонон трагедияларини назарда тутади. Актёрлар мужассамлантирган, қаҳрамонларнинг характерларини очувчи нутқи, диалогларини у «суҳбатли томошалар» деб атаган. Форобийнинг одамлар кўпинча «ўй-мулоҳаза ва илмий билимлари билан эмас, тасаввурлари билан ҳаракат қиласидилар», деган фикрини янада аниқ-равshan тушунтириш учун, «айтиш керакки, одамлар ақлий фаолиятда, илм-фандарда ва санъат, касб-ҳунарда ўй-мулоҳаза, ақлий билимларни ишга соладилар, лекин маҳсусот — ҳис қилинадиган, эстетик идрок этиладиган олам, ҳаёт воқеа, ҳодисаларини тушунишда тасаввурларга асосланадилар». Бу фикр илм-фанга, касбий санъатларга эмас, балки нафис санъатга, поэзияга тааллуқлидир.

Муҳаммад Форобийнинг юқоридаги фикрлари Арасту «Поэтика»да поэзиянинг келиб чиқиши ҳақида айтган фикрларига ҳамоҳангdir: «Поэтик санъатнинг келиб чиқишига очиқ-ойдин иккита сабаб бўлиб, иккаласи ҳам табиийdir. Биринчидан, тақлид, ўхшатиш инсонга болаликдан хос бўлган хусусият. Инсон бошқа мавжудотлардан ўхшатиш қобилиятига эгалиги билан ҳам фарқланади. Ҳатто дастлабки билимларни у ўхшатишдан олади ва бу жараён самаралари барчага ҳузур бағишлиайди». Демак, Арасту фикрича, поэзия санъатининг келиб чиқишига биринчи сабаб — одамлар болалик чоғларидан тақлид, ўхшатишга, воқеа, иш, ҳаракатларни қайтадан жонлантиришга, тасвиrlашга қобилиятилдирилар. Бу фикрни янада аниқлаш учун айтиш керакки, бундай қобилият бирорда заиф, бирорда (рассомлар, шоирларда) кучли бўлади ва у туғма истеъдод деб атлади. Иккинчи сабаб, Арасту фикрича, одамларнинг тасаввур қувватидир. Бу қувват ҳам истеъдодга алоқадор бўлиб, турли одамларда турличадир.

Форобий «Ихсо-ул-улум» («Илмларнинг хосиятлари») асарида шеърият ҳақида айтган фикрларини «Шеър китоби» асарида янада ривожлантиради. Арасту «Поэтика»сига шарҳидан фарқланувчи бу асарида Форобий вазнлар, ритм, қоғия, туроқ, сабаб, ватадлар (ҳижолар) ҳақида асосан араб шеъриятига мувофиқ фикрларни айтади:

«Араблар ўз шеърида байтларнинг оҳирларига кўпроқ эътибор берадилар. Шунинг учун ҳам араб байтлари маълум бир ўлчовдаги маҳдуд (чекланган — М.М.) сўзлар билан мукаммал ва гўзал бўлади. Бу ҳол эса уларда кам қўлланиладиган ё бўлмаса кўпчилик орасида машҳур бўлган сўзларни ишлатиш билан юз беради». Бу фикрга Алишер Навоийнинг устозлари (Низомий, Деҳлавий, Жомий)га аталган бир байтини мисол қилиб келтириш мумкин:

*Каҳфи фано ичра алар бўлса гум,
Мен ҳам ўлай арбааҳум қалбуҳум.*

Бу байтда жуда чуқур маъно бўлиб, у Қуръони каримнинг «Каҳф» сурасида айтилган «Фор аҳли» воқеасига ишора қиласди.

Муқаддас китоблар — «Таврот» ва «Қуръон»да ёзилишича, Рим императори Даққионус (Диоклетианус) даврида маъжусийлик. мушриклик тарафдори бўлган ҳукумат сиёсатида илк масиҳийлик (христианлик. якка Худони тан олувчи дин) вакиллари шафқатсиз таъқиб, қувфинга учраган. Шу вақтларда уч ўсмир, уч шаҳзода Рим императори саройида асирикда, гаровда яшайдилар. Бу ўсмирлар сарой боғида копток ўйнаётганларида атайн коптокни девор орқасига улоқтирадилар. Сўнг тўпни излаш баҳонасида тоғ томонга қочадилар. Қитмир исмли бир ит (калб) ҳам уларга эргашади. Кун бўйи қочиб юриб, кечки пайт тоғдаги бир ғорга кириб яширинадилар ва ўша ерда ухлаб қоладилар. Худонинг қудрати билан ўсмирлар ва ит 309 йил ухлайди. Улар уйғонганида замонлар ўзгарган, маъжусийлик йўқолиб, масиҳийлик давлат динига айланган эди. Ўсмирлардан бирини тоғ этагидаги шаҳарчага бозордан озиқ-овқат келтириш учун юборадилар. Бозорда ўсмирнинг эски тангчалари ўтмас

бўлиб қолган, лекин ўсмир бир кеча ухладик, бу тангчаларни бизга подшоҳ Даққионус берган, дейди. Бу мўъжиза ҳақида янги императорга хабар берадилар. У, аъёнлари билан, ўсмирларни кўришга фор олдига келади. Дастурхон ёзид, ўсмирларни меҳмон қиласидилар. Ўсмирлар ризқини еб, яна ухлайдилар ва бошқа уйғонмайдилар.

Алишер Навоий юқоридаги байтида талмеҳ санъатига мувофиқ ўз устозларини фор аҳлига, ўзини уларнинг содиқ итига ўхшатади. Арасту «Поэтика» ва «Хитоба» («Риторика»)да, Форобий «Шеър китоби»да айтган маъноси машҳур сўзлар (қавл, ақвол) мана шу хилдаги нақл, ривоятлардир.

Муҳаммад Форобий шеърият, поэзия келиб чиқишининг учинчи сабаби ва манбанини ҳам кўрсатади: «Баъзи халқларда олдин нағма — куй яратилиб, кейин унга ҳамоҳанг қилиб, шеър боғлайдилар. Бунда шеърнинг бўлаклари куйга боғлангани нуқтаи назаридан худди баъзи бир ҳарфлартовушларга ўхшаб қолади. Бу ерда Форобий шеърнинг бўлаклари-туроқлари, радифи, қофияси товушларга ўхшаб қолади деб, куйга, мусиқага ўхшаб қолишини айтмоқда. Алишер Навоий ғазалларининг кўпчилиги «Шашмақом» кўйларига мувофиқ келиши Форобий фикрининг ҳақиқатлигини исботлайди.

*Кўзунгга тани нотавоним фидо,
Равонбахиш лаълингга жоним фидо.
Лабинг ранги олтида қоним саби-и-л,
Қадинг жиславасига равоним фидо...*

Бу ерда сўз маънолари куйга, мусиқага айланган, мусиқа эса сўзга, маънога айланганини кўрамиз.

Форобийнинг мана шу сўзларида ҳам шеърда мусиқийлик, оҳангдорликни кучайтиришнинг элементар, шаклга доир қоидалари баён қилинган:

«Шеър байтларининг ҳар бўлагидаги вазн тартиби билан бошқа қисмдаги тартиб ҳамоҳанг бўлмоғи керак. Натижада шеърнинг ҳар бир бўлаклари бир-бирига баробар вақтда ўқилади». Форобийнинг бу сўзлари ростдан ҳам шеър рит-

микаси ва гармониясини таъминлашда миқдорларнинг аҳамияти ҳақида пифагорчиларнинг таълимоти шу масалада тўғри эканлигини кўрсатади. Шеърда агар байтлар, вазн, ритм миқдорда бир хил, ўхшаш бўлмаса, шеър оҳангидан бузилади.

Муҳаммад Форобий мимесис — тақлид фақат шеъриятдагина эмас, риторикада-нотиқлик санъатида ҳам мавжудлигини айтар экан, шеърда ва суҳбатли асар-драмада тақлид-ўхшатиш зарурӣ шарт бўлса, нотиқлик санъатида тақлид-актёрдай образга кириб, нутқини жонлантириши асосий эмас, ёрдамчи восита эканлигини тушунтиради. Қадимги Юнонистонда кўпчилик шоирлар моҳир нотиқ, баъзи нотиқлар эса шоир бўлганлар.

Арасту «Риторика»сини ва Плутархнинг машҳур саркардалар ҳаётномаларини ўқимаган одамлар Форобийнинг қуидаги фикрларини яхши тушунмайдилар: «Нотиқларнинг кўпи табиатларида шеърий мулоҳаза юритиш қобилияти бўла туриб, хитоба (риторика) талаб қилганидан ортиқроқ даражада тақлидни (образли сўзларни ва образга кирган ҳолатда) ишга солмоқчи бўлганлар ва шу билан хатога йўл қўйганлар». Қадимги нотиқлар (Перикл, Демосфен, Солон, Цицерон) ватанпарварлик руҳида ва ижтимоий адолатни ҳимоя қилиб гапирганларида риторика қонунларига мувофиқ ҳолда Гомер, Гесиод, Эсхил, Софокл, Эврипид, Вергiliy каби машҳур шоирларнинг асарларидан машҳур парчаларни далил қилиб келтирап эдилар. Кейинчалик, мумтоз шеъриятни билмайдиган, фақат қонунларни биладиган нотиқлар кўпайди ва ҳакамлик нутқларида шеърий парчалар келтириш истеъмолдан чиқди.

Муҳаммад Форобийнинг қуидаги фикрлари ҳам Арасту «Поэтика»сида айтилган фикрларга ҳамоҳанг: «Нарсаларга тақлид этиш: ҳам феъл билан, ҳам мулоҳаза билдириш (сўз санъати) йўли билан амалга оширилади. Феъл билан юзага келадиган тақлид-ўхшатма икки турли:

1. Инсон ўз қўли билан бирор нарсага ўхшаган шаклни ясади, чунончи инсон бироннинг тимсолини ишлаб (тасвирлаб), уни муайян бир кишига ёки бошқа бирор нарсага (даражат, тоғ, ўрмон, оҳу, арслон, от ва ҳоказоларга) ўхшатмоқчи бўлади».

Форобий бу ерда рассомлик ва ҳайкалтарошлик санъатини назарда тутади. Чиндан ҳам рассом, мусаввиirlар рангтасвирда ҳаёт манзараларини, одамтарнинг турли ҳолатларини, қиёфаларини, характерларини кўрсата оладилар. Ҳайкалтарошнинг иши (тош йўниш қийинроқ бўлгани учун уларнинг тасвирлаш майдони) чекланганроқ. Лекин, давлат сиёсатида ҳайкалнинг мартабаси баландроқ, чунки фактат ватан учун қаҳрамонлик кўрсатган, буюк ишлар қилган шахсларга бронза, мис ёки мармардан ҳайкал қўйилади ва бу асарлар неча минг йиллар ўтса ҳам йўқолмайди.

2. «Ёки бўлмаса, инсон бирор бошқа одамнинг хатти-ҳаракатига ўхшаган ҳаракатлар қилади». Форобийнинг бу фикри комедия ва трагедия актёrlиги, қисман рақс ҳамда муқаллидлик санъати ҳақида айтилган. Чиндан ҳам актёр саҳнада асар қаҳрамони руҳиятига кириб, ўша тасвирланаётган инсондай шодланади, қайғурди, севади, нафраланади, тасвирланаётган қаҳрамоннинг яхши ёки ёмон феъл-авторини ўхшатиб кўрсатади. Актёр саҳнада ҳаётдаги қаҳрамонга ўзини нақадар ишонарли ўхшатолса, яъни аниқ-равшан тақлид қилолса, у шунчалар истеъдодли ҳисобланади.

Аникроқ айтганимизда мусаввиirlар, шоирлар, адиллар ва актёrlарнинг ўз қаҳрамонларига тақлиди бошқа ҳодиса, бир шоир ё мусаввиirlарнинг бошқа шоир ё мусаввиirlарнинг услубига тақлид қилиши бошқа ҳодисадир. Биринчи тақлид-санъаткорликни, иккинчиси — салбий маънони, истеъдод камлигини билдиради. Тақлидчи шоир деганда биз ҳаётга эмас, шеърга тақлидни тушунамиз. Ҳаётга тақлид — санъат, шеърга тақлид санъат эмас.

Шеърий нутқда ҳам нотиқлар ижтимоий, фалсафий, илмий фикр мулоҳазаларни билдириши мумкинлиги ҳақида Форобий бундай дейди: «Кўпчилик шоирлар (ҳамда нотиқлар) ўз (илмий) фикр-мулоҳазаларини бошқаларда қаноат ҳосил бўладиган даражада ифодалашга туфма қобилиятли бўладилар. Улар ўша қониқарли мулоҳазаларини шеърий йўл билан ифода этганлар. Бунинг оқибатида булар кўпчилик наздида шеър билан битилгани учун уни шеърий асар сифатида қабул қилганлар. Аслида у хитобий бир мулоҳаза

бўлиб ўша шоирларнинг шеърий йўлдан чекиниб, хитобий (риторик) йўлга майл этганлари эди, холос».

Арасту эса бу ҳодисани бошқача тушунтирган. Унинг фикрича, Херодотнинг «Тарих» китоби агар шеърий йўлда ёзисб чиқилса ҳам, у шеърий асар бўлмай, тарихлигича қолади. Бу ҳодисага Ҳусайн ибн Синонинг тиббиётга доир бир нечта уржузалари (ражаз баҳрида ёзилган тиббий достонлар) яхши мисол бўлади. Мазкур уржузалар шеърий йўл билан ёзилса ҳам, улар поэзия эмас, балки тиббиётга доир асарлардир.

Лекин, биз биламизки, қадимги Юнонистон ва Рим адабиётида Арастунинг (ва Форобийнинг ҳам) фикрига янгиллик киритувчи адабий ҳодисалар вужудга келган. Бу — Феокрит буколикалари ва идиллиялари, Вергилий георгикалари, Лукреций Кэрнинг «Нарсалар табиати» поэмасидир. Император Октавиан Август таклифи ва буюртмаси билан даҳо шоир Вергилий мамлакатда қонли уруш вайронгарчилгини тугатиб, қишлоқ хўжалигини ривожлантириш мақсадида бунёдкор дәҳқонларнинг меҳнатини улуғловчи шеърлар ёзди. Бу шеърларни ёзишдан аввал Вергилий тажрибали, миришкор дәҳқонлар ва боғбонлардан далада мўл ҳосил олиш учун қандай ишлар қилиш кераклигини яхшилаб ўрганди ва уларнинг тажрибаларини шеърий йўлда ифода қилди. Лукреций Кэрр поэмасида ва эллинизм даври Искандария шоирларининг эпиллиялари (кичик поэмалари)да санъат ва илм биргаликда ёрқин ифодасини топди.

Муҳаммад Форобийнинг мана бу фикри эса бадиий насрга тааллуқлидир:

«Бордию, сўзлар бирор нарсага тақлиддан ташкил топган бўлсаю, лекин улар бирор оҳанг билан вазнга туширилган бўлмаса, ундай тизма сўзлар шеър саналмайди, балки бундайлар шеърий сўз-мулоҳаза деб юритилади». (Бу ерда поэтик сўз, проза маъносида)

Арасту эса «Поэтика»да бошқачароқ фикр юритган: «Бироқ вазнли сўз ёрдамида (яъни, тақлидсиз, фақат сўз ёрдамида) ёҳуд яланғоч (вазнсиз ва ўхшатишларсиз) сўз ёрдамида тасвирилаш санъати ҳозиргача таърифланмай қолаёт... Шундай экан, биз Софон ва Ксенарх мимларига

ҳам, Сүқротона суҳбатларга ҳам умумий ном беролмаймиз». Бу ерда Сүқротона суҳбатлар деб, Арасту диалоглардан, суҳбатлардан ташкил топган Афлотун насрини кўзда тутмоқда. I аср муаллифи Лонгчин «Юксаклик ҳақида» асарида Афлотун диалогларини бадиий асар ва сўз санъатининг юксак намунаси деб ҳисоблайди.

«Юксаклик ҳақида» асарида шеъриятдаги муболағалар, бадиий насрда, хусусан хитобий нутқда ярашмаслиги айтилади: «Ҳаётийлик ва ҳаққонийлик насрй асарларда — жуда гўзал фазилатдир. (Бадиий) наср орасида келадиган (лирик) чекинишлар, шеърият шаклига ўтишлар ҳунук ва нотабиийдир, улар тасвирни ҳаётийликдан узоқлаштиради, баъзан эса ақл бовар қилмайдиган воқеаларга ботиб қолади». Аслида бадиий насрда ҳам меъёр сақланган ҳолда поэтик, лирик чекинишлар бўлса, зарар қилмайди. Бундай чекинишларда муаллиф асарда тасвирланаётган воқеа-ҳодисалар ёки муаммолар ҳақида шахсий фикрларини, қайғуси, шодлиги ёки нафратини билдириб туради. Бу эса тасвирнинг ҳаққонийлиги, ҳаётийлигини оширади.

А.С.Пушкин ва Байрон поэмаларида, А.П.Чехов, М. Бульгаков, А.Қодирий асарларида, Ойбек, Ҳамид Олимжон достонларида ҳам воқеа, руҳият тасвирлари (тақлид-тасвир)лар орасида муаллифларнинг лирик чекинишларини кўрамиз.

Форобий даврида (IX, X асрларда) бадиий насрнинг рўмон тури тараққий этмагани учун ва қадимги юонон романлари достон шаклида, шеърда ёзилгани учун (Алишер Навоий «Хамса»сидаги «Ҳайратул-аброр»дан бошқа тўрт достонларни ҳам шеърий роман дейиш мумкин), мутафаккир юқоридаги фикрининг давомида ўша тақлид-ташбеҳ, лирик чекинишларни илмий мулоҳазалар орасидаги поэтик, шеърий мулоҳаза деб билади.

«Демак, — деб ёзади Форобий, — исботда — илмий далил, тортишувда — умум фикри (тубиқа-топика), хитоба (риторика)да — ишонтириш қанчалик аҳамиятли бўлса, шеъриятда хаёл ва тасаввур (образ, манзара) шунчалик зарур бўлади».

Муҳаммад Форобий шу асарида шоир, адаб асаридаги хаёл ва тасаввур қилинган суврат, манзара, образ, характер

тавсифи билан китобхон, ўқувчининг ҳаётий қарашлари, билими, ахлоқий, маънавий савияси ўзаро мувофиқ келиши ҳам, мувофиқ келмаслиги ҳам мумкин, дейди.

«Баъзида инсон феъли (характери), қилмишлари кўпроқ хаёл суришга боғлиқ бўлади, — деб ёзади Форобий. — Бу шундайки, инсон бир нарсани (масалан, гўзаллик ва яхшиликни) бошқа бирор нарсада бор деб тасаввур қиласди. Бунинг натижасида у нарсаларнинг борлигини ҳис ва исбот тасдиқлагандагина унинг ўша нарсада (гўзаллик ва яхшилик) борлигига ишониб, ўша тасаввурга кўра иш қилишин мумкин». Яъни, китобхон бадиий асарни ўқиганида (ёки ўқимаганида ҳам) феъли, ишлари унинг ҳаёт ҳақида, одамлар ҳақида, яхшилик, ёмонлик, гўзаллик, ҳунуклик, улуғворлик, тубанлик, эзгулик, ёвузлик ҳақидаги тасаввурларига боғлиқ бўлади. Масалан, соф вижданли, иймонли одам тасаввурида, жабр-зулм ё ўғрилик оғир гуноҳ, тубанликдир. Виждансиз, нопок, золим, ўғри бўлса, ўз гуноҳларини, золимлиги, ўғрилигини ишибилармонлик, уддабуролик, ақлилик деб тасаввур қиласди. Бундан хуласа чиқадики, одамларнинг феъли-авторини тузатиш, ёвузликдан, жабр-зулмдан қайтариш учун уларнинг хаёли, тасаввурларидаги хатоларни тузатиш зарур. Яъни, уларни ёшлигидан (ҳали ёвуз ва золим бўлмасидан аввал) гўзаллик, адолат, бағрикенглик, ватанни севиш, камтаринлик, меҳнатсеварлик, мардлик, меҳр-شاфқат, олижанобликни буюк неъматлар, фазилатлар сифатида севишга, ўша фазилатларини ўзида бўлса ҳам, бошқаларда (дўстларида, ота, оналарида, юртдошларида бўлса ҳам, қадрлашга ўргатиш зарур. Адабиёт ва санъат инсонларга фақат ҳузур-ҳаловат, эстетик завқ бериб қолмай, маърифат ва маънавиятни эгаллашга ёрдам бериши зарур.

Муҳаммад Форобий бадиий асарда қаҳрамонларнинг характерлари қандай очилиши ҳақида фикрлаб, бундай дейди: «Шундай қилиб, (бадиий асарда тасвирланган) инсоннинг феъл-автори кўпроқ ўзининг хаёлларига (яъни, ҳаёт ҳақидаги тасаввурларига) боғлиқ бўлади. Булар кўпинчча (адиб, шоирнинг) билими ё андишасига боғлиқ бўлади». Бу фикрни турлича тушуниш мумкин. Бизнингча, Форобий бу ерда шуни айтмоқчики, адиб, шоир, рассом (тақлидчи, тас-

вирловчи)нинг хаёллари (ҳаёт, одамлар ҳақида тасаввурлари), билими, фикр-ўйлари бадиий асар қаҳрамонининг феъл-авторига, характерига таъсири кўрсатади. Маънавий баркамол, етук даҳо ижодкорларнинг асарларида қаҳрамонлар ҳам (агар у идеал ёки ижобий қаҳрамон бўлса) жасур, адодлат ва ҳақиқат, озодлик учун курашувчи бўлади.

Мабодо мана шу етук адиллар, шоирлар, рассомларнинг қаҳрамонлари салбий бўлса, адолатсиз, тубан феъл-авторли бўлса ҳам — ҳаётдагидай тасвиранади. Форобийнинг қуйидаги фикри шу ҳақда деб ўйлаймиз: «Аммо шуниси ҳам борки, кўпинча унинг (ижодкорнинг билими ва андишаси хаёлидаги нарсаларига (яъни, тасвиранаётган нарсаларга, эҳтимол, тубан феъл-авторли қаҳрамонларнинг қилишиларига) тескари келиб ҳам қолади. Бундай пайтларда у (ижодкор) ўз феъл-автори, ўз билими ва андишасига кўра эмас, балки (ўша тасвиранаётган одамлар, қаҳрамонларнинг) хаёлига кўра иш тутади». Бизнингча, бу ерда ҳозирги адабиётшунослик тараққиёти давридан минг йил аввал Форобий бадиий асарда характерларнинг ўз феъл-автори, тасаввурларига, ҳаётий қарашларига кўра, мустақил ҳаракат қилишини, яъни характер мантиқидан келиб чиқиш зарурлигини тушуниб етган.

Форобий «Шеър санъати» асарида яна поэтик foя, ижодкор мақсади ва бадиий адабиётнинг ҳаётга кўрсатадиган таъсири ҳақида, Н.Г.Чернишевский таъбирича, санъатнинг воқеълилка эстетик муносабатлари ҳақида фикр юритади: «Бас, шундай экан, хаёлга келган сўзлардан фойдаланиб ёзилган асардан кузатилган мақсад ҳам эшитувчини (бу ерда бахши, рапсод (оқин)дан достон эшитувчини назарда тутади, биз китоб ўқувчи десак ҳам бўлади) асардаги хаёлий нарса (образ, характер) таъсирида унинг ҳаёлига келган нарсани (қаҳрамонлик ишларини) қилишга ундашдан иборат бўлади. Тингловчи, ўқувчидаги ҳаёлга келган нарсага (масалан, чин муҳаббатга ё истаган нарсалардан бирига (масалан, достон қаҳрамони камон ўқини узоқдаги нишонга — узук кўзига бехато уришига) интилиш, ё бўлмаса (агар ёмон, тубан қилишилар тасвирангандан бўлса) ундан қочишидан, (агар яхши, эзгу ишлар тасвирангандан бўлса) унга

берилиш, ва ё бўлмаса уни (тубан, салбий қаҳрамонни) ёмон кўриш, ё (характери номаълум, сирли қаҳрамон бўлса) ундан ёмонлик ё яхшилик кутиш каби ишлардан иборат ҳислар пайдо бўлади». Форобийнинг мана бу фикрлари драматик актёрнинг ҳаётдаги яхши ёки ёмон одамларни тақлид қилиб кўрсатиши томошабинларда қандай таассурот қолдириши ҳақида: «Агар киши бирор нарсага назар солса (саҳнада золим, ёвуз одамни кўрса), у нарса унинг хуш кўрмайдиган нарсасига ўхшаган бўлса, у ҳолда унинг (томушабин) тасаввурида ўша заҳотиёқ бу нарсага нисбатан хуш кўрмаслик ҳисси пайдо бўлади. Шу билан ҳалиги киши у нарсадан (золим ва ёвуз одамлардан) ўзини авайлаб, асраб, четлашиб юришга уринади». Бу билан Форобий санъат асарида тасвирланган образларнинг салбий ёки ижобийлигидан қатъи назар, ҳалқ учун ибратли, тарбияловчи хусусиятга эга эканлигини билдиради. Яъни, Форобий фикрича ҳам санъат асари буюк исбот мактабидир.

* * *

Муҳаммад Форобийнинг бошқа бир асари — «Шоирлар санъати қонунлари ҳақида» рисоласи Арасту «Поэтика»сининг шарҳи эканлигини айтади. Форобийнинг илк мулоҳазаларидан кўринадики, у Арасту «Поэтика»сининг фагат бир қисмини, бошқа ўриниларда эса унинг «Софистларга раддия» ва «Синоат ал-муғолитийн» («Софистларнинг сирлари») асарларидаги шеъриятга доир айрим ўринларни шарҳлайди.

Бизнингча, Форобийнинг қўлида Арасту «Поэтика»сининг бизгача етиб келган биринчи китобининг ҳам чалароқ нусхаси бўлган. Шунинг учун Форобий рисоланинг бошланнишида ўқувчисидан узр сўрагандай «Ҳаким Арасту ўзининг шундай фазилати ва даҳоси билан тугатиб қўйишга жазм қилмаган бир ишни биз ниҳоясига етказишга интилишимиздан кўра, бу санъатда фойда берадиган ва ҳозирги замонда (Форобий давридаги шеъриятга доир асарларда) учрайдиган қонун-қоидалар, мисол ва мулоҳазалар билан чеклансанк яхшироқ бўлур эди», дейди. Бу асарида Форобий «Поэтика»нинг жуда оз ўринларига эътибор бериб, кўп

ўринларда «Хитоба» («Риторика») ва «Софистларга раддия» асарларни шарҳлади.

Биз бу ерда асосан Форобийнинг «Поэтика»га доир фикрларни шарҳлашга ҳаракат қиласиз.

Арастучи ва мантиқчи олим сифатида Форобий шеър санъатини ҳам мантиқ илми нуқтаи назаридан тадқиқ эта-ди. У барча фикр-мулоҳазаларни турларга ажратиб, таснифлар экан, таснифларнинг ҳам турли хилларини келтиради. «Биз деймизки, лафз/сўзлар ё бирор маънони билдиради, ё билдиринаслиги ҳам мумкин». Форобий маъно билдирилмайдиган, ёки маъносиз сўзлар қайси сўзлар эканлигини айтмайди. Эҳтимол, у маъно билдирадиган сўзлар деб, нарсаларнинг фақат исмларини, морфологик (сўз туркумлари) бўлимига доир булут, сув, нон, буғдой сўзларини, ёки «билин», «ва», «лекин», «бироқ» каби боғловчи ёки ёрдамчи сўзларни айтмоқчими? Лекин, Форобийни ҳам, бизни ҳам маъно билдирувчи сўзлар қизиқтиради. Форобий ёзади: «Маънони билдирувчи сўзлар содда ва мураккаб бўлади». Бу тушунарли. «Мураккаб бўлган сўзлар бирор мулоҳазани англатади ё англатмайди». Яна савол туғилади: «Мулоҳазани — фикрни англатмайдиган мураккаб сўзлар қайси сўзлар экан? Эҳтимол, бу сўзлар фикрни эмас, нарсанинг борйўқлигини ёки қандайдир сифатини ёки нималигини англатар?

Форобий фикрини давом эттиради: «Мулоҳаза (фикр) англатадиган сўзларнинг қатъий — жазмлилиги (арабча-жозим), ва жазмсизи бўлади (рус тилида — категоричные и некатегоричные). Масалан: Эртага қор ёғади (Жазмли — қатъий фикр). Эртага қор ёғиши мумкин (Жазмсиз, эҳтимолли фикр). Қатъийлари ё тўғри, ё ёлғон бўлади». (Бу ерда Форобий ёлғон фикр деб, образли, ташбеҳли, муносабатли фикрни айтмоқчи. Масалан, «Алпомиш» достонида қалмоқ баҳодирининг «Тўқсон қўйнинг терисидан ковуши». Ёки севинган одамнинг гапи: «Бошим осмонга етди». Ёки жаҳлдор одамнинг авзои: «Қовоғидан қор ёғади». Шу каби образли сўзлар, фразеологик ибораларда сўзлар тўғри маънода тушунилса, ёлғон бўлади: Одамнинг боши осмонга етмайди. Қовоқдан қор ёғмайди. Бу турқи совуқ дегани. Фо-

робий ёлғон фикр-мұлоқазалар деб, муболағали, образли, ташбекли сүзларни айтмоқчи.

«Ёлғонларидан баъзилари, — дейди Форобий, — эши-түчилар зеҳнига (достон эшитувчилар ёки театр тамоша-бинлари, Шарқда ҳам қадимги замонларда дорбозлар ўйини билан бирга халқ театрлари бўлган) уни англатадиган маъ-но билан бирга ўрнашиб қолади. Ваҳоланки, бошқалари эса (яни, ёлғон бўлмаган бадиий тасвиirlар) уларнинг он-года нарсаларнинг ўхшashi — акси (тасвири) билан ўрна-шиб қолади. Мана шу нарсалар тақлидлар — шеърий муло-қазалар саналади».

Бу жумлада муҳим аҳамиятга эга бўлган «нарсаларнинг ўхшashi-акси» сўзларига атоқли форобийшунос олим Абду-садик Ирисов бундай изоҳ беради:

(Арабча) матнда ўхшатиш, акс этиш муҳокия сўзи билан ифодалантган. Бу истилоҳий маънода (яни термин сифати-да) тақлид қилишга (мимесисга — М.М.) тўғри келади. Қадим-ги ҳар бир бадиий асар, шеър (сюжетли) ё ҳикоя, ё драматик асар одатда тўқима бўлмаган, ҳаммаси ҳаёт воқеалари асо-сида битилган. Шунинг учун ҳаётда одамларга ўрнак бўла-диган ҳар бир воқеа — ҳодисага намуна сифатида қаралиб, буни адабиётда акс этгани, яни шеър ё ҳикоя тақлидий ада-биёт дейилган. Лекин тақлид адабиётда воқеийликни чина-кам акс эттириш орқали ҳақиқат юзага чиқарилган. Бизда жанр сифатида қараладиган «ҳикоя» сўзи арабчада «акс, тақ-лид, ўхшатма» деган маънога бориб тақалади.

Таржимон Абдусодик Ирисов шарҳи Арасту ва Форо-бий айтган тақлид — мимесис, аввал айтганимиздай, ҳаёт-ни акс эттириш, тасвиirlаш маъносини билдиради.

Арасту «Поэтика»сида айтилган, поэзия санъатининг асосий тамойили — ҳаётга ўхшатиш маъносидаги тақлид-мимесис ҳодисасини Форобий бундай тушунтиради. У, по-эзия санъатини ҳаётни акс эттириш деб биладики, бу ҳозирги поэтика назариясида ҳам тўғри ҳисобланади. Лекин, шеъ-рият — поэзияда ҳаётни акс эттиришнинг турлича даражалари борлигини Форобий қуйидагича талқин этади: «Мана шу акс-ўхшашликларнинг баъзилари энг мукаммал бўлади, бошқалари нуқсонли бўлади».

Шеъриятда, умуман санъатда ҳаётни акс эттиришнинг мукаммал ва нуқсонли даражаларни ким аниқлади, деган савол туғилади. Форобий шу ҳақда ёзади: «Уларнинг мукаммаллигини, ё нуқсонли эканини аниқлаш шоирлар ва турли-туман, тил ва лугатлардаги (фикрларини ва) шеъриятни ўрганаётган маърифат аҳлининг фикр доирасига киради». Форобий даврида ҳали маҳсус адабиётшунос олимлар ажralиб чиқмаган, у вақтларда адаб олимлари ўн икки соҳани яхши билишлари керак эди.

Муҳаммад Фиёсуддин асари — «Фиёс-ул-лугат»да адаб илмларининг турлари айтилган:

1. Сарф илми — сўз ясалиши қоидалари (морфология).
2. Иштиқоқ илми — жумла тузиш қоидалари (синтаксис).
3. Лугат илми — турли тилларга доир лугатлардан фойдаланиш қоидалари.
4. Баён илми — фикрларни чиройли баён қилиш. Бунда ташбех, истиора, муболага, мажоз, киноя санъатлари, яъни илми бадеънинг бир қисми ўрганилади.
5. Маоний илми — фасоҳатли, чуқур маъноли сўзларни топиб, ишлатиш.
6. Бадеъ илми. Бу соҳа баён ва маоний илмлари таркибида ўрганилади.
7. Наҳв илми — бунда асосан араб тили грамматикаси ўрганилган.
8. Аруз илми — шеърият вазнлари ва баҳрлари ҳақида.
9. Қофия илми — аруз илмининг бир қисми.
10. Илми нақди шеър ёки илми тақриз — мумтоз шеърият тарихи ва шеърият танқидчилиги.
11. Иншо илми — назмда ва насрда ижод қилиш қоидалари.
12. Хат ёки китобат илми — бунда хат ёзиш қоидалари ва усуллари ўрганилган.

Шарқ мутафаккирлари ёшлиқ чоғларидан бошлаб адаб илмларини ўрганиб бўлгач, кейин ўз истеъоди, қобилияти, қизиқишига мувофиқ маҳсус илмларнинг соҳаларини ўрганишга ўтганлар.

«Кашф-уз-зунун» муаллифи Котиб Чалабий (Хожи Холифа) адаб илмларининг ўн беш турини кўрсатган: нафс ада-

би, хат, луғат, тасриф (сарф). иштиқоқ, наҳв, маоний, баён, бадеъ, аруз, қавофий (қофиялар), тақриз, масал, давовин ва иншо. (Давовин — девон тузиш илми бўлса керак.) Ке-йинроқ, тарих, география, фалсафа — ҳикмат, таърих (бипор асар ёки иншонинг битган вақтини санъаткорона айтиш) илмларини ҳам адаб соҳасига киритганлар. Шулардан сўнг ёки бир вақтнинг ўзида калом, тафсир, ҳадис илмлари ўрганилган.

Муҳаммад Форобий фикрича, шеъриятда ҳаётнинг тасвири, акс — ўхшашликларда ҳам муболага, ташбеҳ, фавқулодда ўхшатиш (лофлар) бўлса ҳам («боши осмонга етди», «тўқсон қўйнинг терисидан ковуши», «фуқарога шоҳ эрур аждаҳо» — Фирдавсийда ва Навоийда) уларни муғолата — софистика дейилмайди: «Лекин, бундан ҳеч ким муғолата-софистика билан акс-тақлид икковини бир сўз деб ўйламасин. Булар иккови баъзи сабабларга кўра бир-биридан бутунлай фарқ қиласди».

«Суфастоий (софист) эшитувчини (суҳбатдошини) ғалатга ундан (янглишириб), ҳақиқатга тўғри келмайдиган, нуқсонли нарсаларни кўз олдига келтириб қўяди. У хатто мавжуд нарсани номавжуд деб, номавжуд нарсаларни эса, мавжуд деб тасаввур қиласдиради.

Аммо (шоир, адаб) тақлидчи (акс эттирувчи) бўлса, нарса сувратининг тескарисини эмас, балки унинг ўхшашини тасаввур қиласдиради».

Форобийнинг инъикос назариясига доир бу фикри жуда муҳим бўлиб, у Арасту поэтикасининг мағзи, асоси — мимесис (тасвир, акс эттириш маъносидаги) тақлид, ҳаётга ўхшатиш билан, ҳатто санъат, адабиётнинг асосий йўли — ҳаётни (ҳаётдаги ўхшаш қиёфаларни, образларни, характерларни) ҳаққоний акс эттириш — реализм билан боғлиқдир.

Лекин, ҳаётнинг ўхшашини тасвирлаш, Форобий фикрича, ҳаётдан оддий нусха кўчираш эмас, балки ижодкорнинг ҳаётни қандай идрок этиши, ҳиссиятлари, туйгулари билан боғлиқдир. Шу ўринда Форобий ҳаётини образли акс эттиришга бир мисол келтиради: «Бунга ўхшаш нарслар ҳисда ҳам учрайди. Бу шундайки, ўз жойида жим турган киши (атрофида ёки осмонда ҳаракат қилаётган жисмларга

қараса, ўзи ҳам) гүё ҳаракат қилаётгандай бўлади». Ёки, бунинг акси. «Кемага минган киши (кема сузаб бораётганида) қирғоқда қолганларга қараса, ёки ёз чофида осмондаги ой ва юлдузларга тез юраётган булутлар ортидан қараса, шундай бўлади. Бундай ҳол одамларнинг ҳисларини чалғитади». Лекин, Форобий айтмоқчики, бу санъаткорнинг чалғитиши эмас, балки шоир, рассом, ижодкор тасвиридаги манзара ҳам одамларда тек турган қирғоқ ҳаракат қилаётганидай таассурот уйғотади.

«Аммо кўзгуга ёки ялтироқ, силлиқ (олдига келган нарсаларни акс эттирувчи) жисмга қараган кишининг ҳоли ҳам худди шундай бўлади. (Киши) унга назар ташлаб, ўша нарсаларга ўхшаш нарсаларни кўраётган туюлади, лекин кўзгуда кўринган нарсалар ўша нарсаларнинг ўзи эмас, балки аксидир. Бу акслар (тасвир, манзара) тиниқлиги ё хиалиги, қийшиқ ёки тўғрилиги ўша кўзгу ёки бошқа ялтироқ жисмнинг қандайлигига, табиатига, сифатига боғлиқдир.

Шеърий фикрлашнинг бошқа турдаги фикр-мулоҳазалардан фарқини Форобий яна бундай тушунтиради: «Мулоҳаза ё қатъий, ё қатъий эмас, қиёсий бўлиши мумкин. Бордию у (фикр) қиёсий бўлса, у ҳолда бил-кувва, унинг табиатидан, ё бўлмаса, бил-феъл-ҳаракатидан (қиёсий) бўлади. Бордию, (қиёс, ўхшашлик) унинг табиатидан бўлса, у ҳолда у ё истиқроъ (индуктив) бўлади, ё бўлмаса, мулоҳаза тамсил (аналогия, ўхшашлик) билан бўлади. Тамсил (ўхшатиш) эса кўпинча шеър санъатида ишлатилади. Бундан аён бўлишича, шеърий мулоҳаза тамсил (аналогия)га киради».

Фикр-мулоҳазалар қайси соҳаларда, қайси илм-фанларда ва қандай мақсадларда айтилишига (ёзилишига) қараб, яна бир қанча турларга бўлинади. Шу нуқтаи назардан Форобий фикр-мулоҳазаларни яна қўйидагича тасниф қилади:

1. Бутунлай рост мулоҳазалар.
2. Бутунлай ёлғон мулоҳазалар.
3. Ростлик ва ёлғонликда тенг меъёрдаги мулоҳазалар (ярми чин, ярми ёлғон). Бу риторик мулоҳазалардир.
4. Бутқул рост мулоҳаза. Бу, ҳеч сўзсиз, бурхоний, исботли деб аталади.

5. Бутунлай рост томони күпроқ мuloҳазалар. У ҳолда у жадалий (диалектик) бўлади.

6. Ростлиги бутунлай камайиб бораверса, у ҳолда суфастоий (софистик) мuloҳазалардир.

7. Мuloҳаза бутунлай ёлғон бўлса, у ҳолда уни ҳеч шубҳасиз, шеърий деб аталади.

«Ушбу қисмларга бўлинишдан кўринишича, -- дейди Форобий, — шеърий мuloҳаза на исботли, на диалектик, на хитобий-риторик ва на софистик эмасдирлар».

Нима учун шеърий фикрлаш ёлғон деб аталишини юқорида озроқ тушунтиридик. Агар образли сўзлар тўғри маънода тушунилса, ёлғон бўлиб чиқади. («Бошим осмонга етди». «Юрагим минг пора бўлади». «Қовоғидан қор ёғар эди». «Ё юзунгга тегди қонлар бизни қурбон айлагач...») (Навоийдан).

Шоирларнинг фикрларини ёлғон дейишнинг уч минг йиллар давомида бир неча сабаблари айтилиб келади. Энг қадимиш шеърий асарлардан бири — поэтик ижоднинг Шумер ва Бобил варианatlари бўлган «Гилгамиш» достонида фалсафий жиҳатдан тўғри ва диалектик мuloҳазаларнинг ташбеҳли, образли, муболағали ёрқин ифодаларини ўқиймиз. «Гилгамиш» («Билгамиш») достонида бош қаҳрамон ва арслон қиёғали садоқатли дўсти Энкиду унинг бирга тоғ чўққиларидағи ўрмонларда яшаб, лазерга ўхшаш нурли қуроли билан шаҳар аҳолисини куйдириб ҳалок қилаётган Хунбобога қарши олишади, севги маъбудаси — малика Инанна (Иштар) Еrosti мамлакатига ҳам подшоҳ бўлишни истаб, у ёққа бораётганида Еrosti маликаси Эрашкигал буйруги билан етти дарвоза олдида унинг етти бойлигини олиб қўядилар: 1-дарвоза олдида Севги илоҳаси — малика Иштарнинг бошидан ишқ подшоҳлиги тожини, 2-дарвоза олдида қўлидан ҳокимият нишонини, 3-дарвоза олдида бўйнидаги дурлари (кибру ҳавосини), 4-дарвоза олдида қўкрагидаги икки қават гавҳар шодасини (жозибасини), 5-дарвоза олдида — билагузуклари (куч-қувватини), 6-дарвоза олдида — «Кел, эркак, бери кел!» деб ёзилган қўкрак тўрини (фахш қуролини), 7-дарвоза олдида — белидан тожу тахт камарини ечиб олиб қўядилар. Аслида, Эпосдаги бу тас-

вирлар — поэтик, шеърий мулоҳазалардир. Бу мулоҳазалар илмий мантиққа кўра ёлғон кўринади. Бадиий, поэтик мантиқда эса ёлғон эмас, тамсилли, образли, диалектик фикрлардир.

Ёки, қадимги юонон даҳо шоири Омир — Гомернинг «Илиада» ва «Одиссейнома» достонларида Зевс, Афродита, Афина, Гера, Арес каби маъбудларнинг одамларга ўхшаб низолашуви, гоҳо севги деб ахлоқсизлик қилишларини ми-лоддан аввалги VI-IV асрлардаёқ Демокрит, Ксенофан, Суқрот. Афлотун ёлғон мулоҳазалар деб танқид қилган эдилар. Бу файласуфлар ўша вақтда поэзиянинг спецификаси-ни, у илмий, тарихий мантиқ жиҳатидан ёлғон кўриниши-ни, аслида шоир Гомер маъбудлар тимсолида воқеъликни, ҳаётий воқеа, ҳодисаларни ва инсонларнинг характерлари тасвиrlанаётганини зътиборга олмаганлар.

Мұхаммад Форобий эса шеърий мулоҳазани тамсил, ана-логия, қиёсга асосланади, деб тўғри тушунган. «Шу билан бирга у (шеърий, поэтик фикр) сулужисмус (силлогизм-асословчи) ёки унга қарам бўлган навларнинг бирига бо-риб тақалади, яъни истикроъ (индукция — якка нарсалар-дан умумий хулоса қилиш), мисол (аналогия), фаросат (ин-туиция) ва шунга ўхшаш нарсалар бўлиб, буларнинг ман-тиқий қувватида ўша қиёс — силлогизмнинг куч-қуввати бўлади».

Шеърий фикр — мулоҳазанинг ёлғон дейилишига сабаб-лардан яна бири — жохилия давридаги араб шоирлари Ан-тара ибн Шаддод, Одий ибн Зайд, Мұхаммад аш-Шанфа-ра, Таббата Шарран ва бошқалар турли қабилаларни мақ-таб қасидалар ёзиб, улардан юзлаб мол, қўй, туялар олиб, совға бермаган қабилаларни масҳара қилиб, агар ўз қаби-ласи шоирни тан олмай, хайдаса, йўлларда қароқчиллик қилиб, ўз қабиласи одамларидан ўч олиш учун уларнинг қонини тўкиб, ўзларининг мақтанчоқлигини, такаббурли-гини мардлик, фазилат деб, като фикрлар эдилар. Бундай шоирларнинг жамиятга фойдасидан кўра зарари кўп тегар эди. Агар қимматбаҳо совғалар берсалар, ёвуз одамларни ҳам мақтаб қасидалар ёзгани учун бундай шоирларни ёлғон-чи дейиш адолатли баҳо эди.

Исломият даврига келиб, шоирлар вафо, садоқат, мәхр-муруват, саҳоват, адолат ва ҳақиқат каби олий қадрият-ларни мақтаб, тубан, гуноҳ ишларни ёмонлаб, ҳақиқатни ёза бошладилар. Лекин, шу вақтларда ҳам табиат, ҳаёт, ру-хий олам гўзаликларини куйлашда шоирлар қўллайдиган ташбек, истиора, муболага, ийҳом, ҳусни таълил, ташхис (шахслантириш) каби санъатлар мантиқчилар назарида «ёлғон» мулоҳаза бўлиб кўринар эди.

Алишер Навоий бир фазалида севимли ёрнинг гулдай юзини мақтамоқчи бўлиб, бундай чиройли «ёлғон» ишлатади:

*Ўн саккиз минг олам ошуви агар бошимдадур,
Не ажаб, ул сарвинозим ўн саккиз ёшиндадур.
Ўн саккиз йил дема, юз саксон йил ўлса, ўлдуур.
Ҳусн шоҳи, ул балоларким кўзи қошиндадур.*

Ёки яна бу байтлар:

*Юзни гуллардан безабмур бизни қурбон айладин?
Ё юзингга тегди қонлар бизни қурбон айлагач.*

*Жонга қўйгач нақди ишиқинг, қилди кўнглимни ҳалок,
Ўлдуурур маҳрамни султон ганжे пинҳон айлагач.*

Бу фазалда ҳам тажнис, ҳам тазод, ҳам ийҳом, ҳам ташбек — ўхшатишсанъатлари қўлланилган. Муболаганинг ақлга сифмайдиган — ғулув тури ҳам, ақлга сифадиган, лекин одатдан ташқари ҳолатни билдирувчи икроқ тури ҳам бор. Шу маънода Форобий назарида Навоий ўта «ёлғончи» шоирдир.

Форобий фикрича, шеърий фикрнинг силлогизм — қиёсга (бир нарсани бошқа нарса билан қиёслаб, фикрни асослашга) яқинлиги унда ўхшатишларнинг кўлтигидандир. Бошқача айтсак, Форобий гоҳо шеърни «ёлғон» мулоҳаза дейди, гоҳо асосли, силлогистик мулоҳаза дейди.

Шундан кейин Форобий шеърий тафаккурнинг қандай навларга бўлинishi ҳақида гапиради:

«Шеърий мулоҳазаларга келганда, биз сенга айтсак, ё вазнларга қараб ёки маъноларига қараб турларга бўлинади. Аммо вазнларга қараб бўлиннишларига келганда шуни айтиш керакки, бундан буёғига мулоҳаза юритиш мусиқор — музикачи ва арузчиларга тегишилдири».

Шу билан бирга, мулоҳазалар (яни, шеърий сўзлар) қайси тилда бўлгани ва мусиқачининг қайси тоифадан чиққанига боғлиқ. Мусиқачи деб Форобий халқ лапарларига ва айтишув, байт-барак кабиларнинг мусиқачи ижрочиларини, арузчи деб, аruz бўлмаса ҳам, умуман турли вазнларни текширувчи филолог олимларни назарда тутади.

Мусиқачининг тоифаси деганда Форобий қадимги юонон поэтикасида айтилган қўйидаги мулоҳазаларни кўзда тутса керак: «Эпос ва трагедия, шунингдек, комедия ва дифирамба ижод ижод этиш, авлетика ва кифаристиканинг катта қисми — бу ҳаммаси, умуман айтганда ўхшатиш (тақлид, мимесис) санъатидан ўзга нарса эмас. Улар ўзаро уч жиҳатдан:

- 1) тасвирлашнинг турли воситалари билан;
- 2) нималар тасвирланаётгани билан;
- 3) ранг-бараңг ўхшатиш усууллари билан фарқланади».

Шундан сўнг Арасту мана шу уч таснифнинг ҳар бирини алоҳида кўриб чиқади: тасвирланишнинг турли воситалари деганда у «санъатларнинг ҳаммасида ҳам алоҳида ёки ритм (раксда), ё сўз (шеъриятда) ва ёхуд гармония (музиқа) ёрдамида, ёки (театр санъати бўлса) шуларнинг ҳаммаси уйғунлигида (ҳаётнинг ўхшашини) тасвирлайдилар. Авлетика ва кифаристика ҳамда мусиқа санъатининг бошқа хилларида гармония, жўровозлик ва ритмдан фойдаланилади. Масалан, сурнай чалиш санъати, рақс санъатида хусусан, гармониясиз, ритм ёрдами билан ўхшатадилар (доира, чилдирма жўрлигидаги рақсда ҳам), чунки айни улар ифодали ритмик ҳаракатлар орқали характерларни, эҳтирослар ва воқеаларни қайта гавдалантиради.

Шеърий, поэтик мулоҳазалар. Арасту фикрича, тасвирланмиш ҳаётнинг хилма-хиллиги билан, яни, ҳаётнинг қайси жиҳатларини, қандай характерларни тасвирлаши билан ҳам фарқланади: «Санъткорлар муайян шахсларни тас-

вирлайдилар, улар эса яхши ёки ёмон бўлиши мумкин. (Негаки, ҳамма одамлар ўз характеридаги иллатлари ва фазилатлари билан фарқланадилар). Улар биздан яхшироқ, биздан ёмонроқ, ёки ҳатто биздек бўладилар». (Худди рассомлардагидек. Полигнот масалан, энг яхши одамларни, Павсон — ёмонларни, Дионисий эса бизга ўхшаш кишиларни тасвирлайди. Ҳомер энг яхшиларни, Клеофонт оддий одамларни кўрсаади. Пародияларнинг биринчи ижодчиси Фасосли Гегемон ёки «Делиада»нинг автори Никохар ёмон одамларни гавдалантирган». Арасту фикрича, шоирларнинг қайси жанрда ижод қилиши ҳам улар ҳаётнинг қайси томонларини, қандай характерларни тасвирлаши билан боғлиқдир. Яъни шоир шеърий мулоҳазаларида поэтик тафаккурнинг қайси турига мурожаат қилиши унинг ижодий нияти, поэтик гояси билан боғлиқдир. Шу сабабли, комедия ҳозирги вақтда (Арасту вақтида) яшаганлардан ёмонларни, трагедия, эса, яхшироқ кишиларни ифода этишга интилади. Муҳаммад Форобий шу фикрларга қўшимча қилиб, яна айтадики, «Улар (шеър тадқиқотчилари) шеърларни (маъноларига қараб) турли навларга, чунончи ҳажвия (сатира), мадҳия, муфокара (ёки фахрия), луғз-топишмоқли шеърлар, кулгили (комик), ғазалиёт, васфий шеър ҳамда китобларда топилиши қийин бўлмаган бошқа навларга бўладилар. У ерда Арасту «Поэтикаси»да булар битилғанлиги бизни бу ҳақда муфассал эслашимиз ва гапни чўзиб ўтиришимииздан қутқаради». Муҳаммад Форобий шеър турларини вазнларига қараб фарқлаш асосан юонон шоирларига хос эканлигини кўрсатар экан, араб шоирлари (аниқроғи, турли миллатларнинг араб тилида ижод қилувчи шоирлари) бундай йўл тутмаганини айтади. «Асарлари бизгача етиб келган ўтмиш ва ҳозирги замон (Форобий замони) шоирларининг кўпчилиги шеърларнинг аҳволига қараб (маъноларига қараб) вазнларини аралаштириб юборганлар. Улар шеъриятда мавжуд бўлган навларнинг ҳар бирига, уларнинг мазмунига қараб маҳсус вазн белгилаб чиқмаган. Бу ҳолатдан фақатгина юоннларгина ҳоли холос. Улар шеър навларининг ҳар бирига маҳсус вазн турларини белгилаб чиқканлар. Чунончи, (юонон шеъриятида) мадҳиялар вазни ҳаж-

виялар вазнидан тамомила бошқача, ҳажвиялар вазни эса кулгили комедиялар вазнидан бутунлай фарқ қиласади. Бошқа вазнларнинг аҳволи ҳам худди шундай». Аслида юнон шеъриятида ҳажвия (сатира) билан боғлиқ кулгу — комедия бир асарнинг ўзида бўлиб, булар вазнларига қараб фарқланган. Комедия санъатининг юксак чўққисини ташкил этувчи Аристофандан комедияларида ҳажвия — сатира ҳам, кулгу (юмор) ҳам асар воқеаларининг ҳолатидан ва ҳаракатларнинг ҳолатидан келиб чиқади. Воқеа кулгуси ва характер кулгуси ўртасига хитой девори ҳам қўйиб бўлмайди. Чунки, характерлар ҳаёт воқеаси орқали очилади. Воқеаларни эса характерлар ривожлантиради. Бундан чиқди, ҳажвий асарда, аввало ҳаётдаги кулгили воқеа танланиши ёки асар воқеасини кулгили қилувчи характерлар танланиши зарур. Аристофан «Булулгар» асарида маъбуллар бошлиги Зевс — момақалдироқ сабабчиси деб ўйловчи содла деҳқон Стрепсиадни ҳам, момақалдироқ сабабчиси Зевс эмас, балки булуллардир деб ўйловчи Суқротни ҳам ҳажв қиласади. Аристофан гўё ўзини Зевс тарафдоридай кўрсатади. Лекин, қаҳрамонларнинг характерларидан келиб чиқувчи кулгули фикр-мулоҳазалардан сезилишича, муаллиф булардан ҳеч бирининг тарафдори эмас.

Комедияда Суқрот мактабининг шогирди (драматург унга исм ҳам бермаган, фақат шогирд дейилган) келган одамга: «Дарвозани қаттиқ тақиллатганингда устоз миясида туғилаётган буюк бир фикр чала туғилиб қолади, дейди. Деҳқон узр айтиб, «Чала туғилган деб мени айтсанг бўлади», дейди. «Устознинг қандай улуф фикрлари яхши туғилмай қолган?» — деб сўрайди. Шогирд устозини мақтаб айтади. «Кечагина устоз Суқрот дўсти Херофонтдан «Бурга ўз қадамича неча қадам сакрай олади? — деб сўради. Херофонт жавоб беролмади. Деҳқон ажабланиб «Устоз Суқротнинг ўзи бурганинг қадамини ўлчабдими? — дейди. «Бўлмасам-чи, — дейди шогирд мақтаниб», «Устоз мум-шамни эритиб туриб, бургани ушлаб, оёғини шамга ботира турган. Сўнг шам қотганда унинг оёқлари орасини ўлчаган». Бу гапни эшитган содла деҳқон Суқротнинг ақлига қойил қолади. Бу сатрларда Аристофан содла деҳқонни ҳам, Суқротни ҳам, унинг

шогирдини ҳам кулги қилган. Эврипид «Киклоп» номли сатирлар драмасида Одиссейни ва унга одамхўр Киклопни кўр қилишга ёрдам берувчи сатирлар — эчки оёқли маҳлуқлар — Вакх-Диониснинг хизматчиларини кулгили ҳолатларда кўрсатади. Демак, шоирлар ҳаётдаги қайгули воқеаларни ҳам агар йўлини топса, кулгули қилиб тасвирлай оладилар. Лекин, бундай ҳолатлар кам учрайди. Биз мисол келтирган сатирлар драмасида аввал Киклоп тутқунларни ва улар синган Зевсни ҳам масхара қиласди. «Зевснинг қонунлари мен учун бир чақага арзимайди. Мен фақат қорнимга сифи-наман, қорнимнинг истагини бажараман. Сизларни эса менга ем бўлишдан Зевс ҳам қутқазолмайди», деб кулади.

Одиссей бошлиқ тутқунлар Зевс берган ақл билан иш тутиб, Киклопга қўп май ичириб, маст қилиб ухлатадилар, сўнг узун наиззанинг учини қиздириб, Киклопнинг биргина кўзини кўр қилиб, қочиб кетадилар. Драматик асарда бир воқеанинг ўзи кимлар учун кулгули, кимлар учун қайгулидир. Демак, поэтик мулоҳазазанинг қандай жанрга мансублиги шоирнинг мақсади, гояси билан боғлиқ.

Юнон шеъриятининг навлари ҳақида Форобий бундай дейди: «Аммо, сатирага келганда шуни айтиш керакки, бу ҳам шеъриятнинг бир нави бўлиб, унинг ўзига хос вазни бор. Бу навдаги шеърларни мусиқачи олимлар ижод қилганлар. Улар ўз куйлари билан тўрт оёқли ҳайвон, ҳатто жамики ҳайвон зотларини ҳаракатга келтирадилар. Шунда бу ҳайвонлар ўзларининг табиий ҳаракатларидан бир оз четга чиққан бўлиб одамларни (тамошабинларни) таажжубга соладилар. Демак, Форобий фикрича, бадиий асар (қадими замонларда барча санъат асарлари — поэзия дейилган) ҳаётдаги жуда қизиқарли, иложи борича, ажойиб-гаройиб воқеаларни ва ҳаракатларни тасвирлаши, тингловчиларда, тамошабинларда таажжуб, ҳайрат уйғотиши зарур.

Поэтик мулоҳазаларнинг ҳажвий тури бадиий насрга ҳам тааллуқлидир. Бадиий насрда ҳам ҳажвчи шоир жамият ҳаётидаги турли ижтимоий иллатларни бирор воқеа ва унда қатнашувчи характерларга тақлид қилиш, уларга ўхшатиш билан кўрсатади, акс эттиради. Рим императори Неронга замондош (янги эранинг 50-60-йиллари) ўткир ҳажвчи

бўлган адиб Гай Петроний Арбитр машҳур «Сатирикон» романида собиқ қуллардан чиққан, катта мансабдорларнинг хизматини қилиб, бадавлат мулкдор бўлиб кетган Тримальхион ўз уйида йиғилган меҳмонлар учун хафталаб шоҳона зиёфат беришини тасвирлар экан, мимесис-тақлид тамойилига кўра, қаҳрамонларнинг гап-сўzlари орқали: 1. Унинг характеристини, чексиз бойликлари билан мақтанишини. 2. Ўзи тентак, илмсиз, саводсиз бўлса ҳам, гўё олий табақага хосман, деб, маърифатли одам бўлиб кўринишини. 3. Рим империяси боёнлари чексиз ноз-неъматларни, бойликларни сира меҳнат қўлмай, текинхўрлик билан истеъмол қилишини. 4. Бундай мулкдорлар давлатга, жамиятга заррача фойда келтирмаса ҳам иззат-ҳурматда, зебу зийнатда яшаётганигини. 5. Рим империяси маънавий таназзулга учраганигини кўрсатади. «Яқинда бир парча еримга Сицилияни ҳам қўшиб олмоқчиман, — дейди. Ана шунда Африкагача ўз денгизларимда сузуб бораман». Аслида у жуғрофиядан хабарсиз, қаерда ва қайси давлатлар борлигини ҳам яхши билмайди. Гомер достони воқеаларини биламан, деб мақтанади, лекин қаҳрамонларни билмай, янгишади. Асар тили нозик қочиримларга бойлиги билан завқлантиради.

Меҳмонларга минг турли анвойи таомлар тортилади, сархил мевалар, шарбатлар берилади. Меҳмонлар ҳам мулкдорни ҳушомадгўйлик билан мақтайдилар. Петроний Арбитрнинг «Сатирикон» романи бизгача тўлиқ етиб келмаган. Лекин, етиб келган қисмлари ҳам муаллифнинг ҳажвий даҳосини яққол кўрсатади. Шу сабабли бу асар жаҳон адабиёти дурдоналари сарасига киритилган. «Сатирикон» ҳақида кичик сўз боши ёзган атоқли қадимшунос Адриан Пнотровский бу асарни Рим ижтимоий ҳаётининг тиниқ кўзгуси деб атайди. Бу асарнинг теран ҳаётийлиги, реализмига берилган юксак баҳодир.

Қадимги Юнонистонда барча драматик асарлар янада қадимиyroқ ҳалқ миллий байрами — май ва узумчилик маъбути Дионис (римча, Вакх) шарафига ўтказиладиган байрамда, мифологик мавжудотлар — эчкиоёқли сатирлар ҳамда маст-аласт Дионис қизлари — (Вакх қизлари)нинг рақс ва қўшиқларидан келиб чиққани учун, хусусан, комедияда му-

сиқа ва құшиқ кенг ўрин олган. Минг йиллар кейин ҳам мусиқали комедия ривожланғанлиги сабаби — бу комедиялар: ҳам байрамларда күнгил очиш, ҳам ёмонлар устидан ва жамият ҳаётидаги камчиликлардан қулиш, ҳам халқни шу йўл билан тарбиялаш мақсадларида ижод қилинар эди. Форобий ҳам шу фикрлардан келиб чиқиб, «кўпинча унинг (комедиянинг) бўлакларига оҳанг-нағмалар қўшилиб, буларда ҳам қораланадиган хулқ-атвор (характерларда) инсон, ҳайвон ва икковига алоқадор бўлган хунук шакл-тимсоллар, яъни, ўшандай ёмон хулқ-атворлар, характерларни ифодаловчи ниқоблар кийган актёрлар) иштирок этадилар». Масалан, Аристофаннинг «Суворийлар» комедиясида актёрлар ёғоч от миниб, «Қушлар» сатирик комедиясида актёрлар ўзларига тумшуқ ва қанотлар боғлаб, «Қурбақалар» комедиясида қурбақага ўхшаб кийиниб чиқадилар.

Поэтик ижоднинг ҳаётийлиги ҳақида Форобий бундай дейди: «Аммо комедияга келсак, бу шеъриятнинг маълум бир тури бўлиб, унинг ҳам маълум вазни бўлади, унда ёмон феълатворлар зикр қилинади. Одамлар, уларнинг ахлоқларида қораланадиган, хуш кўрилмаган табиатлар (характерлар) ҳажв қилинади». Юқорида кўриб чиққанимиз, «Сатирикон» асаридан бир парчада жамият мулкини текин еб тугатувчи, мол-дунёга, анвойи таомларга очофт; қуллари, бойликлари меҳнатсиз топилгани билан мақтанувчи Тримальхион каби мулкдорлар ва уларнинг ҳамтавоқлари ҳажв қилинган. Бу эса бадиий асарнинг ҳаётийлиги далилидир.

Комедия руҳи ҳажв, қулги драма навида ҳам, бадиий насрда ҳам мавжуддир. Баъзи ҳажвий характерларни шеъриятда ҳам, прозада ҳам равшан тасвирилаш мумкин. Мумтоз жаҳон адабиёти тарихида романлар шеър билан, достонлар прозада ёзилган ҳолларини ҳам учратамиз. Ўрта аср рицарлик романлари шеърда, поэма шаклида («Роланд ҳақида қўшиқ», «Сайдим ҳақида қўшиқ») ва баъзи достонлар бадиий насрда («Ромео ва Жульєтта», «Фарҳод ва Ширин», «Ҳазрат Али жангомаси», «Або Муслим жангомаси» халқ қиссалари шаклида) ёзилган.

Муҳаммад Форобийнинг юон шеърияти навлари ҳақидағы баъзи фикрлари таҳминий, баъзилари ноаниқ экан-

лигини кўрамиз. «Дифирамба — шеъриятнинг бир тури бўлиб, унинг вазни трагедия вазнидан икки баробар катта бўлади. Унда яхшилик ва мақталадиган барча хулқ-атворлар, инсоний фазилатлар зикр этилади. Дифирамбада маълум бир подшоҳ ёки кишини мадҳ этиш мақсад қилиб олинмайди, балки улардаги умумий яхшиликлар зикр қилинади».

Шуниси қизиқарлики, Низомийнинг «Махзанул-асрор», Саъдийнинг «Бўстон», Навоийнинг «Хайрат-ул-аброр» асарларида адолат, меҳр-муруват, сабр-қаноат, ҳиммат, эҳсон, камтаринлик, ишқ, шукроналик каби фазилатларнинг мақтови Форобийнинг тавсифига тўлиқ мувофиқ келади. «Қадимги юонон шериятида ҳам бу инсоний фазилатлар доимо мақталиб кўйлаб келинган. Феокрит, Вергилий, Гораций Идиллияларида, буқоликарида, эклогаларида табиат гўзалликлари орасида боғбонлар, чўпонлар, деҳқонларнинг бунёдкор ва камтарона меҳнат билан яшаши улуғланганини эслайлик. Бу эса шеъриятнинг жамият тараққиётидаги муҳим мавқеини ҳам белгилайди.

Форобийнинг юонон шеъриятидаги трагедия ва диаграмма (?) ҳақидаги фикрлари унинг бу жанрдаги асарларни ўқимасдан, фақат Арасту «Поэтика»сида тилга олинган айрим трагедияларнинг умумий тавсифини ўқиганлиги сезилиб туради. «Трагедияларда бирорларнинг мисол (ўрнак) бўла оладиган яхшиликлари ва мақталадиган феъл-атворлари зикр қилинади.» Форобийнинг мана бу фикри соддороқ кўринса-да, маъноси тўғридир. Унинг фикрича, «бу вазнда (трагедия вазнида) шаҳарни бошқарувчи ҳукмдорлар мадҳланади.» Бизнингча, Форобий бу ерда вазн сўзини жанр маъносида ҳам ишлатади. Эсхилнинг «Занжирбанд Прометей», Софоклнинг «Шоҳ Эдип», «Антихона» асарларида қаҳрамонларнинг характерлари адолат ва ҳақиқат учун жонидан кечганларида кўринади. Прометей одамларни қоронгулик, зулматдан қутқариш учун уларга Зевс ҳузуридан илоҳий оловни келтириб беради. Эдип шоҳ бўлса ҳам ўз гуноҳи учун ўзини жазолайди, у адолатли қонун асосида айбдор — қотилни излаб топтиради (айбдор ўзи бўлиб чиқади). Малика Антихона қонун бўйича ўлим жазосини олишини бил-

са ҳам инсонийлик бурчини бажарып, акасининг жасади хор бўлмасин деб, яширинча дафн этади. Мазкур трагедияда Форобий тўғри тушунганидай, қонун ва ахлоқ соҳасидаги фалсафий муаммолар кўтаришган.

«Аммо, драмага келсак, — дейди Форобий, — у ҳам худди юқорида келтирилганлари каби шеър турларидан бири саналади: фақат бунда маълум воқеалар ва маълум шахслар тўғрисида машҳур бўлган масал ва нақллар зикр қилинади. Шуниси ҳам борки, булар ё шоир маҳоратининг зўрлигидан ва ғоятда гўзал битилганидан одамни хушнуд қиласиди». Бу ерда Форобий маълум шахслар ҳақида машҳур бўлган масал ва нақллар деб юнон мифларини назарда тутади. Арасту машҳур шахслар (Эдип, Орест, Агомемнон, Геракл, Медея, Электра ва бошқалар) ҳақидаги ривоят, мифларнинг драмада қайта ишланиб, асар сюжетига асос бўлувчи воқеевани фабула деб атайди. Лекин. Форобий нима учундир, фабуланинг муҳимлиги ҳақида, драманинг олти унсури (1.Воқеа. 2.Характер. 3.Фикр, гоя теранлиги. 4.Нутқ, тил, яъни сўз санъаткорлиги. 5.Мусиқа қисми. 6.Саҳна жиҳозланиши, декорациялар) ҳақида тўхтальмайди. Форобийнинг «Шоирлар санъати қонунлари ҳақида»асарини арабчадан русчага таржима қилиб, изоҳлар ёзган А.В.Сагадев, А.Х.Қосимжоновлар фикрича, Форобий бу асарни ёзишда Арасту «Поэтика»сининг Матто Иби Юнус нуқсли номукаммал матндан қилган таржимадан фойдаланган бўлса кепрак. Шу сабабли Арастунинг трагедия камолоти, унинг эпосдан фарқи, унинг унсурлари, трагедия ҳажми, воқеа бирлиги, ички бўлининиши (оғир ҳолат, мушкулот, перипетия — кутилмаган, кескин бурилиш, Пафос — юксак эҳтирослар), катарсис — даҳшат ва ҳамдардлик билан руҳни поклаш ҳақидаги муҳим адабий-эстетик фикрлари Форобийнинг эътиборидан четда қолган.

Арасту «Поэтика» асарида трагик шоирлар баъзи мифларнинг воқеасини ўзgartириш билан характерларни кучайтирганлигини айтади. Масалан, асл миф — ривоятда Ясонни севган малика Медея рашк сабабли ўз фарзандларини ўлдирмаган экан. Эврипид эса «Медея» асарида фожеа руҳини, рашк пафосини кучайтириш мақсадида «айбсиз» Ме-

дэяни қотил қилиб күрсатган. Римлик Гай Петроний Арбитр «Сатирикон» романида салбий қаҳрамон Тримальхион тилида бу муаллифни масхара қиласы.

Шу билан биргә Форобий Арасту «Поэтика»сынинг бизгача етиб келмаган қисмлари ҳақида ҳам қимматли маълумотлар беради. «Поэтика»нынг мавжуд матнида дифирамба, ёмбу (ямб вазнидаги асарларнинг маъно-мазмуни), эйний (эҳтимол, мадҳия — энкомийдир), сатира, поэма, диаграмма, акустика, эфажоносус (күчирма асар) ҳақида алоҳида таърифлар берилади.

«Аммо эйнийга келсак, — дейди Форобий, — бу ҳам шеъриятнинг навларидан бири бўлиб, унда одамни хурсанд қилалигиган мулоҳазалар зикр қилинади. Шуниси ҳам борки, булар ё шоир маҳоратининг зўрлигидан (яъни, шоир ноёб шеърий санъатларни билишидан) ва ғоят гўзал битилганидан одамни хушнуд қиласы».

Бу ерда Арасту айтган илоҳий истеъдод ва малака, қобилият (техне) ҳақида гап борса керак. Арасту малака, маҳоратга нисбатан туғма истеъдодни афзал деб билади. Форобий эса бошқача фикр юритади. Табиатан шоирларнинг ташбеҳ ва тамсилга лаёқати яхши бўлади. Лекин бу хил шоирлар шеър санъатидан керагича хабардор бўлавермайдилар, балки улар туғма қобилиятларининг яхшилиги билангина қаноатланадилар. Бундай шоирлар чинакам мусалжис — мулоҳазакор шоирлардан саналмайдилар». Таржимон устоз Абдусодиқ Ирисов мусалжис — (юнонча силлогистик — чуқур фикрловчи) сўзини мулоҳазакор шоирлар деб ўғиради. Бизнингча Форобий лаҳзада ўзгарувчи, товланувчи нозик хис-туйғуларни тасвирловчи лирик шоирларга нисбатан мутафаккир шоирлар устун туради, демоқчи. Рим шеъриятида Овидийга нисбатан Вергилий афзал ва устун ҳисобланганидек.

Қадимги даврлардан ҳозиргача лирик шоирларга нисбатан эпик шоирларнинг шон-шуҳрати баландроқ. Аммо, дунёда яна Навоий, Гёте, Шекспир, Байрон, Пушкин, Ойбек, Чўлпон каби лирик ва эпик шоирлар ҳам борки, буларнинг ижоди назарий қонун-қоидаларга нисбатан бойроқдир.

АРАСТУ «ПОЭТИКА»СИ ИБН СИНО ТАЛҚИНИДА

Ибн Синонинг «Ал-Шифо» асари 24 китобдан иборат бўлиб, унга устози аввал Арастунинг «Органон» асарига ўхшатиб, тартиб берилган. «Аш-Шифо»нинг «Мантиқ» қисми 9 китобдан иборат бўлиб, тартиби қуидагида:

1. «Мантиққа кириш» («Исоғучи»).
2. «Маъқулот» («Категориялар», Форобийнинг шу номдаги асарига ўхшайди).
3. Ал-Иборат — (Арастуда «Ҳерменевтика», Форобийда «Барманиёс»).
4. «Қиёс» — «Силлогизм», Арастуда «1-Аналитика», Мантиқнинг асосий қоидалари шу асарда тушунтирилган.
5. «Бурхон» — «Исбот», Арастуда «2-Аналитика».
6. «Ал-Жадал» — Арастуда «Диалектика», Фаоробийда ҳам — «Ал-Жадал».
7. «Сафсата» — («Софистика»).
8. «Ал-Хитоба», (Арастуда «Риторика») — Нотиқлик санъати.
9. «Фанн аш-Шеър» («Поэтика»).

Ибн Сино «Хитоба» асарини ёзишда Арасту «Риторика»сидан фойдалангани аниқ сезилиб туради. Атоқти шарқшунос олма Б.Я.Шидфар аниқлашича, Ибн Сино «Аш-Шифо»нинг «Мантиқ» қисмида, аниқроғи, «Хитоба»да Сапфо, Гомер, Агоменон, Елена, Ахилес номларини келтиради ва уларнинг қилмишлари ҳақида гапиради; «Илиада» ва «Одисейнома» асарларидан иқтибослар — цитаталар келтиради. Бизнингча, Фаробий ва Берунийда юонон тилини ўрганишга имконият бор эди. Ибн Синода эса, доимо қувгинда юргани ёки вазирлик ишлари билан бандлиги сабабли бундай имконият бўлмаган. Агар у истаса мавжуд даҳоси билан юонон тилини ўргана оларди. Лекин, шуниси аниқки, Ибн Сино ўзини Фаробийнинг шогирди деб билган ва Арастунинг «Метафизика»дан бошқа асарлари билан ҳам Фаробий асарлари орқали танишган. Лекин Ибн Сино Арастунинг «Риторика»сининг мазмунини Фаробийга нисбатан яхшироқ билиш бу асарнинг билимдонларига яққол сизлади.

Ибн Сино «Хитоба» асарида ёзишича воиз, нотиқ халқ оммасидан илмда устун, маърифатда етук бўлиши керак. Арасту «Риторика»да нутқ тугаллиги уч омилга: нотиқ, мавзу ва аудитория тингловчиларининг мувофиқ келишга боғлиқ деган эди. Ибн Сино бу фикрни яна-да аниқлаштиради. Унинг фикрича яхши нотиқ оддий одамларга тушунарли қилиб гапириш керак, лекин у оддий одамларга нисбатан маърифатда устун туриши зарур. Оддий одам нотиқнинг чиройли сўзларига ишонади, унинг рост ёки ёлғонлигини ажратишга билими етишмайди. Зиёли одам эса асосиз, далилсиз гапларга ишонмайди.

Абдуллоҳ ибн ал-Мұтазз ва Қудома ибн Жаъфар каби Ибн Сино ҳам Қуръон ва Ҳадислар тилини нутқнинг етук намунаси, деб билади ва гўзал ибораларни шулардан ўрганиш зарур, дейди (Б.Я.Шидфар. Ибн Сина. М., Наука. 1981. Стр. 108, 109.). У, «Бошланишда ҳам, тугалланишда ҳам заррача ёлғони бўлмаган «Калом»да айтилади: «Ўз парвардигоринг йўлига ҳикмат билан даъват қил!» дер экан, Қуръон сўзларининг балофати, фасохатини юксак намуна деб билади». «Осиyllиги сабабли Охиратдаги жазодан қўрқадиганларга пайғамбар, имом ёки шоир сўзлари билан мурожаат қилган яхши. Кўнгли юмшоқларга ишонарли сўзлар, ошиқларга ёрининг мақтови хуш келади. Ўзига бино қўйган, худбин одамлар мақтовни ёқтиради. Кўпчилик ёмон кўрадиган одам ҳақида гапирганда унинг алдамчи, ёлғончилигини танқид қилсангиз, тўғри чиқади» (Юқорида кўрсатилган манба. 111-бет).

Ибн Сино фикрича, воиз, нотиқнинг сўзи адолатга ва яхшиликка хизмат қилиш учун шулар ҳақида ҳақ гапларни айтиши зарур. Ноҳақ гапларни айтса нутқ адолат ва яхшиликка хизмат қилмайди.

«Оддий одамлар воиз нутқидан тўғри хulosса чиқариб олиш учун уларни мажбурлашнинг фойдаси йўқ. Аввал айтганимиздай, хитоба (мажбурлаш санъати эмас) ишонтириш санъатидир. Хитобада баҳс-мунозара орқали ҳам тўғри хulosага келинади». (Ўша асар, ўша жойда). Арасту ҳам риторика фани бир жиҳатдан диалетикага яқин деганида баҳс-мунозарани кўзда тутган.

Шарқшунос олима Б.Я.Шидфар тұғри күрсатиб ўтганидай, Ибн Сино назарида риторика илмида «фойдали» ва «зараарли» деган тушунчалар нисбийдир. Яъни, бир одам учун фойдали нарса (фикр ёки иш-ҳаракат) бошқа одам учун заарали, бир давлат учун фойдали нарса бошқа давлат учун заарали бўлиши мумкин. Арасту ва Форобийга нисбатан бу масалада Ибн Сино кўпроқ амалиётчиidir. Чунки, Арасту ва Форобий назарий жиҳатдан «фойдали» деганда барча халқлар учун фойдали нарсаларни, «зараарли» деганда барча халқлар учун заарали нарсаларни кўзда тутадилар. Бошқа одамларнинг заарига фойда орттиришни Арасту ҳам, Форобий ҳам зулм деб атайдилар.

Юқорида биз Ибн Сино Форобий «Хитоба»сини эмас, Арасту «Хитоба»сини яхши билишини айтган эдик. Бунинг далили — Форобий «Хитоба»сида эсламаган ва Арасту «Хитоба»сида эсланган қадимий юонон адабиёти қаҳрамонларининг Ибн Сино асарида фикрини далиллаш учун тилга олинишидир. Ибн Сино бу ҳақида яна аниқроқ айтади: «Риторик нутқ (хитоба) мазмунан уч турлидир: 1. Тұғри тасдиқни билдирувчи фикр. 2. Хато тасдиқ-фикр. 3. Мадад сўраш».

Ибн Сино хитобий нутқининг учинчи турини «Мадад сўраш» деб аталишига ажабланмаслик керак. Арасту «Хитоба»сида ҳам нутқ уч турга бўлинади. Лекин, бу тасниф Ибн Сино кўрсатганига ўхшамайди. Арасту хитобий нутқи бундай турларга бўлинади: 1. Кенгашув нутқи. 2. Ҳакамлик ёки адлия нутқи (судланув нутқи). 3. Эпидейктив нутқ — бирор тадбирни маъқуллаш ёки қоралаш, яъни баҳоловчи нутқ. (Қаранг: Аристотель. Риторика. Античные риторики. М.Изд.: МГУ, 1978. Стр. 25.)

Ибн Сино таснифи эса бу масалада Форобий таснифига яқинидир. (Фаробийнинг адабий-эстетик қарашлари ҳақида ги бўлимда бунга кенгроқ тўхталамиз).

«Устози Аввал» (Арасту) замонида нотиқлар икки оқимга бўлинган эдилар, — дейди Ибн Сино. Биринчи оқимга мансуб нотиқлар нутқининг учала туридан фойдаланганлар. Иккинчи оқимга мансуб нотиқлар эса ёлғон хulosали нутқларни инкор этганлар. Суқрот, Перикл, Демосфен шундай

нотиқлар әдилар (М.М.). Юнонистанда барча нотиқлар бирор қонуншунос буюрган фикрлардан эмас, балки оддий одамлар яхши тушинағынан умумий әзтироф этгандың қақиқаттар — асос фикрлардан фойдаланған (Масалан: Ота, онани ұрматлаш керак. Яхшилик қылған одамни унұтmasлық керак). Арасту бундай асос фикрлар, муқаддималарни юнонча «топлар» деб атайды. У «Риторика» асарыда топларға кatta әзтибор бериш билан бирга, бу қақда яна маҳсус «Топика» асарини ҳам ёзған (Фаробий «Тубиқа» деб таржима қылған).

Ибн Сино «Хитоба»сыда Арасту ва Фаробийда учрамайдынан оригинал ҳаёттій күзатышларни ҳам күрамиз. У турли ёшдаги тингловчиларнинг табиати, феъл-атвори, руҳияти-ни нотиқ яхши билиши зарурлигини таъқидлады. «Ёшларда кучли әзтирослар бор, лекин бу әзтирослар асосан Зуҳрода алоқадор, улар севиши, севилишни, чиройли кийиниши-ни, атири, ифорларни жуда яхши күрадилар. Ёшларнинг кай-фияти тез үзгариб туради, улар бирор иш билан шуғулланса, тез зерикиб, бошқа ишга қызықиб қоладилар, улар күнгилхушликтарга, ифротта ружу қўйган, меъёрни билмайдилар. Ёшлар әзтирослари кучли, қызыққон, фикри бека-рор бўлгани учун тез толиб, чарчаб қоладилар. Уларнинг жаҳли тез, ғазабини босолмайдилар, иззат-нафс учун тез жан-жаллашадилар (Ўсмирларнинг енгилтаклиги шундан — М.М.)».

Балоғатта етган йигитлар эса ўзига бино қўйган, лекин дўстларни, тенгдошларни ҳам ұрмат қоладилар, ҳаётни, шўхликни севадилар. Шўхлик эса дўстлар орасида бўлади. Булар ўзларига ҳақиқий фойдани ўйлаб эмас, фақат ҳузур-ҳаловатни, мазза қилиб яшаш учун дўст танлайдилар ва дўстликдан лаззат оладилар.

Қариялар эса буларнинг тескариси, жуда ўжар, қайсар ва шубҳакор, кўп фалокатларни кўрганлари ва кўп марта алданғанлари учун ҳеч кимга ишонмай қўйғанлар. Шу са-бабли жуда әхтиёткор бўлиб қолганлар. Улар келгусида бўлажак ишлар ҳақида ҳам ишончсизлик, «балки», «әхти-мол» деб гапирадилар. Улар энди севгини эмас, тансиқ, лаз-затли таомларни ўйлайдилар. Адолат қарор топишини ис-

тайдилар, лекин бу истаклари тинч ҳаётни яхши кўриши, қўрқоқлиги ва заифлиги сабабдир... (Б.Я.Шидфар. Ибн Сина. Москва. Наука. 1981. Стр. 116.)

Афлотун «Давлат» асарида Суқрот ва бошқа донишмандлар суҳбати ва баҳс-мунозараси жараёнида адолатни кучлилар эмас, заифлар севади, деган ғояни муҳокама қиласди. Суқрот бундай қараш хато эканлигини исботлайди.

Ибн Сино «Хитоба» асарида («Аш-Шифо» таркибида) нотиқнинг маҳорати, фазилатлари нутқ безакларида, чиройли гапиришда эмаслигини айтади. Ибн Сино фикрича, ақлий қуввати кам, маърифат ва маънавиятда заиф нотиқлар ўз нутқларини турли усууллар билан безашга ҳаракат қиласдилар. Маънавий етук, кучли нотиқлар вазмин, камтарин, оғир-босиқ бўлади. Улар обрў топиш учун кибру ҳавога муҳтоҷ эмаслар (Одатда маърифатсиз, жоҳил одамлар тақаббур, манмансираган, кеккайган бўлади — М.М.). Маънавий етук одамлар эса ўз ақли ва қобилиятларига ишонадилар, катталарга ялтоқлик қилмайдилар. Муҳими — чиройли гапириш эмас, далил, исбот билан гапиришдир.

Шундан сўнг Ибн Сино риторикада-нотиқлик санъатида ва шеъриятда фойдали бўлган чиройли иборалар, ташбеҳлар, сўз безаклари аниқ фанларда зарарли эканлигини айтади.

«Шеъриятда ярашадиган сўз санъатлари (истиора, ийҳом, тажнис, талмеҳ...) нотиқлик санъатида ярашмайди» дейди Ибн Сино. Унинг бу фикри антик давр риторларининг қарашларига зиддир. Машҳур тарихчи Фукиид китобида келтирилган Перикл нутқида Саламин жангига ўлиб кетган ёшларга чуқур ҳамдардлик билдириб, «бирор давлатда ёшларнинг йўқолиши йил фаслларидан баҳорнинг йўқолиши кабидир», деган шоирона ташбеҳи тингловчиларда кучли таассурот қолдирган. Бошқа машҳур нотиқлар ҳам ўз нутқларида Гомер, Гесиод, Сапфо, Эсхил, Софокл, Эврипиад каби даҳо шоирларнинг шеъридан ўринли фойдаланиб, тингловчиларнинг қалбларини ларзага солғанлар. Лекин, кейинги даврларда жаҳон мамлакатларида сиёсий арбоблар таълим, тарбиясида шеъриятта эътибор камайгани сабабли уларнинг нутқи баъзан зерикарли ва таъсирсиз

бўлиб қолади. Ибн Синонинг юқоридаги фикрини инкор этмаган ҳолда бу фикр ҳақиқати нисбий эканлигини билдирамоқчимиз. Чунки, Ибн Синодан аввалроқ ўтган ал-Жоҳиз, Бишр ибн Мұғтамир, Қудома ибн Жаъфар, Ибн Синодан кейин яшаган Мұхаммад Фаззолий, Мұхаммад Авфий, Арузий Самарқандий, Ҳусайн Воиз Кошифий асарларида ҳам насрый нутқ орасида шеърлардан, ташбеҳлардан ўринили фойдаланилган.

Ибн Синонинг юқоридаги фикрни айтишдан мақсади, Арасту «Поэтика»да ёзганидай, илмий мавзулардаги фикрларни шеърий йўлда ёзишни шеърият қаторига қўшмаслик ҳақидадир.

Ибн Сино фикрича, шоирлар ҳам ҳаёт воқеаларини, табиат манзараларини, инсон руҳиятини тасвирлашда бадиий нафисликка эришаман деб, ортиқча безакдорликка, жимжимадорликка берилиши керак эмас. Бу билан мутафаккир ўз замонасидағи Муиззин, Фарруҳий, Утбий каби мадҳиябоз шоирларнинг сохта ялтироқлигини танқид қилмоқчи эканлиги шубҳасиз. «Шоирнинг сўзлари тубан ва тушунарсиз бўлмасин, шу билан бирга жуда тўпори ва жўн ҳам бўлмасин. Машҳур шоирлар ўз шеърларида халқ орасида қўлланган ва қўлланилаётган кўпчиликка маълум иборалардан ҳам, ноёб сўзлардан ҳам фойдаланганлар. Шеър халқнинг оддий тилидан гўзалроқ, лекин жимжимадорликдан узоқ бўлиши керак».

Ибн Сино фикрича, шеър санъати одамларни бирор фикрга ишонтириш учун эмас, балки уларда қандайдир тасаввурлар уйғотиш учун мавжуддир.



АХЛОҚИ КАБИР

(Катта ахлоқ китоби)



АРАСТУ ҲАКИМНИНГ «АХЛОҚИ КАБИР» АСАРИНИНГ ЎЗБЕКЧАГА ТАРЖИМАСИ ҲАҚИДА

«Адолатсиз, ноҳақ одамда оқиғлиқ фазилати бўлмайди.
(Ризқ-рўз ва бойликнинг) озроғига рози бўлган одам
қаноатли одамдир.

Ҳалол бўлмаган одам онгсиз одамдир.

Одам ақли борлиги учун мақталмайди, балки кўнглидаги
инсоф, адолат, мардлик каби фазилатлари учун мақталади».

Мана шу ҳикматли сўзлар қадимият мутафаккири, бар-
ча замонларнинг уламолари томонидан устози аввал деб тан
олинган Аристотель — Арасту ҳакимнинг «Катта этика»
ёки «Ахлоқи кабир» асаридан олинган. Бу ҳикматларнинг
теран мазмунини ҳар қанча шарҳласак, янги қирралари очи-
лаверади. Чиндан ҳам адолатсиз, ноҳақ ишлар қилувчи одам-
да оқиғлиқ фазилати қаердан бўлсин! Адолатсиз, ноҳақ иш-
лар қилувчи одам оқиғлиқдан узоқ, маънавий гўзаллиқдан
узоқ, ахлоқий жиҳатдан ҳам нопок одамдир. Чунки, адо-
лат, одиллик инсонпарвар, халқпарвар, меҳр-оқибатли,
мард одамларнинг фазилатидир. Бунинг акси — адолатсиз,
ноҳақ ишлар қилувчи одам — номард, маънавий қашшоқ;
фақат ўзини ўйловчи, худбин одамдир.

Ёки Арастунинг ҳаноатли одам ҳақидаги фикрини олай-
лик. Бир қараашда оддий бўлиб кўринган бу фикр замирида
катта ҳақиқатлар бор. Чунки жамият ҳаётида, инсон ҳаётида
баднафслик, мол-дунёпарастлик, порахўрлик, ўғрилик, юл-
гичлик, кazzоблик каби ёмон иллатларнинг кўпчилиги одам-
зодда сабр ва ҳаноат йўқлигидан ёки етишмаслигидан келиб
чиқади. Ўз ҳалол меҳнати билан топганига, борига ҳаноат
қилиб яшовчи одам камтарин, оқил, имонли одамдир. Ислом-
ий фалсафий таълимотларда ҳам ҳаноат азиз одамларга ато
этиладиган ажойиб фазилатлардан саналади.

Энди Арастунинг ҳалол бўлмаган, яъни нопок одамни онг-
сиз деб баҳолашига келсак, бу ҳикматли сўзларнинг ҳам маъно-
си жуда теран, бу ҳақда узоқ ва теран фикрлар айтиш мумкин.

Биз одатда, айниқса, ҳар соҳада риёкорлик, мунофиқлик, сохта гаплар авж олган шўролар даврида онгли ва онглиз одам, деган сўзларни кўп ишлатавериб, қадрини туширдик. Номуносиб ишлар қиласа ҳам, лекин КПСС сиёсатини билган одамни онгли одам деб ҳисобладик. Аслида, онгли одам деб, яхши ва ёмонни, ҳалол ва ҳаромни, савоб ва гуноҳни яхши тушунувчи ва бу тушунчаларга амал қилувчи одамни айта оламиз.

Арасту ҳакимнинг «Одам ақли борлиги учун мақтамайди» деган сўзлари бир қарашда баҳсли, мунозарали кўринади. Аммо «Ахлоқи кабир» асарини синчиклаб, эътибор билан ўқилса, ақллилик, оқиллик агар гўзал инсоний фазилатлар билан уйғуллашмаса, уни мақташ мумкин эмас экан. Чунки юлғич, порахўр ва бошқа нопок ишлар қилувчи одамларнинг кўпчилиги ўзларича анча ақлли одамлардир. Аммо, бу ақл худбин ақлдир.

Бугунги Истиқлол даврида ҳам биз учун аҳамиятли бўлган бундай ҳикматли сўзларни Арасту ҳакимнинг «Ахлоқи кабир» асарида кўплаб учратамиз.

Бу ажойиб асарни қадимги юонон адабиёти, тарихи ва фалсафасини яхши билгувчи заҳматкаш, истеъоддли олим ва адаб Маҳкам Маҳмуд ўзбек тилига таржима қилиб, изоҳ ва шарҳлар бериб, нашрга тайёр қилгани, бизнингча, бу инсоннинг навбатдаги олижаноб ишларидан биридир.

Маҳкам Маҳмуд бундан кўп йиллар аввал Арастунинг «Поэтика» асарини таржима қилиб, изоҳ ва шарҳлар билан нашр эттирганида халқимиз, назариётчи уламоларимиз уни миннатдорчилик билан кутиб олган эдилар. Маҳкам Маҳмуднинг янги таржимаси — Арастунинг «Ахлоқи кабир» асари ҳозирги Истиқлол даврида фалсафа фанининг жамият маънавиятини юксалтиришдаги аҳамияти ортиб бораётган бир замонда тезроқ нашрдан чиқариш — Ўзбекистондаги барча олий ўқув юртлари муаллимлари ва талабаларининг илмий-фалсафий, педагогик савиясини, малакасини юксалтиришга муносиб ҳисса бўлур эди.

*Нажмиiddин КОМИЛОВ, филология фанлари доктори,
Тигаб МАҲМУДОВ, фалсафа фанлари доктори*

«КАТТА АХЛОҚ КИТОБИ»

1. Этика — ахлоқ муаммолари ҳақида гапиришдан аввал биз ахлоқ нимага тааллуқли (ниманинг бир қисми) эканлигини аниқлаб олишимиз керак. Гапнинг⁵⁷ лўндасини айтсак, ахлоқ сиёсатнинг таркибий қисмидир. Чиндан ҳам муайян ахлоқий фазилатларга эга бўлмаган, яъни муносиб бўлмаган одам (таниқли жамоат арбоби сифатида) фаолият кўрсатиши мумкин эмас. (Афуски, инсоният тарихида кўпинча ахлоқий-маънавий фазилатларга эга бўлмаган, номуносиб одамлар сиёсий фаолиятга аралашиб, жамиятга зарар келтирадилар — М.М.) Муносиб одам бўлмоқ — фазилатлар эгаси — фозил бўлмоқ, демакдир.⁵⁸ Зоро, ижтимоий ва сиёсий ҳаётда фаолият юритмоқчи бўлган одам ахлоқан фазилатли одам бўлмоғи керак. Хуллас, этика, ахлоқ — сиёсатнинг таркибий қисми, унинг⁵⁹ (архи, яъни қурилиш моддаси, фиштлари) асосидир. Шунинг учун ахлоқни бемалол сиёсат деб аташ мумкин.

Фазилат нима?

Шу қоидадан келиб чиқиб, фазилат нима, у нималардан ҳосил қилинади, шуни билиб олиш зарур. Чунки, фазилат қандай ҳосил қилинишини тушунмай туриб, фазилатни (фақат назарий) билиш бефойдадир. Чиндан ҳам ҳозир биз фазилат нима эканлигини (фақат назарий) билиш учун эмас, балки у қандай ҳосил қилинишини тушуниш учун уни ўрганишга киришамиз. (Арастунинг бу фикри ғоят муҳим, чунки чиндан ҳам жуда кўп одамлар инсонпарварлик, меҳр, шафқат нималигини биладилар, аммо ўзлари инсонпарвар, меҳр-мурувватли бўлишлари зарурлигини тушунмайдилар. — М.М.). Яъни, биз ҳозир фазилат нималигини фақат билиш ва тушуниш билан бирга, (энг муҳими), фазилатли, яъни фозил одам бўлишни хоҳлаганимиз учун уни ўрганишга киришамиз.

Барча фанлардаги каби (ахлоқда ҳам) бирор нарсанинг ўзи нималигини билмай туриб, у қандай ҳосил қилинишини тушуниш мумкин эмас. Аммо бу нарсани (фазилатни) бошқалар қандай тушунганини, шу ҳақда нима деганларини ҳам кўриб чиқайлик.

Фазилат нима экани ҳақида биринчилар қаторида Пифагор гапирган, аммо нотұғри фикр юритган. У фазилаттарни ҳам рақамлар қаторида күриб чиққан, демек, фазилатлар сифатида күриб чиқмаган.

Чунки адолат (*dikaiosyne*), масалан, үз-үзиге күпайтирилған (иккі карра иккі маңынсағи) рақам әмас-ку?

Сүңг Сүқрот келиб, фазилатлар ҳақида ундан яхшироқ ва тұлароқ гапирган, аммо унинг гаплари ҳам нотұғри. Чунки у фазилатларни билимларга тенглаштирган, аслида бу тұғри әмас. Гап шундаки, барча билимлар фикр-мулоҳаза билан бөғлиқдір, фикр-мулоҳаза инсон руҳининг фикр юритувчи қисміда вужудға келади. Агар Сүқротта ишонсак, барча фазилатлар руҳнинг ақлий құвватыда ҳосил қилинади. Сүқрот фазилатларни илмларга тенглаштирада экан, руҳнинг ақлий құвватдан бошқа құвватини, жумладан, әхтирос (пафос) ва феъл-атворни йүққа чиқаради. Сүқроттунинг фикри шу жиҳатдан нотұғридір.

Шундан кейин Афлотун руҳ құвватларини ақлий ва но-ақлий (қалбий — М.М.) деб. иккиге бүлди ва тұғри қылди. У руҳнинг иккала қисмінде хос фазилатларни ҳам айтіб үтди. Афлотуннинг фикрлаши шу ергача тұғри эди, аммо шундан сүңг у янгишилди. Афлотун фазилатни үзининг олий неъмат ҳақидағы таълимоти билан аралаштириб, шунга бөглаб, нотұғри үйлади: чунки олий неъмат (фақат) ана шу фазилатларга бөглиқ әмас (тұғриси, фақат фазилатлар ҳосил қилишгагина бөглиқ әмас — М.М.). Афлотун борлық ва ҳақиқат ҳақида фикр юритар экан, фазилатни аралаштирасында керак эди, чунки борлық ва ҳақиқат фазилатта бөглиқ әмас (Чунки абадий борлық ва ҳақиқат Олий құдрат ұхқымидадыр — М.М.).

Фазилатлар ҳақида (файласуфлар) мана шундай ва мана шу меъёрда фикр юритғанлар. Энди булар ҳақида биз нима дейишимиз кераклигини күриб чиқайлик.

Биринчидан, шунга эътибор берайликки, ҳар қандай илмда ва ҳунарда қандайдыр мақсад бүләди; мана шу мақсад доимо қандайдыр неъмат ҳосил қилишни күзда тутади. Бирорта илм, бирорта ҳунар — ёмонлик келтириб чиқаришни күзда тутмайды. (Арасту замонидан кейинги 25 аср давоми-

да ёмонликларни мақсад қилған илм-фанттар ҳам кучайди, масалан, ядро физикаси, қуролсозлык, бактериологик қуроллар илми ва ҳоказо — М.М.). Агар барча ҳунарларнинг мақсади неъмат яратиш бўлса, равшан бўладики, энг яхши ҳунар ё санъатнинг мақсади энг яхши неъмат яратишдир. Шубҳасиз, сиёсат санъати юксак ҳунардир, демак, сиёсатнинг мақсади юксак неъматлар (фаровонлик) яратишдир. Биз ҳозир бу ерда умуман неъматлар (*haplos*) ҳақида эмас, ўзимиз (яъни, инсонлар) учун муҳим неъматлар тўғрисида гапирамиз. Чунки илоҳий неъматларни бошқа фанлар ўрганади ва улар бошқача тарзда ўрганилади.⁶² Демак, биз ҳозир ижтимоий, сиёсий қаёт неъматлари ҳақида гапиришимиз керак.

Ҳаёт неъматлари

Аслида, бу неъматларнинг ҳам турлари бор. Биз қайси маънодаги неъматлар ҳақида гапирмоқчимиз? Ахир ҳамма неъматлар бир хил эмас. Ҳар бир мавжудот учун энг яхши, табиатига энг муносиб деб билинадиган неъматлар бор. Ёки қандайдир неъматларга тааллуқли нарсалар, яъни неъматлар ҳақида *ғоялар* бор.⁶³ Биз ҳозир шу ҳақдаги ғояларни кўриб чиқамизми? Ёки барча неъматлар учун умумий хусусиятлар ҳақида гапирамизми? Барча неъматлар учун умумий хусусиятлар эса неъматлар ҳақидаги ғоялар билан бир хил эмас. Неъматлар мўллиги, яъни фаровонлик ғояси (*khōrīstōn*) фаровонликдан анча узоқ (тушунча) бўлиб, у ўз ҳолича мавжуддир.

Барча неъматлар учун умумий хусусиятлар эса, шуларнинг барчасида бор нарсалардир. Ҳаётдан олис ва ўзича мавжуд нарсалар эса барча нарсаларда (яъни бу ерда — барча неъматларда, айрим-айрим ҳолда) мавжуд эмас. Биз бу ерда умуман фаровонлик ҳақидами ёки мавжуд нарсаларнинг хусусиятлари тўғрисида гапирамизми? Тўғриси, биз барча неъматларда (бўлиши зарур) умумий хусусиятлар ҳақида гапиришимиз керак. Чунки барча неъматларга хос умумий хусусиятларни айтиш — фаровонлик таърифи (*horismos*) ва индукция (умумлаштириш) натижаси (*eragogia*-эпагога) бўлади.

Таъриф (ёки сифат) ҳар қандай нарса, ҳодисанинг моҳиятини, яхши ёки ёмонлигини (гўзал ёки хунуклиги, юксаклиги ёки тубанлигини) ифодалайди. Сифат бирор неъматнинг умуман қандай эканини, ўз ҳолича танлашга муносаб нарса эканлигини ифодалайди. Барча нарсалар учун умумий хусусият (юқорида айтганимиздек) таърифга ўхшайди. Аммо таъриф бирор нарсанинг ундоғ ёки мундоғ неъмат эканини билдиради. Аслида эса, ҳеч бир илм ёки ҳунар ўзи ҳақида «менинг мақсадим — фалон-фалон неъматларга эришиш», демайди. Масалан, тиббиёт ҳодими (табиб) ёки бинокор соғлик — неъматдир ёки уй — неъматдир, демайди (тўғриси, буни айтиш билан шуғулланмайди — М.М.). Аммо улардан бири (табиб) мундоғ, мундоғ нарсалар туфайли — соғлик бўлади, дейди; иккинчиси (бинокор) эса фалон, фалон нарсалардан уй қурилади, дейди. (Уйнинг ўзини эса гиштерувчилар, дурадгорлар ва бошқалар тиклайди). Бинобарин, сиёsat ҳам бошқа илмлар каби илм бўлгани учун фаровонлик нималиги ҳақида умумий гапларни айтмаслиги, яъни уни таърифлаш билан шуғулланмаслиги (балки фаровонликни, неъматларнинг ўзини бунёд этиш билан шуғулланиши) зарур.

Умуман фаровонлик нима экани ҳақида умумий гапларни айтиш сиёsatнинг иши эмас. Нима учун? Ахлоқ фанида бирор нарсанинг биз учун неъмат эканини гапирмоқчи бўлсак, умумий таърифдан фойдаланамиз. Масалан, олижаноблик — неъмат эканини исботлаш учун биз адолат ҳам неъмат, жасорат ҳам ва бошқа барча фазилатлар — неъмат, олижаноблик — фазилат бўлгани учун у ҳам неъматдир, деймиз. Сиёsat эса. умуман ҳаёт неъматларини таърифлаш билан шуғулланмаслиги керак. Чунки у ҳолда неъмат дегани мундоғ ва мундоғ бўлади, дейилади. Демак, биз ўзимиз учун энг юксак неъматлар ҳақида гапирамиз.

Ҳаётдаги барча неъматларни бирданига ўрганувчи фан ёки ҳунар йўқ. Ҳар бир фан ёки ҳунар ўзига тааллуқли неъматларни ўрганади. Нима учун? Чунки, ҳар бир мезон учун, масалан, нарса, ҳодисаларнинг моҳияти, сифати, миқдори, вақти, муносабати учун алоҳида неъматлар бор. Чунончи, беморларни муолажа қилиш учун энг яхши пайт

қайси эканлигини табиб билади, кемалар йўлга чиқиши, уни бошқариш учун энг яхши пайт қайси эканлигини дарга билади. Демак, ҳар бир соҳада ишлашга қулай вақт қайси эканини ўша ҳунар эгаси билади. Бошқача айтганимизда табиб кемалар сузиши учун энг қулай вақт қайси эканини билмайди, кема дарғаси эса беморларни даволаш учун энг қулай вақт қайси эканини билмайди. Вақт тушунчаси ҳамма учун умумий деган фикрдан келиб чиқиб, барча учун тенг қулай вақт ҳақида гапириш мумкин эмас. Шунга ўхшаб, барча илмлар ва ҳунарлар учун умумий бўлган неъмат (ёки мисол учун — қулайлик) йўқдир. Демак, сиёсат ҳам умуман неъматларни таърифлаб гапириши керак эмас, балки у ҳам ўз соҳасидаги неъматлар (яъни биз фуқаролар учун зарур олий неъматлар) ҳақида гапириши керак (Арасту юқорида сиёсат неъматлар ҳақида гапириши эмас, балки уларни ҳосил қилиши керак, деган эди — М.М.).

(Фалсафа ва мантиқ қонунига кўра) бирор нарса, ҳодисани мавжуд ғоялар билан тушунтириб бўлмайди, аксинча, мавҳум нарсаларни равshan мисолтар билан тушунтириш мумкин. Айни вақтда ақлий нарсаларни (фикрларни) ҳиссий нарсалар (сезгилар) билан тушунтириш осонроқдир. Шундай экан, неъматлар ҳақида гапиргандা ҳам у ҳақдаги ғояларни эмас, балки аниқ нарсаларни айтиш керак. Аммо одамлар бошқача ўйлайдилар. Улар модомики, фаровонлик ҳақида гап борар экан, фаровонлик ғояси ҳақида гапириш зарур, деб ўйлайдилар. Яъни, олий неъмат нима эканлигини ўрганиш керак, у эса, ўз-ўзича мавжуд (бизнинг иродамиздан ташқари), бинобарин, ғоянинг ўзи олий неъматдир, деб ўйлайдилар.⁶⁴ Эҳтимол, бундай ўйлашнинг тўғри томони ҳам бордир, аммо бизнингча, сиёсат фаровонлик ғоясини эмас, унга қайси йўл билан эришишни ўйлаши зарур...

Эҳтимол, кимдир бизга эътиroz билдириб, даставвал фаровонлик ғоясини асос (архи) қилиб олиб, шундан сўнг ҳар бир неъматга хос хусусиятларни алоҳида кўриб чиқиш керак, дейиши мумкин. Аммо, бундай фикр тўғри эмас. Чунки дастлабки асос қилиб олинадиган нарсалар цу нарсага мувофиқ бўлиши зарур. Масалан, учбурчакнинг турли бурчаклари йиғиндиси иккита тўғри чизиққа тенглигини исбот-

лаш учун «жон — ўлмасдир» деган ғояни асос қилиб олиб бўлмайди. Чунки бундай асос шу нарсага мувофиқ эмас. Аслида асос танланган нарсага мувофиқ бўлиши зарур. Негаки, учбурчакнинг турли бурчаклари йифиндиси иккита тўғри чизиққа тенглигини жон ўлмаслиги ҳақидаги ғоясиз ҳам исботлаш мумкин. Ҳудди шунга ўхшаш, турли хил неъматларни умумий фаровонлик ғоясисиз ҳам тушунириш мумкин. Чунки бу умумий ғоя ҳар бир неъматнинг асоси эмас.

Шу маънода Суқротнинг фазилатларни илмлар билан тенглаштириши нотўғридир. Унинг фикрича, (мукаммал нарсада) ҳеч нарса ортиқча бўлмаслиги керак. Аммо, у фазилатларни илмларга тенглаштирганда, фазилатлар ортиқча бўлиб қолади. Нима учун? Шунинг учунки, фанларда ўша соҳаларни ўрганишга мувофиқ билимлар бор. Яъни, тиб илмига оид билимларни эгаллаган одам врач — табибдир. Бошқа илмларда ҳам шундай.

Аммо фазилатлар соҳасида аҳвол бошқачадир. Бу ерда адолат нимадан иборатлигини билиб олган одам дарров адолатли бўлиб қолмайди. Бошқа фазилатлар ҳақида ҳам шуни айтиш мумкин. Бинобарин, фазилатлар бошқа илмлар каби илм эмас экан, уларни (назарий) илм сифатида эмас, балки фазилатлар сифатида ўзлаштириш зарур. (Бу ҳодиса мутасаввиф ва сўфий муносабатларини эслатади. Сўфийлик ҳақидаги билимларни ўрганган мутасаввифдир, аммо сўфий эмас. Аммо шундай зотлар ҳам борки, ҳам мутасаввиф, ҳам сўфий. Аҳмад Яссавий, Абдураҳмон Жомий каби — М.М.).

2. Шу нарсаларни аниқлаб олганимиздан сўнг, энди қайси маънолардаги неъматлар борлигини ойдинлашга интиламиз. Баъзи неъматлар — қадрли, баъзилари — мақтовли, учинчи хили — имконият берувчи неъматлардир.

Қадрли неъматлар деб мен руҳ, ақл, жавҳари асл, табиий, тугма истеъдод кабиларни айтаман. Булар доимо қадрланадиган, барча учун шарафли бўлган (азиз ва шариф) неъматлардир. Фазл, фазилатлар ҳам қадрлидир, чунки инсон улар туфайли муносиб, етук бўлади. Инсон фазилатлари туфайли гўзал (маънавий) қиёфага эга бўлади.

Мақтовли неъматлар ҳам ўша фазилатларнинг мақтовга сазоворлари дидир.

Имконият берувчи неъматлар — ҳокимият, бойлик, куч-қувват, гўзаллик ва бошқалардир. *Фозил инсон бу неъматлардан яхшилик, эзгу шилар учун фойдаланади, нодон одам эса улардан ёмонлик, ёвузлик қилиши учун фойдаланади. Бундай неъматлар яхшилик қилишига ҳам, ёмонлик қилишига ҳам имкон беради.* Буларни неъмат дейишимизнинг боиси — улардан яхши, муносиб, ҳурматга лойиқ одам фойдаланса, яхшиликлар келтириши туфайли дидир. Гоҳо бундай неъматлар (машаққат, риёзат чекиш, ақл, истеъдод сабабли эмас, балки) тасодифан қўлга кириб қолиши мумкин. Баъзи одамлар тасодиф туфайли бойликка, ҳокимиятга ва умуман катта имкониятларга эга бўлиб қолиши мумкин.

Тўртгинчи хил неъматлар ҳам борки, бундай неъматлар бошқа неъматларни сақлаш ёки вужудга келтириши мумкин. Масалан, жисмоний тарбия (гимнастика), у туфайли соғлик-саломатликка эришиш мумкин ва ҳоказо шу кабилар.

Ҳаёт неъматларини бошқа тарзда таснифлаш, тафовутлаш ҳам мумкин. Айтайлик, баъзи неъматларни (масалан, адолат каби неъматларни) барча одамлар ҳар қандай ҳолда танласа арзиди. Куч-қувват, бойлик ва ҳокимиятни барча инсонлар ҳам танлайвермайди.

Неъматларни яна бундай қилиб ажратиш ҳам мумкин: баъзи неъматларга эришишни инсонлар мақсад қилиб олиши мумкин. Масалан, сиҳат-саломатлик инсон мақсадидир. Аммо соғлиққа эришиш учун қилинадиган ишларнинг ўзи неъматдир, аммо мақсад эмас, шу икки турли неъматлардан аълоси мақсад бўлгани (яни, соғлиқ) дидир.

Умуман олганда, шу неъматлар аълоки, бошқа неъматлар ўша мақсад — неъматга эришиш учун хизмат қиласидар. Яна: ўз навбатида, мақсад қилинган неъматларнинг аълоси — чалароқ неъматлар эмас, балки мукаммал неъматлардир. Мукаммал неъмат шуки, биз унга эришганимизда (шу соҳада) бошқа нарсага эҳтиёж қолмайди. Номукаммал неъмат шуки, унга эришганимизда яна шу соҳада нимагадир муҳтож бўламиз. Масалан, адолатпарварлик хулқига эга

бўлганимизда, биз яна кўп нарсаларга муҳтож бўламиз. Аммо баҳт-саодатга эришганимизда бошқа ҳеч нарсага муҳтож бўлмаймиз (Аммо баҳт-саодатни турли инсонлар турлича тушунадилар ва тасаввур қиласидилар, бу ҳақда кейинроқ фикр юритилади — М.М.). Муқаммал мақсад шуки, биз унга етишга доимо интиламиз, уни излаймиз. Хулласи камлом, муқаммал мақсад ҳосили комил неъматдир ва бошқа барча неъматлар шу неъматга етиш учун хизмат қиласиди.

Шундан кейин олий неъмат нималигини аниқлашга киришамиз. Буни ҳам бошқа неъматлар қаторига қўйиб туриб аниқлаймизми? Йўқ, бундай қилиш мантиқсиздир. Олий неъмат муқаммал мақсаддир. Муқаммал мақсад эса, табиийки, баҳт-саодатдир. Аммо баҳт-саодат жуда кўп, турли-туман неъматлардан ташкил топади. Агар сен олий неъматни ҳам оддий неъматлар қаторига қўйсанг, унда бу неъмат ўзидан ҳам юксак неъмат бўлиб қолади. Масалан, соғлиққа олиб борувчи неъматлар қаторига соғлиқни ҳам қўйиб туриб, булар орасида қай бири олий, десант, албатта соғлиқ бўлади. Хуллас, олий неъматни бу тарзда аниқлаб бўлмайди.

Олий неъматни қай тарзда аниқлаш мумкин? Эҳтимол, олий неъматни бошқа неъматлардан алоҳида турувчи неъмат деб олармиз? Ёки бу ҳам мантиқсизликми? Алоҳида-алоҳида неъматлар орасидан олийсини қандай ажратамиз? Улар орасида энг яхшиси, деймизми? Бу ҳам мантиқсизлик. Чунки баҳт-саодат бошқа неъматлардан алоҳида турувчи неъмат эмас, балки бошқа неъматларни ҳам ўз ичига оловучи неъматдир.

Эҳтимол, олий неъматни аниқлаш учун қандайдир ўхшатишни қўлласак тўғри бўлар? Чунончи, алоҳида неъматлардан ташкил топган баҳт-саодатни баҳтнинг таркибиға кирмайдиган неъматлар билан таққослаб кўрайлик-чи? Аммо, биз излаётган олий неъмат муштарак оддий неъматлардан эмас-да. Балки, алоҳида-алоҳида турган неъматларни ўзаро таққослаб кўрсак, (улар орасида) олий неъмат — оқиллик (phronesis — фронесис) бўлиб чиқар? Аммо олий неъматни бу йўл билан ҳам тополмаймиз. Чунки биз муқаммал неъматни изламоқдамиз, ақлга мувофиқлик эса ҳали ўз ҳолича муқаммал эмас. Демак, бу ҳам биз излаётган маънодаги олий неъмат бўлолмайди.

Ҳаёт неъматларининг турлари

3. Шу билан бирга неъматларни турларга бўлишнинг бошқа йўли ҳам бор. Неъматлар кўнгилда бўлиши мумкин — булар фазилатлардир. Ёки инсон танасида бўлиши мумкин — булар: соғлиқ ва гўзаллик. Неъматлар инсон кўнглидан ҳам, танасидан ҳам ташқарида бўлиши мумкин — булар: бойлик, ҳокимият, обрў-мартаба ва ҳоказолар. Энг олий неъматлар — инсон кўнглидагиси бўлиб, улар уч турга бўлиниади: оқиллик, гўзал хулқ (ёки нодир фазилат) ва руҳий лаззат.

Шу ерда биз барча одамлар тан оладиган, чамамда, барча бошқа неъматларнинг мақсади ва олий неъмат бўлган баҳт-саодат нималигини кўриб чиқишга ўтамиш. Биз (кўпинча) фаровонлик (ey prattein) ва яхши яшаш (ey dzen) ни баҳт-саодат деймиз. Яна: ҳар қандай мақсад икки турлидир. Баъзи нарсаларга эга бўлишдан мақсад фаолият кўрсатиш ва фойдаланишдир. Масалан, (соғлом) кўздан мақсад кўришдир. Яна: неъматдан фойдаланиш (chresis) шунчаки унга эга бўлишдан муҳимроқдир. Чунки, бир нарсага эга бўлишдан мақсад ҳам ундан фойдаланишдир. Кўзга эга бўлган одам кўзини юмиб яшамайди, балки ундан оламни кўриш учун фойдаланади. Қулоқ ва шу кабилар ҳақида ҳам шуни айтиш мумкин. Демак, инсон учун бирор нарсага эга бўлиш муҳимми ёки фойдаланишми? — деган савол туғилса, албатта, муҳимроғи фойдаланиш деймиз: чунки фойдаланиш ва фаолият кўрсатиш мақсадида инсон бирор нарсага эга бўлишни истайди.

Энди агар илмларни кўриб чиқадиган бўлсак,⁶⁵ шунчаки уй қуриш илми алоҳида, яхши уй қуриш илми алоҳида дейолмаймиз, иккаласи учун ҳам умумий — меъморлик илми (санъати) бор. (Аслида русча таржимада хато борга ўхшайди. Фикр мантиқига кўра, шунчаки уй қуришнинг қонунларини ўргатувчи — қурилиш илми алоҳида, гўзал бино қуришни ўргатувчи — меъморлик илми алоҳидадир — М.М.) Бу ерда қурилаётган уйнинг яхшилиги ёки ёмонлиги бинокор-қурувчининг қобилияти бор ёки йўқлигига боғлиқ. Бошқа илмлар ҳақида ҳам шуни айтиш мумкин.

4. Шундан сўнг, энди, барча инсонларда кўнгил борлигига эътиборни қаратайлик. Лекин кўнгил оламида фазилатлар ҳам бор. Биз гоҳида, мана бу умуман кўнгил иши деймиз, гоҳида мана бу кўнгилдаги фазилатлар (меҳр-шашкат, саховат, софдиллик кабилар) деб гапирамиз. Ҳар қандай фазилат ўзини намоён этган пайтдагина яхши амаллар ҳисобланади. Кўнгилда бошқа кўп (ёмон нарса, одатлар) ҳам бор. Аммо барча инсонлар кўнгил билан яшайдилар. (Кўнгил истакларини жиловлаб яшовчилар ҳам бор — М.М.) Кўнгилдаги фазилатлар шарофати билан биз гўзал яшаймиз. Гўзал ва фаровон яшаш эса баҳт-саодатдир. Баҳтли одам (моддий ва маънавий жиҳатдан) яхши яшаётган одамдир. Яхши, гўзал яшаш эса, (юқорида айтганимиздек) фазилатларга амал қилиб (яъни одамларга яхшилик қилиб) яшайдир. Инсон учун баҳтли яшашдан мақсад ва олий неъмат мана шудир. Бошқача айтсак, баҳт-саодат фазилатларни юзага чиқариб, (яъни шу фазилатларга фақат эга бўлибгина эмас, балки, улардан фойдаланиб, фаолиятга айлантириб) яшашдир. Яъни фазилатларга эга бўлишдан мақсад ҳам улардан фойдаланишдир. Ана шу фазилатларга амал қилиб яшаш баҳт-саодатдир. *Демак, олий неъматга эришишидан мақсад фазл ва камолот ҳосил қилишидир, буни ҳосил қилишидан мақсад эса баҳтли яшашдир. Мукаммал мақсад мукаммал фазилатларда баркамолтикка эришишидир. Гўзал фазилатларга амал қилиб яшаганингизда биз баҳт-саодатни ва олий неъматни қўлга киритамиз.*

Шуни унумтайликки, баҳт-саодат мукаммал неъмат ва мукаммал мақсад бўлгани учун болаларнинг насибаси эмас, балки, мукаммал, баркамол одамларнинг насибасидир. Маълум вақт баҳтли бўлиб, қолган вақтларда баҳтсиз бўлган одамни энг баҳтли одам демаймиз. (Назарий жиҳатдан) Бутун умрида яхши яшаган одамни энг баҳтли одам дейиш мумкин. Одамзод умрининг охирларида, камолотга етишган вақтларида мукаммал баҳт-саодатга етишуви мумкин (тўғрироғи, етишмаса ҳам мукаммал баҳт нималигини, мөҳиятини англаши мумкин — М.М.) Баҳт-саодат (дам олиш, роҳатланишда эмас, балки) фаолиятда, амалий ҳаракатда эканлигини қўйидаги мисолда кўриш мумкин. Албатта, биз

ухлаб ётган одамни, айтайлик, умр бўйи уйқуда (мудроқ-лиқда) яшаган одамни баҳтли демаймиз, чунки бу ҳолда одам яхшилик қилиб, эзгу фаолият билан яшамайди.

Шундан кейинги мулоҳазаларимиз гўё юқоридаги гапларга алоқасиз кўринади, аммо, диққат қилсангиз, алоқаси борлигини биласиз. Назаримда, инсон кўнглида шундай нарсалар борки, биз шулар ёрдамида (руҳан) озиқланамиз. Кўнгилнинг шундай (озиқланувчи) жойи бор, деб ўйлаш ақлга мувофиқдир. Биламики, тош бундай эмас, чунки у жонсиздир. Озиқланиш қобилияти жонли нарсаларга хосдир. Модомики, (руҳан) озиқланиш — жонли нарсаларга хос экан, бунинг сабаби — кўнгил, руҳдир. Яна: мана шу озиқланувчи қисм борлигининг сабаби кўнгилдаги қаҳрғазаб, ҳою ҳавасга берилувчи қисмлар эмасдир, балки, (эзгуликлардан) озиқланишга ташна қисмдир. Яхшилик, эзгулик кўнгилнинг шу қисмига хосми? — деб сўрашлари мумкин. Агар хос бўлса, равшанки, кўнгил ана шу яхшилик, эзгулик билан шуғулланиши (фаолият юритиши) зарур. Мукаммал яхшилик билан яшаш эса баҳт-саодатдир.

Инсон кўнглининг шу қисмida яхшилик борми (ёки у яхшилик билан озиқланадими, яхшиликка ташнами?) бу ҳам алоҳида масаладир. Агар кўнгилнинг шу қисми яхшиликка ташна бўлса, унинг ўзида яхшилик йўқ (ёки етишмайди). Шундай экан, руҳнинг бу қисми яхшилик билан шуғулланмайди (аммо яхшиликни севади — М.М.). Руҳнинг мана шу қисми оловга ўхшайди: оловга ёнадиган нарсаларни ташласанг — ямлаб ютаверади, аммо ташламасанг ўз ҳолича тураверади, озиқ сўрамайди (ёки ўчади). Руҳнинг ана шу қисмiga озиқ берсангиз — озиқланади, акс ҳолда ўзи озиққа интилмай (оч ҳолича) тураверади. Демак, руҳнинг бу қисми фаолиятсиз бўлса, озиқланмаса баҳтли бўлишга хизмат қилмайди.

Фазилатларга амал қилиш (фазилатларни юзага чиқариш) баҳт-саодатга элтар экан, аввало, фазилатнинг ўзи нима? — деган саволга жавоб берайлик. Фазилат умумий маънода энг яхши руҳий ҳолатдир. Аммо фазилатни бундай умумий маънода билиш ҳали билим эмас. Биз фазилатни равшанроқ таърифлашимиз керак.

5. Аввало, фазилатнинг манбаси бўлган руҳ — кўнгил ҳақида гапириш зарур. Умуман кўнгил нима? — деган саволга эмас, балки, кўнгил умуман олганда қандай қисмлардан иборат эканлигини билиб олайлик. Биз кўнгилни икки қисмдан: 1. Ақлий қувватга эга қисми (*to logon eknon*) ва 2. Ақлдан ташқари (тўғриси, ақлга боғлиқ бўлмаган) (*to alogon*) қисмдан иборат, деймиз.

Кўнгилнинг ақлий қувватга эга қисмига: оқиллик (фронесис), зукколик, фаросатлилик (*agklinōia*) — донишмандлик, зеҳнлилик, хотира ва шунга ўхшаш хислатлар киради.

Кўнгилнинг ақлдан ташқари қисми, яъни фазилатлар деб аталадиган қисмига: инсоф (*sophrasine соф-росина*), адолат (зикайосина), мардлик каби ахлоқий хислатлар киради. Мана шу хислатлар мақтовга сазовордир. Кўнгилнинг ақлий қувватга эга қисмига оид хислатларни одамлар (унчалик) мақтамайди. Жумладан. одам ақли борлиги учун ёки шунга ўхшаш бошқа хислати учун мақталмайди. Кўнгилнинг ақлдан ташқари қисмига оид хислатлар, албатта, агар ақлга мувофиқ келганида ва оқилона ишлар учун хизмат қилганида мақтовга сазовордир.

Ахлоқий фазилатлар учун камчилик, етишмаслик ҳам, ортиқчалик (исроф) ҳам ҳалокатлидир. (Аслида, фазилатлар керагидан ортиқча бўлса гоҳ ҳалокатли, гоҳ ҳалокатли эмас — М.М.). Камчилик ва ортиқчалик заарли эканини ҳиссий идрок этилувчи нарса, ҳодисалар мисолида тушуниш мумкин (аввал айтилганидек, умумий, мавҳум нарса, ҳодисалар ҳақида гап борганида уларни аниқ-равшан нарса, ҳодисалар орқали тушунтирилади). Чиндан ҳам юқорида айтганимиз гимнастика (бадантарбия) машқларини олайлик: бу машқлар керагидан ортиқча бўлса, одамни чарчатади. Оз бўлса ҳам қувват камаяди. Ейиш ва ичиш ҳам шундай: керагидан зиёда (жуда кўп) овқат ейилса, соғлиқ учун заарли. Керагидан кам бўлса ҳам қувват камаяди. Агар ейиш- ичиш меъёрида бўлса, қувват ҳам, соғлиқ ҳам асралади. Оқиллик, мардлик ва бошқа фазилатлар ҳам шундай: агар одам ҳаддан ташқари ботир, қўрқмас бўлиб кетса, худодан ҳам қўрқмайдиган бўлса, ундай одамни ботир эмас, балки, тентак дейилади. Ҳамма нарсадан қўрқадиган одам

эса қўрқоқдир. Демак, мард одам — ҳамма нарсадан қўрқадиган одам ҳам эмас, ҳеч кимдан қўрқмайдиган одам ҳам эмас экан. Хуллас, бир хил йўл билан фазилатларни зиёда қилиш ҳам, йўқотиш ҳам мумкин: меъёридан ошиқ қўрқиши, ҳамма нарсадан қўрқиши — ҳалокатли, ҳеч нарсадан қўрқмаслик ҳам ҳалокатлидир.

Жасурлик — қўрқинчни енгишдир. Қўрқинч ҳисси камроқ бўлса, жасурлик кўпроқ бўлади. Бир хил воқеалар одамнинг мардлигини ошириши ҳам, йўқ қилиши ҳам мумкин. Бир хил қўрқинчли воқеаларга муносабатда одамлар жасур бўлиши ҳам, қўрқоқ бўлиши ҳам мумкин.

6. Қайғу ва лаззат ҳам одамнинг фазилати бор ёки йўқлигини аниқлашга ёрдам беради: одатда, лаззат — одамларни ножӯя ишларга етаклайди. Қайғу эса одамни яхши ишлардан қайтариши мумкин. (Шарқ фалсафасида бундай эмас, айниқса, исломий фалсафада ўзгалар учун қайғуриш, хомушлик камолот белгисидир — М.М.) Умуман олганда, ғам ва лаззатга қарашидан одамнинг фазилатини ёки айбини, гуноҳкорлигини билиш мумкин. Демак, қайғу ва лаззат фазилатга алоқадордир. (Бу ерда, чамаси, русча таржиманинг хатоси туфайли, нотўғри фикр чиқиб қолган. Арасту фикрининг мантиқига кўра, бу жумланинг тўғриси, бизнингча, бундай: «Демак, қайғу ва лаззатга муносабатда одамнинг фазилати борлиги ёки йўқлигини аниқлаш мумкин». Юқорида ҳам биз шундай таржима қилган эдик — М.М.).

Агар ҳақиқатни сўзнинг ўзига қараб тадқиқ этсак (шундай қилиш ҳам керак), ахлоқий фазилат (этос) сўзи, одат (эйтос) сўзидан келиб чиққан. Шундан кўринадики, инсондаги ақлга боғлиқ бўлмаган (ақлдан ташқаридаги) фазилатлар инсоннинг табиатида туғма эмас, балки, одатланиш туфайли келиб чиққандир. (Бу фикр ҳам тўғри, ҳам нотўғри. Чунки одамнинг айрим фазилатлари ирсият, насл, орқали, табиатига ўтиши ҳам мумкин — М.М.). Одамнинг табиатидаги туғма хислати эса одатланиш таъсирида ҳам ўзгармайди. (Арастунинг бу фикри ҳам мунозарали. Чунки биз Навоийнинг «Одат агар тақрорланаверса табиат бўлур», деган фикрига қўшиламиз — М.М.). Мисол учун, тошни юқорига отсангиз, оғирлиги сабабли пастга тушаверади.

Уни осмонга учирман, деб ҳар қанча машқ қылсанғыз ҳам у пастьга қулайверади. (Бу мисол ҳаққоний. Навоий ҳам «Ким кучук бирла хүтукни қанча қылсанг тарбият, ит бўлур, эшак бўлур, бўлмаслар асло одамий», — деган эди — М.М.). Шунга ўхшаш бошқа хислатларни ҳам ўзгартириш қийин.

7. Фазилат нималигини аниқлашни истасак, биз энди кўнглимида нималар борлиги билан танишиб чиқайлик. (Бизнингча) инсон кўнглида ҳиссиётлар ҳаракати — пафос (халқ тилида — ҳис-ҳаяжонлар), майллар (*dynamics*) ва руҳий ҳолатлар (*hexeis*) бор. Фазилатлар буларнинг қайси бирига алоқадор экан?

Ҳис-ҳаяжонга: жаҳл ёки қаҳр-ғазаб, қўрқув, нафрат, ҳавас, ҳasad, шафқат ва шу кабилар киради; булар одатда инсонни ё хафа қилади, ё хурсанд қилади. Майллар шундайки, бизда қайси майллар кучлироқ бўлса, ўша майлга хос ҳис-ҳаяжонларга бериламиз, ё жаҳлимиз чиқади, ё севинамиз, ё ачинамиз ва ҳоказо.

Руҳий ҳолатлар шундайки, биз қайси ҳис-ҳаяжонларга кўпроқ берилсак, ана шуларга мувофиқ кайфиятга тушамиз. Чунончи, жаҳлдор одам сал нарсага жаҳли чиқаверади. Агар салга жаҳлимиз чиқмайдиган оғир-босиқ одам бўлсак, жаҳлга салбий муносабат билдирамиз. Бу масалада эътидолда бўлиб (мўътадил) ўртача йўл тутсак, сал нарсага жаҳлимиз чиқиб ловиллаб кетмаймиз ва айни вақтда ҳиссиз, лоқайд ҳам бўлмаймиз. Мана шунда кўпинча, кайфиятимиз яхши юрамиз. Фазабда мўътадиллик яхшилиги шундаки, биз сержаҳл, ғазабнок ҳам, беғам, тепса тебранмас ҳам бўлмаймиз. Мақтанчоқлик ҳам, бор фазилатни камайтириб, риёқилиш (*eironeia*) ҳам яхши эмас. Ўзимизда бирор фазилатни ёки қандайдир неъматни аслидагидан кўп деб ҳисобласак — мақтанчоқлик бўлади. Аслидагидан кам деб кўрсатсак — риёкорлик, сохталик бўлади. Бу иккала қутбнинг ўртаси — ростгўйлик (*aletheia*)дир.

8. Хафа қиладиган ёки хурсанд қиладиган бошқа ҳодисаларга муносабатда ҳам феълимиз, табиатимиз яхши ёки ёмонлиги билиниб қолади. Ҳис-ҳаяжонларимиз нимага қаратилгани ва камлиги ёки ортиқчалиги ҳам бизнинг руҳий ҳолатимизга, кайфиятимизга таъсир кўрсатади. Қарама-

қарши ҳис-туйғуларнинг ўртасини танласак — одамлардан мақтов эшитамиз. Бизнинг руҳий ҳолатимиз севинарли ёки қайғули, яхши ёки ёмон воқеа-ҳодисаларга қандай муносабат билдиришимизга боғлиқдир. Бирор ишдан ортиқча қувониб, ғуурланиш ҳам, ҳаддан зиёда хафа бўлиб кетиш ҳам камчиликдир. Ўртача йўл тутиш эса фазилатdir. (Исломий ахлоқда ҳам шундай — масалан, фарзанд туғилганида ёки бой бўлиб кетганда ортиқча қувониш ҳам, яқин кишиси ўлганида ёки бойлик, мансаб қўлдан кетганида ортиқча қайғуриш ҳам ёмон ҳисобланади — М.М.). Ҳис-ҳаяжонларимиз (Арасту илмий тилда туйғулар ҳаракати, дейди) ўртача бўлиши фазилатdir. Ҳис-ҳаяжонлар эса ё қайғурганимизда, ё севинганимизда юзага чиқади. Ана шу қайғули ёки қувончли ҳодисаларга муносабатда бизнинг муайян фазилатимиз борлиги ёки йўқлиги аниқланади.

Аммо шундай ҳис-ҳаяжон ёки эҳтиюсрлар борки, улар камлигига ҳам, кўплигига ҳам ёмондир. Масалан, бузуқчилик, фахш ишлар. Бузуқ одам кўпроқ ёки камроқ ёмонлик қилишидан қатъи назар, бузуқ, разил одамдир. Баъзи лаззат турлари (қимор, ичкиликбозлиқ, фоҳишабозлиқ ва ҳоказолар)нинг ортиқчаси ҳам, ками ҳам ёмон ҳисобланади. Умуман, баъзи лаззатларга ортиқча берилиш ҳам, кам берилиш ҳам гуноҳдир.

9. Шундан сўнг (қайси ишларда) ўрталиқ, мўътадилликнинг зидди — ортиқчалик ёки камчилик саналади, шуни аниқлашимиз керак бўлади. (Бунга жавобимиз шуки), баъзи ҳолларда мўътадилликлар зидди-камлик, баъзи ҳолларда эса ортиқчаликдир. Масалан, жасурликнинг зидди ортиқча довюраклик эмас, балки қўрқоқлик, яъни журъатнинг камлигидир. Бошқа бир соҳада, масалан, роҳатланишда мўътадилликнинг зидди — лоқайдлик эмас, балки бузуқлик, яъни, ҳаддан зиёдалиkdir.

Шундай ҳолатлар ҳам борки, мўътадилликнинг зидди ҳам ҳаддан зиёдалиқ, ҳам ҳаддан камлиkdir. Бундай ҳолларда мўътадиллик, ўрталиқ-ортиқчаликдан кам, етишмовчиликдан эса кўпdir. Масалан, исрофгар одамлар саховатли одамларни хасис деб ўйлайдилар. Хасислар эса саховатли одамларни исрофгар деб баҳолайдилар. Ортиқча ботир ва оқиба

тини ўйламай иш құлувчи одамлар мард одамларни қўрқоқ деб ўйладилар, қўрқоқ одамлар эса мард одамларни ўйламай иш құлувчи, довдир одам деб ҳисоблайдилар. (Яъни, бу ерда мардликни ҳар бир тоифа ҳар хил баҳолайди. Масалан, ижтимоий-сиёсий фикрлашда қўрқоқ одамлар ҳақ гапни айтувчиларни довдир ёки овсар деб, ўзларини оқил деб ҳисоблайдилар — М.М.).

Икки сабабга кўра, биз мўътадилликка ё оптиқчаликни, ё камликни зид деб биламиз. Биринчи ҳолда, инсоннинг муайян руҳий ҳолати ёки феъл-автори ўргачага (мўътадилликка) яқинми ёки узоқми эканлигига қараб, ҳукм чиқарамиз. Масалан, саховатдан узоқ турадиган нарса исрофгарчиликми ёки хасисликми? Албатта, хасислик саховатдан узоқ турди. Ўртачадан узоқ турган нарса ўша фазилатга энг кўп зид келади. Яъни, бу ерда саховат камлиги (ҳатто, йўқлиги) — саховатнинг зидди, тескарисидир. Иккинчи бир ҳолатда эса, инсон табиатида қайси нарса кўпроқ бўлса, фазилат ҳисобланувчи мўътадилликнинг зидди ҳисобланади. Мисол учун, вазминлик, босиқликка нисбатан енгилтаклик, тартибсизлик зиддир. Табиатимизда енгилтаклик, тартибсизлик қанчалик ортса, мўътадилликдан узоқлашаверади ва бу ҳол вазминликка таққосланса тескарисидир.

Хуллас, биз фазилат нима эканлигини (қисқача) кўриб чиқдик. Демак, фазилат қарама-қарши хислат ва майларнинг ўртасидаги ҳолатdir. Шу сабабли, жамoa орасида иззат-ҳурмат топиш учун одам барча ҳис-ҳаяжонларида ўртачаликни ихтиёр қиласди. Ҳар қандай ҳолатларда ўртача иш тутиш қийиндир (масалан, одам ўзини очкўзлиқдан, молпарастликдан, мансабпарастликдан тийиб, ўртача иш тутиши қийин — М.М.). Шунинг учун, баркамол, иззат-ҳурматга муносиб одам бўлиш жуда қийин. Мисол учун, айланани ҳамма ҳам чизаверади, аммо унинг марказини топишга кўпчилик қийналади. Шунга ўхаш, ғазабга эрк бериш осон, бунинг зидди — бепарво бўлиш ҳам осон, аммо бу масалада ўртача йўл тутиш қийиндир. Умуман, ҳар қандай ҳис-ҳаяжонларда ҳам мўътадилликдан, ўртача ҳолатдан узоқлашув осон, мақтовга лойиқ ўртача йўл тутиш эса мушкулдир. Худди шу сабабли инсонларда фазилатлар кам учрайди.

Фазилатлар ҳақида шуларни айтганимиздан кейин, энди ана шу фазилатларни қўлга киритиш мумкинми ёки, Суқрот айтганидай, яхши одам ёки ёмон одам бўлиш бизнинг ихтиёrimизда эмасми? Ҳар қандай кишидан одил ва ҳақгўй одаммисан ё ноҳақ, адолатсиз иш қилгувчимисан, деб сўрасангиз, ҳеч ким ўзини ноҳақ иш қилувчиман, номардман деб айтмайди. Жасурлик ва қўрқоқлик ҳақида ҳам шундай дейиш мумкин. (Ҳеч ким ўзини қўрқоқман, демайди). Бинобарин, одамлар ёмон ва аҳмоқ бўлар экан, ўз хоҳишилари билан шундай бўлмайди. Бундан келиб чиқадики, фазилатли одамлар ҳам ўз ихтиёри билан фозил бўлмайди. Аммо бундай фикрлаш нотўғридир. Зоро, қонун соҳиби (давлат) нега ёмон қилиқларни таъқиқлайди ва яхши қилиқларни рағбатлантиради? Нима учун қонун соҳиби ёмон ишларни қилувчиларни ва яхши ишларни қилмаётганларни жазолайди? Бажариш бизнинг ихтиёrimизда бўлмаган нарсаларни қонунлаштириш бемаънилик бўлур эди.

Йўқ, (яхши ишлар қилиб) ҳурматга муносиб бўлиш ёки ёмон одам бўлиш инсоннинг ўз ихтиёридадир. Мақташ ёки қоралаш имконияти борлигининг ўзи шундан далолат беради. Чиндан ҳам фазилат мақталади, ёмон, гуноҳ ишлар қораланади. Одам беихтиёр, билмасдан қилган ишлари учун мақталмайди ҳам, қоралмайди ҳам. (Баъзи уламолар айтадики) касал одамларни касаллиги учун, хунук одамларни хунуклиги учун ҳеч ким сўкмайди-ку? Бу фикр тўғри эмас. Биз керак бўлса, ўз соғлигига ёки танаси бесўнақай ва семизлигига бепарво қараган одамларни қоралаймиз. Биз бу масалада ҳам одамлар ўз ихтиёри билан иш тутадилар деб ўйлаймиз. Демак, энди шу нарса равшанлашдики, яхши ёки ёмон одам бўлиш ўз ихтиёrimиздадир.

10. Қийидаги мисолдан буни янада равшанроқ тушуниш мумкин. Табиатдаги барча нарсалар ўзига ўхшаш нарсаларни вужудга келтиради. Масалан, ўсимликлар ва қушлар шундай. Ўсимликлар уруғ ёки данак, қушлар тухум каби биринчи асосдан вужудга келадилар. Биринчи асос (яни, уруғ ёки тухум) қандай бўлса, улардан вужудга келган нарсалар ҳам шундай бўлади...

Геометрияда буни янада равшан кўриш мумкин. Бу ерда ҳам биринчи асос қандай бўлса, уларнинг ҳосиласи ҳам биринчи асосга мувофиқ келади. Масалан, агар учбурчакдаги бурчаклар йифиндиси — иккита тўғри бурчакдан иборат, тўртбурчакдаги бурчаклар йифиндиси эса тўртта тўғри бурчакдан иборат, деб, фараз қилсак, мабодо учбурчак ўзгарса, шунга мувофиқ тўртбурчак ҳам ўзгаради. Ва аксинча, агар тўртбурчакнинг бурчаклари йифиндиси тўртта тўғри бурчакка teng бўлмаса, у ҳолда учбурчакнинг бурчаклари йифиндиси ҳам иккита тўғри бурчакка teng бўлмас эди.

11. Инсон ҳосилалари ҳам шунга ўхшайди. Модомики, инсон у ёки бу моҳиятли сифатларни муайян биринчи асослардан ҳосил қиласр экан, унинг қилмишлари ҳам ана шу биринчи асосларга боғлиқдир. Агар шундай бўлмаса, инсон қилмишлари қайси асослардан келиб чиқар эди? Бу ерда биз ҳар қандай жонсиз ва жонли мавжудотлар ҳақида эмас, балки инсон ҳақида гапирмоқдамиз. Инсон табиатидаги биринчи асосларга мувофиқ ҳаракат қиласр экан, агар ана шу биринчи асослар (мақсад, ниятлар) ўзгарса, ҳаракатлари ҳам шунга мувофиқ ўзгаради. Юқоридаги айтганимиз геометрия мисолидаги каби, яхши ёмон хатти-ҳаракатнинг биринчи асоси мақсад, ният, истак-хоҳиш (ирода) ва бошқалардир. Инсоннинг мақсад, нияти, истак-хоҳиши ўзгарса хатти-ҳаракатлари ҳам шунга мувофиқ ўзгаради. Биз мақсад-ниятларимизни истак-хоҳишлиаримизни ўз ихтиёrimiz билан ўзгартирамиз (агар мажбуран ўзгартирсак, бу энди ўша мажбур қилувчи одамнинг мақсад-ниятлариридир — М.М.). Шундан ҳам равшанки, яхши ёки ёмон мақсад-ниятлар, истак-хоҳишлиар билан яшаш инсоннинг ўз ихтиёрида-дир.

Баъзи бировлар: «Модомики одил ва фозил одам бўлиш ўзимнинг ихтиёrimda экан, ўзим хоҳласам бас, барчадан фозилроқ бўла оламан» деб ўйлаши мумкин. Аммо, ҳаётда бундай бўлиши мумкин эмас. Нима учун? Чунки ҳатто баданга тааллуқли ишларда ҳам бунга эришиб бўлмайди. Яъни, одам ўз баданини ҳар қанча парвариш қилса ҳам унинг қадди-қомати гўзал бўлиб қолмайди. Чунки хушқомат бўлиш фақат бадан парваришига боғлиқ бўлиб қолмай, табиатан

(яьни, туғма равищда) хушқад ва қувватли бўлишига ҳам боғлиқдир (Kalon k'agathon — калон к-агафон). Гавда парвариш қилинса, хушқадроқ бўлади, аммо энг хушқад бўлмайди. Кўнгил, дил парвариши (маърифат) ҳақида ҳам шуни айтиш мумкин. Энг фозил бўлишга интилган одам, агар табиатан фазилатли бўлмаса, бу мақсадига етолмайди. Аммо шу интилиши (маърифат) туфайли аввалги ҳолатидан кўра фазилатлироқ бўлиши мумкин.

12. Модомики, фазилатлироқ бўлиш ўзимизга боғлиқлиги равшанлашган экан, энди ихтиёрий феъл-қилмиш нима эканини кўриб чиқайлик. Фазилат касб этишда ихтиёрийлик жуда муҳимдир. Ихтиёрий сўзининг маъноси — бизни бу ишга ҳеч ким мажбур қилмайди деганидир. Шу фикрни янада ойдинлаштириш керак бўлади. Бирор ишни бажариш учун шунга интилиш (ογεξις — орексис) зарур. Интилишлар уч турлидир: эҳтиросли (оташин) интилиш (эпитамиа), орзу қилиш (фумос), истак-хоҳиш (бойлесис). Аввало, эҳтиросли интилиш нималигини кўриб чиқайлик. Бундай интилиш, афтидан мажбурий эмас. Нима учун ва қай асосда буни мажбурий эмас, деймиз? Шунинг учунки, биз мажбурий амалларни бирор мажбурият туфайли бажарамиз. Мажбурийлик (зўрлик билан) қилинган ҳар қандай иш ёқимсиз ишдир. Эҳтирос билан қилинган иш эса ёқимли, лаззатлидир. Бундан чиқди, эҳтиросли интилиш билан қилинган иш мажбурий эмас, ихтиёрийдир. Аммо бу фикрнинг тўғрилигини бир далил инкор этади. Бу далил шуки, (баъзи ёмон, гуноҳ ишлар ҳам эҳтирос билан қилинади, бунинг боиси бузуқлиkdir. Одатда ҳеч бир инсон ёмон ишни ўз ихтиёри билан қилмайди, деб ўйлашади. Аммо бузуқ одам ўзи қилаётган ишнинг гуноҳлигини, ёмон эканлигини билиб турса ҳам, завқ-шавқ билан шу ишни қилади. У одам шу ишни гўё ихтиёрий эмас, завқи мажбур қилгандай кўринади. Аммо, бундай ўйлаш тўғри эмас, чунки завқли иш мажбуран қилинмайди. Ҳар қандай эҳтиросли интилиш инсонга лаззат-роҳат келтиради. Лаззатли, роҳатли иш эса мажбурий иш эмас.

Бузуқ одамлар ўз ихтиёри билан бузуқлик қилишини исботлайдиган яна бир далил бор — ноҳақ одамлар (адикойнитис) ўз ихтиёри билан ноҳақ ишларни қиласидилар. Бузуқ-

лар ҳам ноҳақдир, аммо, ўзларининг бузуқлиги туфайли ана шу ноҳақ ишларни ўз ихтиёри билан қиласидилар.

13. Бу масалада ҳам мажбурийлик фойдали эканини исботловчи далил бор. Ҳақиқатан, ўзини (ортиқча ширинликлардан ёки гуноҳ ишлардан) тийгувчи одам ўзини мажбур қилиб, чеклайди ва худди шу ўзини чеклай олгани учун одамлар уни мақтайдилар. Аммо (мантиқан олганимизда) жон-дил билан, эҳтирос билан бўлган хатти-ҳаракатлар — ихтиёрий ишлардир, истакка қарши қилинадиган ишлар эса — мажбурий қилмишлардир. Ўзини тийгувчи одам эса мажбурият туфайли бирор ишдан ўзини тияди. Бундан чиқди — ўзини тийгувчи (сабр-қаноатли) одам — мажбуран ўзини тияди. Аммо бу ҳам (охирги) ҳақиқат эмас.

Табиий интилиш туфайли қилинадиган хатти-ҳаракатлар ҳам шундай: бу ерда қизғин истак, эҳтирос ихтиёрий бўлганидек, табиий интилиш ҳам ихтиёрийдир. Чунончи, қаҳр-ғазаб енгилтак одамда ҳам, оғир-вазмин одамда ҳам қўзғолиши мумкин. (Аммо оғир-вазмин одам ўзини ғазабдан тияди, бу эса фазилатdir — М.М.).

Интилишларнинг яна бир тури хоҳишидир (*boylesis*). Аммо хоҳиш ихтиёрийми, йўқми? Одамлар айтадики, енгилтак кишилар ўз ихтиёри билан тубан ишларга интиладилар. Аммо эс-ҳушли одам бирор қилмишни ёмонлик деб билса, ўз ихтиёри билан ёмонлик қилмаган бўлур эди. Енгилтак одам эса шу қилмиши ёмонлигини билиб турса ҳам бари бир шу ёмонликни қиласеради, чунки у шуни хоҳлайди. Бундан чиқди, хоҳиш уни шу ишга мажбур қиласар экан-да? Мана шундай (нотўғри) фикрлаш оқибатида енгилтаклик ёки бузуқлик тушунчалари ҳам йўқ бўлиб қолади. Агар енгилтак одам мажбуран ёмонлик қилса, унда айб йўқ, деган таассурот туғилади. Аммо енгилтакликни, бузуқликни халқ қоралайди, демак, улар ўз хоҳиши билан ёмонлик қилгани учун қораланади.

Мана шундай бир қанча далил-ҳукмлар бир-бирига зид келавергани учун ихтиёрийлик⁶⁷ ўзи нима? — деган масала ни ойдинлаштириб олиш зарур бўлади.

14. Бунинг учун аввало зулм (*bia*) ва зўрлаш (*anagke*) нималигини аниқлаш керак. Зўрлик жонсиз нарсаларга нисба-

тан ҳам ишлатилиши мумкин. Чиндан ҳам ҳар қандай жонсиз нарсанинг ўз ўрни бор: олов юқорига, тош пастига интилади. Аммо бу ерда зўрлик ишлатиб, оловни пастига, тошни юқорига ҳаракатлантириш мумкин. Ҳайвонларга нисбатан ҳам зўрлик қилинади — айтайлик, тўғрига чопаётган отнинг жиловини тортиб, четга буриш мумкин. Ахир, жонли ва жонсиз нарсаларни табиатига ёки истагига қарши ташқаридан ҳаракатлантирилса, биз зўрлик ишлатган бўламиз. Агар ичкаридан ҳаракатга келса — зулм қилинмаган бўлалиди. Акс ҳолда бузуқ одам (айбловчиларга эътиroz билдириб) мен асли ёмон эмасман, менинг қизғин хоҳишим ёмон (гуноҳ) ишга ундаиди, дейди.

15. Хуллас, зулмни бундай таърифлаш мумкин: бирор ёмон хатти-ҳаракатга ундаидиган сабаб ташқаридан бўлса — зулм келиб чиқади. Агар сабаб ичкарида, нарсалар табиатида бўлса, зулм бўлмайди (Бу ерда гап зўрлик қилувчи ҳақида бормоқда. Золим одам ички даъвати, табиатига кўра ёмонлик қилас экан, бу ишни мажбуран қилмайди — М.М.).

Энди ўрни келганда, золимлик ва мазлумлик (*to anagkaios*) нималигини кўриб чиқайлик. Ҳар доим ҳам бизни бирор мажбурулаб, шу ишларни қилдириди, дейиш тўғри эмас. Айниқса, гап роҳатланиш ҳақида борганида, мажбурлашга ўрин йўқ. Фараз қилайлик, роҳатланиш истаги фалончини ўз дўстининг хотинини йўлдан уришга мажбур қилди, дейиш — тўғри эмас. Мажбурлаш (юқорида айтганимиздек) қандайдир сабаб туфайли содир бўлади. Кимдир, бир нарсани асраб қолиш учун бошқа нарсани бой беради. Масалан, мен ҳосилни асраб қолиш учун (уйга бормай) шошиб далага боришга мажбур бўлдим, деганга ўхшаҳ хатти-ҳаракатнинг сабаби ички хоҳишдан келиб чиқади (Бу — ижобий мажбуриятдир — М.М.).

16. Агар инсоннинг интилишида (*hormei*) ихтиёрийлик бўлмаса, нияти, мақсадида (*dianoia*) ихтиёрийлик бўлиши мумкин. Беихтиёр хатти-ҳаракат (*akoysion*) жабр-зулм ва зўравонлик таъсирида қилинмаган хатти-ҳаракатдир. Учинчидан, бу — қасддан қилинмаган хатти-ҳаракатдир. Ҳаётда юз берган ҳодисалар бунинг далилидир. Агар бир одам бирорни қасддан эмас, билмасдан, ихтиёrsиз урса, ўлдирса ё

бошқа ёмонлик қилса, у ғараз билан эмас, ихтиёrsiz шундай иш қилған, деймиз. Шу билан, ихтиёрий қилингандын ишни ғараздағы ниятта, қалбдан қилингандын иш деб тан оламиз. Айтишларича, бир аёл севгилисига ишкү түтиёсіні берібди, бу шаробни ичган одам ўлибди. Аеропаг (халқ суди) «Аёл бу ишни қасдан құлмаған. беихтиёр. билмасдан қилған», деб оқладбиди. Аеропаг аёлни шунинг учун оқладбиди, аёл ёмон ниятта эмас, севғилисінін яхши күрганы учун түтиё ичирған, аммо янглишиб (күпроқ) ичирғаны учун йигит ўлиб қолған, деган холоса чиқарылған. Демак, бу қотиллік қасдан эмас, беихтиёр қилинганды. Ихтиёрий шундай қилғанда зди, у қасдан, ёмон ниятта қотиллік қилған бўлур зди.

17. Ихтиёрий (йўл) танлаш (proairesis) интилишми, йўқми эканлигини кўриб чиқайлик. Интилиш барча мавжудларга хосдир, эркин (йўл) танлаш, ихтиёрий йўл тутиш эса ўйлаш (meta logoy) билан боғлиқ, ўйлаш эса ҳеч бир ҳайвонга хос эмас, фақат инсонга хосдир. Демак, ихтиёрий йўл танлаш — интилиш эмас. Балки, бу истак-хоҳишидир? Ё бундай эмасми? Амалга ошмайдиган нарсаларни ҳам хоҳлаш мумкин.

Эҳтимол, ихтиёрийлик хоҳиши, истакдир? Ёки бундай эмасми? Ахир хоҳиши-истак рўёбга чиқмайдиган нарсаларга ҳам тааллуқли-ку? Масалан, биз ўлмасликни хоҳлаймиз, аммо бунга эришиб бўлмайди. Ва буни ихтиёр қилолмаймиз (бу йўлни танламаймиз ҳам). Яна, ихтиёрий танлов мақсадга тааллуқли эмас, балки мақсадга элтувчи восита ёки йўлга тааллуқлидир: масалан, одам соғлиқни танламайди, балки соғлиқ учун фойдали бўлган сайдир қилиш, югуришни танлайди.

Истак, хоҳиши эса — мақсаднинг ўзига тааллуқли: биз, масалан, соғ бўлишни хоҳлаймиз. Шу далилдан ҳам кўрина-дикни, хоҳиши, истак ва танлов бир хил нарса эмас. Танлаш (proairesis) — шу сўзнинг моҳиятини тўлиқ ифодалайди: биз бир нарса ўрнига бошқа нарсани, ёмонроқ нарса ўрнига яхшироқ нарсани танлаймиз. Демак, биз таклиф этилган нарсалардан ёмонини эмас, яхшинини афзал кўрар эканмиз, назаримизда, ихтиёрий танлов ҳақида гапиришни ўринли деб ўйлаймиз.

Шундай қилиб, интилишларнинг ҳеч бири ихтиёрий танлаш эмас экан, бу балки ўйлаш (*to kata dianoian*)дир? — деб сўраймиз. Эҳтимол, бу ўйлаш ҳам эмасдир? Чунки биз кўп нарсалар ҳақида ўйлаймиз ва бирор фикрга келамиз. Аммо ўйлаётганда биз танлаймизми? Йўқ, танламаймиз. Масалан, биз кўпинча Ҳиндистонда нималар юз берадигани ҳақида ўйлаймиз,⁶⁸ аммо бу ўйлашда ҳеч нарсанни танламаймиз. Демак, танлов — бу, ўй суриш ҳам эмас. (Бу мутлақ тўғри фикр эмас, чунки одамлар яқин ёки узоқ мақсадларини қайси йўл билан амалга ошириш, қайси йўл осонлиги ҳақида ўйлаб кўрадилар — М.М.).

Модомики, ихтиёрий танлов юқорида айтилган алоҳида нарсаларнинг ҳеч бири эмас экан, ана шу айтилганлар (интилиш, истак, хоҳиш, ўй суриш) барчаси кўнгилда бор экан, демак, танлов, ихтиёр — шулардан баъзиларининг бирикувидан келиб чиқса керак.

Юқорида айтганимиздек, танлаш мақсадни эмас, балки, мақсадга элтувчи неъматларни танлашдир. Одатда у, амалга ошиш имкони бўлган ва қай бири яхши деб баҳсласиши мумкин бўлган хатти-ҳаракатлардир. Шундан равшанлашадики, инсон аввало ўйлаб кўради ва сўнг бир қарорга келади. Ўйлаб кўриб, бирор йўлни яхши деб танлаганимиздан сўнг ўша йўлда ҳаракат қилишга интиlamиз. Демак, бу биз танлаган, ихтиёр қилган хатти-ҳаракатдир.

Аммо танлаш ва ихтиёр қилиш бир-бирига тенг ҳодисалар эмас. Чунки биз кўп ҳолларда ўйлаб кўрмасдан, бир қарорга келмасдан, бирор нарсанни ихтиёр қилаверамиз; ўтирамиз, юрамиз ва ҳоказо. Танлаш эса ўйлаб кўришни тақозо қиласди. Демак, ихтиёрийлик танлаш билан тенг келмайди. Аммо (шу билан бирга) ўйлаб кўриб, бирор ҳаракатни танлаганимизда ўша хатти-ҳаракатни ихтиёрий равишда қиласмиз. (Мажбурий танлаб, мажбурий ҳаракат қилиш ҳам мумкин. Бу ерда бир неча ҳақиқат ҳақида гапиришга тўғри келади — М.М.). Баъзи ҳолларда ҳатто қонунчилар ҳам атайлаб (қасддан) танлаб олинган эркин хатти-ҳаракат учун оғирроқ, мажбуран қилинган хатти-ҳаракат учун енгилроқ жазо берадилар.

Хуллас, эркин танлаш бор жойда бирор хатти-ҳаракатни қилиш ёки қилмаслик, агар қиласидиган бўлсак, қандай йўл

билин амалга ошириш ўз ихтиёrimизга боғлиқдир. Бундай ҳолларда ўша хатти-ҳаракатнинг сабабини ҳам аниқлаш мумкин.

Бунинг сабаблари ҳам турличадир. Чунончи, геометрияда тўрт бурчак нима учун тўртта тўғри бурчакка teng? — деб сўралса, масаланинг аввалги асоси кўзда тутилади. Аммо танланган хатти-ҳаракатларда аҳвол бошқача (Бу ерда аввалги асосий ҳолат йўқ). Бу ерда «Нима учун шу ишни қилдинг?» — деган саволга, «Бошқача иш қилолмасдим» ёки «Шундай қилсан яхши бўлади» деб ўйладим», деб жавоб беришади. Демак, эркин танлашда мавжуд ҳолатлар тақозоси билан, яхшироқ кўринган йўлни ва яхшироқ натижага эришиш учун танлайдилар.

Бундай ҳолларда қандай йўл тутиш яхши бўлишини муҳокама қилиш имкони бор, илм-фанда эса (бундай танлаш имкони) йўқ, (Масалан, астрономия фанида, ой, юлдузларни ундан эмас, бундай ҳаракат қиласа яхши эди, дейолмаймиз — М.М.). Грамматикада Арслон исмени ундан эмас, бундай ёзиш яхшироқ деб, ўз ихтиёrimизча танлай олмаймиз, чунки бу исмни ёзишнинг аниқ қоидаси бор. Бу исмни ёзишда йўлаб иш тутишда эмас, балки ёзган одамнинг саводида хато юз бериши мумкин. Бирор хатти-ҳаракатнинг яхшиси (ёки тўғриси) қандай бўлиши аниқ белгиланмаган ҳолларда хатоларга йўл қўйилади.

Одамларнинг (баъзи) қилмишлари ва хатти-ҳаракатлари учун аниқ қонун-қоида йўқлиги туфайли икки хил хатога йўл қўйилади. Бу хатолар фазилатга интилишдаги хатоларга ўхшашибdir (масалан, тез фазабланиш ҳам, умуман фазабланмаслик ҳам ёмон, ўртacha йўл тутиш яхшилиги каби — М.М.) Бирор фазилатга (мўътадил йўл тутишга) интилар экансиз, табиий, туғма майл, одатларимиз туфайли, хатоларга йўл қўяшимиз (гоҳо зиёдалик томонга, гоҳо камлик томонга оғамиз). Лаззатлар ва изтироблар бизни у ёки бу томонга оғдиради. Лаззат, роҳат топамиз деб, биз инсонга номуносиб хатти-ҳаракатлар қиласимиз. Азоб, изтиробдан қочиш учун яхши, савоб ишлардан узоқлашамиз.

18. Яна. Ақл (*dianoia*) ҳис-туйғуга, сезигига ўхшамайди.⁶⁹ Айтайлик, кўз кўришга, қулоқ эшлишишга хизмат қиласи. Шу

иккала аъзо шундан бошқа нарсага хизмат қилмайди. Шундай экан, қулоғимиз билан күрайликми ёки эшитайликми? — деб муҳокама қилиб ўтирумаймиз. (Демак, ҳислар, сезги-лар аниқ бўлиб, муҳокама қилинмайди). Ақл эса бундай эмас. Ақл билан бирор ишни қилиш мумкин, айни чоғда, ақл билан бошқа ишларни ҳам қилиш мумкин. Шу сабабли, ақл вазифаси, фаолиятини муҳокама этиш жоиздир.

Неъматларни танлашда келиб чиқадиган хатолар мақсад соҳасида эмас, балки, мақсадга етиш йўлларини танлашадидир (Чунончи, соғлиқ — неъмат эканлиги ҳамма учун равшан), аммо соғлиқни сақлаш учун фалон овқатни ейиш фойдалими, заарлими, шуни билиш учун ақлни ишлатиш керак. Бу соҳадаги хатоларга — роҳатланиш истаги ёки роҳат-фароғатнинг бузилиши сабаб бўлиши мумкин. Одатда, (хато бўлса ҳам) роҳатни танлайверамиз, фароғатимиз бузилмасин, деб, фойдали нарсадан қочамиз (бу иккала хато соғлиқ учун заарлидир — М.М.).

Хатолар қандай келиб чиқишини аниқлаб олганимиздан кейин, энди фазилат нимага тааллуқли: мақсадгами ёхуд мақсадга етиш йўлигами — шуни аниқлашимиз зарур. Чунончи, фазилат гўзалликнинг ўзидали ёки гўзалликка етишув йўлидами? Шу жиҳатдан, илм-фан вазифаси нимада? Масалан, бинокорлик илмининг вазифаси қандай гўзал бино қуришни мақсад қилишдами ёки гўзал бинони қандай қилиб қуришни билишдами? Агар мақсад яхши бўлса (масалан, гўзал бино қуриш мақсади) бунинг учун зарур нарсалар, воситалар ҳам топилади. Ва бу гўзал иморатни бинокор уста қуради.

Мана шу қоида фазилатга ҳам тааллуқли. Фазилат яхши мақсадни қўя билишдадир (бу мақсадни қандай йўл билан амалга ошириш ҳам муҳим, аммо мақсад, ният асосийдир). Аммо ана шу яхши ният, мақсадни ўз олдига қўядиган одам ҳам фазилатли одамдир (бошқача айтсан, фозил, фазилатли одамгина ўз олдига яхши мақсадни қўяди — М.М.).

Фазилатнинг фаолияти (яхшиликни) ният қилишдир, деган фикр оқилонадир. Олий жавҳар соҳиби бўлган ҳар қандай инсон ўз олдига яхши мақсадни қўйиб, ўзи амалга ошира олади. Аммо инсонда фазилатдан олийроқ нарса йўқ (ий-

мон, инсоф, виждон софлиги ҳам фазилатларнинг олийларидир — М.М.). Бошқа барча ҳаракатлар фазилатни қўлга киритиш учундир. Фазилатнинг аввали — жавҳари ҳам, фазилатга эришиш воситалари ҳам асосан фазилатнинг мақсади учундир. Яхши мақсаднинг ўзи фозил одам учун олий фазилатдир. Хуллас, фан каби, фазилат ҳам воситаларга эмас, балки (гўзал) мақсадга интилади.

19. Фазилатдан мақсад гўзаликдир (To Kalon), айни чоғда фазилат — гўзаликнинг таркибий қисмларига эмас, балки ўзига интилади. (Ишқ, севгида ҳам шундай: ошиқ ёрнинг фақат қошига, кўзига, қаддига эмас, балки ўзига интилади — М.М.). Тўғри, таркибий қисмлар (масалан, қош, кўз, хушқомат) ҳам аҳамиятли, аммо фақат шулар учунгина (ёр) фазилатли саналмайди.

Мусаввирлика ҳам шундай (қонуният бор), рассом ўз ишига моҳир бўлиши мумкин. аммо уни ҳар қандай тасвири учун эмас, балки гўзал намуналардан қолишмайдиган тасвирлари учун мақтайдилар. Шундай экан, фазилатнинг асосий қиласидиган иши гўзал мақсадларни қўйиб яшашидир.

Баъзилар бизга эътиroz билдириши мумкин: аввалроқ, фазилатга эга бўлишдан кўра (гўзал) фаолият яхшироқ, деган эдик-ку? Нега энди, фазилатнинг энг гўзал хислати деб, фаолиятнинг ўзини эмас, балки фаолиятсиз сабаб — мақсадни аҳамиятироқ демоқдамиз? Тўғри, биз ҳозир ҳам фаолият эгалик қилишдан яхшироқ, деймиз. Ҳақиқатан, фазилатли (фозил) одамни ишларига — фаолиятига қараб баҳолаймиз. Ана шу амалий ишларини кўрмасак, у қайси мақсадни танлаганлигини қаёқдан биламиз? Агар инсон виждени (gnome)ни ва унинг гўзаликка интилишини кўриш мумкин бўлганида, ишларини кўрмай туриб ҳам фозил одам деийиш мумкин эди.

Юқорида ҳис-туйғуларнинг мўътадилларини санаб ўтдик, энди туйғуларнинг (pathon) қайси бири қандайлигини кўриб чиқамиз.

20. Агар жасурликни (ҳеч нарсадан) қайтмаслик ва қўрқиши (туйғулари) билан қиёсласак, нималардан қайтмаслик ва нималардан қўрқиши ҳақида гап бораётганини билиш муҳимдир. Масалан, ўз мол-мулкини йўқотишдан қўрқаётган

одамни қүрқоқ деб бўладими? Ёки мол-мулкини йўқотишдан қўрқмайдиган одамни жасур деб бўладими? Ё бундай деб бўлмайдими? Касалликдан қўрқувчи одамни қўрқоқ ва касалликдан қўрқмайдиган одамни ботир дейиш мумкинми? Демак, жасурлик бундай туйфуларда кўринмайди. Момогулдирак, яшин ёки ўзга ғайриинсоний ва даҳшатли ҳодисалардан қўрқмайдиган одамни жасур демаймиз, балки қандайдир жинни, ақлсиз (*mai-pomenos*) деймиз. Демак, жасурлик инсон табиатига хос, мувофиқ ҳодисаларга муносабатда билинади. Айтайлик, агар кўпчилик ёки ҳамма инсонлар қўрқадиган нарсалардан қўрқмайдиган одамни жасур дейдилар (Масалан, подшоҳлар ёки амалдор бошлиқларнинг камчилигини айтишга кўпчилик қўрқади. Шу борада қўрқмайдиган одамни жасур дейдилар. Ислом динида бу иймон талабидир — М.М.)

Мана шу нарсани фарқлаб олганимиздан кейин, одамлар кўпгина сабабларга кўра жасур бўлишини кўриб чиқишимиз мумкин. Баъзи одамлар тажриба туфайли жасур бўладилар. Масалан, баъзи жангчилар ўз тажрибаларидан келиб чиқиб, фалон жойларда ёки фалон вақтларда, ёки (душман) ўзини фалондай тутганида, бизга талафот етмайди, деб дадил ҳаракат қылладилар. Шу нарсаларни билиб туриб, душманга бас келган одамларни ҳам жасур демаймиз (чунки улар шу нарсаларни тажрибада кўрмаганларида душманга бас келолмаган бўлур эдилар). Шунинг учун тажриба сабабли жасорат кўрсатгандар жасур эмаслар. (Арасту ҳакимнинг бу фикри мунозаралидир⁷⁰ — М.М.). Жасоратни билим деганида Суқрот ҳақ эмасди.

Билим одатланиш (такрорлаш) туфайли тажрибага айланади. Тажриба билан бойиган билим эса илмга айланади. Тажриба сабабли душманга бас келганларни жасур демаймиз. Бундан чиқди, жасурлик — илм эмас экан.

Шундай одамлар борки, тажрибасизлиги туфайли жасурлик кўрсатадилар. Тажрибасизлиги туфайли, бирор иш ёмон оқибатга олиб боришини билмаган одам шу ишнинг оқибатидан қўрқмайди. Бундай одамларни ҳам жасур, деб бўлмайди. Баъзи одамлар қизғин эҳтирослари (*pathe*) туфайли жасур бўлиб кўринадилар. Масалан, ошиқлар (*erontes*) ёки ил-

ҳом оғушидаги одамлар (*enthoysiadzontes*). Буларни ҳам жасур деб бўлмайди. Чунки қизғин эҳтироси бўлмаса, улар оғир ишга қўл урмас эдилар. Жасур одам ҳар доим (ҳар қандай ҳолатда) жасур бўлади. Халқ ҳайвонларни жасур демайди, масалан, чўчқаларни бирор урса ҳам чидаб туриши жасурлик эмас. Эҳтироси туфайли жасурлик қилган одам ҳам аслида жасур эмас.

Бошқа бир турдаги, масалан, фуқаролик жасорати бор. Масалан, баъзилар ватандошлари олдида уялгани учун жасур кўринадилар. Мана бунга мисол: Омир (Ҳомер) Гекторни бундай сўзлатади: «Биринчи (дуч келган) Полидамас менга таъна қиласди».⁷¹ Гектор (таъндан қўрқиб) жангга кириш керак, деб ҳисоблайди. Шу сабабли, бу — жасурлик эмас. Бунга ўхаш ҳолатларнинг барчасини бир меъзон билан аниқлаш мумкин (*diorizmos*): бирор сабаб йўқолганида жасурлиги ҳам йўқолса, бундай инсонни жасур деб бўлмайди. Чиндан ҳам агар бирор (Гектор) юртдошлари олдидағи уятни йиғиштириб қўйса, жасурлик қилолмас эди.

Яна баъзи одамлар бирор яхшилик кўриш умидида жасорат кўрсатадилар. Вазиятга қараб иш қилувчи бундай одамларни ҳам жасур деб бўлмайди.

Хуллас, бу хил одамлардан ҳеч бирини жасур дейолмаймиз. Ундай бўлса, жасорат нима? Қандай одамни жасур дейиш мумкин? Шу масалани кўриб чиқайлик. Аслида юқоридаги сабабларга кўра эмас, балки жасоратни неъмат, яхшилик деб билувчи одамларнинг жасурлиги ҳақиқий жасурликдир. Бундай одамлар бирор қараб турганида ҳам, ҳеч ким йўқлигига ҳам жасурлик қиласверади (Исломий ахлоқда ҳам шундай: ҳеч кимга кўрсатмай, худо йўлига (фи-саби-лиллоҳ) жасорат кўрсатадилар — М.М.) Аммо, шуниси борки, эҳтирос ва интилишсиз ҳам жасорат бўлмайди. Фақат шу интилиш оқилюна ва гўзалликка интилиш бўлса — чинакам жасорат туғилади. Кимки яхшилик, эзгулик учун хавф-хатардан қўрқмай, ўзини шу хавфга урса, ана шу одам жасурдир. «Қўрқмай» деганда мен умуман ҳеч нарсадан қўрқмайдиган одам маъносида айтмадим. Умуман ҳеч нарсадан қўрқмаслик тошга ва бошқа жонсиз нарсаларга ҳам хосдир. Йўқ. жасур одам хавф-хатардан қўрқади, аммо мар-

дона, сабот билан туралы (hypomenein). Мабодо. ҳеч қўрқув билмайдиган одам мардона турса — бу, жасурлик эмас.

Яна шуниси муҳимки, жасурлик учун ҳар қандай хавфхатарни эмас, балки инсон ҳаётига таҳдид қилувчи хавфхатар (oysias)ни кўзда тутамиз. Ва яна: жасурлик ҳар қанақа вақтда эмас, балки қўрқинчли ва хавфхатарли куч жуда яқин келган вақтда намоён бўлади. Агар одам ўн йилдан кейин келадиган хавфхатардан қўрқмаса, уни жасур демаймиз. Чунки бундай одам хавфхатар узоқлигига жасур кўринади, аммо хавф яқин келгач, қўрқувдан ўлиб қолиши мумкин. Жасорат ва жасурлик (табиати) мана шунақа.

21. Оқиллик, (sophrosine — благоразумие) ҳирс ва лоқайдлик, ҳиссизлик ўртасидаги ҳолатdir. Ҳақиқатан, оқиллик ва умуман ҳар қандай шу каби фазилат энг яхши ҳол (hexis)dir. Энг яхши ҳол эса энг яхши неъматга эга бўлишдир. Энг яхши неъмат эса ошиқчалик (исрофарчиллик) ва етишмовчиликнинг ўртасидир. (Ҳаддан) ошиқчаликни ҳам, етишмовчиликни ҳам қоралайдилар. Энг яхшиси мўътадиллик — ўрталик экан, оқиллик ҳам, қизиқонлик, ҳирс билан лоқайдлик. ҳиссизлик (anaesthesia)нинг ўртасини танлашдир. Демак, оқиллик мўътадиллика, меъёрни сақлашда кўринади.

Оқиллик хурсандчилик (роҳат-фароғат) ва хафагарчилликларга ҳам алоқадор. Аммо ҳар қандай хурсандчилик ва хафагарчилликларда оқиллик бўлавермайди. Масалан, кимлардир гўзал тасвирини, ҳайкални ё шу каби бошқа нарсаларни кўриб роҳатланса бу — бузуқлик эмас. Куй тинглаш ва гулларни ҳидлашдаги роҳатлар ҳам суюқликка кирмайди. Тегиниш ва емак-ичмоқликка алоқадор ҳолатларда (агар ўзини тия билса) одамнинг оқилона йўл тутганидир. Бундай нарсалардан маза топмайдиган одам ҳам оқил эмас (бундайлар лоқайд, ҳиссиз одамлардир). Яхши кўрган нарсалари (емак-ичмак ёки аёлларга яқинликдан) роҳатланувчи одам бу ишларга ортиқча ружу қилмаса, бошқа ҳамма дил роҳатларидан кечиб, фақат шуларга мукласидан кетмаса, оқил одамлардир. Мана шу ишлар билан ҳам яхшилик йўлида шуғулланса, оқилдир.

Қўрқув туфайли ё бошқа шу каби сабабга кўра роҳатланышдан ўзини тийгувчи одамларни оқил деб бўлмайди. (Шу

нарсадан тийилишнинг ўзи яхшиликдир, деб тушунадиган одам оқилдир). Биз инсондан бошқа жонзотларни оқил демаймиз, чунки уларда ақлнинг ўзи йўқ — шу туфайли улар нима яхшилик, неъмат эканлигини ажратолмайдилар. Ахир, ҳар қандай фазилатдан мақсад яхшиликдир (ва оқил шу мақсадга интилади).

Хуллас, оқиллик сезмоқ ва емоқ-ичмоқ борасидаги хурсандлик ёки хафачиликка муносабатда кўринади.

22. Шуни аниқлагач, энди вазминлик, (praeletos — уровновешенность) нималигини, у нималарда намоён бўлишини кўриб чиқамиз. Вазминлик фазаб, сержаҳллик ва лоқайдликнинг ўртасидаги ҳолатдир. Ва умуман, мана шунақа ўртача ҳолатларда бўлиш инсоний фазилатлардир. Бошқача айтганда, энг яхши ҳолат — ўрталик, фазилат ҳам ўрталик бўлгани учун энг яхши ҳолатдир.

Шуларнинг ҳар бирини алоҳида кўриб чиқсак, масала равшанлашади. Чиндан ҳам ҳар нарсага тез жаҳли чиқиб кетаверадиган одам сержаҳл одамдир; бундай одам қоралашга лойиқдир. Чунки оқил инсон ҳар нарсага, ҳамма вақт ва ҳаммага жаҳлини сочавермайди. Аммо, бунинг акси — ҳеч кимдан, ҳеч вақт ғазабланмайдиган, лоқайд одам ҳам қораланади. Демак, сержаҳл одам ҳам, сира жаҳли чиқмайдиган лоқайд одам ҳам ёмон. Шу иккала ҳолатнинг ўртасини танлаган одам оқил одамдир. Вазмин одам сержаҳл ҳам эмас, лоқайд ҳам эмас, балки шуларнинг ўртасида турувчи одамдир. Вазминлик жаҳл-фазаб ва лоқайдлик туйғулари ўртасидаги руҳий ҳолатдир (pathon).

23. Сахийлик (eleutheriotes) — исрофгарчилик ва зиқналлик, ҳасислик ўртасидаги сифатдир. Бу руҳий майл пул ва бошқа бойликларга алоқадордир (фақат шуларгагина эмас — М.М.). Пул ё бошқа бойликни кераксиз нарсаларга сарфлайдиган ёки керагидан зиёд сарфлайдиган одам исрофгардир. («Акулу, ашрабу ва ло тусриф» — енг, ичинг, исроф қилманг — ҳадисини эсланг — М.М.). Ҳасис одам эса зарур нарсага ҳам, зарур вақтида ҳам ва керагича сарф қилмайдиган одамдир. Булар иккаласи: исрофгар ҳам, ҳасис ҳам ёмонлашга лойиқдир. Камлик ҳам, ортиқчалик ҳам ёмон. Мақтовга лойиқ бўлган сахий одам эса шулар иккаласининг ўра-

сида туради. Сахий одам ким? — дейилса, айтамизки, керакли нарсаларга, керакли вақтида ва кераклича сарфловчи одам сахийдир.

24. Шуниси ҳам борки, хасисликнинг турли даражалари фарқланади. Масалан, баъзи одамларни зиқна, баъзилари ни бачканা, баъзиларини пасткаш, яна баъзиларини фаразгўй деймиз. Шуларнинг ҳаммаси хасисликнинг кўринишларидир. Чиндан ҳам яхшилик бир хил, ёмонлик турличадир. *Масалан, саломатлик яхши ва оддий, аммо касаллик ёмон ва турлари кўпdir.*

Барча турдаги хасисларнинг иллати — пулга тақалади. Ундан бўлса, сахий одам (кўпроқ) пул топиши ва тўплаши керак экан-да? Ё бундай эмасми? Аслида гап пул йиғишида эмас. Яхшилик қилиш фақат пулнинг кўп ёки озлигига қарамайди. Мисол учун, жасур одамнинг вазифаси кўпгина қуроллар ясасида эмас, балки шу қуроллардан бирини олиб, ундан тўғри фойдаланишидадир. Оқиллик ва бошқа фазилатлар ҳақида ҳам шуни айтиш мумкин. Бирон бойликни тўплаш саҳоватга эмас, балки ўз оти билан бойлик тўплай билиш маҳоратига боғлиқдир.

25. Олижаноблик (мардлик — megalopsychia — мегалопсихия) мақтанчоқлик, манманлик ва хокисорлик, ғарибликнинг ўртасидаги хислатдир. Бу фазилат ор, номус ва бено-муслик ҳолатларига алоқадордир. Ор, номус, шаън, қадрқиммат оломоннинг баҳоси билан эмас, балки, муносиб, шу хислатларга эга одамлар баҳоси билан берилади. Чунки орятли одамлар орият нималигини тушунадилар ва шунинг учун баҳо бера оладилар. Мардликни қадрлай оладилар. Мард, олижаноб одамнинг ўзи ҳам уни мард, олижаноб одамлар баҳолашини афзал кўради. Яна шуниси борки, оддий ор, номус эмас, балки юксак даражадаги ор, номус шарафли ҳисобланади. Шон, шараф эса ⁷² неъматдир, яна: неъматларнинг энг аълоларидан биридир.

Мақтанчоқ, аҳмоқ ҳамда ўзларини буюк одам деб ўйлаб, иззатталаблик қилаётган одамлар олифта, қуруқ, паст одамлардир. Бунинг акси, ўзини аслидагидан анча паст кўрадиган одамлар ўз қадрини билмайдиган одамлардир. Зоро, ўзини аслидагидан баланд ҳам, паст ҳам

кўрмайдиган одамлар номусли одамлардир. Бундай одамлар муносибидан зиёда иззатталаб ҳам эмаслар. Мард одам шундайдир. Демак, равшанлашдик, мардлик — мақтанчоқлик, манманликдан ҳам, хокисорликдан ҳам узоқда, шулар ўртасида туради.

26. Қўли очиқлик, кенгфеъллик (*megalopereia*) bemavrid сарфлаш, совуриш ва қизғанчиқлик ўртасидаги ҳолатдир. Бағрикенглик — зарур вақтида, зарур миқдорда сарфлаш хислати фазилатдир. Bemavrid, ўринсиз сарфловчи одам ўзини шу билан бой-бадавлат қилиб кўрсатмоқчи бўлган (обрўпараст, мақтанчоқ) одамдир. Қизғанчиқ, майда одам эса катта пуллар сафлаш ўрни келганида (тўйда ёки бошқа маросимда) беҳимматлик қилиб, озгина сарфловчи одамдир. Майда одам шундай. Қўли очиқ одам эса, ўз номи билан ўрнида ва bemalol сарфловчи одамдир. Хуллас, бағрикенглик мақтовли хислат бўлиб, бундай хислатли одам керагидан камроқ ҳам, керагидан ортиқча ҳам сарфламайди. Демак, бағрикенглик камлик ва ортиқчалик ўртасидаги хислатдир.

Бағрикенгликнинг турли кўринишлари бор деб ўйлайдилар. Масалан, бир одам (фалончини қандайдир кичик хатоси учун жазоламай) бағрикенглик қилди, дейдилар. Бу харажатлар, моддият маъносидаги эмас, балки ботиний, руҳий олам соҳасидаги тушунчадир.

27. Нафрат (*nemesis* — немесис) — ҳасад ва ичиқоралик ўртасида туради. Ҳасад ҳам, баҳиллик ҳам (иллат сифатида) қораланади. (Ёмонликдан) нафратланувчи одам эса мақталади. Нафрат бирор неъмат номуносиб одамга берилганидан норозилик, хафачиликдир. Бировга ноҳақ равища сазо ёки жазо берилганига (зулм қилинганига) норозилик, нафрат билдирувчи одам яхши одамдир.

Ҳасадгўй одам эса, аксинча, муносиб ёки номуносиб одам яхши яшаётганини кўрса ичи куяверади. Ичиқора (баҳил) эса бировларнинг бошига кулфат, баҳтсизлик келса, хурсанд бўлади. Нафратланувчи одам бундайлардан узоқ, у омадли одамларга ҳасад ҳам қилмайди, биров баҳтсизликка учраса қувонмайди (Фақат ноҳақ ишларга норозилигини билдиради).

28. Ўз қадрини билиш (semnotes — симнотис) — такаббурлик ва хушомадгўйлик ўртасидаги хислат (русча таржимада, назаримизда хатолик бор, у ерда такаббурлик ўрнига — тантиқлик (своенравие) деб олинган — М.М.). Бу хислат одамлар ўртасидаги муомала маданиятига алоқадор.

Такаббур одам кўпчилик билан яхши муомала қилолмайди. Бу (сўзнинг ўзидан ҳам кўринадики) такаббур фақат ўзини ёқтирадиган, худбин одамдир.

Хушомадгўй эса, ҳамма билан, ҳамма ерда ва ҳар қанаقا муомалага киришиб кетаверади. Бу иккала хислат ҳам мақтовли эмас. Ўз қадрини билган, ҳар ким билан ош-қатиқ бўлиб кетавермайдиган, фақат муносиб (ориятли) одамлар билан муомала қиласидиган, ўзини барчадан баланд ҳам тутмайдиган, одамлардан қочмайдиган, мўътадил, меъёри сақлайдиган одам мақтовга сазовордир.

29. Камтаринлик (aidos) уятсизлик ва тортинчоқлик ўртасидаги хислатдир. Бу хислат одамларнинг қилмишларида ва гап-сўзларида кўринади. Уятсиз, шалоқ одам ҳаммага, ҳар қандай вазиятда ҳар нарсани гапираверади (ва уятли ишларни ҳам бажараверади — М.М.). Тортинчоқ одам эса зарур гапни зарур вақтида айтмайди, зарур ишни бажаришга ҳам журъати этишмайди (Ўта тортинчоқ одамлар одатда фаол эмас — Арасту изоҳи).

Камтарин одам эса, уятсиз одам каби, ҳар вақт, ҳар ерда, ҳар қандай гапни айтавермайди; ва ўта тортинчоқ одам каби, зарур вақтда зарур гапни айтишга журъатсизлик ҳам қиласидиган.

30. Ҳазил-мутойибани ҳис этиш (eytrapelia — юмор) — масхарабозлик ва ёввойилик (одамови, сув одами) ўртасидаги хислат. Бу ҳазил, мазах соҳасида кўринади. Масхарабоз ҳамманинг устидан, ҳар нарсага кулаверади. Одамови, тунд, қўрс одам эса ҳеч нарсага ҳеч қачон кулмайди (ҳазилни тушунмайди), ўзининг устидан кулишларини ҳам ёқтирумайди. Булар ўрталигида эса ҳазилни тушунадиган, ҳис этадиган одам туради. Бундай одам бўлар-бўлмасга кулавермайди (маъноли ҳазилга кулади), тунд, қўрс, ёввойи феъл ҳам эмас.

Ҳазил, юмор ҳиссини икки маънода тушуниш керак: ҳазилни тушунадиган одам бошқаларга ҳам ҳазил қиласидиган.

ўзи ҳам бошқаларнинг ҳазилини. қочиримларини кўтаради (чидайди).

31. Дўстпарварлик (philia — филия) — хушомадгўйлик, ялтоқлилк ва душманлик ўртасидаги хислат. Бу ҳам инсон гап-сўзларида ва хатти-ҳаракатларида кўринади.

Хушомадгўй бошқаларни (айниқса, бошлигини ёки ўзга мансабдорларни) йўқ фазилатларини ҳам бор, деб мақтайди. Душманлик кайфиятидаги ҳасадчи одам эса бироннинг бор фазилатларини ҳам кўришни истамайди. Буларнинг ҳар иккаласи ёмон хислатлардир. Шу икки хислат оралиғидаги дўстпарвар одам дўстида йўқ фазилатни мақтаб, хушомадгўйлик ҳам қилмайди, дўстининг (бор фазилатини) камайтириб, ерга ҳам урмайди. Дида бошқани ўйтаб, тилида шунинг тескарисини айтмайди. Дўстпарвар одам шунақг бўлади.

32. Ҳақгўйлик (aletheia) риёкорлик (eironeas) ва мақтанчоқлик оралиғидаги хислат. Гап-сўзларда (ва қилмишларда) кўринади. Мақтанчоқ ўзида йўқ яхши хислатларни бор дейди ёки билмаган нарсасини биламан дейди. Риёкор эса, ўзидаги ёмон хислатларни яширади ёки бир нарсани билса ҳам билмасликка олади. (Бу ерда ҳам, назаримизда русча таржимада хатолик бор — фикр мантиқига кўра, тузатишга ҳаракат қилдик — М.М.). Ҳақгўй одам эса, билганини биламан, билмаганини билмайман, дейди. Ўзида бор нарсаларни бор, йўқ нарсаларни йўқ дейди (яъни, тўғрисини айтади).

Мана шу юқорида айтилган хислатлар фазилатми ё бошқа нарсами, бу ҳақда кейинроқ тўхталамиз, чунки бу хислатлар муайян шароитларда — фазилат, бошқа вазиятда камчилик бўлиши мумкин.⁷³ Фақат шуниси равшанки, бу хислатлар юқорида айтганимиз ифратлар ҳаддан ошишларнинг ўртасида турадиган ҳолатлардир. Ва шу мўътадил ҳолатларга мувофиқ яшовчи одамлар мақтовга лойиқдир. (Навоий рост гапни ҳаммага айтавериш — нодонлик, дейди).

33. Энди яна адолат нима (dikaio synes) ва у қандай ҳолларда намоён бўлади, нималарга алоқадор эканлигини кўриб чиқишимиз қолди. Аввало, адолатлилик нималигини билиб

олайлик. Икки хил адолатлилик бор. Бири қонунга мувофиқлиқдир. Қонун буюрганини қилиш адолатли ҳисобланади (агар адолатли қонун бўлса). Қонун (яхши, яъни илоҳий қонун) одамлардан мард, оқил ва фозил бўлишни талаб қиласди. Шунинг учун ҳам одиллик — энг мукаммал фазилат, дейилади.

Модомики, адолатлилик (яхши, илоҳий) қонунларга мувофиқ яашаш экан, қонун эса барчадан фазилатлар билан яашашни талаб қиласар экан, қонунларга мувофиқ, адолатли иш тутувчи одам энг фозил одамдир. Адолатлилик (одиллик) энг яхши фазилатдир. Адолатлиликнинг бир тури мана шудир.

Аммо биз ҳозир бундай адолат ва бундай одилликни кўриб чиқмаймиз. Одилликни фақат бундай тушунилса, одам ўз-ўзига адолат қилгандек бўлади. Оқил, жасур, сабр-қаноатли одамлар ўз-ўзига табиатан шундай бўладилар.

Қонун талабларига мувофиқ яашашдан фарқланувчи иккинчи хил адолат бошқа одамларга нисбатан адолат қилишдир. Бошқа одамларга адолат қилувчи одам ўз-ўзига адолат қилмаслиги ҳам мумкин. Биз бу ерда мана шу ҳақда, ўзгалигарга адолатли муносабатда бўлиш, шу соҳадаги одиллик ҳақида сўз юритамиз.

Ўзгаларга муносабатда адолатли иш тутиш, аслини олганда тенгликка амал қилишдир (*to ison*). Чиндан ҳам тенгсизлик адолатсизликдир: баъзи одамлар ўзига яхши нарсаларни кўпроқ, ёмон нарсаларни камроқ оладилар. Мана шу тенгсизликдир, шу (тенгсизлик) туфайли бу одамлар ўзгалигарга адолатсизлик қиласдилар. Ёки шу туфайли ўзгалар адолатсизлик, ноҳақликдан жабр кўрадилар.

Модомики, адолатсизлик — тенгсизлик (ноҳақлик) экан, адолат ва одиллик (ҳар икки томоннинг ўз мажбуриятларига (*symbalaion*) тенг риоя қилишида кўринади.

Шу маънода адолатни ҳам ортиқчалик ва етишмовчиликнинг, кўплик ва озликнинг ўртаси дейиш мумкин. Адолатсизлик (ноҳақлик) қилувчи одам (яхши нарсалар — неъматларни) ўзига кўпроқ, яъни ортиқча олади: адолатсизликка учраган, жабр кўрган эса, керагидан камроқ олади (ёки ҳеч нарса олмайди — М.М.). Мана шу, ортиқчалик

ва камликнинг ўртаси — тенглик ва мана шу тенглик адолатдир. Аввал айтганимиздек, тенглик камлик билан ортиқ-чаликнинг ўртасидир ва мана шу ўргалик адолатдир. Одил одам эса, барчани тенг кўрувчи, тенгликка риоя қилувчи одамдир. Демак, ўзгаларни ўзига тенг кўрувчи одам одил одамдир.

Энди (масалани яна ойдинлаштирсак), одамлар муайян нарсаларда адолатли иш тутди, фалон нарсаларга тенг кўрди, фалон ва фалонлар (ўзаро зидлашиб, низолашиб тургани)-да ўртача йўл тутди, деймиз. Бинобарин, адолат ва одиллик муайян ҳолатларда амалга ошади.

Модомики, адолат тенгликда экан, мутаносиблик (пропорционаллик) ҳам адолатлидир. Мутаносибликтинг тўрт таркиби қисми бор: «А» — «В» га қандай нисбатда бўлса, «Г» ҳам «Д»га шундай нисбатда бўлади. Мисол учун (ҳиссадорлик жамоасида) мутаносиблик асосидаги тенгликка амал қилинса, мол-мулки кўп одам — кўпроқ, мол-мулки кам одам — камроқ улуш ҳисса қўшади. Даромад олишга келганда ҳам кўп ҳисса қўшган — кўпроқ, кам ҳисса қўшган — камроқ олади. Меҳнат сарфида ҳам шундай: кўп меҳнат қилган — кўпроқ, кам меҳнат қилган — камроқ олиши адолатлидир (Аммо турли ижтимоий, сиёсий, иқтисодий вазият, ҳолатларга кўра, баъзи вақтларда бу мутаносиблик бузилиди ва адолатсизлик келиб чиқади — М.М.)...

Афлотун ҳам «Давлат» асарида мана шу адолатли мутаносиблики қўллайди.⁷⁶ Афлотун айтишича, деҳқон дон етишитиради, бинокор уй қуради, тикувчи либос тикади, пойабзалчи пойабзал тикади. Деҳқон бинокорга дон (ёки ун) беради, бинокор деҳқонга уй қуриб беради. Бошқа барча ҳунармандлар ҳам шу каби ўз маҳсулотларини ўзаро айрбош қиласидилар.

Жамият ҳаёти — ижтимоий ҳаёт шундай мутаносиблик асосига қурилади (*politeian*). Адолат ҳам мутаносибликлар, шу маънода жамият ҳаёти ҳам адолат асосига қурилмоғи керак.

Аммо, вақтики, бинокор уйининг баҳоси этикдўз маҳсулотидан қимматлиги аён бўлгач, бинокор уйини этикдўзнинг этигига бермагач, адолат юзасидан кумуш дирҳамлар

(nomisma)ни ўйлаб топишган ва буни пул деб аташган. Шундан сүнг ҳар бир ҳунарманд ўз маҳсулотини қийматига мувофиқ кумушга сота бошладилар. Шу тариқа пул мумомлости пайдо бўлиб, давлат жамияти (politiken koinonian) шундай мутаносиблик асосида қурилди.

Адолат яна ўзаро жабр чекиш (яъни, ким ёмонлик қилса, унга ҳам ёмонлик қилиш)дир (*to antipeponthos*). Аммо пи-фоғурчилар ўйлашган маънода эмас. Пифоғурчиларнинг фикрича, бошқага не қилган бўлсанг, ўзингга ҳам шунираво кўр. (Бу қоида ислом дини адолатида ҳам бор — М.М.) Аммо барча аҳолининг ўзаро бундай мумомала қилиши мумкин эмас. Масалан, қул билан озод ўртасида бундай мутаносиблик ярашмайди: агар қул озод одамни бир урса, озод одам қулни кўп марта уриши зарур. Қулдорнинг қулга нисбатан мавқеи қандай бўлса, ўзаро зарап етказиш ҳам шунга мутаносиб. яъни қулнинг қилган ёмонлиги учун уни кўпроқ жазолаш керак (Токи қул эгаларига осийлик, исёнкорлик қилмасин, бу, албатта, қулдорлик жамияти тасаввуридаги адолатдир. Зотан, Ислом дини, шариатида амир оддий жангчини ноҳақ урса, оддий жангчи ҳам амирни уришга ҳақлидир. Баъзи амирлар бу адолатга чидолмай, ислом динидан қайтганлар — М.М.). Озод одам ўзидай озод одамга зарап етказса, жабр кўрган томон шунга мувофиқ жазо талаб қилишга ҳақлидир. Аммо бу ерда агар бир одам бошқасининг кўзини чиқарса, жабр кўрган ҳам унинг кўзини чиқариши адолатдан эмас, бу ҳолда биринчи бўлиб зарап етказган одамнинг айби кўшлиги учун унга жазо ҳам кўпроқ берилиши керак.

«Адолат» сўзини жуда кўп маъноларда ишлатамиз. Шундай экан, бу ерда қайси (соҳадаги) адолатни тадқиқ этаётганимизни аниқлаб олайлик.

Баъзилар қаролнинг хожага ва ўғилнинг отага муносабатида адолат қилиши ўринлидир, дейдилар. (Бу ерда русча таржимада хато борга ўхшайди. Аксинча, хожанинг қаролга ва отанинг ўғилга муносабатида адолатли иш тутиши муҳимроқдир — М.М.) Аммо бу ўринда давлатнинг барча фуқароларни тент кўриши борасида адолат сўзи билан хожа ва қарол, ўғил ва ота муносабатларидаги адолат ўхшайдир. Биз ҳозир фуқароларга адолат қилишини тадқиқ этмоқ-

чимиз, бу эса тенглик масаласига алоқадор⁷⁸ (чунки фуқаролар ўзига хос умумият — жамоа вакиллари бўлиб, табиатан тенгликка интиладилар, аммо хулқлари (ахлоқи) жиҳатидан турличадир — Арасту изоҳи). Ўғилнинг отага ва қаролнинг хожага муносабатларида бундай (яъни, тенглик маъносидаги) адолат йўқдир. Ахир, инсон оёғи ёки қўлиниңг, ёхуд бошқа аъзоларининг бутун вужудга адолатли муносабати бўлмаган нарсадир. Ўғилнинг отага адолати ҳам шундайдир. Ўғил улғайиб, катталар сафига қўшилиб, ота (уий)дан ажралиб чиқмагунича, отанинг бир «қисми» бўлиб туради. Шундан (ота уйидан ажралиб чиққандан) кейин эса, ўғил отага тенг ва унга ўхшашидир. (Бу ерда Арасту ота ва ўғилнинг давлат олдида фуқаролар сифатида (ҳуқуқда) тенглигини назарда тутади — М.М.). Фуқаролар (шу маънода) тенг бўлишга интиладилар.

Шу сабабга кўра қарол ва хожа муносабатларида (тенглик маъносидаги) адолат йўқдир. Чунки қарол хожанинг мулкидир. Мабодо унга нисбатан адолат сўзи қўлланса ҳам бу уйдаги, хонаки адолатдир (ислом ахлоқшунослигида бу муҳим ижтимоий масала ҳисобланади. Ҳазрати Муҳаммад расулуллоҳ ҳадисларида «Қулларингизга ўзингиз еган таомдан беринг, ўзингиз кийган кийимдан кийдиринг», деб марҳамат қилганлар — М.М.).

Аммо биз бу ерда хонаки эмас, балки фуқаролик адолати нималигини тадқиқ қилмоқчимиз. Фуқаролик адолати, чамаси, тенглик ва ўхшашлиқда кўринади. Аммо эркак билан аёл ўртасидаги адолатли муносабат ҳам давлатнинг (фуқароларга муносабатидаги) адолатга ўхшашидир. Аёл эркакдан паст туради, аммо у (оиладаги бошқа аъзоларга нисбатан) эрига энг яқин турувчи, шу сабабли, булар муносабати фуқароларга адолатли муносабатларга ўхшашидир. Хуллас, адолат давлатнинг жамоа аъзоларига муносабатида (ва уларнинг ўзаро муносабатларида) бўладиган ижтимоий ҳодисадир. Адолат ва одил одам деганимизда фуқароларга нисбатан адолатни тушунамиз.

Адолат табиий ва қонун билан ўрнатилган бўлиши мумкин. Аммо, бу фикрни, табиий адолатда ўзгариш бўлмайди, деган маънода тушунмаслик керак. Чунки табиатда мавжуд

нарсаларда ҳам ўзгаришлар бўлиб туради. Масалан, биз чап қўлимизда жуда кўп машқ қилсак, у ўнг қўлга тенг бўлиб қолиши мумкин. Табиатан, чап қўл — чап қўлдир, ўнг қўл ундан афзалдир. Чап қўлда ҳар қанча машқ қилсак ҳам, барнибир, табиатан ўнг қўл афзалдир. Бундай ўзгариш (машқ) билан ўнг ва чап қўллар табиати ўзгариб қолмайди. (Аммо чап қўлнинг табиати, фаолияти ўзгаради. Мисол учун, Амир Темур ҳар иккала қўли билан қилич чопар экан — М.М.).

Табиатанadolatparvar одам ҳам шундайдир. Мабодо биз шундай одил одам билан (ёмон) муомала қилганимизда, у ўзгарса, ўша одамнинг табиатидаadolatparvarлик йўқ, деган сўз эмас. Табиийadolatparvarлик бор. Кўпчилик ҳолатларда (мушкул ҳолатларда ҳам — М.М.)adolatли бўлган одам табиатанadolatlidir. Биз (қонун чиқарувчилар) бир ҳолатниadolatли деб белгилаб қўйганимиздан сўнг, одам шу ҳолатда бўлса, бу қонуний (яъни, қонунга муовфиқ)adolatдир.

Табиийadolat қонунийadolatдан аълодир. Аммо биз ҳозир фуқаролар жамиятидагиadolatни таҳлил этмоқчимиз, бу эса табиий эмас, балки қонунга муовфиқadolatдир.

Бир қарашдаadolatsizlik (adikon — ноҳақлик) ваadolatciz (adikema — ноҳақ қилмиш) бир нарсага ўхшайди. Аммо бундай эмас. Adolatcizlik — бу, қонунда белгилangan тушунча. Масалан, бирорнинг омонатини қайтариб бермаслик —adolatcizlikdir. Adolatciz қилмиш — зулм эса — кимдир содир қилган ёмонлиқдир. Шунга ўхшаб,adolat (dikaion) ваadolatli ish (dikaiopragema) ҳам тенг эмас:adolat — қонунда белгилangan тушунча,adolatli ish эса —adolatli, ҳақоний ishlар-amallардир.

Adolat қачон мавжуд bўлади ва қачон, қай ҳолатда йўқолади? Умуман айтганда, бир одам бошқа одамга ихтиёрий, яхши ният билан, онгли равишда яхшилик қилса, шуadolatдир. Худди шу тариқа, бир одам бошқага нисбатан ихтиёрий, онгли равишда ноҳақлик, зулм қилса, буadolatcizlikdir. Мабодо, шу иккала ҳолатдан ташқари, ўзи билмаган (англамаган) ҳолда ноҳақ ish қилса, бундай одамadolatни бузувчи, оёқости қилувчи, золим эмас, балки бахтсиз

одамдир. Масалан, биروف душманимни ўлдирияпман деб ўйлаб, билмасдан отасини ўлдириб қўйса, бу — адолатни поймол қилувчи эмас, баҳтсиз одамдир. (Ўзи билмасдан, душман деб ўйлаб, отасини ўлдириб қўйган Эдип шоҳни эсланг — М.М.).

Агар одамзод кимгадир, нима биландир, бирор мақсадиз, билмасдан ноҳақ иш қилиб қўйса, адолатни поймол қилмаслигини, бундай одам адолатсиз эмаслигини қандай аниқлаймиз? Қай ҳолатларда одам ўзи билмаган ҳолда биروفга заарар еткизса ҳам адолатсиз бўлмайди? Буни қуйидагича таърифлаш мумкин: биروف қилган бирор ёмонликнинг сабаби — билмаслик бўлса ва бу ёмонликни одам ўз ихтиёри билан, қасддан қилмаган бўлса — бу киши адолатсиз одам эмас (аммо беихтиёр ноҳақ одамдир — М.М.). Ва агар одам бирор адолатсиз ишни қилсаю, шу ишнинг ёмонлигини билмаса, яъни шуни билмаганига ўзи айбдор бўлса, ҳаққоний равишда бундай одамни ноҳақ ва адолатни поймол қилувчи дейдилар. Масалан, ичкиликбозликни олайлик. Мастилик пайтида ёмонлик қилувчилар — адолатни оёқсти қилувчилардир, чунки булар ёмон иш қилаётганини билмаслиги ўзларининг айби билан (ичкиликбозлиги туфайли)дир. Шу одамлар отасини урадиган даражада кўп ичмаслиги мумкин эдику! Шу ва шунга ўхшаш ҳолатларда билмасдан ноҳақ иш (ёмонлик) қилувчилар шу қилмишнинг ёмонлигини билмаганига ўзлари айбдордирлар.

Агар қилган ёмонлигига ўзлари сабабчи бўлмасалар, бундай одамлар адолатсиз одамлар эмасдир. Масалан, гўдаклар ота, оналарини урадилар, бу қилмишнинг ёмонлигини билмайдилар. Буларнинг билмаслиги табиий ҳолдир. Бу ишнинг ёмонлигини билмаслик болаларнинг айби эмас (уларга тушунтирмаган катталарнинг айбидир). Шу маънода, бундай гўдакларни адолатсиз одамлар деб қораламайдилар.

Энди адолатсизликка (ноҳақликка) чидаш масаласини олайлик. Одам адолатсизликка ўз ихтиёри билан чидаши (ёки йўл қўйиши) мумкинми? Ёки бу нотўғрими? Чиндан ҳам биз ўз ихтиёrimиз билан ҳам адолатли ёки адолатсиз ишлар қиламиз, аммо бизга нисбатан бошқаларнинг адолатсизлик

қилишини истамаймиз (рози бўлмаймиз). Биз ҳатто ҳаққоний жазоланишдан ҳам қочишга уринамиз. Ҳеч ким ўз ихтиёри билан зарар кўришни истамайди. Адолатсизлик ўзгаларга зарар етказишидир.

Аммо бизга (эътироz билдириб) айтадиларки, баъзи одамлар тенг улуш олишга ҳақли бўлса ҳам ўз ихтиёри билан камроқ улуш олишга рози бўладилар. Биз юқорида тенглик — адолат, камситилиш эса — адолатсизлик, деган эдик. Ихтиёрий равишда кам улушга рози бўлувчи одам — адолатсизликни ўз ихтиёри билан танлаган бўлиб чиқади. Аслида, ихтиёрий равишда кам улуш олевчии одамлар бу ишга мақтов, обрў, шон-шуҳрат топиш учун ё дўстлик учун розилик билдирадилар. Аммо кам улуш олиш эвазига ҳеч нарсага (шон-шуҳратга ёки дўстини севинтиришга) эришмайдиган одамлар адолатсизликка ихтиёрий равишда рози бўлмайдилар. Яна: ўз ихтиёри билан кам улуш олишга рози бўлган одамлар «Мен фалончи билан тенг улуш олишим керак эди, аммо ёши улуғроқ (ёки дўстим) бўлгани учун камига рози бўлдим», деб мақтанадилар ва обрў топишни ўйлайдилар. Аммо адолатсизликка чидайдиган одам обрў топмайди. Мабодо, бундай одамлар обрў топишни ўйламасалар, (фойда ёки ҳосилнинг) адолатсиз бўлиннишига рози бўлмас эдилар. Айниқса, ихтиёрий равишда рози бўлмас эдилар.

Мана шу сабабларга зид бўлган бошқа бир сабаб — одамзоднинг тийиқсизлиги, қаноатсизлиги, фойда ёки мол-дунёга ружу қўйишидир. Ҳудди шу қанотсизлиги, очкўзлиги туфайли одам ўзига ҳам (бошқаларга ҳам) зулм қиласди ва ўз ихтиёри билан зулм қиласди. Охир-оқибатда ўз ихтиёри билан ўзига адолатсизлик қиласди (бошқаларга ҳам — М.М.). Аммо маълум меъёрга, чекланишига риоя қилинса, бу сабабга ўрин қолмайди. Бундай меъёр, чекланиш адолатсизликни хоҳламасликдир. Тийиқсиз, очкўз одам эса жон-дили билан очкўзлик қиласди ва шу туфайли ўзига нисбатан ҳам адолатсизлик қиласди (Арастунинг бу фикрлари Қуръон ва ҳадисларга ҳамоҳангдир — М.М.) Демак, у ўзига-ўзи ёмонлик тилайди. Аммо ҳеч ким ўзига адолатсизликни тиламайди. Демак, очкўз одам ҳам ўзига адолатсизлик қилинишини хоҳламайди.

Аммо одам наҳотки ўзига-ўзи адолатсизлик қилса? — деган савол туғилиши мумкин. Агар масалага очкүз, тийиксиз одам нұқтаи назаридан қаралса — мумкин экан.

Яна қүйидаги сабабга күра одам ўзига-ўзи адолатсизлик қилиши мумкин: Қонунда тайинланған (мумкин дейилганды) хатты-харакатлар адолатли бўлса, ана шу қонуний ишларни қилмаган (яъни қонунсиз ишлар қилган) одам қонун ҳимоясидаги одамга нисбатан адолатсизлик қиласди.

Бироқ, қонун (бошқа вазифаларидан ташқари, яна) оқилона иш тутишни (керагича мол-мулк сотиб олишни, ўз вужудини соғлом сақлаш учун керагича ейиш-ичишни) тақозо қиласди. Мана шу талабларга амал қилмаган одам ўзига нисбатан адолатсизлик қилган бўлади. Бу ҳолатда адолатсизлик фақат шу одамнинг ўзига бўлади. Аммо шу маънода ўзига адолатсизлик қиласдиган одам кам топилади.

Аслида бир одамнинг ўзи айни вақтда (керагидан) кўпроқ ёки камроқ олиши, ҳам ихтиёрий, ҳам мажбурий иш тутиши мумкин эмас. Аммо адолатсиз (ноҳақ)лик қилувчи одам (ўзига тегишилсига нисбатан) кўпроқ олади, адолатсизликка чидайдиган (ёки ўзига бепарво, лоқайд) одам камроқ олади. Шу одам ўзига нисбатан адолатсизлик қилгани учун кўпроқ олиши мумкин (у ўзига эмас, бошқаларга адолатсизлик қиласди — М.М.). Демак, ҳеч бир инсон ўзига нисбатан адолатсизлик қилинишини истамайди.

Яна шуниси борки, адолатсизлик қилаётган одам ўз ихтиёри билан шундай қиласди. Адолатсизлик жабрини тортган одам эса ўз ихтиёри билан тортмайди. Одамлар яхши ниятда жабр чекиши ҳам, мажбуран жабр чекиши ҳам мумкин. Аммо бир вақтнинг ўзида одам ҳам яхши ниятда, ҳам мажбуран жабр чекиши, яъни ўзига адолатсизлик қилиши мумкин эмас.

Ва яна: адолатсиз ишларни алоҳида-алоҳида кўриб чиқсак, маълум бўладики, адолатсиз иш тутаётганлар ё бирорнинг омонатини қайтармайди, бузуқчилик, ўғрилик, ё бошқа ноҳақ ишларни қиласди. Аммо (назарий жиҳатдан олганда) ҳеч ким бирорвга бериб турган омонатидан ўзи воз кечмайди, ўз хотинига кўз олайтирмайди ва ўз мол-мулкини ўзи ўғирламайди. Шу маънодаги адолатсиз ишларни ҳеч ким

ўзига нисбатан құлмайды. Лекин агар кимдир ўзига нисбатан шу маңнода адолатсизлик қылса, бу ижтимоий руҳдаги эмас, балки «хонаки» адолатсизликдир. Юқорида айтгани миздек, инсон күнгли бир неча қисмлардан иборат бўлгани, кўнгилнинг яхши жиҳатлари ҳам, ёмон жиҳатлари ҳам бўлгани учун ўзига нисбатан адолатсизликни кўнгилнинг бир қисмининг бошқа қисмига адолатсизлиги деб тушунмоқ керак. (Шарқона, тасаввуфий ахлоқда авлиёлар, сўфиylар, дарвешлар «ўз нафсингизга зулм қилинг» деб беҳуда айтмайдилар — М.М.). Мана шу «хонаки» (ёки шахсий) адолатсизлик кўнгилнинг яхши ва ёмон қисмлари ўртасида юз бериши мумкин.

Аммо биз бу ерда шахсий эмас, балки ижтимоий, фуқароларга нисбатан адолатсизликни таҳлил этмоқдамиз. Биз кўриб чиқаётган адолатсизликлар соҳасида ҳеч ким ўзига нисбатан адолатсизлик құлмайды.

Яна шундай масала туғилади: икки тарафдан қайси бири адолатсизлик құлмоқда? Ва адолатсизлик қайси манбадан келиб чиқмоқда? Адолатсиз равишда бирор бойликни олган одамми ёки шундай ҳукм чиқарган одам адолатсизлик құлмоқдами? (Масалан, спорт мусобақаларида). Мусобақа ҳайъати раисидан ёки ҳакамидан ғолиблик япроғини (муносиб бўлмаса ҳам) олган одам ноҳақми? Ёки шундай ҳукм чиқарган одамми? Бу ерда ғолиблик япроғини олган одам ноҳақ эмас, балки нотўғри ҳукм чиқариб, дафна япроғини берган одам ноҳақдир (шарқона, исломий ахлоқда, нотўғри ҳукм чиқарган ҳакам ҳам, ғолиблик япроғини олишга номуносиб бўлатуриб олган одам ҳам ноҳақдир — М.М.). Аммо ҳукм чиқарган ҳакам бир жиҳатдан ноҳақ, бир жиҳатдан ҳақли эканини ажратолмагани учун адолатсиздир. Аммо ўзига қай тараф ғолиб кўринса, ўшани ғолиб деб топгани учун адолатсиз эмас (Бу фикр мунозаралидир — М.М.).

34. Фазл, фазилат нима, у нималардан иборат, қайси соҳаларга қарашли эканлиги ҳақида юқорида гапирдик. Ҳар бир фазилатни кўриб чиққанда айтдикки, ҳар соҳада тўғри ўйлаб, ақлга ⁷⁹ мувофиқ иш тутиш, энг яхши йўлни танлаш фазилатдир. Аммо бу фикр ҳали мукаммал эмас. Бу билан

биз гүё «одамни соғлом қилувчи воситаларни қўлланишда энг яхшиси соғлом яшаши ният қилишдир, дегандек бўламиз. Бу фикрда ҳали равшанлик (asaphes) йўқ. Мендан: «Қайси воситалар билан одам соглом яшаши мумкин?» — деб сўрайдилар. Шундай экан, ўйлаш, тафаккур қилишининг ўзи нима, қай йўсинда тафаккур қилиш тўғри бўлади? — деган масалани аниқлаб олиш зарур.

Аввало, ақл — дил, кўнгилнинг қайси соҳасига қарашли эканлигини аниқлаб олайлик. Юқорида биз умумий тарзда айтган эдикки, кўнгилда ақлга эга қисм (logon ekon) ҳам, ақлга муҳтоҷ эмас қисм (alogon) ҳам бор. Кўнгилнинг ақлий тафаккур қилувчи қисми иккига бўланади: маслаҳат берувчи қисм (boyleytikon) ва билимга эга қисми (epistemonikon). Қайси соҳага оид эканлиги булар ўртасида тафовут борлигини билдириб турибди.

Мавжудотларнинг ранги, мазаси, товуши, ҳиди фарқли бўлганидек, бизнинг табиатимизга ато қилинган сезги, ҳиссият аъзоларимиз ҳам турличадир: биз товушни — тинглаш билан, мазани — тил билан, рангни — кўз билан фарқлаймиз. Кўнгилдаги турли қисмлар ҳам шунга ўхшаб фарқланади, биз кўнгилнинг турли қисмлари орқали турли нарсаларни ҳис этамиш ёки билиб оламиз. Фикрланувчи нарсалар бошқа, ҳис этилувчи нарсалар бошқадир. Кўнгилдаги бир қисмнинг ўзи ҳам фикрловчи, ҳам ҳис этувчи эмасдир. Кўнгилнинг маслаҳат қилувчи, яъни танловчи қисми (proaigetikon) ҳиссий нарсаларга, доимий ҳаракатдаги нарсаларга ва умуман, пайдо бўлувчи ва йўқолувчи нарсаларга эътибор беради.

Биз чиндан ҳам бирор амални (яхши ёки ёмон амални) танлашда кўнглимиз маслаҳатига қараймиз, шу ишларни қилиш ё қилмасликни кўнгилда муҳокама қиласмиз ва танлаймиз. Ҳиссий (идрок этилувчи) ва доимо ўзгариб турувчи нарсаларни шу йўсинда танлаймиз. Хуллас, шу мулоҳазага кўра, кўнгилнинг танловчи қисми ҳиссий идрокка алоқадордир.⁸⁰

Мана шу фарқларни аниқлаганимиздан сўнг ҳақиқат қайтарзда аниқланишини кўриб чиқамиз. Модомики, ҳақиқатни аниқлаш учун билим, оқиллик, илми ҳикмат, тасаввурга

мурожаат қилиар эканмиз, буларнинг ҳар бири нимага оид-лигини кўриб чиқайлик... Билим (*episteme*) далиллаш ва фикр-мулоҳаза орқали билинадиган нарсалардир; оқиллик фаолият соҳасига, бирор (яхши ёки ёмон) хатти-ҳаракатни қилиш ёки қилмасликни ихтиёrimiz билан танлашга алоқадордир. Нарсаларни вужудга келтиришда биз (ақлий) меҳнат қиласиз, ниятни бажаришда эса фаоллик кўрсатамиз; булар бир хил эмас.⁸¹ Нарсаларни ижод қилганимизда бирор мақсад билан ишлаймиз. Масалан, меъморлик санъатини олайлик. Бу ерда уйларни қуришдан мақсад — уйга эга бўлиш; фақат қуришнинг ўзи мақсад эмас. Дурадгорлик ва бошқа шу каби касблар ҳам шундай.

Мусиқада эса мақсад ижро этишнинг ўзидир. Масалан, кифара (чилтор)да куй чалишдан мақсад шу куйни чалишдир. Бунда бошқа мақсад кўзда тутилмайди. Оқиллик эса ҳам бунёдкорлик, ҳам ижрочиликка тегишилдир. Маҳорат эса — меҳнатда ва ясалган буюмда кўринади. Ихтиорчилик, зукколик кўпинча ижро қилинадиган соҳадан кўра, бунёдкорликда кўринади. (Аслида, куй ижро этишда ҳам зукколик керак — М.М.). Шунинг учун эътироф этамизки, танланиши ва бажарилиши ўзимизга боғлиқ бўлган нарсаларни, (кўпчиликка) фойда келтирувчи иш, амалларни танлаш ва бажаришда оқиллик керак бўлади.

Шунинг учун оқиллик билим эмас, фазилатдир. Оқилларни шу фазилати учун мақтайдилар. Яна: ҳар қандай билимнинг энг юқори даражаси бор, оқилликнинг эса юқори даражаси йўқ, чунки оқилликнинг ўзи маълум маънода, ҳар ҳолда юқори даражадир.

Фаол ақл (*noys* — нуйс) азалий мавжуд нарсаларнинг бошланғич асосларини ўрганади. Билим мудаллал (исботланувчи) нарсаларни билдиради. Бошланғич асос (дастлабки тушунча)лар эса (ҳали) исботланмаган, шунинг учун улар билим эмас. Ақл эса бошланғич асосларни излайди. Ҳикмат (донишмандлик — *sophia* — софия) билимлар ва ақл (уйғунлиги)дан иборат. Чунки ҳикмат бошланғич асосларни ҳам, улардан ҳосил бўлувчи нарсаларни ҳам ва билим берувчи нарсаларни ҳам қамраб олади. Шу маънода ҳикмат бошланғич асосларни очишда ақлга, бошланғич асос-

лардан кейин келувчи исботланувчи нарсаларни очища билимга сұнади. Демак, равшан бўлдики, ҳикмат ақл ва билимдан иборат, чунки у ақл ва билимлар қалитидир.

Фараз (hypolepsis — хиполепсис) — барча мавжудотларнинг (сифатлари) ҳақида ўйлаётганимизда, шу нарса шундайми ё бошқачами? — деб тасаввур қилиш қобилиятидир.

Ақллилик (оқиллик) ва донолик бир хилми ё бошқа-бошқа ҳодисаларми? Донолик исботлаш мумкин бўлган ва ўзгармас нарсаларни англашдир. Ақл эса, буларнигина эмас, ўзгарувчи нарсаларни ҳам англайди. Масалан, тўғри нарсалар тўғри, эгрилар — эгри ва ҳоказо, сифатларини ўзgartирмайди. Фойдали нарсалар эса нисбийдир, бугун фойдали, эргага фойдасиз; бирорга фойдали нарса, бошқага фойдасиз (дори) бўлиши мумкин. Фойдали нарсаларни билишда оқиллик асқотади. Бунинг учун доно бўлиш шарт эмас. Демак, донолик оқиллик билан тенг эмас экан.

Донолик — фазилатми ё йўқми? Донолик — фазилат эканини оқиллик билан билиш мумкин. Чиндан ҳам оқиллик кўнгилнинг ақлли қисмига хос фазилатдир. Оқиллик майдароқ нарсаларга эътибор бергани учун доноликдан паст туради. (Масалан, ақлли одам шу кунларда яхши яшашига интилади, доно одам эса охиратдаги баҳт-саодатни ҳам ўйлайди — М.М.) Оқиллик — фақат ҳозирги вақтда инсон учун фойдали нарсаларга, донолик — мангу ва илоҳий нарсаларга эътибор беради. Қуйи мавқедаги оқиллик — фазилат экан, олий мавқедаги донолик ҳам фазилат экани равшандир.

Зукколик, закийлик (synesis — синесис) нима? Зукколик ҳам оқиллик қаби хатти-ҳаракат ва қилмишларда кўринади. Зукко одам (ҳар қандай қийин вазиятларда) аниқ фикрлаб, вазиятни тушуниб, тўғри йўл топа олади. Фақат, зукколик майда нарсаларга муносабатда кўринади. Зукколик ва зукко одам оқиллик ва оқил одамнинг бир жиҳатидир. Зукколикни оқилликдан ажратиш мумкин эмас.

Топқирлик (deinotes — дейнотис) ҳам шунга ўхшашибдир. Оқил одам топқир ҳам бўлади, топқирлик ҳар ҳолда оқилликнинг қўшимча сифати. Лекин ёмон одамлар ҳам топқир бўладилар. Масалан, Ментор топқир эди, аммо оқил эмас

эди. Оқил одам доимо энг яхши йўлни топишга ва доимо унга амал қилишга интилади. Топқир одам эса ҳар қандай ишни бажариш учун қандайдир фойдали воситани ўйлаб топади. Демак, топқир одам кичикроқ, майдароқ ишларда ўзини кўрсата олади.

Биз хулқ-автор, шунга алоқадор сиёsat ҳақида сўз очиб, нима учун доноликни тилга олаётганимиздан кимлардир ажабланиши мумкин. Модомики, донолик — фазилат экан, биз кўриб чиқаётган масалага (яъни, фозил одамлар ахлоқига) албатта, алоқаси бор-да. Ва яна: файласуф ўзи кўриб чиқаётган масалага алоқадор нарсаларнинг барчасини йўл-йўлакай таҳлил қилиб бораверади. Кўнгилда нималар борлигини айтиётган эканмиз, жумладан, ҳикмат — донолик ҳам кўнгилга бегона эмас-да.

Топқирлик оқилликка қандай нисбатда бўлса, ҳар бир фазилат ҳам табиий хислат сифатида баркамол фазилат ҳолига шундай нисбатдадир. Ҳар бир инсон табиатида қандайдир фазилат бор, дейман. Ҳар бир инсон кўп ўйлаб ўтирумай, дадил ва адолатли бирор ишни қилишга интилади. Ҳар қандай фазилат эгасида шу хислат топилади.

Бундан ташқари, одат бўлиб қолган фазилатлар ва шахсий истакка боғлиқ фазилатлар ҳам бор. Ақл-идрок билан қўшилган фазилатлар мукаммал ва мақтовга лойиқдир. Табиий фазилатли инсон (бирор яхши ишни қилайми, қилмайми деб) мулоҳаза қилиб ўтирумайди. Аммо фазилат билан мулоҳаза ва танлов (истак) ҳам қўшилса, у мукаммал фазилатдир. Шу маънода фазилатга табиий майл, интилиш оқилона фазилатга йўл очади ва шу пайтда фазилат оқилликдан айрилмаган бўлади.

Лекин агар, инсонда фазилатга табиий мойиллик, интилиш бўлмаса, мулоҳаза ва ихтиёрий танлов баркамол фазилат ҳолатига етиштирмайди. Шу маънода Суқрот⁸² мулоҳаза-закорликни — фазилат деганда ҳақли эмас эди. Суқрот фикрича, инсон (фазилат нима эканлигини) билмай ва шу йўлни ақли билан танламай туриб, жасорат ва адолат кўрсатганидан фойда йўқдир. Шунга асосланиб, Суқрот фазилатни — мулоҳаза-закорлик дейиши тўғри эмас эди. Ҳозирги (файласуф)лар яхшироқ ҳукм-хулосага келганлар: фазилат,

— дейди улар, — түфри фикрлаш асосида гўзал, солиҳ ишлар қилишдир (*Kata ton orthon logon*).

Аммо буларнинг фикри ҳам түфри эмас. Чунки одам ихтиёрий танловсиз, гўзаллик нималигини билмай туриб ҳам фикр-мулоҳазасиз, фақат майл, интилиш туфайли ажойиб ишлар қилиши мумкин. Ва унинг шу яхши иши түфри ва ақлга мувофиқ бўлиши мумкин. Аммо бундай (тасодифий) яхшилик ҳам мақтовга лойиқ (мукаммал) эмас. Бундан кўра, «мулоҳаза билан (онгли равишда) гўзалликка интилиш яхшироқдир. Шундай интилиш фазилатdir ва у мақтовга лойиқдир.

Оқиллик ҳам фазилатми, йўқми? — деган савол туғилиши мумкин. Ҳа, оқиллик — фазилат, чунки адолат, жасурлик (мардлик) ва бошқа фазилатлар ажойиб ишларга, яхшиликларга йўл очгани учун мақтовга лойиқ бўлгани каби, оқиллик ҳам жасурлик каби яхшиликларни келтириб чиқаргани учун фазилат санаалмоғи керак. Оқилона жасурлик фазилат экан, оқилликнинг ўзи ҳам фазилатdir.

Оқиллик амалий фаолият (*praktike*)ми, йўқми, буни меъморлик санъати мисолида билиш мумкин. Юқорида айтганимиздек, меъморликда (асосан) икки киши — меъмор (архитектор) ва уй қурувчи фаолият кўрсатади. Меъмор ҳам, уй қурувчи ҳам бунёдкор, амалиёт одамлариdir. Бунёдкорлик фаолиятининг бошқа соҳаларида ҳам шундай. Барчасида лойиҳачи меъмор ва бажарувчи — бинокор қатнашади. Уй қурилиши раҳбари — архитектор ва бинокор — иккаласи бино ижодкорлариdir.

Шунга ўхшаб, бошқа фазилатлар, жумладан, оқиллик ҳам яхшилик ижодкоридир. Барча фазилатлар яхшиликни бунёд этадилар. Шулар орасида оқиллик меъмор каби, инсонни барча яхши ишларга ундейди. Шу маънода оқиллик ҳам бунёдкор, фаол фазилатdir.

Энди яна бир масалани ҳал қиласлик: оқиллик кўнгилнинг барча қисмларига етакчилик қиласими? Бир қарашда етакчилик қилгандай кўринади. Лекин оқиллик олий фазилатларга етакчилик қилолмайди. Масалан, оқиллик донолик (донишмандлик) фазилатидан баланд эмас. Аммо, уламолар айтадики, оқиллик уй бекаси каби, барча ишларга

бош-қошлиқ қиласи.⁸³ Аслида, оқилликни уй бошқарувчи-
га ўхшатиш мумкин. У, хонадонда барча ишларга нозирлик
қиласи, аммо барча хизматчиларнинг хожаси эмас. У, уй
хожаси тинчлик, осойишталиқда ором олсин учун хожага
гўзал ва яхши ишларида ҳеч ким халал бермасин, деб, рўзгор-
нинг барча ташвишларини ўз зиммасига олади. Шунга
ўхшаш, донолик кўнгилда хожа бўлса, оқиллик уй бошқа-
рувчисидир. Оқиллик турли-туман эҳтирослар, ҳою ҳавас-
ларни жиловлаб, инсофга чақириб, доноликка яхши ният-
ларни амалга ошириш учун шароит яратиб беради.

(Изоҳ: Шарқ фалсафасининг буюк мутафаккири Муҳам-
мад Зайниддин Газзолий ҳам «Кимиёи саодат» асарида Дил-
ни — подшоҳ, Ақлни — вазир деб таърифлайди. У инсон
вужудини бир шаҳарга ўхшатади: «Ва Дил — бу шаҳарнинг
подшоҳи. Ва Ақл бу шаҳар подшоҳининг вазиридир. Бу
подшоҳнинг мазкур бўлғонлар (қўллар, оёқ, бошқа аъзо-
лар, шаҳват ва ғазаб...)га ҳожати бордур. Токи мамлакат
иши булар бирла саранжом бўлғай... Вақтики, подшоҳ Дил,
вазир Ақлнинг машварати (маслаҳати) бирла иш қилса, Шаҳ-
ват ва ғазабни вазир Ақлнинг зердасти ва фармонида қилса,
бадан мамлакати анинг низомида (тартиботида) бўлғуси-
дур. Ва агар вазир Ақлни Шаҳват ва Ғазаб ўз илкида
(қўлида) асир қилса, бадан мамлакати вайрон бўлиб, под-
шоҳ Дил ҳам асир бўлиб, бадбаҳт ва ҳалок бўлғусидур» («Ки-
миёи саодат», «Камалак», 13-бет).

ИККИНЧИ КИТОБ

1. Шундан сўнг, ҳалоллик (еріеікеіа — эпиэйкейа) нима, унинг мазмуни ва нимага алоқадорлигини кўриб чиқамиз. Ҳалол одам шундайки, у қонуний олиши мумкин бўлган неъматлардан озроғини олишга розидир. Шундай нарсалар борки, қонун чиқарувчи (ҳукумат ёки Олий Кенгаш) неъматларнинг тегишли миқдорини аниқ белгиламай, «Шу нарса берилади», деб умумий қилиб айтган бўлади. Қонун чиқарувчи (миқдорини) аниқ белгиләёлмаган нарсаларни олишда озроғига рози бўлган одам қаноатлидир. Аммо бу — ўзининг қонуний ҳақидан воз кечиш, деган сўз эмас. У, табиий ва ҳақиқий неъматларни олишда ўзини камситмайди, у фикрат қонун (миқдорини) аниқ белгилашни унуглан нарсаларни олишдагина озига қаноат қиласди.

2. *Онглилик ва онгли одам* (eugnomon — эйгномон) ҳам ҳалоллик каби, қонунда белгилаш унугланадолатли ишамалларга алоқадор. Онгли одам қонун чиқарувчи нимани тушириб қолдирганини, қонунда белгиланмаган бўлса ҳам бу иш, хатти-ҳаракат адолатли эканини яхши тушунган кишидир. Ҳалол бўлмаган одам онгли бўлолмайди. Мана шундай фикрловчи ва шунга амал қилувчи киши ҳалол одамдир.

3. Ўйлаб иш қилиш, *вазминлик* (eyboylia — эйболия) оқилликка алоқадор. Яъни, бирор ишни бажариш яхшиими, ёмонми, шуни танловчи ёки (ёмон деб билса) воз кечувчи одам вазмин одамдир. Оқилликсиз вазминлик бўлмайди.

Вазминлик инсон хатти-ҳаракатида энг яхши ва фойдали йўлни топиш учун яхшилаб ўйлаб кўришдир. Мабодо кимнингдир иши ўнгидан келаверса, вазминлиги, ўйлаб иш тутгани учун эмас, омади келгани учундир. Омад эса яхши ўйлаб иш қилишдан кўра тасодифларга боғлиқдир. Омадда синаб кўриш бору, оқиллик йўқ.

(За. Тенг кўриши). Ҳар қандай одам бошқа одамлар билан муомала қилаётганида ўшаларга ўзини тенг тутиши адолатлими, йўқми? Шу маънода лаганбардор ва хушомадгўй одамлар (барча ўзидан катталарага) бир хил тилёғламачилик қиласдилар. Фақат адолатли ва ориятли одамгина ҳар кимга иззатига яраша муомала қиласди.

(3в) *Адолат ва оқиғалык алоқадорлыгы.* (Биз бу рақамлар ва кичик сарлавҳаларни асар мазмунига кўра ажратиб қўйдик — М.М.) Яна бир масалани аниқлашда қийинчиллик туғилади: Адолатсиз иш қилувчи одам бирорвга қандай қилиб ва нима учун ноҳақ иш қилаётганлигини тушуниб, онгли равишда ноҳақ иш қилиб, зарар еткизади. Ноҳақ ишни билib қилувчи одам нима яхши-ю, нима ёмонлигини билади, буларни билиш эса оқиғалыкка ва оқиғалык одамга алоқадордир. Чиндан ҳам бу ерда мантиқсизлик, бемаънилик бор: наҳотки ноҳақ, адолатсиз одамда энг улуғ неъматлардан бири — оқиғалык фазилати бўлса?

Ёки тўғриси, ноҳақ одамда оқиғалык хислати бўлмас? Аслида ноҳақ иш қилувчи одам ўзи учун нима яхшилик келтиради-ю, нима ёмонлик келтиради — билмайди, фарқига етмайди. Оқиғалык одам эса бундай нарсаларни яхши тушуниши керак. Бу нарса тиббиёт илмидаги ҳолатга ўхшайди: биз гиёҳлар, ўсимликлардан қайси бири шифобахш, саломатлик учун фойдали эканлигини биламиз; итузумнинг сурги хусусияти борлигини, қон чиқариш ва куйдириш шифо беришини биламиз. Аммо бизда тиббий билимлар йўқ, қайси гиёҳ қандай одамга ва қандай ҳолатда ичирилса фойдали эканлигини табиблар — врачлардек билмаймиз. Худди шуларни билиш табобат илмининг ишидир.

Биз шифобахш ўсимликлар умуман фойдали эканини биламиз, холос. Шунга ўхшаб, адолатсиз, ноҳақ иш қилувчи одам ҳам — раҳбарлик, бошлиқлик, ҳокимият неъмат эканлигини умумий тарзда билади, аммо амал-мансаб, қайси ҳолатларда, қайси шароитда ўзи учун фойдали эканлигини билмайди. Буларни билиш эса оқиғалыкдир. *Бинобарин, адолатсиз, ноҳақ одамда оқиғалык фазилати йўқдир. Ноҳақ одам қўлидаги воситалар: бойлик ва ҳокимият ўз-ўзича неъматдир, аммо ноҳақ одам учун неъмат эмасдир, чунки ундан одам бойлик ва ҳокимиятга эга бўлволиб, ўзига ҳам, дўстларига (тўғриси, дўстларига эмас, фуқароларга — М.М.) ҳам зарар еткизади, ҳокимиятдан тўғри фойдаланишини билмайди.*

(3 с. Ёмон одамга нисбатан адолатсизлик) Шундай қилиш мумкинми? Ё мумкин эмасми? Бу масала ҳам (кўпчиликни) ўйлантиради. Агар адолатсизлик бирорвга зарар етказиш, уни

қандайдыр неъматлардан маҳрам қилиш бўлса, аҳмоқ одамга адолатсизлик қилиш (унга) заарар етказмайди. Бойлик ва ҳокимиятдан ёмон (нопок) одам тўғри фойдаланишни билмагани (халқни эмас, фақат ўзини ўйлагани) учун, бу неъматлар унга заарарлидир. Модомики, шу неъматларга эга бўлиш ёмон одамга (охирати учун) заарарли экан, уни шу нарсалардан маҳрум қилиш адолатсизлик эмасдир.

Оломон учун бу зиддиятли фикр бўлиб кўринади: барча одамлар (тўғриси, барчани эмас. кўпчилик одамлар) ҳокимият, бойлик, куч-қудратдан (тўғри) фойдаланамиз, деб ишонадилар. Қонун чиқарувчilar тажрибасига кўра, бу фикр нотўғридир. Қонун чиқарувчи (ҳукумат) ҳар қандай одамга бойлик ва ҳокимиятни беравермайди: ҳокимият тенасига келувчilar фалон ёшга етган, ўзига тўқ (яъни, назари тўқ) одамлар бўлиши керак: чунки, ҳамма ҳам бошлиқ, раҳбар бўла олмайди. Мабодо кимдир менга ҳокимият бермадинглар, деб норозилик билдирса, унга айтиш мумкинки: эй, биродар. сенинг кўнглингда раҳбарга хос фазилатлар йўқ.

Биз яна биламизки, ўзига ёққан нарсаларнинг барчаси ҳам бемор вужудини соғайтиравермайди. Аммо ким ўз вужудини соғайтиришни истаса, парҳезни сақлаб, (қайноқ, доғ) сув ичиши, камроқ овқат ейиши керак. Кўнгли носоғлом (бемор) одамлар учун ҳам бойлик ва ҳокимият каби-лардан чекланиб туриш фойдалидир. Бунинг устига, инсон баданига нисбатан, кўнгли тез ўзгарувчан, енгилроқдир. *Бадани бемор одамга парҳез фойдали бўлгани каби, кўнгли носоғлом (нопок) одамга ҳам бойлик ва қадрият каби неъматлардан сақланиб туриш фойдалидир.*

(3d) Мана бу ҳам ишқал, қийин масала: Инсон бир вақтнинг ўзида ҳам жасоратли, ҳам адолатли иш қилиши мумкинми? (Орадан 2400 йил ўтгач, ҳозир бу масала, бизнингча қийин бўлмай қолган. Чунки, ҳозирги жавоб оддий: гоҳо бошлиқ ман этганига қарамай, адолатли фикрни айтиш, адолатли иш қилишининг ўзи жасоратни талаб қиласди. Арасту бу масаланинг нозик тарафига эътибор беради, албатта — М.М.) Биз аввалроқ айтган эдикки, табиий фазилатларга амал қилишда гўзал иш қилишга интилиш бору, оқилона

асос йўқ. Инсон яхшилик йўлини ақли ва қўнглиниң мулоҳаза қилувчи қисми ёрдамида танлайди. Бу ҳолатдаги инсонда танлаш қобилияти ҳам, оқилоналик билан йўғрилган, мукаммал фазилат ҳам, гўзаликка табиий интилиш ҳам бор. (Астида) бир фазилат (ақл) бошқа фазилатга қаршилик қилмайди, балки ақл кўрсатган йўлдан юради. Ақл эса энг яхши йўлни танлайди. Оқилликсиз бошқа фазилатлар бўлмайди, оқиллик ҳам бошқа фазилатларсиз мукаммал бўлмайди. Барча фазилатлар оқилликка ҳамроҳ бўлиб, ўзаро ҳамкорлик (synergoysi — синергейс) қиласидар. (Исломий ахлоқда ҳам худди шундай: иймони кучли одамда виждон, адолат, меҳр-шафқат, уят-андиша, камтарлик каби фазилатлар бирга бўлади. Худони танимайдиган, ундан қўрқмайдиган одам — оловдан қўрқмай, унга қўл чўзадиган ақлсиз гўдакка ўхшайди, иймонсиз одам барча жиноятларга қўл ураверади: бироннинг ҳақидан қўрқмай, порахўрлик қиласиди, қарз берса, фойда (фойиз) олади, омонатга хиёнат, муҳтожларга жабр-зулм қиласиди. Исломда виждон, имон (ақл ва қалбдаги имон) барча фазилатларнинг пойдеворидир — М.М.).

(Зе) Мана бу ҳам мушкул масала: фазилатлар инсон вужудига алоқадор ва вужуддан ташқаридаги бошқа неъматларга ўхшашми ё бошқачами? Жавоб: Одамнинг вужудидан ташқари неъматлар жуда кўпайиб кетса (масалан, мол-дунё. бойлик, давлат) одамларни бузади. Бойлиги ошиб кетган одам калондимоғ, такаббур, ёқимсиз бўлиб қолади. Давлат, мансаб, обрў, гўзалик ва улуғворлик кўпайса ҳам одамлар бузилади. Энди бу (қоида) фазилатларга тўғри келармикин? Фазилатлар (масалан, одиллик ва жасурлик)нинг кўплиги одамларни бузармикин ва ё бузмасмикин? Албатта, бузмайди. Аммо, шуниси борки, фазилат одамга иззат-ҳурмат келтиради, иззат-ҳурмати ошиб кетган одам бузилмайдими?

Фозил одамларнинг вазифалари жуда кўп бўлса-да, энг муҳими, иззат-ҳурмат ва шу каби неъматлардан тўғри фойдаланишни билиши зарур. Муносиб одам (яхши инсон) ўзига кўрсатилган иззат-ҳурматдан; амал-мансибидан агар тўғри фойдаланмаса, қадрсиз бўлиб қолади. Яхши одамни (чин инсонни) иззат-ҳурмат, обрўйи ошиб кетиши, амал-манса-

биди ўсиши ҳам бузолмайди. Демак, чин инсонларни фазилатлар бузмайди (балки халқ орасида обрўйини янада оширади — М.М.).

Умуман олганда, биз аввал айтганимиздек, фазилат мөъёрини сақлашдадир. Фазилат қанчалар юқори бўлса, унинг мөъёри яна ҳам ўрталиқдадир. Шу маънода фазилатларнинг кўпайиши одамни бузмайди, балки янада баркамол қиласди. Мөъёр, мўътадиллик (эътидол) деб, эҳтиросларнинг заифлиги ва ошиб-тошиб кетишининг ўртасини айтган эдик. Бу ҳақда айтганларимиз кифоядир.

4. Энди янги мавзуга ўтамиш. Сабр-қаноат (ўзни тийиш) ва тийиқсизлик (очкўзлик) ҳақида сўзлаймиз. Бу фазилат (сабр-қаноат) ва бу иллат (очкўзлик) ғалатидир ва шу сабабли бу ҳақдаги фикрларимиз ҳам ўзига хос(atopoī), гаройибдир. Сабр-қаноат бошқа фазилатларга ўхшамайди. Бошқа фазилатлардан ақлни олайлик. Ақл ва (яхши)⁸⁴ ҳиссиёт бир-бирига яқин, булар ўртасида зиддият йўқ. Сабр-қаноат бобида эса ақл ва ҳиссиёт бир-бирига қаршилик кўрсатади (Масалан, ҳиссиёт бойликка, лаззатга интилади, сабр-қаноат бу ҳиссиётга қаршилик кўрсатиб, уни жиловлади — М.М.)

Кўнгилдаги уч хислат учун бизни ёмон одам (ёки кучлироқ айтилса, одам эмас) дейдилар. Шулардан бири — нопоклик (kakias) иккинчиси — очкўзлик, тийиқсизлик (akrasias), учинчиси — ҳайвонлик (theriotes)дир. Ҳалоллик ва нопоклик (бировлар ҳақига хиёнат қилиш) ҳақида юқорида айтиб ўтдик. Энди ҳайвонлик ва очкўзлик нималигини кўриб чиқайлик.

5. Ҳайвонлик (theriotes — зериотес) — ўтакетган нопоклик (kakias)дир. Мутлақо нопок одамни кўрсан, бу одам эмас, ҳайвон деб, шундай иллатга нафратимизни билдирамиз. Бунга қарши бўлган фазилатнинг исми ҳам йўқ — бундай фазилат инсонда ҳам кам учрайди, буни қаҳрамонлик ёхуд илоҳийлик, деймиз. (Зайниддин Муҳаммад Фаззолий «Кимиёи саодат» асарида бу фазилатни аниқ қилиб, фаришталарнинг сифати, баъзи гўзал фазилатли одамлар фаришталарга яқиндир, деб таърифлайди — М.М.). Бу фазилат номиздигининг сабаби шуки, Худо инсонлардаги фазилатлар

билан таърифланмайди. Унинг барчадан юксаклиги (одамларга хос) фазилатлари учун эмасдир. Шу туфайли, (фаришталик)нинг зидди бўлган хислатларни — одамга хос эмас, ҳайвонлик, деб атаймиз. Ҳайвонлик инсонга хос бўлмаганидек, бунинг зидди (фаришталик) ҳам одамга хос эмасдир. (Арастунинг бу фикрлари ҳали Исо-Масиҳ диний таълимоти вужудга келмаган, Юнонистонда «кўихудолик» — мушриклик ҳукм сурган замонларда айтилаётганини эсда тутайлик. Кейинчалик, ҳақ динлар бўлган масиҳийлик ва ислом — ахлоқий таълимотларида Худои таолонинг гўзаллик, одиллик, раҳмдиллик, фаффорлик — кечирувчилик, жабборлик — тузатиб, созловчилик, сатторлик (баъзи кичик гуноҳларни парда билан ёпувчилик), қаҳҳорлик (кatta гуноҳ қилувчиларга қаҳҳор-ғазаб билан жазо берувчилик) каби фазилат ва сифатлари инсонларга ҳам бўлиб берилганини эътироф этилади. Бу сифатларнинг энг мукаммаллари, Камоли Мутлоқ — Ҳақ таолодадир, деб тушунилади — М.М.).

6. Очкўзлик, тийиқсизлик (*akrasias*) ва сабр-қаноат (*egkreatias*) ҳақидаги фикрларимизни чигал, равшан ва маълум ҳақиқатларга зид нарсаларни, мушкулликларни кўриб чиқищдан бошлаймиз. Чунки, шу йўлдан борганимизда иложи борича, бу нарсалар ҳақиқатини билишга интиламиз. Ёши улуг Суқрот тийиқсизлик, юҳоликни йўқ деб ўйлади. Унинг фикрича, ҳеч ким ёвузлик нималигини билиб туриб, ўзига ёмонликни право кўрмайди. Очкўз, юҳо одам эса шу нарсанинг ёмонлигини билади, аммо, ҳирсига берилиб, шу ёмонликни (нопокликни) танлайди. Мана шу сабабга кўра, Суқрот тийиқсизликни йўқ, деб ҳисоблайди. Аммо (бу масалада) у ҳақ эмас. Ҳаётий тажрибага ишонмай, мазкур хulosага ишониш бемаънилиқдир. Тийиқсиз, очофат одамлар бор ва улар, ёмонлигини билатуриб, очофатлик қиласдилар. Энди яна бир савол: тийиқсизлик мавжуд экан, бундай одам очофатликнинг ёмонлигини (яхши) биладими? Унда шу билим (*episteme*) борми? — деган савол туғилади. Бизнингча, очофат одамда бундай билим йўқ. Зеро, билим — биздаги энг барқарор ва энг енгилмас фазилатдир. Мана шу енгилмас фазилатни қандайдир бир иллат енга олиши ғалатидир (Бу ерда Арасту билим деганда қалбга сингиб,

фазилатга айланган қадриятни назарда тутса керак. Акс ҳолда барча замонларда билимли ва ўзича ақдли одамлар нопоклик, порахўрлик, жабр-зулем, адолатсиз, ноҳақ ишларни қиласидар. Бизнингча, бу ерда фазилатга айланган диний ва ахлоқий билим ҳақида гап боради — М.М.). Хуллас, (Суқротнинг) бу фикри яна бир далилга кўра инкор этилади, яъни очофат одамда шу ишнинг ёмонлиги ҳақидаги билим йўқдир.

Очофат одамнинг шу соҳада билими йўқ, деб ўйлайлик. Эҳтимол, унинг шу ҳақда ўз фикри бордир? Эҳтимол, у лаззатга (шаҳватга) ўчлик ёмонлигини билмасдан, фақат тахминан сезиб (чала билиб) гуноҳ иш қилгандир, балки уни кечириш керакдир? Биз (одамлар) бирорни кечириш мумкин бўлган ишлар учун қораламаймиз. Аммо бундай қилиш тўғри эмас. Биз уни албатта қоралаймиз!

Хуллас, тийиқсиз, очкўз одамни ифрат — ҳаддидан ошиш — ёмонлигини билмагани учун ёхуд унинг бу ҳақда ўз фикри борлиги учун оқламаймиз. (Арастуниң бу фикрлари ҳам исломий, шарқона одобга яқиндир. Муҳаммад с.а.в. ҳадиси шарифларида ифрат — ҳаддан ошишлик аввал ўтганларни ҳалокатга учратган, сизлар ҳам ҳаддан ошманг, дейилади — М.М.)

Яна бундай масала кўпчиликни ўйлантириб қўяди. Оқил одам (sophron — софрон) ўзини тия олади, яъни покдомондир. Аммо у қайсиdir гуноҳ ишга кучли майл қўйган бўладими? Ахир оқил ўзини тия олса (гуноҳ ишдан), кучли майли, истагини жиловлай олади. Чунки оддий истакларини тия олган одамни зоҳид, покдомон демаймиз-ку? Аммо бошқа жиҳатдан (гуноҳ ишларга, масалан, шаҳватга) кучли майл-истаклари бўлган одамни оқил демаймиз, бундай (гуноҳ) ишларга майли йўқ одамни оқил одам, деймиз-ку?⁸⁶ (Арасту бу саволга ўз муносабатини айтмайди, эҳтимол, асрлар давомида асар матнидан бу жавоб тушиб қолгандир? Буни биз Арастуниң ахлоқ ҳақидаги бошқа асарларини ўқиганда аниқлашимиз мумкин. Бу масалага бизнинг жавобимиз бундай: ҳар бир инсон, табиатан фаришта эмас, энг оқил одамнинг ҳам эркак зотига хос табиий ва кучли истаклари уйғониб, безовта қиласиди. Мана шундай ҳолатларда ана шу

үятли истакларини жиловлаб, ўзини тия олган одам оқил, зоҳид, покдомондир. Фарб ва Шарқ адабиётларида, шундай ҳолатларда ўзини тийолмай, тубан кетган баъзи азиз одамлар фожиаси очиб берилади. Алишер Навоийда: шайх Санъон ва шайх Барсисо. Булардан шайх Санъон охири ўзини жиловлай олгани учун авлиёлик мартабаси сақланиб қолади. Сайфуз Зафар Навбаҳорийнинг «Дуррул-мажолис» асарида шайх Барсисо ўзига асраш учун қолдирилган омонатга хиёнат қиласи, ёш қизга тажовуз қилиб, сири фош бўлишидан қўрқиб, яна бир жиноятга қўл уради, қизни ўлдириб, жасадини яширади. Аммо, оқибатда Ҳақ таолонинг қаҳрига учраб, дўзахий бўлиб кетади. Жованни Боккаччонинг «Декамерон» асарида, француз адаби Проспер Мерименинг «Авлиё Антонийнинг айниши» драмасида ҳам шу масала таҳлил қилинади — М.М.).

Яна бундай қийин масала ҳам бор: Баъзи ҳолатларда одамлар ўзини тиймаган одамни оқлаб, ўзини тийган одами қоралайдилар. Фараз қилайлик, кимдир бирор яхши ишни ёмон деб, янгишган ҳолда ўзини бу ишни қилишдан тияди. Ўзини тийолмаган одам эса шу (яхши) ишни барibir қилаверади (ёмон деб, янгишса ҳам). Оқибатда, бу одам хайрли, гўзал иш қилган бўлиб чиқади. Бундай одам, ўзини тиёлмаса ҳам, мақтоворга сазовор бўлади (қилган яхши иши учун). Бу холоса эса мантиққа зиддир.

Яна бир ҳолатни фараз қилайлик: бир одамга қандайдир гўзал иш ёмон, уятли бўлиб кўринади, у шу ишга жуда дили суст кетса ҳам бари бир ўзини тияди, чунки у сабрқаноатлидир. Аммо, бошқа жиҳатдан, ана шу гўзал, яхши ишни қилмаган одам қораланади. Демак, гоҳида қаноатли одам қоралашга лойиқdir. Бундай холоса ҳам мантиққа зиддир.

(Бундай масала, исломий шариат одобида кўп учраб туради. Баъзи художўй, яхши одамлар ҳам турли соҳаларда, айниқса, диний илмларни ўрганишдан ҳам ўзларини тиядилар, «Барча нарсаларни Аллоҳ таоло билади, биз бу нарсаларни билишга қизиқсак, гуноҳга ботамиз, яхшиси ўқимай. билмай қўя қолайлик, деб, ўзларини билимдан ва илмдан чеклайдилар. «Қуръони карим»да ва ҳадиси шарифда эса,

аксинча, «Илм талаб қилиш барча мусулмон ва муслималар учун фарздор», дейилган. Бу масалада аксинча иш тутадиган, масалан, тоат-ибодатнинг чин дилдан, ихлос билан ўқилишидан кўра, иш, амалнинг зоҳирний томонини, таҳоратда қўлни тирсаккача, оёқни тўпиққача ювишни биринчи масала деб, ифрат қилувчилар ҳам учраб туради. Тўғри, таҳорат мукаммал бўлса, савоби ҳам тўла бўлади. Аммо кўпчилик мусулмонлар таҳоратни тўлиқ қилишга вақтим ва имконим етмайди, деб намоз-ибодатни тарк этадилар. Бу эса, чала таҳоратга нисбатан каттароқ гуноҳдир — М.М.)

Ҳаддан ошиш, (очкўзлик, олчоқлик) барча соҳаларда юз берадими ёки баъзи соҳаларда, масалан, фақат пулга, иззат-обрўга, шон-шуҳратга ўчликдами, ё қаҳр-ғазабдами? Кўпинча одамлар худди шу соҳаларда очкўзлик қилиб, ўзини тия олмайдилар (юқорида кўриб чиқилганидек, лаззат, шаҳват, озиқ-овқат нафсида ҳам — М.М.) Ёки ҳаддан ошиш бошқа бирор соҳада кўпроқ кўринадими? (Масалан, ёши улуғларга, подшоҳ, вазир, ҳокимларга муносабатда ёки шу катталарнинг фуқароларга муносабатида — М.М.) Бу масала ҳам анча мушкуллик туғдиради.

Мана шунга ўхшаш чигал масалалар бизни кўпинча ўйлантириб қўяди. Аммо бу масалаларни ҳал этиш зарур. Аввало буларни (қайси ҳолатларда ҳаддан ошмаслик зарурлигини) билиш муҳим масаладир. Шуларни билган одамнинг ҳаддан ошиши, гўё билмагандек, ўзгариб қолиши ғалати ҳолдир. Билим билан рой, фикр яқин бўлгани учун, одамлар ўз фикрларида қатъий, ўзгармай турсалар, бу ҳам билим кабидир. Чунончи, эфеслик Ҳераклитнинг ўзи билган⁸⁷ нарсалари ҳақидаги фикри шундай қатъий, ўзгармасдир. (Билим ва қатъий фикр тенг эмасдир. Қатъий фикр нотўғри. янгиш бўлиши ҳам мумкин. Янгиш билим ҳам ҳақиқий билим ҳисобланмайди — М.М.)

Бирор соҳани билган ва ё шу ҳақда қатъий фикрга эга бўлган одамнинг ҳаддан ошиши ажабланарли эмас. Гап шундаки, билимлар икки турлидир: билимга эга бўлиш бошқа, шу билимларга суюниб иш тутиш (яъни, илмга амал қилиш — М.М.) бошқадир. Тийиксиз, қаноатсиз одам гўзал, яхши иш-амал нималиги ҳақида билимга эга, аммо бунга

амал қилмайди. Билимига амал қилмагач, ёмон, гуноҳ ишларга қўл уриши табиийдир. Булар худди уйқудаги одамларга ўхшайди: ухлаётган одам билими бўлса ҳам тушида худди кўп номаъқул ишларни қиласи, негаки, билгандари тушида унга таъсир қилмайди. Қаноатсиз, очофат одам ҳам уйқудаги одамга ўхшайди, билимдан фойдаланолмайди. Бу масалани шундай ҳал этиш мумкин.

Савол туғилади: бундай ҳолатларда очофат одам билимини ахлатга улоқтирадими ёки тусини ўзгартирадими? Ҳар иккала фикр ҳам мантиқсизdir. Бу масалани ойдинлаштириш мумкин. «Аналитика» китобида айтган эдикки, силлогизм (хулоса) иккита асосдан, биринчи — умумий асос; иккинчи — унга боғлиқ, хусусий асосдан иборат. Мисол: мен иситмалаб турган ҳар қандай беморни тузата оламан. Мана бу одам иситмалаб турибди. Бинобарин, мен бу беморни ҳам тузата оламан. Ёки: мен умуман бирор билимдан, масалан, тиббиётдан қандай фойдаланишни билишим мумкин. Аммо хусусий ҳолатда (бирорта оғир бемор учраб қолса) тиббиётдан фойдаланолмаслигим мумкин. Очофат, суллоҳ одам ҳам баъзи машғулотлар заарли ва уятли эканини умуман билиши мумкин, аммо бирор аниқ машғулотга келганда заарлами, йўқми, билмай қолиши мумкин. Шу сабабли, очкўз, ҳарис одам, фалон ишнинг ёмонлигини билса ҳам хато қилиши мумкин, деб ўйловчиларнинг гаплари куракда турмайди. Мастликни олайлик. Мастлар кайфи тарқалганида яна ақлли бўлиб қоладилар. Уларни мастлик пайтида ақл ҳам, билим ҳам тарқ этмаган, аммо ўша пайтда улар мастлиги туфайли ақли ва билимини ишлатолмаган. Очкўз ҳам шундай. Уни очкўзлик ҳирси эгаллаб олганида (худди мастер одам каби) ўзини бошқаролмай қолади. Аммо ҳирси тинчиган пайтида у яна ақлли одам бўлиб қолиши мумкин. (Изоҳ: Арастунинг бу фикрига тўлиқ қўшилиш қийин. Очкўз одам, бу иллат табиатига сингиб кетгани учун доимо очкўзлик, пасткашлик, суллоҳлик қиласеради. Бундай одам: бошқалар заифу, мен бақувватман, бошқалар лоқайд, ҳиссизу, мен ғайратлиман, деб, ўзининг очкўзлигини, аёлларга шилқимлигини, ҳаром ишларини ҳам мақтайверади. Бу ахлоқсизликнинг илдизлари тарбиясизлик, маданиятсизлик, дин-

сизлик, имонсизлик билан боғлиқ виждонсизлик, уятсизлик ва ҳоказо иллатлардир — М.М.).

Яна бир мушкул масала: баъзи ҳолларда ҳаддан ошувчи мақталади, ўзини тийувчи — қораланади, деган хулоса ҳам галатидир. Аслида қаноатли одам янглиш фикр-мулоҳаза қилган одам эмас, балки тўғри фикр юритиш ёрдамида нима яхшию, нима ёмон эканлигини билган одамдир. Ҳаддан ошувчи, тийиқсиз одам эса тўғри фикрга бўйсунмайди. Қаноатли одам эса тўғри фикрга бўйсунади, ҳою ҳавас, ёмон нафс кетидан эргашмайди. (Тескари мисол) Кимдир (жаҳл устида) отасини уришни жуда хоҳлаб турганида, урмасдан ўзини босиб олган бўлса, бу одамни вазмин демаймиз. Бундай ҳолатлар босиқлик ва ҳаддан ошишга алоқадор эмас (балки, ахлоқсизлик, тарбиясизлик, жоҳиллик оқибатидир). Шундай экан, босиқ одам қораланиб, ҳаддан ошған одам оқланиши мумкин, деган фикр нотўғри фикрдир.

Гоҳида тийиқсизлик, ўзини босолмаслик табиий руҳий касалликдан бўлиши мумкин. Масалан, баъзи одамлар (бир нарсадан қаттиқ хафа бўлиб кетсалар) ўздарининг соchlарини юлиб, тирноқларини тишлайдилар.⁹⁰ Бундай вақтда ўзини босган одамларни ҳеч ким мақтамайди. Ёки ўзини босолмаган одамларни сўкмайдилар, ёки енгил танбек берадилар. Табиатан, туғма тийиқсизликка мисол: судъялар (қозилар) бир йигитни ўз отасини урганликда айблайдилар. У эса, отам ҳам ўз отасини урап эди, деб ўзини оқлади. Бундай пайтда ҳакамлар ўғилга қаттиқ жазо бермайдилар, чунки бу жиноят уларнинг табиатида бор экан, деб қўядилар. Аммо шундай пайтда ўзини босиб, отасини урмаган одамни мақтайдилар (чунки бу фазилат эмас, инсоний бурчdir — М.М.). Биз ҳозир бу хилдаги мушкул ҳолатларни эмас, балки ошкора кўринадиган босиқлик (вазминлик) ва енгилтаклик, ифратни тадқиқ этмоқдамиз.

Инсондан ташқаридаги неъматлар: бойлик, мансаб, обрў, дўйстлар (кўплиги), шон-шуҳрат. Инсон танасидаги неъматлар; сезиш, таъм билиш (согломлиги) ва ҳиссий лаззатлар. Биз бу ерда шулардан охиргиси (ҳиссий лаззатлар) соҳасидаги ўзини тия олмасликни кўриб чиқамиз.

(Хиссий лаззатлардан бошқа соҳалардаги) тийиқсизликни кўриб чиқишида мушкул саволлар келиб чиқишини айтдик. Чунончи, иззат-ҳурматга интилишда ҳеч ким ўзини тиймайди. Чунки иззат-ҳурматга ҳаддан ташқари интилиш гоҳо мақтovлидир: бундай одам ўз қадрини, шаънини ўйлади. Шу каби масалаларда тийиқсизлик бўлса, биз қўшимча сўзларни қўллаймиз: иззатталаб, шон-шуҳраттга ўч, фазабини жиловлай олмайди. деймиз. Умуман, тийиқсизлик, очқўзлик, харистик ҳақида гап борганида ҳеч бир сўз қўшмай айтамиз, негаки, тийиқсиз, харис деганда одатда жисмоний лаззат, роҳатларга ўчликни назарда тутамиз.

7. Энди роҳат ёки лаззат (*hedones* — хедонис) масаласига ўтамиз, бу масала баҳт-саодат (*eydemonias* — евдемониас) билан боғлиқдир. Барча одамлар баҳт-саодат лаззатли. ширин ҳаёт кечиришда ёхуд умрни кўп ҳолларда роҳат-фароғатда ўтказишида, деб ўйлайдилар. Баъзи одамлар, аксинча, лаззатта ўрганиш ёмон деб, уни неъматлар қаторига қўшишни шубҳа остига оладилар. Бу одамлар баҳтни ҳар ҳолда касалликсиз (ва ғам-кулфатсиз) ҳаёт кечиришда деб биладилар. Касалликсиз ҳаёт эса роҳат-фароғатга яқиндир. Биз ҳозир одамлар роҳат-фароғатни ўйлаши зарурлиги учун эмас, балки баҳт-саодат ҳақида гап бошлаб қўйганимиз учун кўриб чиқамиз. Баҳт-саодат эса (аввал аниқлаб, тасдиқ этганимиздек) мукаммал фазилатларга амал қилиб яшашдайдир. Фазилатлар эса роҳат-фароғат ёки ғам-кулфат билан боғлиқдир. Бу ҳақда яна шунинг учун гапирамизки, баҳтли ҳаёт роҳат-фароғатсиз ҳам бўлмайди.

Аввало, лаззат ва роҳатлар ҳаёт неъматлари қаторига кирмайди, деб ўйловчиларнинг далилларини кўриб чиқамиз. Биринчидан, лаззатланиш бирор ишнинг бошланиши, шаклланиш (жараёни)дир, дейди улар. Шаклланиш жараёни эса камолотдан, мукаммалликдан ҳали анча узоқдир. Неъматларда эса номукаммаллик бўлмайди (бу одамларнинг фикри тўғри эмаслигини Арасту қуйироқда кўрсатади — М.М.). Иккинчидан, лаззатлар одобсизлик, иллатга алоқадор бўлиши мумкин. Иллатлар эса неъмат эмас. Яна: лаззатлар неъмат эмаслигининг сабаби — роҳатланиш, гуноҳ ишларга ҳам, инсонга муносиб, яхши ишларга ҳам, ҳайвонларга,

жумладан, молга ҳам хос бўлиши мумкин. Бундан ташқари (учинчидан), лаззатлар инсон учун аъло яхшилик эмас, неъматлар эса аъло яхшиликдир. Ва ниҳоят (тўртингидан), лаззатлар инсонга ўзини яхши тутишга халақит беради. Яхшиликка халақит берувчи нарсалар неъмат эмасдир.

Аввало, лаззат олиш бошланиш шаклланиш жараёнидир, деган далилни кўриб чиқайлик. Бу далил ҳақиқатга тўғри келмайди, чунки биринчидан, ҳар қандай лаззат ҳам шаклланиш эмас. Масалан, (гўзал манзарани томоша қилиш (Муҳаммад Фаззолий «Кимиёи саодат»да «Яшил майсаларни, оқар сувларни, гуллар ва боғларни томоша қилиш гуноҳ эмас», деган фикрни айтадики, бу фикрда Арастуга ҳамоҳанглик бор — М.М.) Яна: (яхши мусиқа ё қўшиқни) тинглаш, (гўзал чеҳраларни кўриш, гулларни ҳидлаш каби лаззатлар мустақил, тугал бўлиб, (ширин нарсаларни) емак-ичмакдан лаззатланиш каби (инсоннинг тўйинишига) ёрдамчи жараён эмас. Емак-ичмак жараёнида эса лаззатланиш ширин таомларнинг камлиги ёки кўплиги билан боғлиқдир.

Яхши нарсанинг кўпайишидан ёки ёмон нарсанинг камайишидан лаззатланиш шаклланиш жараёни бўлиб кўринади. Шу маънода (яхши нарсаларнинг) етишмаслиги ва (ёмон нарсаларнинг) зиёдалиги одамни хафа қиласди. Яхшиликнинг кўпайиши ва ёмонликнинг камайишидан инсон роҳатланар экан, бу жараёндан аввал хафачилик юзага келади. Аммо (яхши, гўзал нарсаларни) кўриш, тинглаш, ҳидлашдан аввал хафачилик бўлмаслиги мумкин. Хуллас, шаклланиш жараёни бўлмаган (мустақил) лаззатлар ҳам бор. Ҳалиги одамлар айтганидек, агар шаклланиш жараёни бўлган лаззатлар неъмат бўлмаса, демак, шаклланиш жараёни бўлмаган (мустақил) лаззатлар неъмат бўлиши мумкин.

Умуман олганда, бирорта лаззатни шаклланиш жараёни дейиш тўғри эмас, чунки ҳатто емак ва ичмак лаззатида ҳам шаклланиш жараёни йўқ, бу нарсаларни шаклланишдир, деганлар янглишадилар. Уларнинг фикрича, таом ейилаётганида одам лаззатланар экан, бу шаклланиш жараёнидир. Аммо бу тўғри эмас. Чунки бизда йўқ ёки етишмаётган таомни истеъмол қиласётганимизда кўнглимизнинг қайсицидир қисмида лаззатланиш сезамиз. Овқатланиш пайтида кўнгли-

мизнинг шу қисмида ҳаракат ва фаолият бошланади, шу ҳаракат ва фаолият бизда лаззат ҳиссини уйғотади. Таом ейиш кўриниб тургани учун ҳалиги одамлар буни шаклтаниш жараёни дейдилар, аммо улар кўнгил қисмининг ҳаракатини кўрмайдилар. Баъзи одамлар инсон баданини сезиш, ҳис этиш мумкин, кўнгилни эса сезиб бўлмайди, деб ўйлайдилар. Аммо кўнгил бор нарса-ку. Лаззатланишда ҳам кўнгил фаолият кўрсатади. Таом истеъмол қилинаётганида кўнгилнинг ўша қисми ҳаракатга келади. Шундай экан, ҳар бир лаззатланиш тараддуд (тайёрланиш) эмас, балки фаолиятнинг ўзидир.

Баъзи одамлар айтадики; ҳар қандай лаззат ҳам — неъмат эмас. Бу масалани қўйидагича аниқлаш мумкин. Агар биз ҳар қандай категория — ўлчов, мезон турини (моҳият, муносабат, миқдор, вақт ва ҳоказони) гапираётганимизда неъматларни ҳам кўзда тутсак, эътироф этиш керакки, лаззат, роҳат ҳам неъматдир. Ҳар қандай неъматларни олиш, қўлга киритиш одамга роҳат бағишилар экан, демак, роҳат, лаззат ҳам неъматдир. (Бу ерда ахлоқ-одобга зид келмайдиган роҳат, лаззатлар ҳақида гап боради — М.М.)

Шуни ҳам айтиш керакки, роҳат, лаззатланишларнинг турлари ҳам кўп, ҳар бир тури муайян мезон, тушунча билан ўлчанади. Аммо бу ерда аҳвол илм-фан, масалан, грамматика (тил қоидалари)даги аҳволга ўхшамайди. Айтайлик, Лампр (олимнинг исми) грамматика илмида моҳир экан, бундан бошқа одамларга ўхшамайди, деган маъно чиқмайди. Чунки грамматика қоидалари барчага бирдир: Лампр учун алоҳида, Ил учун алоҳида грамматика қоидалари йўқ. Лаззат, роҳат соҳасида аҳвол бошқача. (Бир нарсадан бирор роҳат олади, бошқа бирор роҳат олмайди — М.М.) Мисол учун, ичиб маст бўлиш ёки жимоъ барчага ҳам роҳат келтиривермайди. Хуллас, роҳат, лаззатлар, ҳар ким учун ҳар хилдир.

Роҳатни неъмат қаторига қўшмайдиган (олимлар) яна бир далилга суннадилар: баъзи роҳатлар ахлоқсиз, гуноҳ ишлардадир. Бундай далил, бундай баҳолаш фақат роҳат, лаззатга эмас, балки табиатга, илм-фанга ҳам алоқадор. Баъзи жониворларнинг, масалан, қуртлар, қўнғизлар ва

бошқа жирканч жониворларнинг табиати тубандир. Аммо бундан — табиат тубан, деган маъно чиқмайди. Баъзи ҳунарлар (масалан, инсонлар учун заарарли қуроллар ясаш) тубандир, аммо бундан, умуман, касб-ҳунар тубан, деган маъно чиқмайди. Илм-фанлар ҳам, табиат ҳам ўз турига кўра неъматдир.

Ҳайкалтарош ишига баҳо бериш учун унинг ёмон чиққан асарларига эмас, балки яхши асарларига қаралади. Бошқа касб-ҳунарлар, фикрларга ҳам шундай баҳо берилади. Шунга ўхшашиб, роҳат, лаззат ҳам неъматдир, деймиз ва айни чоғда тубан лаззатлар борлигини ҳам унутмаймиз.

Турли жониворларнинг табиати турлича, гўзал ва тубан бўлганидек, инсон табиати умуман яхши² бўри ё бошқа ҳайвонларнинг табиати — тубан яралган. Масалан, от билан одам, эшак билан ит табиатлари бир-бирига ўхшамайди. Буларнинг табиатлари турлича бўлгани учун роҳатланиш табълари ҳам турличадир. (Олимлар фикрича, лаззат нотабиий ҳолатдан табиий ҳолатга кўчиш, ёхуд табиий ҳолатнинг тикланиши)дир. Улар (олимлар) яна айтадики, тубан табиатли жониворларнинг тикланиши тубан: гўзал табиатли жонзотларнинг тикланиши яхшидир.

Аммо бу фикрни яна ойдинлаштириш керак. Лаззатларни турлича тушунадиган одамларнинг ҳолати шунга ўхшайдики, Олимп маъбуллари (қадимги юонон мушриклари «кўпхудолик» эътиқодида эди — М.М.) нектар, гул шарбати ичишини эшигланлар, аммо баъзиларнинг тасаввурича, маъбуллар ароқ ёки вино ичар эмиш, чунки бу одамлар на зарида шу нарсани ичиш лаззатли кўринади. Бу янглишув ана шу одамларнинг маъбуллар табиатини билмаслигидандир. Шунга ўхшашиб, баъзи одамлар барча роҳат, лаззатларни мукаммал эмас, чалалик оқибати деб тушуниб, бадан роҳатларига боғлайдилар, ва умуман, роҳатни номуносиб деб биладилар.

Модомики, табиат энди тикланаётган жойларда ё вақтларда ҳам, табиат тикланиб, мукаммаллашган жойларда ҳам роҳатланиш бордир. (Гўзал табиат манзараларини, нафис мусиқани) кўриш ва тинглаш вақтида олинадиган роҳатлар юксак (маънавий) ва табиий тикланган, мукаммал хилқат-

лардан олинадиган роҳатлардир. Мана шу ва шунга ўхшашлардан роҳатланиш ўзи ҳам фаолиятдир. Бадан роҳатлари агар етишмаётган нарсанинг тўлдирилиши бўлса, (гўзаллик ва теранликни) кўриш, тинглаш, тафаккур, мушоҳада қилиш (*dianos — isthai*) энг яхши роҳатлардир.

Роҳатни (баъзи уламолар) яна шунинг учун неъмат демайдиларки, ҳамма нарсаларга (яхшилик ва ёмонликка — М.М.) тааллуқли ва умумий бўлган нарсани неъмат деб бўлмайди. Аммо, бундай далил кўпроқ иззатпараст одамга ва иззатталаблик (*philotimias*)га хосдир. Иззатпараст одам барча (неъматлар) фақат ўзимга бўлсин, шу нарсаларда ҳаммадан аъло бўлай, деб яшайди. Бу одам назарида роҳат ҳам шундай нарсалардан биридир. Аммо бу тўғри бўлмаса керак. Чунки неъматларга ҳамма одамлар интилади ва худди шунинг учун улар неъмат саналади. Чунки ҳамма одамлар табиий равища неъматларга, фаровонликка интилар экан, роҳат, лаззат ҳам неъматдир.

Баъзи уламолар роҳатни неъмат деб ҳисобламаслигининг яна бир сабаби, улар назарида роҳат, лаззат (яхши ишларга, покиза яшашга) тўсқинлик қилади.⁹³ Бундай деб ўйлашларининг сабаби — уларнинг роҳатни нотўғри усул (*me orthos skopein*)да тадқиқ этиши, ўрганишидир. Масалан, роҳатланиш умуман, ишлашга халақит бермайди, аммо баъзи бир муноносиб роҳатлар (ичиб, маст бўлиш) ишга халақит беради. Бундай мантиққа кўра бир вақтда икки илм, ҳунар билан шуғулланиш мумкин эмас, баъзи илмлар бошқа илмларга халақит беради, деб ўйлаш мумкин. Аммо илм ўрганишдан роҳат келадиган бўлса, илм — неъмат-ку.⁹⁴ Илм ўрганишга роҳатланиш халақит бермайди-ку? Роҳатланиб ишлаётган одам кўпроқ нарса ишлаб чиқариши мумкин-ку? Аслида (фойдали) фаолиятдан роҳатланиш одамга янада куч-ғайрат бахш этади. Яхши одам бошқаларга яхшилик қилаётганида роҳатланса, унинг шу соҳадаги куч-ғайрати янада ошмайдими?

Яна: яхшиликни роҳатланиб қилган одам муносиб, муҳтарамдир, яхшилик қилаётганидан хафа бўлган кимса яхши одам эмас. Чунки одам бир ишни мажбуран бажараётганида хафа бўлади. Мажбур бўлиб (бўйнидан боғлаб, судра-

гандай) иш қиладиган одам номуносиб одамдир. Бундан ташқари, инсон яхшиликни қилаётганида ё қувонади, ёғам чекади. Ўртача (лоқайд) ҳолатда бўлмайди. Нима учун? Чунки яхшилик фазилати туйфулар ҳаракати (*en pāthei*) билан намоён бўлади. Туйфулар ҳаракати қувонч ёки қайфу билан боғлиқдир, булар ўрталиғида эса ҳеч қандай туйфулар ҳаракати йўқ. Шунинг учун, равшанки, яхшилик ё қайфу, ё қувонч, роҳат билан боғлиқдир. Гўзал ишни хафа бўлиб қиладиган киши яхши одам эмас. Шундай экан, яхшилик қайфу билан эмас, қувонч, роҳат билан биргадир. Хуллас, (чин маънодаги) роҳат фаолиятга халақит бермайди, аксинча, ғайратни оширади. Яхшилик албатта қувонч, роҳат келтиради.

(Роҳатни неъмат демайдиганлар) яна бундай далилни келтирадилар: ҳеч бир илм роҳат келтирмайди (бу ерда Арасту илм деганда ҳунарни кўзда тутади — М.М.). Бу фикр ҳаққоний эмас. Чунки, моҳир пазандалар, гулдаста, гултож ясовчилар, атторлар (хушбўй моддалар тайёрловчилар) одамларга роҳат, лаззат келтирадилар. Бошқа ҳунарларнинг асосий мақсади роҳат келтириш бўлмаса ҳам ҳар ҳолда улар билан шугулланиш завқ-шавқ беради. Демак, ҳунарлар инсонга роҳат етказади.

(Уламоларнинг) яна бир далили: роҳат — олий неъмат эмас. (Бу тўғри, аммо) шу тахлит фикр юритилса, айрим фазилатларни ҳам йўққа чиқариш мумкин. Мардлик — олий неъмат эмас, бу тўғри, аммо мардлик — умуман неъмат эмас, дейиш нотўғри. Бошқа фазилатлар ҳақида ҳам шуни айтиш мумкин. Лаззат, роҳат олий неъмат эмаслиги тўғри, аммо роҳат умуман неъмат эмас, дейиш нотўғри.

Энди, фазилатларга келсак, бундай мушкул савол туғилади: маълумки, ақл ҳиссиётларни жиловлаб туради. (Босиқ, вазмин одамларда) ва аксинча, ҳиссиётлар ақлга бўйсунмаслиги, уни маҳв этиши мумкин (тийиқсиз, баднафс одамларда). Фараз қилайлик, кўнгилнинг ақлсиз қисми (гуноҳларни истовчи қисми — *kakian*) кўнгилнинг тўғри фикрловчи қисми (*logos es diakeimehos*)ни бўйсундиради; ёки, айтайлик, ёмон йўлга бошловчи ақл (*logos faulos diakeimenos* — имом Фаззолий буни нафси аммора, дейди) фазилатга эга

бўлган ҳаққоний туйғуларни ўзига бўйсундиради, бу ҳолда ёмон йўлга бошловчи⁹⁵ ақл фазилатли туйғудан ҳам ёвуз мақсадда фойдаланади. Оқибатда бемаънилик келиб чиқади.

Бу мушкул саволни фазилат ҳақида юқорида айтганларимиздан фойдаланиб, қуидагича ҳал этиш мумкин: аввалроқ эътироф этган, тўғри йўл кўрсатувчи ақл фазилатли туйғулар ҳаракати билан ҳамкор, ҳамоҳанг бўлганида фазилат пайдо бўлади. Ақл ва туйғуларнинг бундай ҳамоҳанглиги вақтида доимо ақл яхшиликларга буюради, тўғри, покиза туйғулар эса оқилона буйруқларга осон ва тез бўйсунаверади. *Агар туйғулар покиза бўлсаю, уларга ҳукм ўтказаётган ақл йўлдан оздирувчи бўлса, фазилатга ўрин қолмайди. Чунки фазилат яхшиликка бошловчи ақл билан покиза туйғулардан келиб чиқади. Шунинг учун агар инсонда фазилат бўлса, уни ёвуз ниятда ишлатиш сира мумкин эмас.*

Умуман олгандা, баъзилар ўйлаганидек, фазилатнинг асоси, манбаи ва раҳнамоси — ақл эмас, балки, *ta pathē* — туйғулар фаолиятидир. Кўнгилда аввало гўзалликка, яхшиликка қандайдир ҳали англанмаган интилиш (*hormen alogon*) пайдо бўлади, шундан сўнг ақл ўз ҳукми билан интилишга йўл очиб беради. Бу ҳолни биз (бегубор) болаларда ва тилсиз жониворларда кузатишимиз мумкин: уларда ақл бўлмаса ҳам гўзалликка интилиш (*kalon*) бор. (Болалар улгайганда) ақл қўшилиб, гўзал ишларни бажаришга ёрдам беради. Аммо ақлнинг ўзида туғилган гўзалликка интилиш бошқачадир: бу ҳолда ақлга туйғулар уччалик бўйсунмайди ва қаршилик кўрсатади. Шунинг учун яхшилик ва фазилатнинг *archei* — асоси — ақл эмас, балки тўғри, покиза туйғулар ҳаракати (*pathos ey diakeimenon*) дир.

8. Бахт-саодат ҳақида гап борганида шулардан кейин энди тасодифий муваффақият — омад (*eytykhias*) нималигини кўриб чиқайлик. Оломон ўйлайдики, бахтли ҳаёт омадли ёки омадлар учраб турадиган ҳаётдир. Оломон ўзича ҳақдир, чунки омаддан келувчи, инсондан ташқаридаги нознеъматларсиз бахтли бўлиш қийин. Шунинг учун омад нима ўзи, том маънода омадли одам (*haplos eytykhes*) ким, қайси ҳолатларда, нимага нисбатан уни омадли деймиз? — каби саволларга жавоб излайлик.

Аввало, мушкуллик шунда туғиладики, яхшироқ ўйлаб кўрсак, ҳеч ким тасодифни табиат ҳолат демайди. Табиат деярли барча ҳолатларда бир хил тартибда ҳаракат қиласди. Тасодифда эса тартиб йўқ, бехосдан иш кўради (*hos etyken*). Бехосдан бўлгани учун ҳам тасодиф дейилади. Тасодифни ақлга ёки тўғри фикрлашга ўхшатиб бўлмайди; чунки ақл ва тўғри фикрлашда ҳам тартиб ва изчиллик бор. Ақл ва тўғри фикрлаш кўпроқ бўлган жойда тасодиф кам бўлади, аксинча, тасодифга кенг майдон бор жойда ақл ва тўғри фикрлашга ўрин кам бўлади. Эҳтимол, тасодифий муваффақият — омад «тангрилар»нинг аллақандай ғамхўрлиги (*erimeleia*) дир? Ё бундай эмасмикин? Биз эътироф этамизки, Тангри бу нарсаларнинг эгаси, у яхшилик ва ёмонликларни ҳар кимнинг қилмишига яраша тақсимлайди (бу ерда мушриклар замонида яшаган Арастунинг Тангрини бирликда айтишига эътибор беринг — М.М.) Аммо, тасодифлар ва уларнинг оқибатлари чиндан ҳам тасодифийдир. Биз мабодо Худони незъматларни тасодифан тақсимлайди, номуносиб одамларга ҳам бериб юборади, десак, Ҳақ таолони «ёмон» ва ноҳақ ҳакам» деб ўйлаётган бўламиз. Худои таолонинг ёмон ва ноҳақ бўлиши мумкин эмас (бундай ноҳақлик Унга ярашмайди). Аммо тасодиф, омадлар ҳақида бошқача ўйлаш ҳам қийин. Ақл, ҳисоб-китоб, илм-хунарлар тасодифий нарсалар эмас. Бошқа тарафдан Худои таоло раҳмати ва марҳаматини дуч келган, тасодифий одамларга раво кўрмайди. Раво кўrsa, у Худога ўхшамайди. Ёмон одамларга яхшиликни раво кўриш Худога хос сифат эмас. Демак, омадга энг яқин турган нарса — табиат бўлиб қолади.

Омад ва тасодиф — мана шулар бизнинг ихтиёrimизда эмас, биз буларга ҳукмимизни ўтказолмаймиз, уларни содир қилиш қўлимииздан келмайди (ёвуз ният билан, аввалидан уюштирилган сохта «тасодифлар» бундан мустасно — М.М.). Шу туфайли, одил одамни адолатли иш қилгани учун, жасур одамни дадиллиги учун ва бошқа фазилатли одамларни ҳам омадли, демайдилар. Чунки бу фазилатларга эга бўлиш ёки бўлмаслик ўз ихтиёrimиздадир. Қуйидаги нарсаларни омад дейишга кўпроқ ҳақлимиз: насл-насаби тоза, олижаноб одамни омадли дейиш мумкин, чунки насли тоза-

лиги унинг ўзига боғлиқ эмас. Шунга ўхшаш, ўзига боғлиқ бўлмаган неъматларга эга бўлган бошқа одамларни ҳам омадли деймиз. Аммо бундай одамларнинг омади том маънода тасодифий (*kurios* — курйоз) эмас.

Омадли сўзи кўп маъноларни англатади: бирор мўлжалидагидан яхшироқ нарсага эга бўлиб қолса ёки бирор заар кўраман, деган ишида фойда кўриб қолса — омадли деймиз.

Хуллас, ўзимиз кутмаган неъматга эга бўлиб қолсак ёки ёмонлик кутаётганимизда яхшилик кўрсак, бу ҳолатларни омад деймиз. Кутилмаган неъматларнинг келиб қолиши баҳтли тасодифдир. Кутилган бало-қазога, фалокатга учрамай қолиш янада баҳтли тасодифдир.

Демак, омад табиатнинг англамаган ҳаракатидир. Табиат каби, одамлар ҳам, ўzlари яхши англамаган, аммо ўзлари билмаган ҳолда табиатларида бор яхшиликларга интилишдан (*ly ekhomen*) кайфияти чоғ, хурсанд бўлади. Ўзи билмай ё англамай яхшилик қилган одамдан: «Нима учун бундай иш (яхшилик) қилдинг, сенга ёқадими?» — деб сўрасангиз, у: «Билмадим, лекин шу ишга дилим кетди, менга ҳам бир илҳом келиб қолди» (*enthoy siadzoisin* — энтузиаӣадзойсин) — деб жавоб беради. Илҳом оғушида иш қилувчи одамлар ўzlари англамаган ҳолда бирор яхшилик қилишга интиладилар (*pratteinti*).

Тасодифий кайфият, омаднинг сабаби ҳақида гапирганимизда бу нарсага яраша ном тополмаймиз, кўпинча сабаби фалон, деб қўя қоламиз. Аммо сабабнинг бўлиши омад тушунчасига бегонадир, ⁹⁶ негаки, биз айтаётган сабаб бошқа, омаднинг сабаби бошқадир. Шу маънода фалончи ўзи кутилмаган ҳолда неъматни қўлга киритиши ёки фалокатдан қутулиб қолишининг сабабини тасодифий муваффақият, яъни омад, дейдилар. Мана шу (иккинчи хил) омад аввалгисидан фарқланиб, қулай вазиятларнинг мос келиб қолишидан бўлади. Шу маънода бу ҳақиқий тасодиф эмас, балки маълум сабаб аралашган тасодиф, омаддир. Кутилмаган яхшилик — омад тасодифий бўлса-да, аммо бу омад инсон кўнглидаги яхшиликка пинҳоний интилиш билан боғлиқдир. Инсондан ташқаридаги неъматларсиз баҳт-саодат бўлмас экан, тасодифан келган яхшилик, омад, ана шу баҳт-

га интилишга ҳамкорлик, мададкорлик қиласы (synergos). Омад ҳақида билганиларимиз шудир.

9. Биз юқорида ҳар бир фазилат ҳақида алоқида тұхтадиб үтдік; әнди турлы қысмаларни умумлаштириб, бирлаштириб, яхлит ҳолға келтиришимиз қолди. Шу маңнода, баркамол фазилатларға эга бўлган, фозил одамнинг феълини ярашиқли ном⁹⁷ билан — маънавий гўзаллик (*kalokagathia*) деб атайдилар. Баркамол, комил инсон (*teleos spoydaios*)ни маънавий гўзал одам, дейдилар. Маънавий гўзал деб, одамнинг фазилатларига қараб айтилади: адолатли, мард, оқил ва бошқа барча фазилатларға бой одамни маънавий гўзал инсон деймиз.

Яхшиликларни икки хилга бўлиб, баъзиларини гўзал, ажойиб (*kala*), баъзиларини яхши (*agatha*) деб атаймиз. Яхши нарсалардан баъзиларини асл деймиз. Фазилатлар ва хайрли нарсалар гўзал, ажойиб иш-амаллардир. Яхши нарсалар эса мансаб, бойлик шон-шуҳрат, шаън ва ҳоказолардир. Маънавий гўзал инсонда ажойиб, гўзал нарсалар (фазилатлар) ҳам, яхши нарсалар ҳам асл, табиийдир. Бундай одам ҳам яхши, ҳам гўзал инсондир (*kalos kaiagathos*). Асл, яхши нарсаларни ёмон кўрувчи одамлар маънавий гўзал инсон эмас, албатта. Бу гўё асл, фойдали нарсалар (таомлар) та-насига ёқмайдиган одам соғ одам эмас, деганга ўхшайди. Бойлик ва мансаб кимгадир ёқмайди (яъни, бойлик ва мансаб уни бузади). бундай одам бойлик ва мансабни ёқтири-майди ва ўзига зарар келмайдиган нарсаларға эга бўлишни истайди. Бундай одам маънавий гўзал эмас.

(Изоҳ: Арастуниңг бу фикри яхши одамларга нисбатан тўғри. Кўпчилик одамларга нисбатан нотўғридир. Кўпчилик одамлар бойлик, мансаб ва шу кабилар маънавий пок-лик учун хавфли эканини билиб туриб ёки билмасдан, бутун вужуди билан шуларга интиладилар. Бундай одамлар бойлик ва мансаб ҳалққа яхшилик қилиш, яхшиларни рағбатлантириб, ёмонларни жазолаш учун керак эканлигини тушунмайдилар, аксинча бу неъматлардан шахсий бойлик орттириш, одамлардан пора олиш, юлғичлик қилиш учун фойдаланишни кўзлайдилар ва оқибатда гуноҳларга ботадилар — М.М.).

Бойлик ва мансаб каби неъматлардан айнимайдиган, яхшиликни биладиган одамлар маънавий гўзалдир.

10. Фазилатларга мувофиқ тўғрилик билан яшаш ҳақида юқорида гапирдик, аммо жуда кам гапирдик. Тўғри фикрга мос ҳаракат қилиш (*kata ton arthon logon* — кататон ортон логон)ни тўғри яшаш, дедик. Аммо бунинг нималигини билмайдиган одамларда савол туғилади: тўғри фикрга мос ҳаракат қилиш нима, (қандай қилиб) қаерда тўғри фикрлаш мумкин?

(Жавоб) Кўнгилнинг ақл юритмайдиган қисми (*alogon*) кўнгилнинг ақлли қисми (*logistikon*) ҳаракатларига халақит бермаса; ҳаракатларимиз тўғри фикрлашга мос келса (тил билан дил мувофиқ бўлса) тўғри (фикрлаб) яшаш мумкин.

Кўнгилда аъло ва паст хилқатлар бор. Паст хилқат аъло хилқатларга хизмат қилиши зарур. Руҳ аъло хилқат, вужуд, бадан — тубан, паст хилқат. Вужуд аслида руҳга хизмат қилиш учун берилган. Агар вужуд, бадан руҳ ишига халақит бермаса, аксинча, унга дастёрлик қиласа соғлом вужудидир (*ekhein kalos*). Шундай экан, туйгулар, ҳиссиётлар ақлга халақит бермай, ақлга мувофиқ иш тутсалар — оқилона иш юзага чиқади. (Арасту юқорироқда туйгулар ҳаракатини — баланд мартабада деб, исбот қилган эди — М.М.).

Баъзилар бу фикрларга эътироуз билдирадилар: «Ҳиссиётлар қандай ҳолатда ақлта халақит бермайди? Шунақа ҳолат қачон бўлиши мумкин? Биз бундай ҳолатни билмаймиз. Шундай саволларга жавоб бериш осон эмас. Ҳушини йўқотган касалга дамлама дори беришни буюрган шифокор ҳам худди шундай аҳволга тушади. Ундан сўрайдилар: «Беморнинг ҳуши йўқолганини қандай биламиз?» Шифокор айтади: «Бемор сарғайиб кетади». Яна сўрайдилар: «Беморнинг сарғайгани қандай билинади?» Шу вақтда шифокор айтадики (яъни, айтиши керакки), «Ўзингиз шундай аҳволга тушмаган бўлсангиз, буни сизга тушунтириб бўлмайди. Мана шу умумий мулоҳаза бошқа соҳаларга ҳам тўғри келади. (Ақл фаолиятига халақит бермайдиган) ҳиссиётлар йўналишини тушуниш учун бу ҳолатни одам ўз босидан кечирган бўлиши керак, шунда ўша ҳолатни равшан ҳис этиши, тасаввур қилиши мумкин.

Яна бундай савол берадилар: «Мана шуларнинг бар-часини билиб олсам, баҳтли бўламанми?» Одатда сўров-чига «Ҳа» деб жавоб берадилар. Аммо бу нотўғри жавоб. (Ахлоқдан бошқа илм-фанларни билган одамлар ҳам билимларини амалда қўллай олмайдилар, улар фақат ўша илмларга оид билимларни эгалладилар, холос. Қандай қилиб баҳтли бўлиш мумкинligини билиб олган одам баҳтли бўлиб қолмайди. Чунки баҳтли бўлиш учун гайрат билан меҳнат, ҳаракат қилиши (курашиш) керак. Баҳт нималардан иборатлигини билган одамни баҳтли одам деёлмаймиз, чунки ана шу билимларга амал қилиш керак бўлади. Баҳтга доир билимларга амал қилиш, қўлланиш, фаолият кўрсатиш — бу, энди (баҳтга доир) илмнинг вазифаси эмас (аммо мақсадидир — М.М.). Бошқа ҳар қандай фанларда ҳам амалиётга ўтилмаса, билимларни қуруқ эгаллаш бўлиб қолаверади.

11. Шу гаплардан кейин энди дўстлик (*philia*) нима, у кимга нисбатан, қандай намоён бўлади? — деган мавзуда гапирмасак бўлмайди. (Чин) дўстлик ҳар қандай шароитларда ҳам умр бўйи давом этади, дўстлик неъматдир ва у баҳт-саодатга алоқадор масаладир. Яхшиси, бу масаланинг мушкул тарафларидан гап бошлай қолайлик.

Одамлар кўпинча, дўстлик бир-бирига ўхшаш одамлар ўртасида боғланади, деб ўйлайдилар ва гапирадилар. Шундай мақоллар ҳам бор: «Зоғча зоғчанинг ёнида ўтиради». Яна: «Тенг тенги билан». Қандайдир ит доимо бир ғиштнинг олдида ухлар экан. (Файлласуф) Эмпедоклдан бунинг боисини сўрашибди. У айтибдики: «Бу ғишт ўша итга ўхшаб кетади, шунинг учун ит ўша жойни яхши кўради».

Баъзилар эса, аксинча, қарама-қарши одамлар бир-бирига интиладилар, «Ер қуриб кетса, ёмғир азиз кўринади», дейдилар.¹⁰⁰ Бир хил одам ўзига ўхшаш одамга (унчалик) муҳтож эмас, шунинг учун қарама-қарши одамлар бир-бири билан дўстлашувга интиладилар.

Дўстлашув (дўст топиш) осонми, қийинми? Лаганбардор, хушомадгўй одамлар бирорларнинг ишончини тез қозонадилар (пинжига тез кириб оладилар), аммо дўстга ўхшаса ҳам булардан дўст чиқмайди.

Яна бир масала: Яхши одам ёмон билан дўстлаша оладими? Йўқ, дўстлик учун садоқат ва ишончни оқлаш керак, ёмон одамда бундай фазилатлар бўлмайди.

Аввало, биз қанақа дўстликни кўриб чиқмоқчимиз, шуни аниқлаб олайлик.¹⁰¹ (Баъзилар ўйлашича) Худои таоло билан дўстлашиш мумкин, яна жонсиз нарсалар билан ҳам дўстлашиш мумкин, дейдилар. Бу фикр тӯғри эмас. Дўстлик бор жойда икки томонлама меҳр, садоқат, («жавоб меҳри» (*antiphileisthai*) туғилади. Худои таоло билан қандай дўстлашиш мумкин? (Арастунинг бу фикри бир қарашда исломий ахлоқга зидга ўхшайди, аммо яхшироқ ўйлаб кўрилса, юон файласуфи, биринчидан, мушриклар маъбуди билан дўстлашиш мумкин эмаслигини, иккинчидан, энг олий Зот, якка Худои таоло билан дўстлашиб, тенглашиш вожиб эмаслигини кўзда тутган бўлиши мумкин — М.М.)

Зотан, биз ҳозир Ҳақ таоло билан дўстликни, жонсиз нарсалар (масалан, бутлар, санамлар, тоғу тошлар — М.М.) билан дўстликни эмас, балки жонзотлар ўртасидаги жавоб қайтгувчи дўстликни кўриб чиқмоқчимиз. Дўстона туйғулар уйғотувчи нарса (*phileton* — филетон) билан дўстликни талаб қилувчи нарса (*phileteon* — филетеон) бир хил бўлмаганидек, севимли нарса) (*boyleton*) билан севинтирувчи нарса — (*boyleteon*) ҳам бир хил эмасдир. Севикли нарса ўз-ўзича мавжуд неъматдир, севинтирувчи нарса эса бирор одамни севинтириш мумкин бўлган нарсадир.

Меҳр-оқибат уйғотувчи нарса ҳам ўз-ўзича мавжуд неъмат, меҳр-муҳаббат талаб қилувчи нарса эса муайян бир одам учун неъматдир. Шундан келиб чиқиб, муҳаббат истовчи томон муҳаббат уйғотувчи томон билан доимо бирга бўлишни истайди. Муҳаббат уйғотувчи томон эса муҳаббат истовчи томон билан мувофиқ келмаслиги мумкин.

Шу масала билан боғлиқ савол: яхши, муносиб одам билан ёмон одам дўст бўлиши мумкинми? Аслида фақат маълум одам учун яхши бўлган неъмат бошқалар учун неъмат бўлиши мумкин. Худди меҳр-муҳаббат истовчи билан меҳр-муҳаббат уйғотувчи боғлиқ бўлганидек. Ёқимли ва фойдали бўлиш ҳам неъматларнинг (бу ўринда, дўстликнинг) хусусияти билан боғлиқдир.

Муносиб (яхши) одамларнинг дўстлиги ўзаро жавоби қайтадиган дўстликдир, дейдилар. Булар иккаласи бир-бири учун меҳр-муҳаббат уйғотувчилардир. Булар муносиб (яхши) бўлганлари учун ҳам меҳр-муҳаббат уйғотадилар. Унда яхши одам билан ёмон одам ўртасида дўстлик бўлмас экан-да? Йўқ, бўлади. Чунки неъмат фойдали (to synpheron), ёқимли (to hedy) ва ёмон бўлиши ҳам мумкин. Одамлар бирорни ёқимли (хушфөйл) бўлгани учун, бирорни ёмон бўлса ҳам фойдали бўлгани учун дўст тутадилар. Албатта, кейинги дўстлик ўзаро меҳр-муҳаббатга суюнмайди (ва мустаҳкам эмас — М.М.).

Ўзига меҳр-муҳаббат уйғотувчи одам неъматдир; ёмон одам эса ўзига меҳр-муҳаббат уйғотмайди. Бундай дўстликнинг асоси меҳр уйғотувчида эмас, балки меҳр истовчида-дир. (Озми, кўпми) фазилатли одамларда дўстликнинг турли кўринишлари: ҳузур-ҳаловат берувчи дўстлик ҳам, фойда етказувчи дўстлик ҳам учрайди. Ҳузур-ҳаловатли дўстлик билан фойдани кўзловчи дўстлик бир-бирига тенг эмас, аммо бир-бирига бегона ҳам эмас.

Мана шу икки хил дўстликнинг умумий асоси ҳам бор. Масалан, пичоқ шифо беради, врач шифо беради, илм (тиб илми) шифо беради, аммо булар бир-бирига тенг эмас. Пичоқ шифокорликда ишлатилади, инсон шифокор, илм-ҳунар эса шифокорликнинг сабаби ва асосидир. Фазилатли одамларнинг дўстлиги ҳам ё неъмат, ё ҳузур-ҳаловат ва ё фойда топиш асосига қурилади. Бу ерда умумийлик фақат ўхшаш сўзларда эмас, (балки ўзаро дўстона муносабатлар пойдеворидадир). Масалан, бирор: мана бу одам ҳузур-ҳаловат учун дўст тутинган. у ҳақиқий дўст эмас, деганида дўстликнинг барча турларини (неъмат, ҳузур-ҳаловат, фойда асосидаги дўстликларни) назарда тутган бўлади. Ва у ҳақ бўлиб чиқади: ўша одам (яхши одам билан) ёқимли ва фойдали бўлгани учун дўстлашган бўлади.

Фозил одамлар бир-бири билан дўстлашадими? Ахир улар бир-бирига муҳтоҷ эмаслар-ку? — деган савол туғила-ди. Аммо бундай савонни дўстликдан фақат фойда қидирганлар бериши мумкин. Булар, одамлар бир-биридан фойда топганлари учун дўстлашадилар, деб ўйлайдилар. Аммо,

биз юқорида күнгилхушлик, роҳатланиш учун, фойда кўриш учун ҳамда фазилатлари учун боғланган дўстлик турларини кўриб чиқдик. Фозил одам билан дўстлашгани муносиб одам — фозил одамдир. Фозил одамлар дўстлиги энг кучли, мустаҳкам дўстликдир. Чунки бундай одамларнинг дўстлигига неъмат, яхшилик ҳам, роҳат ҳам, фойда ҳам бор.

Аммо фозил одам ёмон одам билан дўстлаша оладими? Ҳа, агар у ёмон одамдан қандайдир фойда кўрадиган бўлса, ўша меъёрда дўстлаша олади. Ёмон одам ёмон одам билан дўстлашадими? Иккаласи учун ҳам бу дўстлик фойда келтирса, дўстлашади. Келадиган фойда учун ёмон одамлар ҳам дўстлашадилар.

Хуллас, энг мустаҳкам, садоқатли ва ажойиб дўстлик — фазилат ва яхшилик асосига қурилган муносиб, фозил одамларнинг дўстлигидир. Бундай дўстлик заминидаги фазилатлар айнимаганидек, бўларнинг дўстлиги ҳам бузилмасдир. Фойда асосидаги дўстлик эса, фойда келмай қолса, узилиши мумкин. Кўнгилхушлик учун дўстлашув ҳам шундай.

Энг яхши одамларнинг дўстлиги фазилатга, қўпчилик одамларнинг дўстлиги фойдага асосланади; қўпол (*phortikoisin*) ва жўн, бачканы (*tykhoysin*) одамларнинг дўстлиги эса кўнгилхушлик қанча давом этса, шунгача сақланиб туради.

Одатда одамлар дўстлари ёмон чиқиб қолса, ҳайрон қоладилар ва хафа бўладилар. Аммо бунинг ҳеч ажабланадиган жойи йўқ. Кўнгилхушлик ва фойда учун дўст бўлганлар, оладиган роҳатлари ёки фойдалари йўқолса, дўстликлари ҳам йўқолади. Шундайлар ҳам борки, агар дўстидан ёмонлик кўрса, қаттиқ хафа бўладиyo, аммо дўстидан воз кечмайди. Бу ҳам табиийдир, чунки бу одамларнинг дўстлиги фазилатга асосланмаган. Бундай пайтда хафа бўлиш ҳам ўринисиздир. Чунки ўзлари кўнгилхушлик учун дўстлашган, аммо фазилати учун дўст бўлган эдим, деб ўйлайдилар. *Кўнгилхушлик ва фойда учун дўстлашган одамлар фазилатдан узоқ одамлардир. Кўнгилхушлик учун дўстлашиб туриб, бир-биридан фазилат излаш беҳудадир. Кўнгилхушлик ва фойданни азиз деб билган дўстларда фазилат нима қиласди?*

Аксинча, фозил одамлар дўстлигига (юқорида айтганимиздек) роҳат ҳам, фойда ҳам топилади. Фозил одамлар бир-бирига ёқади, деган фикрни рад этиш нотўғридир. Чунки ҳатто ёмон одамлар ҳам бир-бирига ёқади.¹⁰² Эврипид айтганидек, «Ёмонни кўрса ёмон эриб кетади». Аслида, кўнгилхушликка фазилат ҳам қўшилмайди, балки фазилатга кўнгилхушлик ҳам қўшилади.

Муносиб одамларнинг дўстлигига кўнгилхушлик, роҳат борми? Йўқ, дейиш ақлдан эмас. Чунки, мабодо яхши дўстлар бир-биридан роҳат топмаса, улар дўстлари билан эмас, балки бошқа, ёқимли одамлар билан яқин бўлур эдилар. Айниқса, биргаликда иш кўрадиган дўстлар бир-бирига ёқиши керак. Яхши одамлар бир-бири билан аҳил, иноқ бўлмайди, дейиш бемаънилиkdir. Одатда бир-бирига ёқимли одамлар аҳил, иноқ яшайдилар. Бундан чиқди, фозил одамлар, айниқса, бир-бирига ёқимли бўладилар.

Юқорида уч хил дўстлик ҳақида гапириб, дўстлик тенгликка асосланадими ёки тенгсизликками? — деган масаланинг мушкуллигини айтган эдик. Энди шу масалага қайтамиз: дўстлик тенгликка ҳам, тенгсизликка ҳам асосланади. (Кўнгиллари) ўхшаҳ одамларнинг дўстлиги муносиб, яхши одамларнинг баркамол дўстлигидир. Бир-бирига ўхшамайдиган одамларнинг дўстлиги фойдани кўзловчи дўстликдир. Камбағал бой билан шунинг учун дўстлашади, ўзида йўқ нарсаларни бойдан топиши мумкин. (Инглиз мумтоз шоири Оскар Уайльд «Садоқатли дўст» ҳикоясида бунинг ажойиб намунасини кўрсатади. — М.М.)

Ёмон одам ҳам худди шу ниятда фозил одам билан дўстлашади: умид қиласиди, фозил одамнинг фазилатидан менга ҳам юқса, дейди. (Бу фикрга қўшилиш қийин. Агар аҳмоқ одам шундай ният қиласиди, ақлли одам бўлур эди. Бизнингча, аҳмоқ одам фозил одамнинг баланд мавқеи ёхуд обрўйидан фойдаланиш учунгина дўстлашади — М.М.).

Хуллас, бир-бирига ўхшамайдиган одамларнинг дўстлиги фойда асосига қурилади. Эврипид (юонларнинг даҳо шоири) «Ер қуриб кетса, ёмғирни соғинади» деганида қарама-қарши томонларнинг бир-бирига фойда етказувчи дўстлигини кўзда тутган эди. Сув билан ўтни олайлик: бу-

лар бир-бирига фойдалидир. Одамлар айтадики, сув сепилмаса, олов ўчиб қолади. Баъзилар ўйлашича, олов сув билан озиқланади. Агар намлик кўпайиб кетса, олов ўчиб қолиши мумкин, озгинаси эса уни кучайтиради. Демак, бир-бирига зид хилқатлар ўртасида ҳам фойда асосида дўстлик бўлиши мумкин. Тенглик ва тенгсизлик асосидаги барча дўстона муносабатлар ҳам юқорида айтганимиздек, уч турга алоқадордир.

Дўстликнинг барча турларида ўзаро муносабатларда тафовутлар бор: дўстларнинг бир-бирига меҳр-муҳаббати, яхшилик қилиши, ёрдами ва ҳоказо муомалалари бир хил эмас. Дўстлардан бири жонини койитса-ю, бошқаси бепарвоник қилса, бепарво дўстни койийдилар ва қоралайдилар. Айниқса, дўстлар ўз олдларига умумий мақсад қўйғанларида (масалан, фойда, кўнгилхушлик) бир томон бепарвоник қилса, дарҳол кўзга ташланади. Мабодо сен менга кўпроқ яхшилик қилсанг, мен сени кўпроқ яхши кўришим керак. Агар дўстлашувда умумий мақсад бўлмаса, фарқлар кўпаяверади. Бундай пайтда қайси тараф бепарвоник қилаётгани уччалик билинмайди. Масалан, дўстлардан бири кўнгилхушликни кўзлайди, иккинчиси фойдани кўзлайди. Шу пайтда ўртада баҳс туғилади, ҳар икки томон ўзи кўзлаётган нарсани дўстидан топмаётганидан хафа бўлади. Чунончи, фойда етказаётган одам ўйлайдики, тўғри, дўстим менга кўнгилхушлик топиб бермоқда, аммо бу мен етказган фойдага нисбатан арзимас-ку? — дейди. Бошқаси ҳам шунга ўхшаб, норозилик билдиради. Мен етказаётган роҳатга нисбатан дўстим кам фойда етказмоқда, дейди. Дўстликнинг мана шу турларида кўпинча узоқлашув юз беради.

Тенгсиз одамларнинг дўстлигига ҳам шундай. Бойлиги ё бошқа неъмати кўп одам: «Мен дўстларимни яхши кўрмасам ҳам камбағал дўстларим мени яхши кўришлари керак», деб ўйлайди. Аммо (билиш керак-ки) севилишдан кўра севиш яхшироқ, чунки севиш неъматdir ва у инсонга роҳат бағишивчи фаолиятdir. Севилган одамда эса ҳеч қандай фаолият юз бермайди (фақат у севилганидан хурсанд бўлади холос, баъзилар эса бундан хурсанд ҳам бўлмайди — М.М.).

Яна: билинишдан кўра билиш яхшироқ. Чунки билиниш жонсиз нарсаларга ҳам хосдир. Билиш ва севиш жонли мавжудотларга хосдир. Ва яна: Хайр қилиш хайр олишдан яхшидир (исломий ахлоқда ҳам шундай: берувчи қўл — устида, олувчи қўл — остида, деган ҳадиси шарифни эсланг — М.М.).

Севгувчи севганидан яхшилик қиласи, севимли одам эса севилгани учун яхшилик қилмайди. Шунга қарамай, кўпчилик одамлар иззатталаблик қилиб, севищдан кўра севилишни афзал кўрадилар. Чунки севимли одам кўп жиҳатлардан имтиёзларга эга. Роҳат ҳам, севги ёки маблағ ҳам, яхшилик ҳам севимли одамга берилади. Шунинг учун иззатталаб одам (севищдан кўра) севилишни, устуникни афзал кўради. Бундай одамлар дўстим севгани эвазига, мен уни севишим керак, деб ўйламайди, мен ундан афзал бўлганим учун у мени суюверсин, деб ўйлайди. Пул (мол-дунё), роҳат-фароғат, фазилатларга муҳтож одам шундай неъматларга бой одамни яхши кўради, сабаби — шуларни дўстидан олишни кўзлайди.

Баъзи одамлар бирорга ҳамдардлик билдириб, яхшилик қилиш ниятида ҳам дўстлашадилар. Бундай дўстликда юқорида айтилган хусусиятлар йўқ: биз у одамга яхшилик тилаймиз, аммо бошқалар билан муомала қиласиз. Бундай ҳиссиётни умуман дўстликка хос деймизми ёки фақат мукаммал, фазилатли дўстликка хос деймизми? Фозиллар дўстлигига шуларга муносиб барча хислатлар: роҳат, фойда етказиш, фазилатидан баҳра олиш — барчаси мавжуддир.

Мукаммал дўстликда одам фақат муносиб дўст билан яқинликда яшашни истайди, унга яхшилик, узоқ умр ва фаровонлик тилайди.

Одам ўзи билан дўстлашиб, ўзини севиши мумкинми, йўқми, бу ҳақда ҳозир индамаймиз. Аммо кейинроқ бу масалани ҳам кўриб чиқамиз. (Табиийки), биз ўзимизга барча яхшиликларни хоҳлаймиз. Ўз-ўзимиз билан гаплашгимиз келади, ўзимизга яхшилик, фаровонлик тилаймиз. Ўзимизга кўпроқ ачинамиз, йиқилиб ё бошқа сабабдан бирор жойимиз лат еса, дарров хафа бўламиз. Шу маънода одам ўз-

ўзига дўстдир. Ўз-ўзимизга дўст бўлганимизда ёки мукам-мал дўстликда бошқаларга ҳамдардлик қиласиз, яхшилик тилаймиз, ташвиш ва қувончларимизни баҳам кўрамиз. Ҳар иккала ҳолда ҳам биргаликда (ёки яқинликда) ҳаёт кечириш, узоқ умр ва фаровонлик тилаш истаги бўлади.

Адолатли муносабатлар бор жойда дўстлик (дўстона туйгулар) теран бўлади. Шу сабаблиadolatning қанча тури бўлса, дўстликнинг турлари шунчадир. Аслида мусофири билан фуқаро, қул билан хожа ўртасида, бир давлат фуқаролари ўртасида, ўғилнинг отага, эрнинг умр йўлдошига муносабатлари каби, барча муаммоларда адолатли иш тутиш мумкин. Барчасидан мусофиirlar ўртасидаги дўстлик теранроқдир, чунки бир давлат фуқаролари умумий мақсад учун ўзаро рақобатлашганида дўстлик йўқолиши мумкин. (Мадинада ансорлар дўстлигини эсланг. — М.М.)

(Дўстлик турларига) холоса ясар эканмиз, энди инсон ўзига дўст бўлиши мумкинми, йўқми, деган масала ҳақида фикр юритамиз. Дўстлик қайси неъматлар кўзда тутилишига қараб, турларга бўлиниши ҳақида юқорида гапирдик. Мана шу неъматларнинг барчасини инсон аввало ўзига тилайди: ҳақиқатан, биз ўзимизга яхшиликларни ҳам, узоқ умрни ҳам, фаровонликни ҳам тилаймиз. Ҳаммадан кўра ўзимизга ачинамиз, ҳаммадан узоқроқ яшашни истаймиз. Ўзимизга ўзимиз дўст эканлигимизни мана шу неъматларнинг барчасини ўзимизга тилашимиздан ҳам билсак бўлади.

Баъзан одамлар ўз-ўзига адолатсизлик қилганидек, ўз-ўзига дўстона муносабатда ҳам бўладилар. Одам ўз-ўзини хафа қилганида, уни бирор эмас, ўзи хафа қилгани учун гўё адолатсизлик қилинмаган бўлади. Аммо кўп ҳолларда одам ўзига ўзи адолатсиз бўлишини кўнгилнинг турли қисмлари бир-бирига номувофиқ иш тутганида кўриб чиқсан эдик. Шундай экан, одам ўзига ўзи дўст ҳам бўлади (халқимизда бунинг аксини ифодаловчи, ўзига зарар келтирувчи бирор ножоя иш қилиб қўйган одам ҳақида «Кейинги пушмон (пушаймон) ўзингга душман», деган ибора ҳам бор — М.М.). Зотан, бир яқин дўстимиз ҳақида: у билан кўнглимиз бир ёки жонимиз бир, деган иборани ишлатамиз (ўзбеклар дўсти-

нинг сўзи жуда кўнгилга яқинлигини кўзда тутиб: «Ичимсиз», дейди — М.М.).

Аввал айтганимиздек, кўнгил турли қисмлардан иборат эди, ана шу қисмлар ўзаро мувофиқ иш тутса, ақл ва ҳиссиётлар ҳамкор, ҳамоҳанг бўлса, кўнгил бутунлиги, дил бирлиги намоён бўлади, шу пайтда инсоннинг ўзига дўстлиги кўринади. Фақат фазилатли (фозил) одамлардагина ўз-ўзига дўстлик бўлади, кўнгилнинг турли қисмлари бир-бирига қаршилик қилмай. аҳил, иноқлик билан иш кўрадилар. Ёмон, нодон одам эса ўзига ўзи дўст бўлмайди, кўпинча у ўзига ўзи душманлик қиласди. Тийиқсиз, нафси ёмон одам ҳузурхаловат истаб, бирор ножӯя иш қиласди, оқибатидан ўзи ўкинади. Ёмон одамнинг кўпгина ножӯя қилиқлари ҳам ўзига дўстлик эмас. душманлик оқибатидир.

Тенглик асосига қурилган дўстлик ҳам бор. Мисол учун, бир гуруҳ дўстлар (келишувга кўра қиймати ва микдори жиҳатдан тенг мол-мулк, рўзғорга эга бўладилар; булардан ҳеч ким бошқасидан ортиқча ё кам мол-мулкка эга бўлмайди (Илк ислом жамоалари, саҳобалар, аввалроқ ва кейинроқ тузилган коммуналар, кооперативлар, жумладан Париж коммунаси, илк социалистлар шундай ижтимоий тенглик идеали учун курашган эдилар — М.М.). Дўстларнинг тенглиги шуни тақозо этади.

Тенгсизлик асосидаги дўстлик ота билан ўғил, бошлиқ билан хизматчи, эр билан хотин, яхши билан ёмон одамлар ўртасидаги дўстликдир. Дўстлар қуёй ва юқори табақа вакиллари бўлганида шундай (тенгсиз) дўстлик юзага келади. Бундай дўстликда тенгсизлик ҳам мутаносиб (пропорционал нисбатда) бўлади: Невъматлар тақсимотида ҳеч ким яхши ишловчига ҳам, ёмон ишловчига ҳам бир хил миқдорда ҳақ бермайди. Оз ишловчи оз олади, кўп ишловчи кўп олади, шу маънодаги муносабатларда (ижтимоий) адолат вужудга келади.

12. Биз кўриб чиққан дўстлик турлари орасида энг яқинлари қариндош-уруғлар, айниқса, ота билан ўғиллар. Аммона учин ота ўғилни жуда яхши кўради-ю, ўғил отани камроқ яхши кўради? Бунинг сабабини кўпчилик, тўғриси, олонмон, бундай тушунади: Ота ўғилга яхшилик қилувчиидир,

ўғил эса отанинг қилган яхшиликларига миннатдорчиллик билдирувчиidir. Бундай сабабни (юқорида) фойда кўзлаган дўстлик турида ҳам кўрган эдик. Бу ерда ҳам худди ўша амалиётни кузатамиз. Мен бу ўринда мақсад билан ҳаракат мувофиқ қелган, ҳаракатнинг ўзи мақсад бўлган ҳолатлар ҳақида гапираман. Мисол учун, найчининг мақсади ҳам, ҳаракати ҳам най чалишдир. Қурилишда мақсадни бошқа одам ўйлади, бошқа одам ижро қиласди. Дўстлик ҳам найчи санъатидай, бунда ҳам дўстликдан мақсад — дўстлик, меҳрибонликдир. Шу маънода, мақсад қилувчи ва ижро қилувчи бир одам отадир. Бу ўринда ота бинокор, ўғил бино (яъни, ундан бино бўлган — М.М.). Бошқа соҳаларда ҳам шу ҳолни кўрамиз: барча ижодкорлар ўзлари бунёд этган нарсаларга меҳр-муҳаббат билан қарайдилар. Ота ҳам ўзи бунёд этган ўғлига (ширин гўдаклик даврларини) эслаб ва (келгусида ундан яхшиликлар) умид қилиб, доимо унга яхши қарайди. Шу сабабли, ўғилнинг отага меҳридан кўра, отанинг ўғилга меҳри (бекиёс) кўпdir.

Энди, бир қараашда дўстликка ўхшаш ҳолатларни кўриб чиқамиз. Булар дўстликми, йўқми, шуни аниқлаймиз. Мисол учун. (кўплар) хайриҳоҳлик (ευποία) ни ҳам дўстлик деб ҳисоблайдилар. Умуман хайриҳоҳлик, аслида дўстлик эмас. Биз кўпинча, бирорлар ҳақида мақтov ёки яхши гап эшиксак, ўша одамларга кўнглимизда хайриҳоҳлик уйғонади. Биз уларга дарров дўст бўлиб қоламиزم? Йўқ, албатта. (Юнонлардан) кимдир Эрон шоҳи Дорога хайриҳоҳ бўлсалар, ундан улар дўст экан, деган маъно чиқмайди-ку. (Бу ерда Арасту холис, демократ одам сифатида, душман подшоҳга хайриҳоҳ бўлган одамни дарров ёвга дўст, деб сиёсий айб қўйиш тўғри эмаслигини назарда тутаётганга ўхшайди — М.М.).

Аммо (бошқа ҳолларда) хайриҳоҳлик дўстликнинг бошлиниши бўлиши мумкин. Агар яхшилик қўлидан келадиган одам ўзи хайриҳоҳ бўлган одамга яхшилик қиласверса, дўстлик вужудга келиши мумкин.

Хайриҳоҳлик маънавият негизида туғилувчи ахлоқий фазилатdir. Чунки жонсиз нарсаларга, масалан, маст қилувчи ичкилик ёки бошқа кўнгилхушликларга хайриҳоҳлик қилинмайди-ку! Одатда яхши хулқли, фазилатли одамларга

хайрихоҳлик билдирилади. Дўстлик бор жойда хайрихоҳлик бўлади, булар бир-биридан ажралмасдир. Шу маънода хайрихоҳлик дўстликка алоқадордир.

Бирдамлик, ҳамжиҳатлик (*homopoiia*) том маънода, дўстликка яқин хислатдир.

Фараз қилайлик, кимдир Эмпедокл билан бир хил тушунчаларга эга, у ҳам Эмпедокл тан олган нарсаларни тан олади. Шу одам Эмпедокл билан бирдам, ҳамжиҳат бўладими, йўқми? Аслида ҳамжиҳатлик бундай нарсаларда эмас, бошқа нарсалардадир. Аввало, ҳамжиҳатлик ўй-фикрларда эмас, балки амалий ишларда кўринади. (Аслида ўй-фикрларда ҳам кўринади — М.М.). Яна фараз қилайлик, икки киши ҳокимиятга эришиш ҳақида ўйлайди, буни бир хил ўйлаш, деб бўлмайди. Чунки у ҳам, бу ҳам ўзи учун ҳокимиятни ўйлайди, дўсти учун эмас. Буларни ҳамфикр дейиш мумкинми? Албатта, йўқ.

Аммо аҳвол бошқача бўлса, масалан, мен ҳокимиятга эришувни ўйласам, дўстим ҳам менинг ҳокимиятга эришувимни ўйласа, шунда биз ҳамжиҳат бўламиз. Шу маънода, ҳамжиҳатлик амалий ишларда кўринади, дедик. Яъни икки киши бир одамнинг (эҳтимол, учинчи кишининг — М.М.) мансабдор бўлишини тиласа, булар том маънода ҳамжиҳат одамлардир.

13. Инсон ўзи дўст бўлиши мумкинлигини юқорида айтдик. (Аммо энди) муносиб, яхши инсон ўзини ўзи яхши кўрадими? — деган масалани кўриб чиқайлик. Ўзини яхши кўрувчи одам доимо ўз фойдасига иш қилади (бошқаларни ўйламайди) десак, бу ёмон одам бўлиб чиқади. Муносиб, яхши одам бундай бўлмайди. Яхши одам бошқалар манфати учун (Ватан, халқ манфаати учун — М.М.) иш қиладиган фозил одамдир, яъни у худбин эмас. Аммо (бошқа жиҳатдан) ҳамма одамлар неъматни тилайди ва ўзи учун кўпроқ неъматлар ато қилинишини хоҳлайди. Яхши одам бойлик ва мансабни бошқаларга кечиб бериши мумкин. Бунинг боиси яхши одам мана шу неъматларни хоҳламаганида эмас, балки бошқа бир одам бойлик ва мансабни яхшилик йўлида ундан кўра яхшироқ ишлата олишини билгани учундир. Бошқа (оддий) одамлар бундай ўйламайдилар. (Улар ё бой-

лик, мансаб қандай суиистеъмол қилинишини билади, ёки ўзлари мансабга ўч бўлади). Яхши одам бу иккала хавфдан узоқдир. Демак, яхши одам мана шу нарсаларда ўзини яхши кўрувчи (худбин) эмас. У ҳам ўзини яхши кўради, фақат у ажойиб, гўзал ишларда бошқалардан орқада қолишни истамайди, агар моддий фойда ёки мансаб бўлса, воз кечиши мумкин. Демак, яхши одам гўзал, солиҳ иш-амалларда ўзини яхши кўради, фойда ва роҳат, кўнгилхушлик бобида ўзини яхши кўрган одам эса ёмон одамдир.

14. (Давоми). Муносиб, яхши одам дўстини яхши кўргани учун фойда келтирувчи неъматлар унга бўлсин, дейди. Аммо, шу иши яхши бўлгани учун, шу гўзал феъл ўзида бўлишни истайди, шу маънода бошқалардан ўзини яхшироқ кўради. Демак, у ўзини эмас, эзгуликни (гўзал ишларни) яхши кўради. Мабодо ўзини яхши кўрса ҳам яхшилиги учун қадрлайди. Ёмон одам эса худбин, у ўзида яхши кўришга арзийдиган ҳеч нарсаси (хислати, фазилати) бўлмаса ҳам бари бир ўзини яхши кўраверади. Шу маънода ёмон одамни ўзига бино қўйган, иззатталаб дейдилар (*philaytos*).

15. Юқоридагиларга яна шуни қўшимча қилиш керакки, ўзидан кўнгли тўқлик, ўзидан мамнунлик (*avtarkeias*) нима ва ўзини баланд тутувчи (такаббур) одам ким? — деган масала ҳам муҳимдир. Бундай одам дўстларга муҳтоҷ бўладими? Ёки бу масалада ҳам у ўзидан мамнунлик билан чекланадими? Ахир баъзи шоирлар ҳам ёзади-ку:

*Ўзга дўст не ҳожат? Омадлар аро
Тангрilar раҳмати бизга кифоя.¹⁰³*

Шу маънода савол туғилади: барча ноз-неъматларга эга бўлган, ўзидан кўнгил тўқ одам дўстга муҳтоҷми? Ёки худди шундай одам дўстларга кўпроқ муҳтоҷми? Чиндан ҳам у ўз бойликларини кимга сарфлайди ёки кимлар орасида ўзини кўз-кўз қиласди? У яккамохов бўлиб, ёлғиз яшашни истамайди, албатта. У, кимлар орасидадир ўзини кўрсатишни истар экан, албатта, дўстларга муҳтоҷ бўлади. Бундай одамлар ҳақида гап борганда Худон таоло(нинг ёлғизлиги) билан қиёслаш ўринсиздир. Тангри таоло Кофий (Ўзига ўзи ки-

фоя), ҳеч кимга муҳтож эмас экан, бундан биз ҳам ҳеч кимга муҳтожмасмиз, деган маъно чиқмайди, албатта.

Баъзилар Худои таоло ҳақида бундай ўйлайди: Худои таоло ҳамма неъматларнинг эгаси, Ўзига ўзи кифоя экан, унда нималардан ташвишланади, ухлайверса бўлмайдими? (Нодонлар шундай фикрайдилар — М.М.) Ёки Тангри гўзалликларни томоша қиласидими? Ундан бўлса, барча гўзалликлар Унинг ўзида-ку? Ёки Ул зот ўзини ўзи томоша қиласидими? Ахир, бу маъносизлик-ку? Биз ҳатто ўз жамолига маҳлиё бўлган одамни ҳам аҳмоқ деймиз-ку?

Худои таоло нималарни кузатиб, мушоҳада қилиши масаласини бу ерда кўриб чиқмаймиз.¹⁰⁴ Биз бу ерда (банд) инсоннинг ўзидан мамнунлигини, таманносини кўриб чиқмоқчимиз. Бундай одам дўстларга муҳтожми, йўқми? Бунинг учун «дўст» деган (тушунча) ўзи нималигини билишимиз зарур. Аслида инсон учун ҳақиқий дўст унинг иккинчи «мен»идир. Халқ орасида «Бу иккинчи Ҳеракл-ку» деган ибора ҳам бор.¹⁰⁵ Хуллас, дўст инсоннинг иккинчи «мен»идир.

Ўзини, ўзлигини билиш эса, энг мушкүл ва энг қувончли ишдир. (Ўзни билиш қувонч баҳш этар). Аммо биз ўз кучимиз билан ўзимизни била олмаймиз. Биз ўзимизни (кўнглилиз, феълилизни) кўра олмаслигимизни шундан билиш мумкинки, бошқаларга танбех бераёттанимизда, шу камчиликлар ўзимизда ҳам борлигини пайқамаймиз. Бунинг боиси — ё ўзимизга танқидий қарай олмаслигимиз, ёки манфаатпаратлигимиздир. Мана шулар бизнинг кўзимизни кўр қилиб, ўзимизни кўришга халақит беради. Шунинг учун ҳам биз ўзимизнинг ташқи қиёфамизни кўришни истасак — ойнага қараймиз, ички қиёфамизни — феъл-авторимиз, руҳий оламмимизни билишни истасак, дўстимизга қараймиз. Дўст одамнинг иккинчи «мен»и деган сўзнинг маъноси шудир.

Хуллас, ўзини билиш қувонч келтираб экан, биз ўзимизни дўстимиз ёрдамида биламиз. Ўзидан мамнун, тўқ одам ҳам шу маънода дўстларга муҳтождир. Айниқса, ўзига тўқ одамга Худо хайр-саҳоват ҳам ато этган бўлса, у гўзал ишларни, яхшиликни кимларга қиласиди? Кимлар билан бирга (бир замонда) яшайди?

У, албаттa, ёлғизлиқда яшашни истамайди. (Ёлғизлиқда яшашга нисбатан күнгил яқинлар билан) бирғалиқда яшаш ёқимли ва зарур ҳамдир. Агар бирдамликда, ҳамжиғатликда яшаш гүзal, зарур, ёқимли экан, демак, ўзига түқ, таманноли одам ҳам дүстларга эхтиёж сезади.

16. Дүстлар күп бўлгани яхшими. оз бўлганими? Ози ҳам, кўпи ҳам унчалик яхши эмас. Агар дўстларингиз күп бўлса. ҳар бирига меҳрибонлик қилишингиз қийин бўлади (Шарқона одоб-ахлоқда яхши дўстларнинг күп бўлгани яхши ҳисобланади, ёмон дўст — биттаси ҳам ортиқча — М.М.). Узоқдаги дўстларга эътибор бериш, айниқса, қийин. Инсон кўзи табиатан узоқни кўролмайди, қулоги узоқдаги товушни эшитолмайди. Шунга ўхшаб, баъзилар табиатида дўстга меҳр ҳам узоққа етмайдиган, заифроқ бўлса, дўстлар орасида гап-сўз бўлиб, таъна, гиналарга қоласиз. Дўстга меҳри, эътибори заиф одам дўстини амалда эмас, фақат оғизда яхши кўради. Бундай одам эса дўстликка ярамайди.

Яна: агар дўстларингиз жуда кўп бўлса, хафачилик ҳам кўпаяди (хурсандчилик ҳам — М.М.). Негаки, кўпчилик дўстлар орасида кимнингдир бошига ташвиш тушади, эшигиб, хафа бўласиз. Бошқа жиҳатдан дўстларингиз камлиги ҳам ёмон. (Бир-иккита дўст билан катта ва яхши ишларни қилолмайсиз). Дўстларнинг оз, кўплиги ҳар бир одамнинг дўстларга меҳр-муҳаббати оз ёки кўплигига боғлиқ.

17. Энди, дўстларга қандай муомала қилиш кераклигини кўриб чиқайлик (Бу муҳим мавзу ҳақида донишманларнинг жуда кўп яхши асарлари, фикр-мулоҳазалари бор: «Калила ва Димна», «Қобуснома», Ибн ал-Муқаффанинг «Одоби кабир», Аҳмад Юғнакийнинг «Ҳиббатул-ҳақойиқ», Юсуф Хос Ҳожибининг «Қутадғу билик», Саъдийнинг «Гулистан», «Бўстон», Алишер Навоийнинг «Маҳбубул қулуб», В.Шекс-пирнинг «Икки вероналик», М.Монтененинг «Ҳаёт тажрибалари», И.Кантнинг «Дўстлик ҳақида». Ларошфуконинг «Максималар», Оскар Уайлднинг «Садоқатли дўст», У.Честер菲尔днинг «Ўғлимга мактублар», А.Авлонийнинг «Туркий «Гулистан» ёхуд Ахлоқ» асарлари — М.М.). Ҳозир биз ҳар қандай дўстликни эмас, балки мушкулликлар, ўзаро ги-нахонлик туғиладиган дўстликни тадқиқ қиляпмиз.

Дўстликнинг барча турларида гинахонлик турлича мазмундадир. (Фойда, манфаат асосидаги дўстликда тарафлар «Мендан бугина, сендан угина» қабилида иш тутадилар, агар бирор томон шартни бузса, жиддий низо келиб чиқади. Ота билан ўғил дўстлигида бундай эмас. Дўстлар (ёшда, ижтимоий мавқеда: бой, камбағаллиқда, мансабда) тенгсизлик бўлган дўстликда, албатта, томонлар ўзини тенг тутмайди. Ота билан ўғил меҳрида, эр билан хотин, қарол билан хожа дўстлигида тенглик бўлмайди. Ҳар жиҳатдан тенг бўлган дўстлар бир-бирини (дўстлик шартини бузишда) айблашлари мумкин. Шунинг учун биз бу ерда қадр-қимматда тенг бўлган дўстларнинг¹⁰⁷ ўзаро муомаласи қандайлигини кўриб чиқишимиз зарур...

Ҳаддан ошиш инсондан ташқаридаги неъматлар (бойлик — мол-дунё, мансаб, обрў, дўстлар, шон-шуҳрат)га алоқадор бўлиши ва ўзимизга, вужудимизга алоқадор (сезги ва таъм билиш, иштача карнайлиги) бўлиши мумкин. Ёки танроҳати, ҳиссий лаззат шу соҳаларда ҳаддан ошиши мумкин. Биз, асосан шу кейинги тийиқсизлик ҳақида фикр юритамиз.

Аввал кўрганимиздек, баъзи соҳаларда ҳаддан ошиш яхшими, ёмонми? — деган савол ҳам туғилиши мумкин. Иззат-ҳурматга доимо интиладиган одам том маънода, ҳаддан ошувчи одам эмас. Баъзан бундай одамларни ўз қадрини билади, деб мақтайдилар ҳам. Шу хилдаги ҳаддан ошганларга кўпинча, обрўга, шон-шуҳратга ўч одам ёки жаҳлини тиёолмайдиган одам, деб айтамиз. Аммо, аниқ айтмасдан, умуман очкўз, тийиқсиз, ҳарис одам деганда танроҳатига, овқатни кўп ейишга ўч одамларни кўзда тутамиз.

Яна бир сабабга кўра, мана шунаقا одамларни умуман тийиқсиз, ҳарис, деймиз. Модомики, тийиқсизлик қораланар экан, шунинг манбай ҳам қораланади. Обрўга, шон-шуҳратга, амал-мансабга, пулга ва ҳоказоларга ўч одамлар унчалик қаттиқ қораланмайди. Аммо инсон баданига алоқадор ҳиссий лаззатларга ўч одамлар (нопок одамлар деб) қаттиқ қораланади. Шундай савол туғилади: ғазабини босолмайдиган одам билан тан лаззатига берилган одамдан қай бири кўпроқ, қаттиқроқ қораланади? Жаҳл, ғазабни

босолмасликни бефаросат, муте хизматкорларга ўхшатиш мүмкін. Булар «Олиб кел!» деган буйруқни эштишилари билан ҳали хўжайн нима сўраётганлигини тушунмай туриб, ҳали китоб, ҳали хат, ҳали қаламни олиб югуриб кела-дилар. Булар хўжайн китоб деса, янглишиб қаламни ва қалам деса китобни олиб келадилар. Газаби тез, сержаҳл одам ҳам шундай: у бироннинг салгина хафа қиласиган сўзига ловиллаб, жаҳл отига минади; бу сўздан хафа бўлишга арзийдими ё қаттиқ хафа бўлишга арзийдими, шуни хотиржам ўйлаб кўрмайди. Бунаقا жаҳли тез одамларни қаттиқ қораламайдилар.

(Аммо тан роҳатларида ўзини тиёлмайдиган одамнинг қаттиқ қораланишига сабаб шуки, бу нарса нопокликдан, андишасизлик, уятсизликдан, очофатликдан келиб чиқади.

— М.М.)

Жаҳли тезликнинг сабаби — тез хафа бўлиш (*lure*). Бирор хафа қилмаса, ҳеч кимнинг ўз-ўзидан жаҳли чиқмайди. Ҳирсли, ҳарис одамни эса (ор-номуси йўқлиги сабабли) қаттиқ қоралайдилар. Эҳтиросларда ҳаддан ошиш беодоблик (*hybris*) билан боғлиқдир.

Биз одатда сабр-бардошли, қаноатли одамни мақтаемиз. Бу ўринда қаноат билан сабр (*karteria*) тенгми ёки ўхшашми? — деган савол туғилади. Қаноат одатда ошиқча лаззатларга берилмай, ўзини тийишдир. Сабр, бардош эса бошга фам-кулфатлар ёғилганида чидаш, сабр-бардош қилишдир. Фам-кулфатларга чидамли одам — сабр, бардошли одамдир. Тийиқсизлик билан кўнгли бўшлик (*malakia*) ўхшашроқ, аммо фарқлидир. Кўнгли бўш (иродасиз) одам тан лаззати, роҳатидан ўзини тийолмайди. Кўнгли бўшлигидан уятли ёки гуноҳ ишга берилади (*kata malakio menos*).

Яна шу тоифадан бузуқ (суюқоёқ — *akolastos*) ҳам бор. Бузуқлар ва ҳаддан ошувлар бир хилми ё бошқа-бошқами? Бузуқ, суюқ одам шундайки, у ўзи қилаётган ёмон, уятли ишни энг яхши ва фойдали иш, деб ўйлади. Унга ёқадиган нарса бўлса, бас, ҳар қандай ақл-идрок (ахлоқ-одоб) қоидлари унинг учун бир чақа. Ҳаддан ошувчи, тийиқсиз, одамда ҳар қалай, ақл-идрок бор ва шу нарса унинг заарли майл, эҳтиросларига қандайдир қаршилик қилиб туради.

Бузуқ одамни тузатиш осонми ё тийиқсиз одамними? Бир қарашда бузуқ одамни тузатиш осонроқ күринади. Бундай одамни ақллироқ бўлишга, одобсизлик ёмон деб, одоб доирасида иш тутишга даъват қилинса бас, шу билан улар тузалиб кетишилари мумкин. (Табиатан) тийиқсиз, очкўз, ҳарис одамларда ақл-идрок қонунлари бўлса ҳам улар бари бир беодоблик (ахлоқсизлик) қилаверадилар, бундай одамлар тузалмайди.

Аммо бошқа жиҳатдан қарасак, феъл-атворида бирор яхшилик бўлмаган бузуқ одам ёмонроқми ёки ёмон қилиқлари билан бирга яхши томонлари ҳам бўлган (очкўз) одам ёмонроқми? Албатта, биринчи тоифа ёмонроқ, чунки бундай одамларда энг азиз нарса (виждон, иймон — М.М.) ёмон аҳволдадир. Очкўз, тийиқсиз одамда ақл-идрок қоидаси (*orthos logos*) бор — бу эса ҳар бир инсоннинг жавҳари (*arche*) биринчи асосидир. Бузуқ, суюқ, одамда эса бу нарса йўқ. Демак, бузуқ одам очкўз, тийиқсиз одамдан ёмонроқдир. Ҳайвонфеъл одам ҳам шундай. Бу ёмон хислат ҳайвонда эмас, одамда учрайди. Ҳаддан ташқари бузуқ одам ҳайвонфеъл одамдир. Ҳайвонда эса ёмонликнинг жавҳари (*arche phaile* — архи-файлे) йўқдир. Ақл-идрок қонуни (*logos*) эса инсонлик жавҳаридир. Кимдан кўпроқ ёмонлик кутиш мумкин? Арслонданми ё Дионисий, Фаларид, Клемарк ва шу каби ғаламисларданми? Равшанки, ғаламислар ҳайвондан ёмонроқдир. Биринчи асос, жавҳар расво бўлса, унинг эгасидан кўп ёмонликлар келади. Ҳайвонда эса расволик жавҳари йўқ. Бузуқ одамнинг ақли шундайки, у ёмон ишларини ҳам яхши деб маъқуллайди, чунки унинг жавҳари — расво. Шу жиҳатдан ҳам бузуқ одамга нисбатан тийиқсиз, очкўз одам тузукроқдир. (Аммо ҳаётда тийиқсизлик, очкўзлик ва бузуқлик бирлашган одамлар ҳам бор — М.М.).

Тийиқсизлик, сабрсизликнинг ҳам икки тури бор. Бири — тезлик қилиб, ўйламасдан, кутилмагандан тийиқсизлик қиласиди. Масалан, биз эркаклар (кўпчилигимиз) чиройли аёлни кўриб қолсак, кўнглимизда (уни қучоқлаб, ўпиш истаги каби) беодоб бир туйғу уйгонади. Тийиқсизликнинг иккичи тури касалликка ўхшаган, тўғри йўлдан, покизаликдан адаштирувчидир.

Тийиқсизликнинг биринчи тури унчалик хавфли эмас, бундай тийиқсизлик ҳурматга муносиб, эҳтиросли (қизгин) ва истеъододли одамларда ҳам учрайди. Иккинчи турдаги тийиқсизлик табиатан совуқ ва тунд одамларда учрайдики, буни қаттиқ қоралаш зарур.

Агар инсон күнглида огоҳлантирувчи ақл (logos) бўлса, у лаҳзали кайфиятга, уятли туйғуга берилмайди: гўзал аёлни кўрганида ҳам ўзини яхши тута олади. Аммо ақлан шу нарса ёмонлигини тушуниб турса ҳам кўнгил майлига берилиб, тан роҳатини истаб, бўшашиб кетадиган одам қаттиқ қоралашга лойиқdir. Муносиб (оқил) одам бундай пайтда ўзини жиловлай олади. Биз огоҳлантирувчи ақлга ҳам бўйсунмасдан уят ишлардан роҳатланишни яхши деб билувчи, (иймони) заифлашган, тубанлашган одамни назари паст, ҳарис, суюқ одам деймиз.

Юқорида, оқил одам (sophron — софрон) қаноатли, сабрбардошли одамми, деган масалани ўртага қўйган эдик. Ҳозир, шу масалани ҳал қиласиз. Оқил одам айни вақтда босиқ, қаноатли одамдир. Вужудини ўртаган эҳтиросини ақл қонунига кўра жиловлай олган одам ҳам, табиатан уятли эҳтирослардан холи, аммо гоҳо шундай эҳтирослари исён қилиб қолса, уларни боса оладиган одам ҳам босиқ, вазмин одамдир.

Ёмон эҳтирослардан холи, аммо шу эҳтиросларнинг ёмонлиги ҳақида тўғри фикри бўлган одам оқиллар. Бундан чиқадики, вазминлик оқилликнинг йўлдошидир, оқил одам вазмин ҳамдир.

Аммо, бунинг аксича, барча вазмин одамлар ҳам оқил бўлавермайди. Оқил одам тубан эҳтиросларни кўнгилдан кечирмайди, вазмин, ўзини тия оловучи одам эса тубан эҳтиросларни кўнглидан кечиралию, уларга эрк бермайди. Оқил одамда бу иккала ҳолат бўлмайди. Шунинг учун вазмин, ўзини тия оловучи одамни оқил одамга teng деб бўлмайди.

(Энди яна бир масалани кўрамиз). Тийиқсиз одам тубани ёки тубан одам тийиқсизми? Ёки булар ўртасида алоқадорлик йўқми? Тийиқсиз, назари паст, очкўз одам кўнглида ақл билан эҳтирослар ўзаро курашади (ва эҳтирослар ғолиб чиқади — М.М.). Тубан одамнинг кўнглида бундай кураш

йўқ, унинг ақли тубан ҳирсларга бўйсунаверади. Демак, тубан одам тийиқсиз, назари паст одамга тенг эмас (ва бирбиридан унчалик узоқ ҳам эмас — М.М.). Аслида тубан одам тийиқсиз, енгилтак одамга нисбатан ёмонроқдир.

Одамнинг одатидан кўра табиатини тузатиш қийинроқдир. Одат кучаяверса, табиатга айланиб қолади. (Алишер Навоий ҳам «Кимфаки ёмонлик одат эрур, У кўп такрорланса табиат эрур» деб, худди Арасту каби фикр айтган эди — М.М.). Тубан одам табиатан ёмон одамдир, шу боисдан унинг ақли ҳам ноқис, нопокдир. Тийиқсиз, очкўз одам эса унчалик эмас. Агар у табиатан ёмон бўлганида ақли (logos) ҳам ноқис бўлур эди. Хуллас, тийиқсиз одамнинг одати ёмон, тубан одамнинг эса табиати ёмон. Одатни бошқа бир одат билан алмаштириб, тузатиш мумкин, аммо табиатни ҳеч нарса билан тузатиб бўлмайди.

(Яна бир мушкул масала). Тийиқсиз, очкўз одам билим билан бехато фикрлай олса; оқил одам ҳам ҳар бир нарса ҳақида тўғри фикрлай олса, оқил одам тийиқсиз бўлиши мумкинми? Бу саволга жавоб бериш қийин. Юқорида айтганларимиздан келиб чиқсан, оқил одам тийиқсиз, очкўз бўлмайди. Яна айтган эдикки, оқил тўғри фикрлаш билан бирга, шу фикрига амал ҳам қилади. Модомики, оқил энг яхши йўлни танлар экан, у тийиқсизлик, очкўзлик қилмайди. Аммо тийиқсиз одам топқир, ўткир зеҳнли бўлиши ҳам мумкин. Эсингизда бўлса, юқорида оқил билан топқир одамларни қиёслаб, булар бир-бирига тенг эмас, деган эдик: оқил яхши йўлни (зарур йўлни) танлайди, топқир эса яхши йўлни танламаслиги мумкин. Топқир одам (яхшилар айтган ёки виждан буюрган) бирор ишнинг тўғрилигини билса ҳам унга амал қилмагани учун тийиқсиз, очкўз бўлиши мумкин. Оқил одам эса очкўз ва тийиқсиз бўлиши мумкин эмас.

ЮНОНЧАДАН Т.МИЛЛЕР ТАРЖИМАСИГА ИЗОХЛАР

Бир файласуф ижодида уч хил «этика» (*Ахлоқ илми*) китобининг учраши, «Риторика» («Хитоба»)нинг I-китоби охирида ва 2-китоби бошланшида мустақил ахлоқ илми лав-ҳасининг борлиги жаҳон фалсафаси тарихида ноёб ҳодиса бўлиб, бу ҳодиса Арасту ва унинг фалсафий мактаби, маънавий-ахлоқий ҳаёт муаммоларига нақадар катта эътибор берганлигидан далолатдир. Арасту «Этика» китобларининг энг муҳтасарини нима учун «Магниа Моралия», «Катта этика» (*Ахлоқи кабир*) аталишини олимлар турлича изоҳлайдилар: 1. Бу асар Арастунинг отаси Катта Никомахга багишланганни учун. (Сўнгги янгиафлотунчи Элий фикри.) 2. Бу асар Арастунинг биринчи тўлиқ этика китобидир (В.Тайлер, 1934). 3. Бу асар ундан ҳам кичик асарнинг тўлдирилган нусхасидир (О.Жигон, 1931). 4. Бу асардаги 2 китоб Арастунинг бошқа асарларидағи китоблардан узун, каттароқдир. (П.Моро, 1951). 5. Бу асар буюк, жуда муҳим панд-насиҳатлардан иборат. (Хр. Пани, 1841). 6. Унда кўпгина мавзулар тилга олинган. (Буюк Альберт. XIII аср).

Чиндан ҳам фақат «Ахлоқи кабир»да ўтмишдаги ахлоқий таълимотлар ҳақида боб бор (I-китоб, 1-боб.) Бу асарда омад тушунчаси ҳам тадқиқ этилган (1-китоб, 7-боб). Унда катлоказатия (маънавий гўзаллик) ҳақида ҳам гапирилади (II китоб, 9-боб). Дўст кўзгудай, унга қараб, инсон ўзини билади, деган фикр бор (II китоб, 15-боб). Унда оламлар ҳукмдорининг адолати ҳақида гап бор (II китоб, 8-боб).

Мана шу масалалар «Никомах этикаси»да учрамайди, «Евдем этикаси»да қисман учрайди холос. Бундан ташқари «Ахлоқи кабир»да эркин йўл танлаш, табиий, тугма фазилат, тўғри фикрлаш, севимли ва ёқимли одамлар, табиатни камол топтириш масалалари маҳсус ва анча муфассал тадқиқ этилган. Аммо бу ерда «Никомах этикаси», X китобидаги «мушоҳадати ҳаёт»га оид муҳим бўйим етишмайди.

(Аслида «Ахлоқи кабир»да бу ҳақда ҳам фикрлар бор — М.М.).

Фарб Ренессанси — Уйғониши давридаги филолог (тил, адабиётчи) олимлар мазкур рисоланинг жуда ихчам ва расмий тилда ёзилганига қараб, бу асарни Арасту ёзганига шубҳа билдирган эдилар.

(Аслида «Ахлоқи кабир» ихчам, лўнда ва равон тилда ёзилган. Ўзбекча эркин таржимада, айниқса, тил равонлигига эътибор бердик — М.М.). Фалати услугуда ёзилгани учун кўпчилик арастушунослар «Ахлоқи кабир»ни қадимги номаълум бир перипатетик (Афлотун академияси издоши) «Евдем этикаси»дан фойдаланиб ёзган компилятив (кўчирма ёки қайта баён қилинган) асар, деб ҳисоблайдилар. Аммо, айни вақтда асар услугудаги баъзи қадимий қўшимчаларга қарагандо, уни кейинроқ ёзилган, деб бўлмайди. Фр.Шлейермахер (Австрия олими) 1817 йилда «Ахлоқи кабир»ни, фалсафий фикр қудрати ва яхлитлиги жиҳатларига эътибор бериб, Арастуники деб ҳисоблаши мумкин бўлган ягона асар, деб атади.

«Магния Моралиа» («Ахлоқи кабир»)да Арастунинг жонли сўзлари кўринади, бу рисола матни — ё муаллифнинг ўз конспекти, ёки шогирдлари (дарс вақтида) ёзив олган конспектидир, деган фикр XX асрда айтилди (Г.Арним, В.Тайлер). Ф.Дирльмайер (бу ҳам Австрия олими) «Ахлоқи кабир» ҳақидаги турли қарашларга хулоса ясаб, бу асар компиляция ҳам эмас, мусаввада (қоралама нусха) ҳам эмас, балки айни Арастунинг «Метафизика»дан ёки бошқа «Этика»лардан аввал ёзган ўз асаридир, деган фикрга келди. Бунинг далили асарнинг бир бутун улкан қоя каби яхлитлиги, услугубий-фикрий бақувват эканлигидир. Кейинроқ муҳаррир ва ноширларнинг аралашуви бўлса ҳам жуда арзимасдир. Ф.Дирльмайер фикрича, ахлоқий муаммолар жуда ўтиқир қилиб, ўртига қўйилишига қарагандо, бу асар йигиқ, лўнда, педагогик услугуда ёзилган, илгор шогирдларнинг муҳокамаси учун мўлжалланган дарсликнинг нодир намунасидир.

Арасту «Этика»ларининг муаммолари ҳали охиригача ҳал этилмаган. Қадимшинос А.Кенни, милоддан аввалиги II аср гача тилга олинмагани, айрим сўзларнинг қўлланилиши доирасининг статистик таҳлили асосида «Никомах этикаси»ни Арасту асарлари рўйхатидан ўчиришини, уни «Евдем этикаси» ва қисман «Ахлоқи кабир» билан ўхшаши ҳисоблашини таклиф

қилди. Арасту асарларининг аслиятини ва матнларининг қиёсий фазилатларини бундай турли-тумлан баҳолашлар билан эмас, балки алломанинг фалсафий фикрларини түлиқ аңглайш асосида аниқлаш мумкин.

Юончадан русчага таржима Арасту асарларининг 1883 йылги нашридан амалга оширилган.



РИТОРИКА

(Хитоба)



БИРИНЧИ КИТОБ

1-боб

Риторика (хитоба)нинг диалектикага муносабати — Риториканинг (барча фанлар учун) умумийлиги. Нотиқтлик санъати тизимини — системасини тузиш мумкинми? Аввалги нотиқтлик санъати системаларининг қониқарли эмаслиги. Нотиқ (оратор) нималарни исботлаши керак? Қонун барча масалаларни иложи борича ўзи ҳал этиши керак. Бунинг сабаблари. Ҳакам (судья) ҳал этиши керак бўлган масалалар. Нима учун олимлар (тадқиқотчилар) кўпинча адлия (судлов) нутқлари ҳақида гапиришни маъқул кўрадилар? Силлогизм (асословчи фикр) билан энтилеманинг ўзаро муносабати. Риториканинг фойдаси, мақсади ва соҳалари.

* * *

Риторика билан диалектиканинг¹⁰⁸ умумий, ўхшаш томони шундаки, ҳар иккала фан фақат айрим фанларга таалуқли соҳа бўлмасдан, барча фанлар буларга муҳтожидирлар. Ҳар иккала санъатга (фанга) барча одамлар у ёки бу даражада иши тушади, чунки барча одамлар бирор масалани муҳокама қиласди, қайсиdir фикрни, қандайдир одамни ҳимоя қиласди ёки қоралайди. Бундай ҳолларда баъзилар тасодифга суннади, баъзилар ўз одати ёки қобилиятига қараб иш тутади. Бу икки хил ҳолатни бир тизимга, системага солиш учун иккала турдаги одамлар қандай сабабларга кўра мулоҳаза ва муҳокама оқибатида бирор фикрий хulosага келади, шуни кўриб чиқишимиз зарур, бу эса санъат (илм)-нинг ишидир, буни ҳамма (олимлар) эътироф этса керак. Шу вақтгача, риторика (нутқ маданияти)ни системага солиб чиққан олимлар ишнинг фақат бир қисмини бажаргандар, холос. Чунки бу соҳада фақат исботлар (энтилемалар) нотиқтлик санъати хусусиятларига эга, қолган ишлар эса ёрдамчи аксессуарлардир.

Нутқ маданияти — риторика масалаларини системага солған муаллифлар исботларнинг моҳиятини — асосларини ташкил этувчи энтилемалар¹⁰⁹ ҳақида бирор сўз айтмайдилар, лекин исботлашдан узоқ масалалар ҳақида кўп гапирадилар. Аслида гапиравчи, нотиқнинг тингловчиларда туҳматга (учраганларга нисбатан) ҳамдардлик, (туҳматчиларга нисбатан) ғазаб ва бошқа туйғуларни уйғотиши ҳакамнинг ҳукмига таъсир этиш учундир, асосий иш, бўлар иш бўлган. Бу нотиқлар (бир мавзу атрофида асосий масала қолиб, бошқа гапларни айтадиган нотиқлар давлат тузуми илфор бўлган мамлакатларда бир оғиз ҳам гапиролмай қоладилар. Баъзи нотиқлар масалага алоқасиз ёки мавзудан узоқ гапларни айтишни қонун билан таъқиқлаш зарур, деб ҳисоблайдилар, бошқа нотиқлар эса ўз ватанида шундай қонундан амалда фойдаланадилар (Масалан. Аэропат¹¹⁰ — ҳалқ йиғинида масалага алоқасиз гапларни айтиш таъқиқланган. Бундай тартиб тўғридир, чунки ҳакамда ғазаб, нафрат, ҳамдардлик уйғотишга уриниш (яъни, аниқ исботларга қараб ҳукм чиқармай, кайфиятга қараб ҳукм чиқаришга эришиш) ҳакам фойдаланиб турган чизғич-ўлчовни қийшайтириб қўйиш билан тенгдир.

Аслида масалани кўриб чиқувчининг вазифаси муайян воқеа (айбли иш, жиноят) содир бўлган ёки бўлмаганлиги ни исботлаб беришdir. Ўша воқеа муҳимми, арзимасми, адолатлими, ноҳақликми, агар қонунда (шундай воқеа ҳақида) айтилмаган бўлса, бу ҳақда ҳакам ўз фикрига эга бўлиши керак. У гапиравчиларнинг таъсирига берилмаслиги керак (Аслида нотиқлар ҳар қандай муҳокама вақтида тингловчилар ёки ҳакамга эҳтирос уйғотувчи сўзлар билан эмас, балки далил, исботлар билан таъсир этиши зарур — М.М.).

Яхши, пухта ўйлаб тузилган қонунларда иложи борича барча ҳолатлар зътиборга олиниши, ҳакамнинг ўзбошимча хulosha чиқаришига ўрин қолмаслиги керак. Чунки, қонунлар аниқ ва тўғри (ҳалол, холис) фикрловчи, адолатли, ноҳақлик нималигини билувчи, эл манфаатини ўйловчи одамлар томонидан, пухта ўйланиб тузилиши керакки, токи уларда ўзбошимча хulosалар чиқаришга йўл қолмасин. Бирор

қылмиш судда муҳокама қилинганида эса, ҳакам шошилиб ҳукм чиқаради (бу эса адолатдан эмас — М.М.).

Қонунда айрим ҳолатлар ҳақида эмас, балки умумий тарзда ҳукмлар белгиланади. Қонунда келгусида бўладиган воқеалар ҳақида, барча фуқаролар учун умумий бўлган ҳукмлар, қарорлар берилади.

Риторика, нутқ маданияти олимлари (риторлар) айбланаётган одам бирор хатти-ҳаракатни содир этганми, йўқми, шуни исботлашнинг йўл-йўриқлари ҳақида гапирмай, кўпинча нутқ ва ё қиссанинг муқаддимасида ҳамда бошқа қисмларида нималарга эътибор бериш кераклиги ҳақида, яъни асосий масалага (асослаш, далиллашга) алоқаси йўқ фикрларни айтадилар. Шу сабабли, бу олимлар ҳалқ олдида сўзлашадиган нутқ ҳақида эмас, ҳакамлик — судлов нутқлари ҳақида фикр юритадилар. Аслида судлов нутқи айрим фуқароларнинг иши ҳақида, ҳалқ олдида сўзлаш эса бутун мамлакат, ҳалқ тақдиди учун аҳамиятли масалалар ҳақида бўлади, яъни ҳалқ олдида сўзлаш ҳакамлик нутқига нисбатан муҳимроқ ва юксакроқ ҳисобланади. Шунга қарамай, аввалги риторика олимлари ҳалқ учун сўзлаш ҳақида эмас, ҳакамлик нутқига кўп эътибор беришади (бу ажабланарлидир). Ҳар икки турдаги нутқ учун далиллаш, исботлаш қонун-қоидалари бир хил, умумийдир. Шу сабабли, тўғри йўл — нотиқнинг ўз фикрига тингловчиларни ишонтириш йўлидир, ишонтириш учун эса асос, далиллар келтиришни, фикрни исботлаш йўлларини билиш талаб қилинади (Чунки, барчамиз далил-исботли фикрларга кўпроқ ишонамиз). Риторик исбот энтилемадир, бу эса силлогизмларнинг¹¹¹ бир туридир. Ҳар қандай силлогизм эса, бутунича ёки баъзи қисмларига кўра диалектика (жадалий фикр) соҳасига тааллуқлидир. Шу сабабли, силлогизм (асословчи фикр) нималардан ва қандай тузилишини билган нотиқ силлогизм ҳақидаги билимларига энтилемалар ҳақидаги, яна энтилема — мантиқий силлогизмдан қандай фарқланишига оид билимини ҳам қўшганидан сўнг энтилема (риторик исбот)ни тузишга ҳам қобилиятлироқ бўлади. Биз худди шу қобилиятимиз билан ҳақиқатни ёки ҳақиқатга яқин нарсани топа оламиз. Шуниси ҳам борки, одамлар табиатан ҳақиқатни

излаб топишга қобилиятли бўладилар ва кўпинча ҳақиқатни топадилар ҳам. Зотан, ҳақиқатни излаб топишга қобилиятли одамлар ҳақиқатга яқин нарсани топишга устароқ бўладилар.

(*Таржимон изоҳи*. Арасту ҳакимдан аввал ўтган риторика — нутқ маданияти, нотиқлик санъати олимлари ўз сисистемаларида асосий масалани четлаб ўтганлар, улар нотиқ фикрини далиллаш ҳақида эмас, судлов нутқида ҳакам — судьянинг кайфиятига таъсир қилиш, унда ҳамдардлик ёки ғазаб ва нафрат уйғотиб, нотиқ учун фойдали қарор чиқариш йўллари ҳақида фикр юритганлар. Арасту ҳам кейинроқ бу ҳақда кенг фикр юритади, лекин у аввалроқ нутқда тингловчиларни ишонтириш учун фикрни далиллаш, исботлаш йўллари ҳақида гапиради).

Риторика илмида адолат ва ҳақиқатни топиш йўллари ўрганилгани учун у фойдали илмидир.

Аслида табиатан, адолат ва ҳақиқат ўзининг зидди бўлган ёлғон ва ноҳақликтан кучлидир. Лекин, агар (баъзи ҳолларда) ёлғон ва ноҳақлик адолат ва ҳақиқат устидан ғалаба қозонса, буни қоралаш зарур, бу ҳол нафратга сазовордир. Бундан ташқари, биз аниқ билимларга эга бўлсак-да, шу билимларимиз билан баъзи одамларни ўз фикримизга ишонтиришимиз жуда қийин бўлади, чунки аниқ билимлар билан маърифатли одамларни ишонтириш мумкин, кўпчиликни (оломонни) эса аниқ билимлар билан ҳам ишонтириб бўлмайди. Биз кўпчилик олдида гапирганимизда албатта барчага тушунарли бўлган далиллар ва фикрларни айтишимиз керак. (Оломонни қандай йўллар билан ишонтириш ҳақида «Топика»¹¹² асарида айтган эдик (Форобий бу асарни «Тубиқа» дейди).

Бошқа санъатлар — илмлардан ҳеч бири қарама-қарши асослар (муқаддималардан) хулоса чиқариш билан шуғулланмайди. Фақат риторика ва диалектика қарама-қаршиликлар билан шуғулланади. (Прокл¹¹³ ҳам Афлотуннинг «Кратил» асарига шарҳида фақат риторика ва фақат диалектика қарама-қарши фикрлардан қайси бири тўғри, қайсиини нотўғрилигини исботлаб, ишонтира олади, дейди). Қарама-қарши фикрлар табиатан тенг қувватли бўлмайди,

икки қарама-қарши фикрдан ҳақиқийси, түғриси, табиатан афзалроғи, яхшироғи күпроқ ишонтириш құвватига эга бўлганидир. (Лекин, гоҳо одамлар бугунги, ҳозирги фойданни ўйлаб, нотұғри фикрни ҳақиқий деб ишонадилар — М.М.).

Ўз гавдаси (оёқ-қўли) билан ўзига ёрдам беролмаслик (қўрқоқлик) уятли, шармандали ҳол бўлганидай, одам сўзи (ақли) билан ўзига ёрдам беролмаслиги ҳам уятли, шармандали ҳолдир. Зотан, гавдасидан фойдаланишдан кўра, сўздан фойдаланиш жонли мавжудотлар ичида инсонга хосдир (Фақат калтафаҳм, илм-маърифатсиз одамларгина гавдасидан — оёқ-қўлидан, фойдаланиб ўз фикрини ўткизадилар. Оператор, моҳир нотиқ Искократ¹¹⁴ айтган эдики, **риториканинг барча санъатлар — илмлардан афзаллиги руҳнинг жисмдан афзаллиги кабидир** (А.Ф.Лосев изоҳи). Агар кимдир сўз құвватидан ноҳақ ишлар учун фойдаланувчи одам жуда кўп зарар келтиради. деса, қўшимча қилиш мумкинки, бошқа барча неъматлардан ҳам ноҳақ ишлар учун фойдаланиш зарарлидир. Хусусан, жисмоний кучдан, соғлиқдан, бойликтан, ҳарбий раҳбарликдан оқилона фойдаланиш (ўзига ва эл-юрга) кўп фойда келтиради, бу неъматлардан ноҳақ ишлар учун фойдаланиш эса кўп зарар келтиради.

Бу сўзлардан кўринадики, диалектика каби риторика (сўз санъати) ҳам айрим бир соҳа учун эмас, балки барча соҳаларга алоқадор ва фойдалидир. **Риторика илмининг иши айрим одамни бирор фикрга ишонтириш эмас, балки барча одамларни (фойдали ва тўғри) фикрга қандай ишонтиришнинг усуllibari, қоидаларини ўргатади.** (Бу эса нутқ маданияти ва нотиқлик санъатининг эл-юрга фойдали илм эканлигини кўрсатади). Бошқа илмлар, масалан, медицина — соғлиқни сақлаш ва турли касалликларни даволаш учун фойдали бўлганидай, риторика — барча нотиқлар учун (хусусан, доимо тингловчиларга, ўқувчиларга, талабаларга ваъз айтuvчи ўқитувчилар учун) жуда фойдалидир.

Мантиқ илмида сўздан адаштиришга уста одамни **соғист** деганларидек, риторика ва диалектика илмларида ишонтириш санъатига моҳир одамларни **диалектик** деб атайдилар.¹¹⁵

Хозир энди сўз санъати қоидаларига, тингловчиларни ҳақиқатни топишга йўлловчи, далиллаш, исботлаш қоидалари, усулларини кўриб чиқишга ўтамиз.

2-боб

Риторика (хитоба)нинг бошқа фанлар ва санъатлар (касб-хунарлар) қаторидаги ўрни. — Ишонтиришининг «техник» йўллари (риторика усулларига, маҳоратга асосланган ишонтириши) ва «нотехникавий» йўллари (объектив — холис маълумотлар, далил, ҳужжатлар асосида ишонтириши. Маҳорат билан ишонтиришининг (яъни, ишонтириши санъатининг) уч усули. Хитоба — риториканинг ҳам диалектика, ҳам сиёсат соҳаларига алоқадорлиги. Мисол ва энтилема. — Ишонарли нарсалар, воқеалар таҳлили. Риторика (хитоба) ўрганидиган масалалар доираси. Энтилемалар (далиллар) қаердан олинади? Эҳтимоллик, мумкинот таърифи. Аниқловчи белги, сифатларнинг турлари. Мисол келтириш — риторикада йўл кўрсатиш. Умумий далил (толлар) ва хусусий далиллар (энтилемалар).

Риторика — хитоба ҳар бир аниқ фикрга тингловчиларни ишонтиришининг мумкин бўлган йўллари, усулларини топиш санъати (қобилияти)дир. Бошқа фанлар ҳар бири ўз соҳасига алоқадор нарсаларни ўргатади ва (ўша нарсаларга) ишонтиради. Шифокорлик, тиббиёт соғлиқни сақлашга доир ёки касалликларнинг кечишига доир нарсаларни ўргатади ва шуларга ишонтиради, геометрия — турли чизиқлар, миқдорлар, сатҳларни, уларни ўзгаришишни, арифметика — сонларни олиш, қўшиш, кўпайтириш, бўлиш амалларини ўргатади ва ҳоказо. Бошқа касблар, ҳунарлар ва фанлар ҳам шу каби, ҳар бири ўз масалалари билан шуғулланади. Риторика (хитоба) эса алоҳида фанларга эмас, балки барча фанлар учун умумий бўлган, ҳар бир фан учун зарур бўлган ишонтириш усулларини ўргатади.

Ишонтириш усулларидан баъзилари «нотехникавий», баъзилари «техникавий»дир (маҳоратга боғлиқ.) «Нотехникавий» ишонтириш усулларини биз (риторлар — нутқ маданияти олимлари) тўқиб чиқармаганмиз, улар аввалдан

бор нарсалардир. Булар: гувоҳлар, уларнинг кўрсатмалари, иқрорномалари ва ҳоказолар далил, ҳужжатлардир). «Техникавий усуллар биз (риторлар) ўйлаб топган ишонтириш воситалари, усулларицир. «Нотехникавий» ишонтириш усуллари (далил, ҳужжатлар) тайёр бўлганида фойдаланадилар, риторик ишонтириш усулларини эса, аввал ўйлаб топиб, сўнг фойдаланамиз (яъни, бу — сўз санъати билан ишонтиришдир).

Нутқнинг ишонтириш усуллари уч турлидир: **биринчи усул** — гапиравчининг шахсиятига, кимлигига боғлиқ. (Масалан, элга таниқли, ўз соҳасининг усталари гапирса — ишончли; билимсиз, ёлғончи, енгилтак одам гапирса ишонмайдилар). Ишонтиришнинг **иккинчи усули** — тингловчиларнинг ёшига, савиясига ва кайфиятига қараб сўзлашдир. (Масалан, билимга қизиқмайдиган, енгилтак тингловчиларга, талабаларга гапирсангиз, идрок этмайдилар ва шу сабабли, айтганингизга ишонмайдилар. Агар билимга чанқоқ, иқтидорли талабалар ўқувчилар бўлса, уларни маҳоратингиз, чуқур билимингиз билан фикрингизга ишонтира оласиз — М.М.). Ишонтиришнинг **учинчи усули** — нутқнинг ўзига, мазмунига боғлиқ. Учинчи усулда ишонтириш нутқ мазмунига боғлиқ, нотиқ ё ростдан ишонтиради, ё тингловчиларни ишонтиридим деб ўйлади.

Биринчи усулда, нотиқ агар яхши инсон бўлса, гаплари ҳам шунга яраша (рост ва ишонарли) чиқади. Умуман олганда биз яхши одамларга тезроқ ва кўпроқ ишонамиз. Агар яхши одам гапирса, нутқининг мазмунини тушунмаса ҳам ишонаверадилар. Бу унчалик адолатли эмас. Баъзилар нотиқнинг нутқида унинг ҳалол, соф, виждонли эканлиги билиниб туради, деб ўйладилар.¹¹⁶ Бу унчалик тўғри эмас. (Атоқли эстетика олими А.Ф.Лосев бу фикрни шарҳлаб, Арасту «Илиада» достонида троялик она-малика Гекуба ўғли Гектордан айрилгач, Одиссейнинг сўзларидан уни соф виждонли деб ўйлашини, у эса, айёр, алдамчи эканлигини назарда тутган бўлса керак. Хуллас, Алишер Навоий айтганидек, «Сўз ҳолига боқма, сўзчи ҳолига боқ». Яъни, сўзда, нутқда айёр, қув одам ҳам ўзини ҳалол, соф виждонли қилиб кўрсатиши мумкин).

Нотиқнинг ишонтириши тингловчиларнинг кайфиятига ҳам боғлиқлиги шунда кўринадики, улар нутқдан тўлқинланиб, турли (ўринли ва ўринсиз) холосага келадилар. Биз нутқни тинглаётганимизда завқланиш ёки норозилик, меҳрмуҳаббат ёки нафрат таъсирида турли-туман қарорлар қабул қиласиз. Сўз санъатининг ҳозирги назариячилари (Арасту давридаги) тингловчиларни шу каби ҳолатларга соладиган ишонтириш усуллари ҳақида гапирадилар. Биз булар ҳақида эҳтирос фаслида гапирамиз.¹¹⁷ (Арасту нотиқ маҳорати ва тингловчиларнинг эҳтирослари, ҳойу ҳавас ҳақида «Риторика»нинг 2-китобида гапиради).

Ишонтириш фақат шундай уч усул, асос, далиллар билан мумкин бўлгани сабабли, нотиқ тингловчиларни (тала-баларни) ишонтира олиши учун ақлий — мантиқий холосалар чиқаришга қобилиятли, одамларнинг феъл-атворларини (характерларини), фазилатларини ва эҳтиросли майл-истакларини, ҳар бир майл-истак, ҳойу ҳаваснинг табиати қандайligини тадқиқ этган (яъни, психолог, руҳшунос) бўлмоғи керак. Шу маънода риторика (**нутқ маданияти ва нотиқлик санъати**) ҳам диалектик фикрлаш соҳасига, ҳам ахлоқ-шунослик ва сиёsat соҳаларига алоқадор экан.¹¹⁸ Худди шу сабабли, баъзи билимсиз ёки масхарабоз (шарлатан) одамлар риторикани билиб олсанк бўлди, кейин сиёsatчи бўлмаз деб ўйлайдилар. (Арасту «Катта ахлоқ китоби»да ахлоқ — сиёsatнинг бир қисми деб кўрсатган эди). Биз сўзимизнинг бошида ҳам риторика (хитоба) диалектик фикрлашнинг бир қисми ва диалектикага ўхшаш санъат деган эдик: чунки, риторика ҳам, диалектика ҳам бирор фан соҳаси эмаслиги, риторика табиати, ҳар иккала ишонтиришнинг йўллари, усулларини топиш санъати эканлиги ҳақида гапирган эдик. Биз бу икки илм (диалектика ва риторика)нинг моҳияти, қандайлиги, уларнинг ўзаро муносабатлари ҳақида етарли фикрлар айтдик.

Ҳақиқий исботлаш ёки нисбий исботлашга келсак (нисбий исбот ҳали чин исбот эмас), бу нарса диалектика илмига ҳам, риторика илмига ҳам тааллуқлидир: ҳар иккаласида ҳаётий мисол — (хусусийдан умумийга) йўллашдир. Энти-мема — силлогизм (асословчи фикрдир). Энти-мемага ўхшов-

чи фикр силлогизмга (асослашга) ўхшовчи фикрдир.¹¹⁹ Мен риторик силлогизмни (асословчи фикрни) — энтилема деб атайман, ҳаётый мисолни әса — риторик йўллаш деб атайман: чунки барча нотиқлар ўз фикрини асослашда ё ҳаётый мисол келтирадилар, ё энтилемалар қурадилар — фикр билан асослайдилар.¹²⁰ Нотиқлар исботлашнинг бошқа йўлларидан фойдаланмайдилар. (Арасту нима учундир, мантиқ илмига тааллуқли далиллаш — хulosса чиқаришнинг турли модулари — қоидаларини ҳам фикрий далиллаш — энтилема қаторига киритган.)

Нотиқ ҳар қандай фикрни исботламоқчи бўлса, ё силлогизм (асословчи фикр)дан, ё йўллашдан (хусусий мисолдан умумий хulosса чиқариш йўли — индукциядан) фойдалана-дилар. (Бу ҳақда Арасту «Биринчи анатилика»да кенгроқ фикр юритади.)

Ҳаётый мисол билан энтилема (фикрий асослаш)нинг фарқига келсак, бу ҳақда «Топика» асарида кўпроқ айтилган,¹²¹ у ерда силлогизмлар асословчи фикрлар ва йўллаш ҳақида бундай дейилган: (Муайян воқеага) ўхшаш кўплаб воқеаларнинг бўлган ёки бўлмаганлиги ҳақида хulosса чиқардиган бўлсак, бундай хulosани у ерда («Топика»да, йўллаш деймиз, бу ерда («Риторика»да) ҳаётый мисол деймиз. Мабодо бирор иш содир қилингани оқибатида бошқа воқеа ҳам юз бергани ҳақида хulosса чиқарилса, у ерда — силлогизм деб, бу ерда — энтилема деб атаймиз.

Риторик далиллаш (аргументация)нинг бу иккала тури ҳам ўз фазилатларига эга. Биз «Методика» асарида¹²² айтилган фикрларимизни бу ерда ҳам айтамиз: баъзи нутқлар мисолларга бой, баъзи нутқлар энтилемаларга (асословчи фикрларга) бой бўлади, чунки баъзи нотиқлар ҳаётый мисоллар келтиришни, бошқа нотиқлар асосли фикрлар келтиришни яхши кўрадилар. Ҳаётый мисоллар ҳам тингловчиларни яхши ишонтиради, лекин энтилемага (асословчи фикрларга) бой нутқ кучлироқ таъсир кўрсатади. (Бунинг акси бўлиши ҳам мумкин — тарж.) Биз қуйироқда бунинг сабабларини ҳамда улардан фойдаланиш усуллари ҳақида батафсил фикрлаймиз. Энди бу иккала турдаги асослашнинг мазмун, моҳиятини аниқроқ баён қиласиз (таърифлаймиз).

Ишонтириш илми (риторика) фақат айрим шахсларга қаратилмайди, масалан, тиббиётда фақат Суқрот ё Каллийнинг (ёки бошқа бирор шахснинг) соғлиги ҳақида эмас,¹²³ балки умуман инсонларнинг соғлиги ҳақида фикрлар айтилади. Хусусий, якка воқеа-ҳодисалар чексиз бўлиб, уларнинг ҳар биринга алоҳида қоида қўлланмайди. Диалектика ҳам шундай: у дуч келган одамга қараб хулоса чиқармайди (ҳатто жиннилар ҳам нимагадир ишонадилар), диалектика муҳокама қилиб, кўриб чиқиш вожиб (зарур) бўлган нарсалар ҳақида хулосалар беради. Худди шу каби, риторика ҳам маслаҳатлашиб бир фикрга келинадиган нарсаларни, мавзуларни кўриб чиқади.

Риторика шундай масалаларни муҳокама қиласиди, бизда у масалалар ҳақида аниқ қонун-қоида йўқ. тингловчилар ҳам узун-узоқ фикрлар силсиласини бирданига англаб ололмайдилар. Биз кўпинча, муҳокама натижасида икки хил хулоса чиқариш мумкин бўлган нарса ҳақида (тўғри хулосани танлаб олиш учун) маслаҳатлашамиз. Аниқ равshan хулосага келиш мумкин бўлган нарсалар ҳақида маслаҳатлашмаймиз (Таржимон мисоли: Фалончи ўғрилик қилибди, буни ёмон дейликми, яхши дейликми, деб маслаҳатлашмаймиз, чунки бу ишнинг ёмонлиги маълум).

Биринчидан, илгари силлогистик йўл билан (асосли фикрлаш йўли билан) исботланган нарсалар ҳақида бир хулосага келиш мумкин. Иккинчидан, илгари силлогистик (асословчи фикрлаш) йўли билан исботланмаган ва шундай йўл билан исботлашга муҳтож бўлган ҳолатлар ҳақида бирор хулосага келиш зарурати бор. Агар шу ҳолатлар ҳақида асосли бир фикр-қарорга келинмаган бўлса ишонарли бўломайди. Биринчи ҳолатда айтилаётган фикрлар жуда узун бўлса, ҳакам (судья) ўртача, жўн одам бўлса, у чиқарган хулоса — қарор ишонарли бўлмайди. Иккинчи ҳолатда ҳамма эътироф этмаган ва ҳақиқатлиги шубҳали фикрлаш йўли сабабли хулоса ишонтирмайди. Щу сабабли энтилема (асословчи фикр) — силлогизм, ҳаётий мисол — йўллаш бўлиши керак. Энтилема ҳам, ҳаётий мисол ҳам кам ҳолатларда келтирилади, булардан бирортаси ҳаммага маълум бўлса, келтиримаса ҳам бўлади. Масалан, Дориэй исмли одам Олимп

баҳсларида ғолиб чиқиб, (олтин) гулчамбар билан мукофотлангани ҳаммага маълум.¹²⁴ Шунинг учун нотиқ Дорий ҳақида гапирганда мусобақа ғолиби деса етарли, гулчамбарни айтиш шарт эмас, чунки ғолибга гулчамбар берилиши ҳаммага маълум. (Қадимги Юнонистон нотиқлари асосий фикрни, жуда ихчам, қисқа ифода қилғанлар, ихчамлик жуда қадрланган, жамоа олдида узундан-узоқ гапириш қонун билан таъқиқлаб қўйилган — М.М.).

Одамлар одатда ўз фаолиятига доир ишларни муҳокама қиласидилар. Улар зарурият, муқаррар қонунлар асосида эмас, балки ўз фикрлари, қарашлари асосида меҳнат қиласидилар. («Аналитика»да бу ҳақда айтилган.¹²⁵) Энтилемема — асословчи фикрлардан баъзилари зарурият сабабли, баъзилари (кўпчилиги) тасодиф туфайли келиб чиқади.

Энтилемемалар (асос — фикрлар) эҳтимоллардан (бўлиши мумкин нарса-ҳодисалардан) ва аломат, сифатлардан ҳам келтириб чиқарилади. Эҳтимол нарсалар — кўпинча содир бўлиши мумкин бўлган ҳолатлардир.

Белги, сифатлар шундайки, улардан баъзилари хусусийларга нисбатан умумий, баъзилари эса умумийларга нисбатан хусусий бўлиши мумкин. Булардан аниқ холоса чиқариш мумкин бўлганлари — аниқ исбот (тесмерия) дейилади. Бошқа тури эса номланмайди.

Аниқ холоса чиқариш мумкин бўлган белгини мен силлогизм (асос — фикр) ҳосил қилувчи белги — сифатлар деб атайдман. Одатда нотиқлар ўз фикрларига тингловчилар эътиroz билдириши мумкин деб ўйласалар — аниқ далил — тесмериялар келтирадилар. Қадим вақтларда тесмер ва перас бир хил маънони билдирган.¹²⁶

Белги, сифатлардан холоса чиқаришда тасодифий сифат ва зарурий — вожиб сифатни фарқлашимиз керак. Суқрот — донишманд ва адолатли одам деган асос — фикр — силлогизмдан барча донишмандлар одил, деб холоса қилиб бўлмайди. Чунки, Суқротнинг адолатли деган сифати барча донишмандлар учун умумий сифат эмас, фақат хусусий — Суқротга хос сифатdir. Касаллиқда иситма чиқади ва одам тез-тез нафас олади, деган асос-фикр, силлогизмдан барча тез-тез нафас оловчилар касалдир, деган холосани

чиқариш мүмкін эмас. чунки тез-тез нафас олиш барча қасаллар учун вожиб белги эмас. «Янги туққан аёлнинг кўкрагига сут келади» силлогизмидан кўкрагига сут келган барча аёллар туққан аёллардир, деб холоса чиқариш тўғри, чунки сут келиши — тасодифий эмас, вожиб — сифатдир.

Хуллас, биз эҳтимоллик нима, белги ва аломат нима эканлигини тушунтиридик, уларнинг фарқларини айтдик. Қайси исботловчи холосалар силлогизм (асословчи фикр) қоидалари бўйича, қайсилари бошқа йўл билан келтириб чиқарилиши ҳақида биз «Биринчи аналитика» китобида кенгроқ фикр юритганмиз.¹²⁷ Ҳаётий мисол — ҳақиқатга йўллаш эканлигини ҳам айтдик. Мисол қисмга ва қисмнинг бутунга муносабатини билдирамайди, балки қисмнинг бошқа қисмга, ўхшашнинг ўхшашга муносабатини билдиради. Бундан қисмлардан бири одамларга маълумроқ фикр, иккинчisi номаълумроқ бўлади. Мисол: Сиракуза (Сицилия) ҳокими Дионисий ўзини ҳимоя қилиш учун қуролли соқчилар сўрайди. Аввалдан маълумки, Писистрат ўзига қуролли соқчилар олганида тиран бўлган эди. Шунга кўра, Дионисий ҳам тиран бўлишни кўзламоқда, деган холосани келтириб чиқарамиз. Мегаралик Феаген ҳам шундай йўл билан тиранга айланган эди.¹²⁸ Бунга яна бошқа мисоллар ҳам қўшилиб, Дионисий қандай одамлигини билмасак ҳам, унинг тиран бўлиш мақсади борлигини билиб оламиз. Бунда биз ўзига қуролли соқчилар сўраган ҳокимда тиран бўлиш мақсади бўлади, деган умумий ҳолатдан (топдан) келиб чиқамиз.

Юқорида биз аподиктивга ўхшаш ишонтириш усуллари қандай тузилиши ҳақида айтиб ўтдик.¹²⁹

Диалектик ва риторик силлогизмлар (асос — фикрлар) билан бошқа, алоҳида фанларнинг силлогизмлари (асос фикрлари) ўртасида жуда катта фарқ бор. Агар нотиқ ўзи сезмагани ҳолда бирор фанга доир силлогизмларни (асос фикрларни) кўпроқ айтаверса, кўп фойдаланса, у оддий нотиқликдан ўша фанни билувчи мутахассис олимга айланади. Демак, диалектик ва риторик силлогизм (асос фикрлар) айрим фанлар учун эмас, барча фанлар учун умумий бўлган далил, исботли фикрлашни — топикани ўргатади.¹³⁰

Нүткө тизимиңнің уч унсури (грекча ва русчада элементтейилган). — *Тингловчиларнинг уч тури. Риторик* (хитобий) нутқларнинг уч тури. *Кенгашув нутқи, ҳакамлик* (ҳукм чиқарувчи, судлов нутқи), *Эпидейктив нутқи* (тантанали нутқи). *Бу турлардаги нутқларнинг вақти* (мавриди). *Ҳар бир турлардаги нутқнинг мақсадлари.* Ҳар бир нутқи турининг асосларини билиш зарурлиги.

Нотиқнинг ва нутқнинг вазифалари қайси тингловчиларга — талабаларга ёки мажлис қатнашчиларига ёки барча китобхонларга (ёзма нутқда) мўлжаллангани билан белгиланади: тингловчиларнинг уч турига кўра, риторика (хитоба, мурожаат) ҳам уч турлидир. Нутқнинг уч таркибий қисми бўлиб, бу қисмлар бир-бирига мувофиқ келиши керак: 1. Нотиқ. 2. Нутқ мавзуси. 3. Тингловчилар.

Мана шу сўнгги, учинчи таркибий қисм — тингловчиларнинг кимлар эканлиги нотиқ нутқнинг мавзуини ҳам белгилайди. Нутқни тингловчилар оддий (фуқаро), томошабин, ё ҳакам (судья ва ҳакамлик ҳайъати аъзолари) бўлиши мумкин. Нотиқ ва тингловчилар бўлиб ўтган воқеани ёки энди бўлажак воқеани муҳокама қилиши ҳам нутқ мавзуига таъсир кўрсатади. Мисол учун, энди бўладиган воқеа ҳақида халқ йиғини қатнашчилари муҳокамада фикр билдиради. Аввал бўлиб ўтган воқеани масалан, адлия идорасида ҳукм чиқарувчилар (суд аъзолари) муҳокама қилиб, фикр билдирадилар. Оддий тингловчилар (фуқаролар, талабалар) нотиқнинг сўзлаш маҳоратини баҳолайдилар.

Шу асослардан келиб чиқиб, Арасту шартли равишда барча нутқни мақсади, вазифасига кўра уч катта турга (жинсга) бўлади:

1. Кенгашув (маслаҳатлашув) нутқи.
2. Адлия, судлов нутқи (қораловчи, оқловчи, гувоҳлар ва ҳоказо).

3. Эпидейктив — тантанавор нутқи.¹³¹

Кенгашув нутқнинг мақсади, вазифаси — тингловчиларга бирор таклифни тасдиқлатиши ёки рад эттириш (Но-

тиқнинг тингловчиларга бирор таклифни тасдиқлатиши күпроқ учрайди).

Адлия, судлов нутқининг вазифаси, мақсади — (бирор ножӯя иш қилган одамнинг қилмишини) айблаш ёки оқлашдан иборат. Бу хил нутқ шунга хизмат қиласди.

Эпидейктив — тантанавор нутқларда (бирор бўлиб ўтган воқеа, қаҳрамоннинг қилмиши) мақталади ёки (душманларнинг қилмиши) қораланади.

Мана шу уч турдаги нутқда муҳокама қилинадиган вақт ҳам турличадир. 1. Кенгашув нутқида (яқин ёки узоқ) келгувси вақтда юз берадиган воқеалар муҳокама қилинади. Нотиқ тингловчиларни энди бўладиган воқеага тарафдор, ҳайрихоҳ қилиш ёки қарши чиқишини кўзлаб гапиради.

2. Адлия, ҳакамлик нутқларига келсақ, бу ерда нотиқлар муҳокама қилинаётган шахсни ё айблаб (қоралаб) ва ё ҳимоя қилиб (оқлаб) гапирадилар.

3. Эпидейктив — тантанавор нутқнинг вазифаси, мақсади — (ватан, ҳалқ учун қилинган яхши ишларни) мақташ ёки (ватанга, мамлакатга, ҳалқга зарар келтирувчи ёмон, тубан, ярамас ишларни) ёмонлаш (қоралаш)дан иборат.

Таржимон шарҳи. Афина давлатининг кенгаши (сенат) аъзоси, буюк нотиқ ва лашкарбоши Демосфен машҳур нутқларида Афинани алдовлар йўли билан босиб олишга уринаётган Македония подшоси Филиппга (македониялик Александр — Искандарнинг отасига) қарши, умуман бирорларга қул бўлишни қоралаб гапирган. У ҳалқ озодлиги — буюк қадрият эканлигини ишончли далиллар билан тушунтирган. Исократ, Эсхин ва бошқа нотиқлар уруш бошламасдан, Македонияга қарамлика, тинч яшаш тарафдори эдилар. Демосфен уларга ва барча ҳалқ йиғинига Македонияга қарамлиқда яшаш, озодликдан айрилиб, қул бўлиб яшаш эканлигини ёрқин нутқида маънодор, мантиқли фикрлари билан исботлаб беради. Мазкур нутқ мил. ав. 341 йилда айтилган.

Демосфен нутқининг аввалида Эрон-Юнон урушларида элладаликлар кўп марта ғалаба қозониб, Афина қудратли, гуллаб-яшнаган давлатга айланганлигини эслатади. Сўнг ҳалқнинг миллий фурури йўқолиб, босқинчи македониялик-

ларга хайрихохлик билан қараётган одамларни, фақат шахсий бойлигини ошираётгандарни, ёвга құл бўлсан ҳам, бойбадавлат яшай деювчиларни таңқид қиласди. «Филипп (Македония подшохи) Фессалияни қандай бошқариш ҳақида йўл-йўриқ кўрсатмайдими? У, Эритрея демократларини қувиб юбориш учун ва Ореос давлатига ўзига қарашли тиранни раҳбар қилиш учун ёлланма қўшинларни юбормаяптими? (Бу давлатлар Афинага қарашли эди.) Лекин, эллинлар (элладаликлар) бу хўрликларга худди осмондан дўл ёғишига чидагандай, чидамоқдалар. Дўл ёққандада ҳар бир фуқаро дуо қиласди, лекин дўлни тўхтатишга кучи етмайди. Юонлар (грек)нинг ҳар бири айрим ҳолда бу ҳақоратларга чидайди. Ҳеч ким (ёвга) қарши чиқмагани учун, бутун Эллада шармандали ҳолга тушмсқда. Македониянинг кучкудратидан қўрқиб, бирор сиёsatчи оғиз очмаётган вақтда Демосфен бундай оташин нутқ сўзлаши катта жасорат эди. Атоқли тарихчи Плутарх ёзишича, Демосфеннинг шу нутқи таъсирида юонлар босқинчиларга қарши курашга отланганлар. (М.М.)

Арасту «Хитоба» асарида яна бундай дейди: «Эпидейктив (тантанавор) нутқда асосан, сўзланаётган вақт («ҳозирги» вақт)даги вазият муҳокама қилинади, чунки бунда нотиқ мавжуд вазиятда ҳукм сурган ижтимоий фикрни маъқуллайди ёки қоралайди. (Демосфен ўша вақтда ҳукм сурган босқинчиларга таслимчилик руҳидаги ижтимоий фикрни кескин қоралаб, халқни ватан ҳимоясига даъват қилган.). Тантанавор нутқда гоҳо бошқа вақтлар (ўтмиш ва келажак) ҳам муҳокама қилиниши мумкин. (Демосфен яқин келгусида Македония Афинани ўзига қўшиб олса, Афинани ўзига қўшиб олса, Афина халқининг қулликдаги оғир аҳволни тасвирлаб, халқни огоҳ қиласди.)

Мана шу уччала турдаги нутқнинг вазифаси, мақсади ҳам турличадир. (Аввал айтганимиздек) Кенгашув нутқининг мақсади — фойда ва зарарни тушунтириш. Бир нотиқ яхши ишнинг фойдасини исботлаб, яхшиликка ундейди. Бошқа нотиқ ёмон ишнинг зарарларини исботлаб, халқни бундай ишдан қайтаради. Маслаҳат нутқида бажарилиши кўзда тутилган ишнинг фойда, зарари кўрсатилади, лекин бунда шу

иш адолатлыми ёки ноҳақ ишми, эзгулик, яхшиликми ё тубанликми — буларни ҳам эътиборга олинади. Соҳибқирон Амир Темур тузукларида баён этилишича, кенгашув вақтида айтилган фикрларнинг фойдали ва заарали томонларини яхшилаб ўйлаб, муҳокама қилар эди: «Агар (ғаним устига) лашкар тортмоқчи бўлсам, амирларимнинг кўнгиллари бу икковидан қай бирига мойиллигини билишга интилардим. Агар ярашдан сўз очсалар, бунинг фойдасини уруш зиёнига солиштириб кўрардим. Агар урушга мойил бўлсалар, унинг фойдасини зиёнига таққослаб кўрардим. Қайси бири фойдалироқ бўлса шуни ихтиёр қилардим. Сипоҳни иккилантирадиган (турумсиз) кенгашни (маслаҳатни) эшишишдан сақланардим».

Ҳакамлик нутқида даъвогарлар ва жавобгарларнинг мақсади — юз берган воқеа (қилмиш) адолатлими ёки ноҳақлик, ёмонликми, шуни аниқлашдир, лекин бу ерда ҳам яна баъзи бошқа мақсадлар бўлиши мумкин.

Эпидейктив, тантанавор нутқда бирор шахсни мақтаб ёки ёмонлаб сўзловчиларнинг асосий мақсади бу иш эзгулик, яхшиликми ёки ёмонлик, шармандалик, уятли ишми — шуларни аниқлашдан иборат.

Ҳар бир нутқ турининг айрича мақсадлари бўлишининг далили шуки, нотиқ ва муҳокама қатнашчилари асосий мақсаддан ташқаридаги воқеа, хатти-ҳаракатлар бўлганилигини эътироф қилсалар ҳам, ўша нарсалар ҳақида баҳслашмайдилар. Айбдор фалон ишни қилганилигини тан олса ҳам, ўша ишни ёмонлик, ноҳақлик деб ҳисобламайди. Агар ёмонлик деб ҳисобласа, баҳс, муҳокамага ҳожат ҳам йўқ эди.

Бирор шахсни мақтаётган ёки танқид қилаётган баъзи нотиқлар, ўша шахснинг қилмиши (кўпчиликка) фойдалими, заарлими, буни ўйлаб ўтиrmайдилар. Масалан, бу нотиқлар Аҳиллнинг дўсти Патроклга мадад беришини эзгулик деб мақтайдилар.¹³² (Аслида эса, Аҳилл дўстига ёрдам бераман деб ўлиб кетади, бу эса юонон қўшинларига зарар келтиради. Ҳолбуки, Аҳилл бу ишга аралашмаса, ўлмай қолиши мумкин эди. Бундай ҳолларда Аҳиллнинг дўсти учун ўлимни бир жиҳатдан эзгулик, фазилат, бошқа жиҳатдан, у

ўлмай қолганида ўзи учун ва қўшин учун ҳам фойдали бўлур эди — тарж.)

Ҳар бир нутқ турининг маҳсус муқаддималари (бошлангич асослари) борлигини нотиқлар билиши зарур, чунки далиллар, эҳтимолликлар ва белги, сифатлар — риторика-хитобанинг муқаддималари, бошлангич асосларидир. Умуман олганда, силлогизм (нисбат, қиёс) муқаддималардан ташкил топади. Далиллари эҳтимолликлар, белги, сифатлардан иборат муқаддималардан ташкил топган силлогизмлар — нисбатлар, қиёсларни (риторика илмида) энтилема — далиллаш асослари деб аталади. Нотиқлар билиши керакки, ўтмишда ҳам, ҳозирда ҳам, келгусида ҳам фақат бўлиши мумкин, эҳтимоли бўлган воқеа-ҳодисаларгина юз беради. Бўлиши мумкин бўлмаган, эҳтимоли ҳам бўлмаган воқеалар юз бермайди. Шундай экан, кенгашув нутқида ҳам, ҳакамлик нутқида ва эпидейктив (жуда муҳим, тантанавор йиғилиш) нутқида ҳам нотиқлар бирор воқеа ўтмишда юз берганми, йўқми ва келгусида юз берадими, йўқми, аниқлаш учун мумкинот, эҳтимоллик ва номумкин, имконсиз нарсалар нималиги ҳақида тайёр муқаддималар — бошлангич асосларни билиб туриб галириши зарур.

(Таржимон шарҳи. Нутқнинг барча турларида сўзловчи нотиқлар, улар бирор масалада тингловчиларни (фуқароларни) бирор тадбирни амалга оширишга ундейдими ё уларни бу ишдан қайтарадими (кенгашув нутқида), бирор шахснинг қилемшини қоралайдими, оқладайдими (адлия, ҳакамлик нутқида) ва кимнингдир қилган жасоратли ишини мақтайдими (эпидейктив, тантанавор нутқда), қайси мавзууда бўйса ҳам ўз фикрларини далиллаш вақтида баҳт-саодат нима, буюклик ва тубанлик нима, яхшилик нима, ёмонлик, жабр-зулм нима, гўзаллик, эзгулик нима ва шармандали ва уятли ишлар қайсилар эканлигини, яъни, энг муҳим муқаддималар — бошлангич (умуминсоний) асосларга суянган ҳолда ўз фикрини исботлашга уринадилар.

Бу муқаддималар — умуминсоний қадриятларнинг бошлангич асосларини барча нотиқ, хусусан, устоз, мураббий, ўқитувчилар жуда яхши билишлари шарт).

Кенгашув нутқида нотиқ нималар ҳақида гапиради? Одамларга, халқ ҳаётига алоқадор барча масалаларни күриб чиқши риториканинг вазифасига кирмайды (Риторикага тааллуқлы алоҳида масалалар бор.). Риторика аналитик вазифани ва сиёсий соҳани ўз ичига олади. Кенгашув нутқида кўриб чиқладиган беш масала: Молия (финанслар). Уруш ва тинчлик. Мамлакат мудофааси. Мамлакат аҳолисининг озиқ-овқати. Қонунчилик. Нотиқ (оратор) турли давлат тузумларини билиши керак.

* * *

Аввало аниқлаб олайлик: одамлар нималар ҳақида маслаҳатлашадилар? Нотиқлар кенгашда халқ учун нималар фойдали ва нималар зарарли экани ҳақида умумий гапларни эмас, балки мамлакат олдида муайян ўша вақтда кўндаланг бўлиб турган неъматларга ёки иллатларга доир масалалар ҳақида гапиради. Ҳал бўлиши мумкин бўлган масалалар юзасидан кенгаш чақирилади. Йўқ нарса ёки бўлар бўлмас нарсалар ҳақида кенгашшиб ўтирилмайди. Тасодифан ёки табиий равишда, ўз-ўзидан ҳал бўладиган нарсалар ҳақида ҳам маслаҳатлашувдан фойда йўқ. Одатда бажарилиши, бошланиши ҳал этилиши кенгаш аъзолари — одамларга боғлиқ бўлган масалалар ҳақида фикрлар айтилади. Бирор ишни амалга ошириш мумкинми ёки йўқлигини аниқлаб олиш учун кенгашилади.

Одамлар ҳаётида ва илм-фанда учрайдиган жуда кўп муаммоларни риторика муҳокама қилмайди, уларни муҳокама қилиш бошқа фанларнинг вазифасидир. Шусиз ҳам олимлар риторика фанига тааллуқли бўлмаган нарсаларни ҳам бу фанга қўшиб юбормоқдалар.¹³³ (Арасту шундай дейдию, лекин қуйироқда ўзи инсон руҳияти, психология, ахлоқшунослик — этика, ҳуқуқшунослик, қонунчилик соҳаларида ҳам риторикага боғлиқ ҳолда жуда теран фикрлар айтидиди. — тарж.)

Аввал айтганимиздай, риторика (хитоба) бир жиҳатдан аналитик (аниқ) фанларга, бошқа жиҳатдан ахлоққа ало-

қадор (ижтимоиёт ва) сиёсатга киради. Яна, риторика — бир жиҳатдан диалектикага, бошқа бир жиҳатдан софистик муроҳазаларга яқин туради. Агар биз диалектик фикрлаш ва риторикани қобилият деб эмас, алоҳида фанлар деб олсак, ўзимиз сезмаган ҳолда уларнинг табиатидан узоқлашиб, бошқа фан соҳаларига ўтиб кетамиз, ўша фанларнинг эса ўзига тааллуқли мавзулари бор (Масалан, астрономияда — юлдузлар, ботаникада — ўсимликлар, зоологияда — ҳайвонлар каби — тарж.).

Лекин биз ҳозир кўриб чиқадиган масалаларни сиёсатшунослик учун ҳам муҳим бўлган бир қанча категорияларга — асосий тушунчаларга бўлиб ўрганишимиз ўзимиз учун фойдали.

Фуқаролар кенгашадиган, нотиқлар ўз фикрини билдирадиган беш соҳа бор:

1. Молиявий аҳвол (финанслар). 2. Уруш ва тинчлик. 3. Мамлакат ҳимояси. 4. Маҳсулотни четдан олиб келиш ва четга чиқариш. 5. Қонунчилик.

Мамлакатнинг молиявий аҳволи ҳақида маслаҳат берувчи нотиқ давлат даромадларининг барча моддаларини (бандларини) — улар қандай ва қанча, агар бирор соҳа унуглигани бўлса, уни эслатиб, қўшиб қўйиши, бирор соҳага керагидан кам маблағ ажратилган бўлса, кўпайтиришни таклиф этиши, чиқимлар, харажатлар бирор соҳада бефойда бўлса — йўқотиш, ошиб кетаётган бўлса, камайтириш ҳақида гапириши керак бўлади. Чунки, мамлакатнинг чиқимлари камайтирилса, халқ бойлиги кўпаяди. Мана шу ишларнинг барчасида фақат маҳаллий аҳвол билан чекланмай, бошқа, чет мамлакатларда топилган ихтиrolарни, янгиликларни ҳам эътиборга олиш зарур.

Уруш ва тинчлик соҳасида эса, нотиқ ўз давлатининг куч-қудрати аввал қандай бўлганлигини, ҳозир қандай аҳволда эканлигини, нима ишлар қилинса, мамлакат куч-қудратини ошириш мумкинлигини билиши керак. Нотиқ яна ўз давлати илгари қайси давлатлар билан қандай уришганлигини (енгганми, енгилганми), бошқа давлатларнинг қандай аҳволда уришганлигини билиши зарур. Шу билан бирга нотиқ қўшни давлатлардан қайси бири (кимга қарши) урушга тай-

ёрланаёттеганлигини, кучлироқ давлатлар билан сүлҳ тузиш кераклигини, күчсиз давлатларга нисбатан уруш бошлаш ёки бошламаслик халқ ихтиёрида эканлигини билиши зарур.

Яна нотиқ, душман ҳарбий кучларининг ҳолатини, ҳарбий қуввати зиёдалиги ёки камлигини билиши ҳам фойдалидир, билмаслиги эса зарар келтириши мумкин.

Мамлакат мудофаасига келсак, нотиқ ватанни ҳимоя қилиш йўллари, усулларини, қаерларга қанча соқчилар қўйиш кераклигини билиши зарур. Буни билиш учун эса, нотиқ мамлакатнинг ҳамма жойларини яхши билиши, қаерда соқчилар кам бўлса кўпайтириш, ошиқча бўлса камайтириш кераклигини, энг муҳим мэрраларни яхшироқ қўриқлаш зарурлигини айтиши керак. Буни билиш учун нотиқ ўз мамлакати ва бошқа давлатлар қатнашган, аввал бўлиб ўтган урушлар (қандай бошланиб) қандай тугаганлигини ўрганиши керак, чунки чет мамлакатларда бўлган урушлардан ҳам ўз давлати учун хуросалар чиқариб олиш фойдалидир.

Мамлакатнинг озиқ-овқат захиралари, имкониятлари қандай, қайси озиқ-овқатлар мамлакатнинг ўзида, қайслиари четдан келтирилади, бу масалада кимлар, қайси давлатлар билан савдо-сотиқ шартномалари тузиш мумкинлигини нотиқ билиши зарур. Нотиқ ўз давлати фуқароларини (ҳарбий қуввати ва озиқ-овқат захиралари соҳасида) кучлироқ давлатлар билан, фойда келтирувчи давлатлар билан яхшироқ муомалада бўлиш зарурлигини эслатиши керак (русча матнда — эҳтиёткорлик билан, дейилган).

Мамлакат тинчлиги, хавфсизлигини таъминлашда бундан ташқари, яна ўз мамлакатидаги (ва бошқа давлатлардағи) қонунчиликка (қандай қонунлар борлигини) ҳам нотиқ билиши зарур. Чунки, давлат фаровонлиги кўп жиҳатдан қонунларга боғлиқdir.

Нотиқ турлича давлат тузумларини, ҳар бир тузумда мавжуд фойдали ва зарарли томонларни, яшнатувчи ёки ҳалокатга, таназзулга элтувчи томонларни билиши зарур. Ҳар бир давлатнинг равнағи ёки таназзули унинг ижтимоий тузуми табиатидан келиб чиқади. Энг яхши (идеал) тузумдан бошқа барча тузумлар давлатни таназзулга учратади. (Халқ, давлат учун) ортиқча эркинлик (демократия) оли-

гарҳияга йўл очиб беради, ҳаддан зиёд қаттиққўллик тиранияга, жабр-зулмга йўл очади.¹³⁴ Бу гўё инсон юзини жуда катта бурун ҳам. жуда ялпоқ бурун ҳам хунуклаштирганига ўхшашидир.

Нотиқ ўз мамлакати ва бошқа давлатларнинг тарихида мавжуд бўлган қонунчилик турлари турли тузумлар билан боғлиқлигини, қайси бошқарув тузуми (давлат ва ҳалқ учун) фойдалироқ эканлигини билиши зарур. Ўша давлатлар қандай ерларда (водийдами, тоғ орасидами, сувлими, сувсиз, чўлми) жўкрофий хусусиятларини ҳам билиши зарур. Лекин, буларни чуқурроқ билиш риторикадан кўра кўпроқ сиёсатшунослик соҳасига киради.

Давлат ишларидаги маслаҳат берувчи нотиқ мана шу соҳаларда яхши билимларга эга бўлиши зарур. Шундан сўнг биз кенгашда маслаҳат берувчи нотиқ тингловчиларни бирор ишни, чора, тадбирни қилиш фойдали эканига ишонтириш учун ёки аксинча бирор ишни, чора-тадбирни қилмаслик кераклигига ишонтириб, бу ишдан қайтариш учун яна қайси соҳаларни, қайси масалаларни билиши зарурлиги ҳақида фикр юритамиз.

5-боб

Бахт-саодат нима? У — инсониятнинг пировард мақсади. Бахт-саодат (тушунчаси)нинг тўрт хил таърифи — Бахт-саодатнинг таркибий қисмлари. Ички ва ташқи ноз-неъматлар. — Насл-насаб аслиги. Яхши хулқали ва кўп зурриёт қолдирishi. — Мол-дунё, иззат-ҳурмат, жисмоний фазилатлар таҳлили. Яхши дўстларнинг кўплиги. Дўст таърифи. Бахтли толеъ ва масодифий бойлик — омад ҳақида.

Ҳар қандай инсон алоҳида ҳолида ҳам, жамоа ҳолида ҳам яхши, баҳтли яшашга интилади. Одамлар шу мақсадга мувофиқ ҳаётда у ёки бу йўлни таңлайдилар, баъзи қулларни шу мақсадга тўғри келмагани учун четлаб ўтадилар. Мана шу эзгу мақсад, муҳтасар қилиб айтганимизда — баҳт-саодатдир. У, бир неча таркибий қисмларидан иборат. Энди баҳт-саодат нима, у қандай қисмлардан иборат, шуни кўриб чиқайлик.¹³⁵

Аслида, одамни бахтга элтувчи иш-амалларга даъват қилиш, аксинча, бахтсизликка элтувчи ишлардан қайтариш зарурати бор. Қандай қилиб, бахтни ва ё унинг бир қисми-ни бунёд этиш мумкин?

Бахт-саодатни нималар вайрон қиласди? Нималар бахтга етишувга халақит беради? Ёки нималар бахтиёрликка бегона ишларни вужудга келтиради? Мана шу нарсаларнинг нима эканлигини одамлар яхшилаб тушуниб олсалар, ун-дай ишларни қилмаган бўлур эдилар.

Бахт-саодатни фазилатлар билан қўшилган фаровонлик деб таърифлаш мумкин. У яна: ўз ҳаётидан мамнунликдир? Ёки у — ёқимли ва беозорхизматчиларнинг кўплиги ҳамда уларни бемалол сақлаб туриш ва фойдаланиш имконияти-ми? Ҳар ҳолда одамлар шулардан бирортасини ёки бир неч-тасини бахт-саодат деб эътироф этадилар.

Агар бахт-саодат чиндан ҳам шу каби нарсаларда бўлса, булар қаторига яна: насл-насабнинг асллиги, дўст-ёронлар кўплиги, яхши одамлар билан дўстлашиш, бойлик, яхши (хулқ-ли) ва кўп фарзандлар ва набиралар, бахтли кексалик каби-ларни ҳам қўшишга тўғри келади. Бундан ташқари, бахт-са-одатга яна: соғломлик, чекра гўзаллиги, бақувватлик, хуш-қадлик, мусобақаларда эпчиллик каби жисмоний устунлик-ларни ва яна: шон-шуҳрат, иззат, обрў, омад каби неъмат-ларни ҳам қўшиш мумкин. Чунки, инсон ҳам ўзида, ҳам ўзи-дан ташқарида мавжуд неъматларга эгалик қилганидан ўзини бахтли ҳис этади. Инсоннинг ўзида (соғдиллик, куч-қувват, соғломлик каби) руҳий ва жисмоний неъматлар бўлиши мум-кин. Ўзидан ташқарида эса — насл-насабнинг асллиги (бу неъмат, қандай оиласда туғилиш инсоннинг ўзига боғлиқ эмас-лиги туфайли — ундан ташқарида ҳисобланади), яхши дўстлар, иззат-ҳурмат каби неъматлар бўлади. Яна: иззу жоҳ (мансаб) қудрати, омад ҳам инсон ихтиёридан ташқаридаги неъматлар бўлиб, агар шулар бўлса, одам қўлга киритган бошқа неъматларини ҳам яхши сақлай олади.

Энди, бахт-саодатни ташкил этувчи мана шу ноз-неъмат-ларнинг ҳар бирини алоҳида кўриб чиқайлик.

Бирор кучли халқ ёки қудратли давлатнинг асл фуқаро-си учун ўша одамнинг ота, боболари шу давлатда қадимдан

яшаб, машҳур йўлбошчилар, подшоҳ, вазир ёки уламолар авлодидан бўлиши ҳам баҳт. Мана шундай машҳур зотлар авлоди бўлган одамлар насл, насаб баҳсида бошқалардан ўзини устун деб биладилар.¹³⁶ Айрим шахс учун насл-насабнинг тозалиги ота томонидан ҳам, она томонидан ҳам давлатга, халққа катта хизматлар қилиган машҳур одамларнинг хонадонига мансубликка боғлиқдир.¹³⁷ Аждодлари орасида ана шундай шон-шавкатли эркаклар, аёллар, ёшлар ва қаријларнинг бўлиши насл-насаб асллигидир.

Оиласда яхши (солиҳ, хушхуљли, софдил, мард, меҳнатсевар, паҳлавон, олижаноб) фарзандлар кўп бўлиши — давлатнинг ҳам қудратини ташкил этади: чунки, мамлакатда яхши тарбия кўрган (руҳий, маънавий ва) жисмоний жиҳатдан ҳам гўзал, бўйдор, паҳлавон, чаққон йигитлар кўп бўлиши давлатни кучли қилади, обрўйини оширади. Маънавий гўзалликка келсак, камтаринлик ва мардлик — йигитларнинг энг яхши фазилатлариdir.

Давлат учун ҳам, айрим оила бошлиғи учун ҳам фозил (фазилатли) йигит ва қизлар бўлиши баҳт-саодатdir.

Қизлар учун жисмоний жиҳатдан гўзал, хушқомат бўлиш, маънавий жиҳатдан — камтарин, меҳнатсевар, олижаноб бўлиш — энг яхши фазилатларdir. Ҳар бир инсон ва умуман давлат шундай ажойиб йигитлар ва қизларга эга бўлиш (баҳт-саодатидир). Ҳар бир инсон ва давлат шунга интилиши керак. Македония давлатидаги каби, бузуқ аёлларнинг кўп бўлиши фаровонликни икки баравар камайтиради.

Озод инсон агар яхши фазилатлари билан иззат-ҳурматли, қадр топган бўлса, шу бойликлар унга фойда келтириши мумкин. Фойдали мулклар: озод инсоннинг қадр-қимматига яраша ҳосил ва роҳат, ҳузур-ҳаловат келтирувчи мулкдир. Ҳосил келтирувчи деганда мен олинадиган даромадни айтмоқчиман. Роҳат берувчи нарсалар эса — улардан фойдаланганингда хурсандчиликдан бошқа ҳеч вақо олинмайдиган нарсалардир... Мулкка эгаликнинг шубҳасиз ишончли бўлиши ундан ўзи истаганча вақтида, ўрнида ва шароитида оқилона фойдаланиш мумкин бўлган мулклардир. Умуман олганда, бойликнинг моҳияти ундан фойдаланишдадир,

чунки бекор ётган, (моддий ва маънавий жиҳатдан) бефойда мулкларни бойлик деб бўлмайди.

Яхши обрўга (репутацияга) эга бўлиш халқ орасида жиддий одам деб ном чиқаришдир, кўпчилик одамлар, фозил ва оқил одамлар интиладиган хислатлар соҳиби бўлишдир. Оллийҳимматли одамни халқ ҳурматлайди. Адолат юзасидан, фуқароларга яхшилик, хайр-эҳсон қитувчи одам иззат-ҳурмат қилинади. Ёхуд маълум вақтларда, маълум жойларда то-пилиши қийин бўлган бойликлар ва хислатларга эга бўлган одамлар ҳам иззат-обрў қозонадилар. (Масалан, носоғлом ижтимоий шароит туфайли кўпчилик мунофиқ, риёкор, ёлғончи, бир-бирини алдаб ёхуд лаганбардорлик, хушомадгўйлик билан кун кўрадиган одамларни халқ ҳурмат қилмайди. Адолатли жамиятда рост гапирувчи ва халқ фаровонлигини ўйловчи одам эл-юрга катта иззат-обрў топади. Бундай азиз одамларни қадрлаш ўрнига, уларни таъқиб қиласиган ҳокимиятдан эса эл-юрг нафратланади — М.М.)

...Жисмоний фазилатлар: бадан соғломлиги, уни турли ёмон ишлардан, таъсирлардан асраш. Баъзи дарвешсифат одамларга, масалан Геродик соғломлигига одамлар ҳавас қилмайдилар.¹³⁸ (Лекин шарқда Иброҳим Адҳам каби подшоҳлигидан воз кечиб, шубҳали таомлардан ҳам кечиб, фақат ҳалол ва озгина таом еб, тоат-ибодат билан ҳаёт кечган дарвешлар иззат-ҳурматга сазовордир).

Гўзалликка келсак, бу фазилат турли ўшдаги одамларда турличадир. Ўсмирлар, ёшлар югуриш, тош кўтариш ёки бошқа қийин машғулотлар билан хушқомат ва кучли, чайир гавдали бўлса — гўзал ҳисобланади. Айниқса, пентатл (беш кураш) ва панкратий билан шуғулланган. Атлетикачиларнинг гавдаси гўзалдир, чунки улар гавдасини ҳар жиҳатдан чиниқтирганлар.

Баъзи (тасодифий) неъматлар инсон табиатига боғлиқ бўлмаслиги мумкин. Масалан, санъат (гимнастика) сабабли инсон соғлиги яхшиланади. Лекин, баланд бўйлик, гўзаллик инсонда табиий бўлади. Табиий неъматлар бошқаларнинг ҳасадини (ёки ҳавасини) келтиради.

Тасодифий неъматларда тартиб, қоида ҳам бўлмайди. Масалан, бир оилада барча болалар хунук, фақат биттаси

чирийли. Ҳеч ким топмаган дафина-хазинани бир одам топиб олиши ҳам тасодифийдир. Ёки, жанг вақтида ўқ бошқаларга тегмай, фақат бир одамга тегиб ҳалок этиши ҳам тасодифидир.¹⁴⁰

Фазилатлар ҳақидаги таълимот мақтovларга алоқадор бўлгани учун, фазилатлар ҳақида мақтovлар бобида фикр юритамиз.

6-боб

Кенгашиб нутқининг мақсади — (ватанга, ҳалиқ) фойда етказишидир. (Савдоға алоқасиз), барча одамларга фойда етказиши — ноз-неъматдир. Ноз-неъматнинг таърифи. Таъсир этувчи сабабларнинг уч тури. Неъматларнинг тур ва дарожалари: баҳт-саодат, кўнгилдаги фазилатлар, гўзаллик, согломлик, бойлик ва дўстлик, ор-номус, шон-шараф, яхши сўзлай билиш ва сўзлаганига амал қилиш, табиий қобилияtlар, илм-фанларни, турли ҳунар ва санъатларни билиш (тинч, осоийишта), ҳаёт, адолат (барқарорлиги). Шубҳали неъматлар. Яна неъматнинг таърифи. Икки хил эҳтимоллик.

Биз (нотиқлар) бошқаларга, тингловчиларга бирор иш ва тадбирнинг ҳозирги вақтда фойдали, яхши ёки келгусида яхшилик келтиришини тушунтираётганимизда ёки ўша нарсанинг заарали эканлигини айтиб, уни қилмасликка даъват этаётганимизда табиий ва равшанки, биз ўша ишнинг кўпчиликка фойдали ёки заарали эканлиги ҳақида ўйлаймиз. Кенгашибда маслаҳат берадиган нотиқ охирги мақсадни эмас, балки унга етишув йўллари, воситалари ҳақида гапиради. Ана шу воситалар мақсадга етишувда фойдали ишлар, тадбирлардир. Фойда келтирувчи нарсалар эса неъматдир. Шу нарсаларни яхши тушуниш учун яхшилик (ва ёмонлик), фойда (ва зарар) нималардан иборатлигини кўриб чиқишимиз керак.

Ноз-неъмат шундай нарсаки, биз уни истаймиз, ёқтирамиз, шу сабабли, ноз-неъмат келтирувчи бошқа нарсаларни (мехнат билан келган бойликни ва ҳоказоларни) ҳам яхши кўрамиз. Ақлли одамларнинг барчаси (ақл неъмати насиб этган одамлар) ноз-неъматни яхши кўрадилар. Ақл билан

топилган ноз-неъматлар инсонни хотиржам ва мамнун қила-ди. Ноз-неъмат ўз-ўзича турганида ҳам ёқимли, хотиржам-лик ва мамнунлик ҳолатини давом эттираётгани учун ҳам ёқимли, бошқа ноз-неъматларни топишга хизмат қилаётга-ни учун ҳам ёқимлидир. (Масалан, анвойи мевалар ноз-неъмат, уларни истеъмол қилганингизда соғлиқ, саломат-лик неъматига ҳам эришасиз. Ёки илм-фанлар ҳам неъмат, яна булар ёрдамида бошқа неъматларга ҳам эришасиз).

Ўзи неъмат бўлиб, бошқа неъматларни ҳам келтирувчи нарса уч жиҳатдан яхшидир: соғломлик яна узоқ яшашга имкон беради. (Меъёрда истеъмол қилинганд) таом ўзи неъмат, у яна соғломлик неъматини келтиради. Гимнастика ҳам шундай, у (ҳузур беради) ва соғлиқни ҳам яхшилади. Хуллас, ҳар қандай неъматни қўлга киритиш ва ёмонликни (ёмон хуљ ва ёмон қилмишларни) йўқотиш фойдалидир.

Ҳар бир нотиқ неъматларнинг даражалари, мартабаларини ҳам билиши зарур. Чунки, буларни билиш бизга ҳаётимизда янада аълороқ неъматларни қўлга киритишга ёрдам беради. Ноз-неъматларнинг озлигидан кўплиги аъло, ёмонлик, қайғу, кулфатнинг эса кўплигидан озлиги яхшироқ. Фазилатлар ҳам неъматдир, чунки, фозил одамлар (бошқаларга, мол-давлати кўп одамларга нисбатан) баҳтлидирлар. Чунки фазилатлар неъматларга еткизади ва улардан (оқилона) фойдаланишни ўргатади.¹⁴¹ Аммо, фазилатларнинг ҳар бирининг мазмун, моҳияти, уларнинг табиати ҳақида ке-йин алоҳида фикрлашамиз. (Оқилона) роҳатланиш ҳам неъмат, барча жоноворлар роҳатланишга интилади. Чиройли нарсалар барча одамлар учун ёқимли ва истакли, марғубдир. Аввал айтганимиздай, ҳаёт неъматлари қуйидаги-лардир: баҳт-саодат неъмати бошқа кўп неъматларни ўз ичига олгани учун барча инсонлар унга интилади (лекин баҳтни турли одамлар турлича тушунадилар, бу ҳақда қу-йироқда тўхталамиз).

Бир сўз билан айтганда эзгулик, (неъмат) деб қуйидаги-ларни эътироф қилиш зарур: баҳт-саодат, чунки унинг ўзи барча неъматлардан афзалдир, бундан ташқари айнан у ту-файли биз кўп нарсаларни танлаб оламиз. Адолатлилик, мардлик, меъёр (мўътадиллик), олижаноблик, сахийлик ва

бошқа шунга ўхшаш нарсаларни эзгулик (неъмат) деб эътироф қиласиз, чунки булар қалбнинг яхши хислатлариидир. Гўзаллик, соғломлик ва бошқа шунга ўхашшлар ҳам эзгулик (неъмат)дир, чунки бунинг ҳаммаси вужуднинг яхши хислатлариидир, вужуднинг бу хислатлари кўпгина эзгуликларни туғдиради (келтириб чиқаради), масалан, соғ-саломатлик ҳузур-ҳаловатли ҳаётни вужудга келтиради, негаки у олий неъмат, (эзгулик) ҳисобланади, чунки у энг катта баҳо аҳамиятта молик бўлган иккита нарса — ҳузур-ҳаловат ва ҳаётнинг сабабчиси бўлиб хизмат қиласи.

Ҳалол меҳнат билан топилган бойлик инсон қадрини (фазилатини), бошқалардан афзалигини ифодалайди ва кўпгина неъматларнинг (эзгуликларнинг) сабабчиси бўлиб хизмат қиласи. Дўст ва дўстлик ҳам азиз неъмат, у сабабли кўпгина яхшиликлар келиб чиқади. Ор-номус, шон-шараф, ёқимли ва кўп нарсаларни вужудга (юзага) келтиради, одамлар ор-номус, шон-шараф мавжудлиги туфайлигина фахрга, ҳурматга сазовор бўладилар ва ор-номус билан кўп нарсалар боғлиқ бўлади. Чиройли гапира олиш ва сўзига амал қилиш ҳам неъматдир, бунга ўхшаганлар ҳаммаси неъмат, эзгуликни яратади (вужудга келтиради). Истеъдод хотира, зеҳнлилик, зийраклик, зукколик ва шунга ўхшаш барча хислатлар ҳам шулар жумласига киради, чунки улар эзгулик (неъматлар)ни юзага келтирадилар. Худди шулар билан барабар тарзда илм-фан ва санъат, барчаси ҳам булар таркибига, жумласига киради (тааллуқлидир). Ҳаётнинг ўзи неъматдир (эзгуликдир). Ва ниҳоят адолатлилик ҳам эзгуликдир, чунки у ҳаммага фойдали ҳисобланади. Неъмат, эзгулик деб одамлар тан олиши мумкин бўлган нарсаларнинг ҳаммаси тахминан ана шулардан иборат. Баҳсли, мунозарали бўлган эзгулик, неъматларга келсақ, юқорида эслатиб ўтилган эзгуликларга (асосланиб) улар тўғрисида хулоса қилиш керак бўлади.

Ёвузликка нимаики қарши бўлса ана ўша эзгуликдир ҳамда душманларга нимаики фойдали бўлса ўшанга қарши, тескари бўлган нарса ҳам бу — эзгуликдир (неъматдир). Масалан фуқароларнинг қўрқоқлиги, номардлиги душманларга фойда келтиради, у ҳолда равшанки жасурлик, мардлик

фуқароларга жуда фойдали ҳисобланади. Умуман олганда душманлар ниманики хоҳласалар ва нимадан хурсанд бўлсалар ўшаларнинг барчасига тескари, қарши ҳолатда бўлиш фойдали ҳисобланади ва шунинг учун ҳам мана бундай дейишган:

Хўқмдор Приам қандай завқланган бўларди...¹⁴²

Лекин доим бундай бўлавермайди, кўпинча бир хил нарса икки томон учун ҳам фойдали бўлиши мумкин ва қачонки худди ўша бирор нарса икки томон учун ҳам зарарли бўлганида «бахтсизлик одамларни бир-бирига яқинлаштиради» деб шунга айтадилар. Меъёрида бўлган нарсани ҳам эзгулик деб аташ мумкин, зарурий чегарани бузиб ўтишни, ҳаддан ошишни эса ёвузлик деб аташ мумкин. Нима (қайси) нарса учун кўп меҳнат ва ҳаражат қилинган бўлса ўша нарса ҳам эзгулик (неъмат) ҳисобланади, агар бундай нарса яхши мақсадга хизмат қилса. Ҳар бир (яхши) ният эзгулик бўлиши мумкин. Шунинг учун ҳам айтилган:

*Лекин бениҳоя бу ерда кутавериши ҳам,
шармандали ҳолдир биз учун.¹⁴³*

«Нақ (худди) эшикнинг олдига етганда сувли кўзани қўлдан тушириб юбориш» деган мақол ҳам шундан келиб чиққан.¹⁴⁴

Кўпчилик нимагаки интилаётган бўлса (ҳаракат қилаётган бўлса) ва бу борада мусобақалашишга арзийдиган нарса бўлса ана ўшалар ҳам неъматлар деб тасаввур қилинади, одамларнинг кўпчилиги, аксарияти тушунчалик эса «ҳамма одамлар» деган тушунчага баробар деб тасаввур қилинади. Мақтовга лойиқ бўлган нарса эзгуликдир (неъматдир), чунки эзгулиги мавжуд бўлмаган нарсани ҳеч ким мақтамайди. Душманлар ва ёмон одамлар ҳам яхши деб тан олган ишлар ҳам яхшидир, бу ишдан зарар кўрганлар ҳам маъқуллашган бўлса, бундай ҳамжиҳатлик (яқдиллик) шубҳасиз эзгуликнинг самараси ҳисобланади. Душманлардан эмас, балки дўстларидан танбеҳ эшитувчилар ёмон одамлар ҳисобланана-

дилар, яхши одамларни эса ҳатто душманлари ҳам койи-майдилар.

Шунинг учун ҳам коринфликлар ўзларини Симониднинг шеърида ҳақоратланган деб ҳисоблайдилар:

*Илион Коринф аҳлига танбех бермайди.*¹⁴⁵

Бунинг сабаби: Беллерофонт ўғли Главк бошчилигига баъзи коринфликлар Илион (Троя) тарафдори эдилар (А.Ф.Лосев изоҳи). Ақдли ё яхши эркак ёки аёллардан бирор кимсани афзал кўриш, хайриҳоҳлик ҳам эзгуликдир, масалан, Афина Одиссейни, Тесей Еленани, Александр (Парис) маъбуда (Афродита)ни ва Гомер Ахиллни афзал кўрди.¹⁴⁶ Умуман айтганда одамларнинг афзал кўришига лойиқ бўлган нарсалар эзгулик (неъмат)дир, чунки улар юқорида кўрсатилган одамларнинг фазилатларини афзал кўрадилар. Одамлар душманларга ёмонлик ва дўстларга яхшилик тилайдилар. Бундан ташқари улар имкони етадиган — мумкин бўлган нарсаларни қилишни афзал кўрадилар. Мумкин бўлган нарсалар икки турда бўлади: бир хиллари аллақачон амалга оширилгани бўлса, иккинчиси эса энди амалга оширилиши мумкин бўлган нарсалар. Ихлос ва завқ билан қилинган иш осон ва тез бажарилади, чунки бирор ишни амалга оширишнинг қийинлиги ўша ишни ёқтираслик сабабли ёки кўп вақт талаб қилиниши сабабли кечиктирилди, бажариш қийинлашади.

Одамлар яна ўзларига ёқимли нарсаларни ёки машғулотларни афзал кўрадилар. Одамлар яна ёмонлиги ёки зарари камроқ, зарари унчалик сезилмайдиган нарсаларни афзал кўрадилар. Улар яна бирор нарса бошқаларда эмас, фақат ўзида бўлишини афзал кўрадилар. Арзимас бўлса ҳам, ўзига, оиласига керакли деб ўйлайдиган нарсаларни афзал кўрадилар. Улар яна дўстларга яхшилик қилишни, душманларга зарар келтиришни афзал кўрадилар. Одамлар ўзлари яхши билган ишлар, касб-ҳунарларни ҳам афзал кўрадилар. Улар яна ёмон одамлар қилолмайдиган (яхши) ишларни ҳам афзал кўрадилар (масалан, хайр-эҳсон, меҳр-мурувват каби).

Ҳар бир инсон яна ўз табиати, феъл-атворига қараб, масалан, шуҳратпараст одамлар (ҳар ерда) ғалаба қозонишни, иззатталаб одамлар иззат-ҳурматни, таъмагир (фаразгүй) одамлар пулни афзал күрадилар. Одамларга бирор неъмат, фаровонлик ҳақида гапирганда улар афзал күрадиган нарсалар билан ишонтириш осонроқ бўлади.

7-боб

Неъматларнинг даражалари. Катта ва кичик неъматлар. Жуда фойдали ва озроқ фойдали неъматлар. Буларнинг турлича таърифлари.

Одамлар кўпинча неъматларнинг қай бири (инсон баҳтсаодати учун) фойдалироқ, деб баҳслашиб қоладилар. Бундай баҳсни ҳал этиш учун катта бойлик — неъмат ва фойдалироқ неъматлар қайси эканлиги масаласини кўриб чиқишимиз керак. Бир неъматни бошқасидан афзал кўриш учун билиш керакки, афзал кўрилган неъматда ундан кичикроқ неъмат ҳам бўлади ва айни вақтда унда зиёдроқ неъмат ҳам бор. (Мисол учун, бирорда қўй ва сигир бор, булардан сигир зиёдароқ неъмат, чунки у сут беради). Катта ва кичик деган сўзларни одатда буюмлар, жиҳозлар, шаклларга нисбатан қўллаймиз. Лекин катта ва кичик сўзлари бойлик, молмулк, маънавий қадриятларга ҳам тааллуқлидир. Одатда катта деб, афзалроғини, кичик деб, бирор нарсанинг камроғини айтамиз. (Кейинроқ Арасту баъзи нарсаларнинг кўпи яхши, баъзи нарсаларнинг ками яхши экани ҳақида гапиради. Масалан, фазилатнинг кўпи, иллатларнинг ками яхши. Фазилат — неъмат, иллат эса неъмат эмас, кони зарардир — М.М.)

Неъмат деб одатда бирор фойдали ишга хизмат қиласидиган воситани эмас (аслида бу ҳам неъмат, масалан, гимнстика, соғлиқни сақлаш воситаси), балки ўзича ёқимли, истакли бўлган нарсани айтамиз. Ақлли ва тажрибали одамлар шундай неъматларни топишга, қўлга киритишга интиладилар. Яна шундай неъматлар борки, улар ёрдамида бошқа неъматлар вужудга келади, ёки борлари яхши сақланади. (Масалан, илм ва ҳунар. Бу неъматлар ёрдамида инсон бошқа

күп неъматларга эришади ва борларини сақлади — М.М.) Баъзи неъматлар мақсад қилинган неъматларни ҳосил қилиш учун керак. Мана шу сўнгги мақсад қилинган неъмат шу мақсадга хизмат қиласидиган неъматга нисбатан афзал ёки катта неъматдир. Миқдори камига нисбатан кўпроғи афзал ва катта неъматдир. Агар табиат жонзодларини олсак, от эшакдан афзалроқ неъмат. Бўйдорлик неъмати аёлларга нисбатан эркакларда кўпроқдир. Борлиги бошқа нарсаларга боғлиқ неъматга нисбатан, ўша нарсаларга боғлиқ бўлмаган (мустақил) неъмат ҳам афзалдир.

Бир-бирига боғлиқ, бирин-кетин келадиган неъматлар учтурли. Бирор яхши ҳодиса: 1. Ё бошқа ҳодиса билан бир вақтда юз беради (Масалан, соғлиқ ва узоқ умр. 2. Ё келиши ўша бошқа ҳодисага боғлиқ бўлади (бойликнинг келиши ва мансабдор бўлиш). 3. Ё бир яхши ҳодиса бошқа яхши ҳодисадан кейин келади. (Масалан, уйланганидан маълум вақтдан сўнг фарзанд кўради). Бу неъматлардан соғлиқ афзалроқ, чунки у бўлса инсон узоқ яшайди. (Лекин фаровон яшаётган одамда соғлиқ яхши бўлмаслиги ҳам мумкин).

Илм олиш ва билим ўртасида бирин-кетинлик алоқаси бор (аввал билим, сўнг илм келади). Худони билмаслик — зиндиқлик билан ўғрилик ўртасида имконий алоқа бор. Яъни, худони билмайдиган (ундан уялмайдиган ва қўрқмайдиган) одам босқинчилик, ўғрилик ҳам қиласиди.

Яна яхшилик келтирувчи неъматнинг ҳам имконияти кўпроқдир. Соғлиқ учун фойдали нарса ёқимли, роҳатли нарсадан яхшироқ неъматдир (Роҳатли нарса, масалан, ичкалий соғлиқ учун зарарли — тарж.)

Бақувват одамда соғлиқ ҳам бўлади. Мақсадга етказувчи неъмат мақсадсиз (бир мартали) неъматдан яхшироқ. Масалан, гимнастика соғлиқни яхшилайди (у янги кийимдан яхшироқ неъматдир). Бошқа неъматларга эҳтиёжи бўлган неъматдан кўра мустақил, ўз-ўзича неъмат яхшироқдир. Агар бир неъмат бошқа неъматларга асос ва сабабчи бўлса, асос ва сабабчи бўлмайдиган неъматдан афзалроқдир. Чунки, асос ва сабабсиз ҳеч нарса вужудга келмайди.

Каттароқ яхшиликка сабабчи бўлувчи неъмат кичикроқ неъматга сабаб бўлувчи неъматдан афзалроқ. Шуниси ҳам

борки, мақсад асосға нисбатан мұхимроқдир. (Афина халқ қенгашида) нотиқ Леодамант (Спарта билан сұлҳ тузишни истаган) Каллистратни айблаб гапирганида «Маслақатчи ижрочидан күра күпроқ айбдор», чунки у маслақат бермеганида бу иш (Сулх) бўлмас эди, деган эди. Ва аксинча, у Ҳарбий ҳақида гапирганида маслақатчидан күра ижрочи күпроқ айбдор, чунки, ижрочи бўлмаса, маслақат амалга ошмас эди, деган.¹⁴⁷

Табиатда кам учрайдиан нарса (масалан, олтин) кўп учрайдиган нарсадан (масалан, темирдан) қадрлироқдир. Лекин, бошқа томондан, ҳаёт учун зарур, кўп ишлатиладиган нарсанинг камига нисбатан кўпи яхшироқдир. Щу сабабли шоир Пиндар айтади:

*Барчасидан сув аъло.*¹⁴⁸

Умуман олганда, осон топиладиган нарсадан кўра қиинчиллик билан топиладиган нарса қадрлироқдир. Лекин, бошқа жиҳатдан қийин ишга нисбатан осон битадиган иш яхшироқ, чунки тезроқ мурод ҳосил бўлади.

Табиийки, фазилатли (хулқ) фазилатсиз (хулқ)дан яхшироқ. Катта нуқсон кичик нуқсондан ёмонроқдир.

Сабаблардан яхшилик ёки ёмонлик жиҳатидан оқибати кучлироғи салмоқлироқдир. Ҳидлашдан кўра кўриш мұхимроқ бўлгани учун ҳид билиш ўткирлигига нисбатан кўзи ўткирлик аълороқдир.

Пулни яхши кўришдан кўра дўстларни яхши кўриш фозилроқдир, чунки дўстсеварлик мол-дунёни севишдан афзалдир.

Яхши нарсаларнинг аъло даражалиси ҳам афзалроқдир. Энг юксак ва энг гўзал ҳис-туйғуларни уйғотовучи нарса (ҳодиса, қилмишлар) ҳам гўзалроқ, юксакроқдир. Ҳунар, санъат ва фанларнинг ҳам энг ажойиби ва қимматлиси шугулланадиган мавзулар, обьектлар ҳам юксакроқдир. (Фалсафа бошқа фанлардан аълороқ бўлгани каби — тарж.) Ҳар бир фаннинг ўз ҳақиқатлари бор. Юксак фаннинг ҳақиқатлари ҳам юксакроқдир.

Неъматлардан қайсиларини оқил ва донолар ёки кўпчилик халқдан энг фозиллари яхши деб биладиган ўша неъмат-

лар қадрлироқдир. (Хаётга енгил қаровчи айрим кишилар ота, онадан, ёру дүстлардан кўра пул ва мол-дунё яхшироқ деб ўйлайдики, бу хатодир — тарж.)

Энг ақлли ва фозил одамлар қадрлайдиган неъматлар энг яхши неъматлардир. Энг яхши одамлар нимани афзал кўrsa ўша нарса яхшироқдир. Масалан, бироргаadolatsizlik қилувчи одамдан кўраadolatsizlik жабрини тортган одам яхшироқдир.¹⁴⁹ Куч-қувватга нисбатан чидам ва мардлик афзалдир.

Лаззатли, роҳатли нарсалардан заарсизроғи, ташвиш, ғам келтирмайдигани яхшироқдир. Камроқ ё ўртача чиройга нисбатан мукаммалроқ чирой, гўзаллик афзалроқдир.

Кўпчилик одамлар ўзига раво кўрган яхшиликлар ҳам неъматларнинг афзалидир. Кўпчилик одамлар ўзига сира раво кўрмайдиган ёмонликлар каттароқ ёмонлиқдир.

Неъматлардан вақтинча фойдалисига нисбатан доимо фойдалиси афзалроқдир. Буюмлардан бўш заифига нисбатан мустаҳкамроғим яхшидир. Ўртача одамдан кўра жасур одам қадрлироқ. (Лекин, ахлоқ фалсафасида ҳаддан ошувчиларга нисбатан ўртача йўл тутувчилар азизроқдир — тарж.)

Барча қадрлайдиган нарсалар озчилик қадрлайдиган нарсалардан яхшироқдир. (Арасту замонидан 2400 йил ўтгач, бу фикрнинг моҳияти ўзгарди. Бу замонда жуда кам одамлар илм, фанни қадрлайди, энди олимлар аввалгичалик қадрланмайди. Шунга қарамай, озчилик зиёлиларгина олий идеалларни яхши қадрлайдилар — тарж.)

Неъматларнинг мақтовга лойиқроғи афзалроқ, чунки, гўзал неъматлар мақтовлидир. Энг кўп ҳурматга лойиқ неъматлар ҳам шундай. (Масалан, илм, фанлар, санъатлар). Ва аксинча, жазоланишга лойиқ ишлар энг ёмон қилмишлардир (алдов, порахўрлик, ўғрилик, жабр-зулм ва бошқалар).

(Сўз санъатида, шеъриятда, нотиқлиқда) воқеа, ҳолатни қисмларга ажратиб кўрсатиш фожеанинг буюклигини равшанроқ англатади. («Илиада» достонида аёл эри Мелеагрни босқинчиларга қарши курашга даъват қилиб (манзарани қисмларга ажратиб) бундай дейди:

Ёвлар босиб олган шаҳарда эл ҳоли ёмон,
Ўз уйида одамларни ўлдириб, ўт қўймоқдалар.
Болаларни, ҳатто белидан паст белбогли
(Ҳомиладор) аёлларни асирликка ҳайдамоқдалар.¹⁵⁰

Воқеанинг айрим қисмларини таққослаш, қиёслаш ва бириткириш билан ҳам мазмунни кучайтириш мумкин. Эпихарм¹⁵¹ кўпинча шундай қиласарди. Воқеа, ҳодисани турли қисмларга ажратиб, ўзаро таққослаш йўли билан ҳам бутун нарсанинг кўламдорлигини, у бошқа буюк ишларнинг бошланиши эканлигини билдириш мумкин. Бирор воқеа, хатти-ҳаракат, нарсанинг қийин кечгани, нодирлигини, ёши, ўрни, вақти одатидан ташқари эканлигини билдириш ҳам маъно салмоғини оширади, ўша одам, хатти-ҳаракат, нарсанинг ажойиблигини, фойдали ёки адолатли эканлигини ёки бунинг аксини кўрсатади. Бир шоир (Симонид) Олимпия ўйинлари ғолибига ёзган эпиграммасида бундай дейди:

*Бир замонлар эгри обкашни елкамга осиб,
Аргосдан балиқ элтар эдим Тегея сари¹⁵²*

Шу маънода Ификрат¹⁵³ ҳам «Улғайишм шу тариқа бошланган эди», деб ўзини мақтайди. Ўқиб, ўрганилган маҳоратга нисбатан табиий, туғма истеъдод, қобилият қадрироқдир, чунки туғма қобилиятли одамлар кам топилади. Шу сабабли шоир айтади:

Мен ҳаваскорман¹⁵⁴

Буюк воқеа, ҳодисанинг энг катта қисмини билдириш ҳам унинг салмоғини кўрсатади. Перикл «Дафн маросимидағи нутқ»ида урушда ўлиб кетган ёш жангчилар ҳақида: «Ватанинг ёшлардан айрилиши йил фаслларидан баҳорнинг йўқолиши кабидир» дейди.¹⁵⁵ Қарияларга ва касал одамларга, муҳтожларга берилган ёрдам савоблироқдир.

Икки неъматдан мақсаддага яқинроғи афзалдир. Бир одамга қилинган яхшиликдан кўпчиликка қилинган яхшилик қадрлироқ. Имкони бўлган нарса имкони бўлмаган нарса-

дан яхшироқ. Яна: инсон ҳаётининг охирида кўрган яхшилик ҳам аввалгиларидан яхшироқдир, чунки сўнгилари мақсадга яқиндир.

Шон-шуҳрат учун қилинган ишлардан кўра адолат, ҳақиқат учун қилинган ишлар афзалдир. Шон-шуҳрат учун қилинган ишлардан кўпчиликка билдирилмаган, овоза қилинмагани яхшироқдир. Одатда кўпчилик одамлар ўзи учун хизмат қилишни ёқтиради, бошқалар учун хизмат қилишни фақат мард, олижаноб инсонлар ёқтиради.

Яхши бўлиб кўринишдан кўра яхши бўлган яхшироқдир, чунки иккинчиси ҳақиқатга яқин. Баъзилари буни эплолмагани учун адолат муҳим эмас, деб ўйладилар. (Афлотуннинг «Клитафон» асарида бу мавзу чуқурроқ очилади — тарж.)

Қадриятлар ичидаги энг фойдалиси — баҳтли яшашимизга, завқланишимизни келтирадиган. яхшиликлар қилишимизга ёрдам берадиганидир. Шу сабабли бойликни ва соғлиқни энг буюк неъматлар деб биладилар. (Яхши одамлар учун шундай, ёмон одамлар бойликдан тубан ишлар учун, босқинчилик, қотиллик учун фойдаланадилар — тарж.) Фамташвишнинг йўқлиги ёки камлиги, завқ ва роҳатининг борлиги яхшироқ. Роҳат борлиги, фам-кулфат йўқлиги ҳам неъматдир.

Бой бўлиб кўринишдан кўра бой бўлган яхшироқ (Ҳалол меҳнат билан, албатта. Нопок йўллар билан бойиш — жиноятчиларнинг иши — тарж.) Кўпчилик севадиган неъматлари (масалан, боғлар, гулзорлар, чиройли бинолар) афзалроқдир. Инсонда фақат битта, ягона бўлган нарса, айниқса, бошқаларда йўқ, нодир нарса бўлса қадрлироқ. Иккала кўзи соғ одамни бир кўзидан жудо қилган айбдорга нисбатан бир кўзи соғ одамни ўша кўзидан жудо қилган айборнинг жазоси оғирроқдир.

Шундай қилиб, биз нотиқ тингловчиларни риторик далиллар билан ишонтириш мумкин бўлган неъматларнинг таҳминий турларини кўрсатдик.

Кенгаиды маслаҳат берүвчи нотиқ турлы бошқарув түзумларини билиши керак. Ижтимоий бошқарув түзүмнинг түрт түри: демократия, олигархия, аристократия, монархия. Ҳар бир бошқарув түрининг мақсады. Маслаҳат берүвчи нотиқ бошқарув шакттарининг мазмун, моҳияти, табиатини билиши керак.

Нотиқ тингловчиларни (фуқароларни ёки кенгашдаги халқ вакилларини) ўз фикрига ишонтириш ва яхши маслаҳатлар бера олиши учун давлат, мамлакат бошқарувининг барча турларини, одатлар ва қонунларни, улардан қайси-лари фойдали эканлигини тушунган бўлиши керак. Чунки, барча одамлар давлат қурилиши, тузуми учун фойдали фикрни маъқуллайдилар. Бунда олий ҳокимиятнинг истак-иродасини (мақсадини) билиш муҳимдир. Олий ҳокимиятнинг турлари эса бошқарув тузумлари қандайлигига боғлиқ.

Давлат ва жамиятни бошқарув тузумлари тўрт турлайдир: демократия, олигархия, аристократия ва монархия¹⁵⁶ (якка ҳокимият, кейинроқ Арасту монархияга ўхшаш — ти-рания ҳақида ҳам сўзлайди — М.М.). Шу тузумларининг та-биатига қараб, олий ҳокимият ва судлов ҳокимияти, ё дав-латнинг барча аъзоларига (демократия), ёки уларнинг бир қисмига берилган бўлади.

Демократия тузумида давлат мансаблари қуръа ташлаш йўли билан берилади (бунда бир раҳбар фикрини мажбу-ран ўтказолмайди, кўпчиликнинг фикрларидан фойдаланиб, иш қиласди). Олигархия тузумида энг йирик мулкдорлар дав-латни бошқаради. Аристократия тузумида яхши тарбия кўрган (насл-насаби тоза) одамлар давлатни бошқарадилар. Тарбия кўрган деган сўзни мен илм-маърифат олган, маъ-нода тушунаман — аристократия тузумида қонундан четга чиқмайдиган аслзодалар давлатни бошқаради. Улар фуқа-роларнинг энг яхшилари ҳисобланади (аристократия — асл-лар, энг яхшилар дегани). Монархия тузумида бир одам барчага (барча ижтимоий тоифаларга) раҳбарлик қиласди. Якка ҳокимиятлардан навбат билан раҳбар қўйилувчи ту-

зум подшоҳлик (юонча *basileia*) тузуми бўлиб, навбатга, тартибга қаралмайдигани, чекланмагани — тирания деб атади.

Ҳокимиятни бошқарув тузумларининг барчаси ўз олдиға қўйган мақсади билан фарқланади. Демократиянинг мақсади — халқ эркинлиги. Олигархиянинг мақсади — (бошқарувчи гуруҳнинг) бойлигини, мол-мулкини кўпайтириш. Аристократиянинг мақсади — тарбия ва қонунчилик. Тираниянинг мақсади — ҳимоядир (Бу ерда тираннинг ўз ҳимояси учун қўриқловчи — соқчиларни жуда кўпайтириш маъносида. Тиран — якка раҳбар доно одамлар билан кенгашшиб ўтиrmайди, ёки хўжа кўрсинга халқни алдаш учун кенгашади — тарж.).

Нотиқ сўзлаётганида давлатнинг асосий мақсадидан келиб чиқади, яъни шу мақсадга этиш учун фойдали фикрларни айтади.

Нотиқ одамларни фақат сўзи, далиллари билангина эмас, балки ўз хулқи, ҳалоллиги, яхши инсонлиги билан ҳам ишонтиради. Шунга ўхшаб, ҳар бир бошқарув тузумининг ҳам табиати, хулқи, одатларини билиш зарур. Нотиқнинг ахлоқий, маънавий фазилатлари кўпроқ ишонтиради. Маънавий хислатлар ҳам одамнинг нияти, мақсади қандайлиги билан боғлиқдир (ва аксинча, одамларнинг маънавий хислатлари уларнинг ният, мақсадларини белгилайди — тарж.).

Шундай қилиб, биз нотиқ (давлат, мамлакатнинг) келажаги ёки ҳозирги аҳволи ҳақида гапирганида одамларни ўз фикрларига, нима қилиш фойдали (ва нима қилиш зарарли) эканига ишонтириш учун, бу соҳадаги масалаларни ҳал этиш учун ҳокимиятни бошқариш турларини (давлат тузумларини), уларнинг табиатини, хислатларини билиш ва бу масалаларни ҳал этишини енгиллаштириш зарурлиги ҳақида мавзуимиз кўтарганича фикр айтдик. Бундан кўпроқ маълумотлар керак бўлса, «Сиёsat» китобимиздан топиш мумкин.¹⁵⁷

Этидейктив (мақтөв) нутқи мавзулари. Ажойиблик, гүзиллик таърифи. — Фазилат нима? Фазилатларнинг (таркибий) қисмлари. — Энг буюк фазилатлар. Турли фазилатларнинг таърифлари. Ажойиб, гүзал нарсалар. Мақтөв ва энкомий (мадҳия).¹⁵⁸ Роҳат-фарогат тавсифи. Бахт-саодатни шарафлаш (евдамони смос). Мақтөв ва маслаҳат. Ҳолатни кучайтирувчи ўхшатиш (ташибеҳ) ва муболага — этидейктив нутқи учун зарур. Маслаҳат нутқи учун — мисоллар, судлов нутқи учун энтилемема — асос, далиллар зарур.

* * *

Шундан сўнг биз фазилат ва иллат, гүзал ва шармандали ишлар, хатти-ҳаракатлар ҳақида гапирамиз, мақтөв ёки айблөв мавзулари худди шу нарсалардир. Шу ҳақда гапирган одамлар инсонни хулқи, маънавиятига қараб баҳолайдилар. Нотиқ асосан, бир хил йўл билан (яъни, маънавий баҳолаш йўли билан) ўзига ва бошқаларга нисбатан ишонч уйфотади. Ишонтиришнинг силлогизм — далиллашдан бошқа йўли мана шу — маънавий баҳолаш йўлидир.

Одамлар инсонни ёки Худони шарафлаш билан бирга, бошқа жонли ва жонсиз мавжудотларни, ҳатто дуч келган ҳайвонни ҳам (агар чиройли бўлса) мақтайдилар. Шунинг учун бу масалага (гүзаллик, нодирлик масаласига аниқлик киритиш, уни баҳолашнинг асосий мезонлари, қоидалари ни билиш, мисоллар келтириш зарур.

Баркамоллик (юнонча — kalonos) ўзи ёқимли, марғуб, севимли бўлиш билан бирга мақтөвга ҳам лойиқ неъматдир.¹⁵⁹

(Хислатлардан) фазилатлар ҳам гўзалдир, чунки улар ҳам неъмат бўлиб, мақтөвга лойиқдир. (Арасту гўзилликнинг бошқача таърифларини «Ёвдем этикаси» асарида келтиради, бу ерда эса гўзал сифатлар, фазилатлар ҳақида сўз боради — М.М.) Фазилат инсон учун ўзи неъмат, айни вақтда бошқа неъматларни қўлга киритишга ва сақлашга, яна одамларга яхшилик, эҳсон қилишга имконият беради. (Масалан, саховат фазилати шундай, сахий одам бошқа неъматларни

ҳам құлға кирилади, бошқаларга ҳам яхшилик қиласы — М.М.)

Қүйидеги хислатлар — фазилатлардир: Адолат. Мардлик. Оқиғлilik. Саховат. Олийхимматлик. Беғаразлик — са-мимият. Мулойимлик — хушфеъллик. (Алишер Навоий бу фазилатни — ҳилм, ҳалимлик, дейди). Вазминлик. Донолик. (Афлотун «Менон» диалогида. Арасту «Никомах этикаси» ва «Катта этика» («Ахлоқи кабир») асарларида фазилатлар ҳақида кенгроқ фикрлайди — М.М.) Шундай экан, **фази-латларнинг энг буюги инсонларга фойда етказишидир.**¹⁶⁰ Шу сабабли, адолатли ва жасур одамлар буюк фазилат әгалари-дир. **Жасур одамлар уруш вақтида, адолатли, одил одамлар тинч вақтларда халққа фойда етказиб, яхшилик қила-дилар.** Шундан сўнг олийхимматлик (elevteriotes) туради. Олийхиммат, бағридарё одамлар пулга ортиқча қизиқмай-дилар, пул учун жанжал күтармайдилар. Бошқалар учун эса пул умрининг мазмуни бўлади. Адолат (dicaiosyne — дисай-осине) шундай фазилатки, у бўлса, ҳар бир инсон фақат ўз меҳнати билан топганини, қонуний ҳаққини олади. Жасур-лик шундай фазилатки, у бўлса, одамлар хавф-хатардан қўрқмай, қонунга зид келмайдиган ажойиб ишларни (**қаҳра-монликларни**) қилиши мумкин. Қўрқоқлик (deilia) эса, бу-нинг аксидир. Оқилона меъёрни билиш, қаноат (sophrosyne, софросина) ҳам фазилат, бундай хислатли одамлар жисмо-ний, моддий ҳузур-ҳаловат олишда қонундан четга чиқмай-дилар. Нафси бузуқлик (acolasia, аколазия) — бунинг акси-дир.

Бағрикенглик, дарёдиллик (megalopsylia, мегалепсихия) — хайр-саховатда мардона ишлар қилишидир. Майдакаш-лик, назарипастлик (micropsyhia, микропсихия) — бунинг аксидир. Сахийлик (megaloprepea, мегалопрепея) — кўп миқ-дорда хайр-эҳсон, савоб ишларни қилиш. Зиқналик, баҳил-лик (misoprepea, микропрепея) — бунинг аксидир.

Оқиғлilik (phronesis, фронесис) — юқорида айтилган фа-зилатлар ва иллатлар ҳақида соғлом фикр юритиб, оқило-на йўл тутишдир.

(Шундан сўнг Арасту фазилатларнинг афзал даражала-ри ҳақида фикр юритади. Инсоний фазилатлар яна кўп ях-

шиликларни пайдо қилишини айтади.) Жасурлик, мардона қилинган барча ишлар, ҳаракатлар гүзалдир. Барча адолатли ишлар ҳам гүзалдир.

Фақат адолат масаласида аҳвол бошқачароқ. Адолатли жазо олган одамдан кўра адолатсиз, ноҳақ жазоланган одам яхши одамдир. (Бу ерда Арасту исмини айтмаса-да, Суқротнинг машҳур гапини эслагандир. Диоген Лаэртий ёзишича, Суқрот ўлимга ҳукм қилинганида хотини йиғлаб туриб, «Сени ноҳақ жазолашганига куяман», деганида, у кулиб: «Эй, аҳмоқ, мен жиноят қилиб, адолатли жазоланганимда хурсанд бўлармидинг?» — деган экан — тарж.)

Яна — иш-амалларнинг гүзалроғи бир инсон ўзи фойдаси учун эмас, ватани, халқи учун қилган яхшиликдир. Тирик одамни мақташ (хушомадгўйлик)дан кўра марҳумларнинг қилган яхшиликларини мақташ гүзалдир. Ўзгалар учун қилинган яхшиликлар ҳам гүзалдир. Бизга яхшилик қилгандарга фаровонлик тилаш ҳам гўзал. Мискин, муҳтожларга хайр-саҳоват, меҳр-мурувват кўргазиш ҳам гўзалдир. Уятли ишларни қилмоқчи бўлган одам шу ишларни қилмай, уялгани ҳам гўзалдир. Шоир Алкей шоира Саффога дейди:

Сенга бир сўз айтай дейиан, уят йўл бермас.

Саффо эса унга жавобан «Агар сен олижсаноб ва гўзал нарса ҳақида гапирмоқчи бўлсанг уят йўлингни тўйсас эди, адолатни сўз айтишидан қўрқмас эдинг», дейди.¹⁶¹

Манфаат, қўрқув сабабли эмас, шон-шараф учун ихтиёрий қилинган ишлар гўзалдир. Табиатан яхши одамларнинг ишлари ҳам гўзал. Аёлча ишдан кўра эркакча, мардона иш гўзалдир.¹⁶² Фақат ўзимизга эмас, балки кўпчиликка манфаат етказувчи фойдали ишлар ажойибдир. Адолатли ишлар ва адолат фазилати гўзалдир. Душманларга бўйсунмаслик, улардан паноҳ тиламаслик, ёвдан енгилмай, уларни енгмоқ гўзалдир. Ғалаба, агар моддий бойликлар, бой ўлжалар келтирмаса ажойибдир. Бундай ғалаба икки карра гўзал, чунки бунда ғолиблар моддий фойдани кўзламай, ғалаба қилгандар. Ҳеч қандай моддий фойда кўзламай (адолатни кўзлаб) ғолиб чиқиш буюк шахсларнинг фазилатидир.

Эсда қоларли, фавқулодда барча (яхши) ишлар гўзалдир, қанча узоқ эсда қолса шунча гўзалдир (Широқ, Тўмарис,

Спартак, Спитамен, Иван Сусанин, Жалолиддин, Темур Малик, Форобий, Хоразмий, Беруний, Ибн Сино, Амир Темур, Бобур, Навоий, Беҳзод, Машраб каби зотларнинг қилган ишлари нодир, ажойиб асарлари сира унутилмасдир — тарж.)

Фақат бир одамда бўлган нодир нарса ҳам ажойиб, гўзалдир (Мусо пайғамбарнинг асо — таёғи (у ўн хислатга эга эди: у бўри ёки ёв келса — аждарга, дарё келса — кўприкка, чўл иссиғида — соя солувчи дарахтга, оч қолса — тез мева берувчи дарахтга айланар эди. Яна ажойиб нарсаларга Меърорж, Буроқ, ҳазрат Алиниңг зулфиқор қиличи. Каъбадаги қора тош — ҳажарул - асвад, дунёнинг етти мўъжизаси саналган эҳромлар ва ҳоказолар киради.)

Баъзи ҳалқлардагина бўлган одатлар ҳам ажойиб. Масалан, Лакадемон (Спарта)да йигитларнинг узун соч қўйиши озод инсонлигини билдиради, улар қуллар бажарадиган ишларни (мажбур қилсалар ҳам) бажармайди.¹⁶³ (Шу сабабли, маҳбусларга соч ўстириш таъқиқланган.) Майда касбҳунарлар (этик тозалаш, хизматкорлик, баққоллик) билан шуғулланмаслик ва одамларга қуллардай иш қилмаслик яхши. Бирорларга мутеъ, қул бўлиб, хорланиб яшаш — ёмон. (Арасту қулдорлик жамиятида яшаган — тарж.)

Баъзи инсонларнинг бир хислатларидан бошқа хислатларини ҳам билиб олиш мумкин. Баъзи ишлар, ҳатти-ҳаракатларни маъқуллаш ёки қоралашда шуни билиш керакки, эҳтиёткор одам кўпинча совуққон ва маккор бўлади. Соддороқ одам оққўнгил бўлади. Ҳиссиётга берилмайдиган, қизишиб кетмайдиган одам ювош, вазмин бўлади.

Баъзи ёмон кўринган хислатларни яхшиликка йўйиш мумкин: тез жаҳли чиқувчи ва ўзини тиёлмай қоладиган одам самимий, соддадир. Баъзи ўжар, айтганидан қайтмайдиган одамларда ўз қадрини билиш ва улуғворлик бўлади. Гоҳо қандайдир хислатлари ҳаддан зиёд, меъёридан ошган одамлар фазилатлидир. Ўйлаб ўтирмаи дадиллик қилувчи — жасур одам, орқа-олдини ўйламай мол-дунёсини сарф қилувчи сахий одамдир. Ҳар ҳолда бу одамлар халойиқда шундай тасаввур уйғотади. (Кўпинча, бу тасаввур тўғри чиқади — М.М.)

Айни вақтда сабаб орқали паралогизмга (билган ҳолда мантиққа зид хулосага) келиш мумкин.¹⁶⁴ Вақти ва ўрни бўлмаса ҳам хавф-хатарга ўзини урадиган одам вақти ва ўрни келганида ҳам инсоний бурчини бажариб, жасорат кўрсата олади. Бегоналарга сахийлик қиливчи одам ўз дўстлагрига ҳам сахийлик қилиши табиийдир.

Бундай ҳолатларда бирор одам кимларнинг олдида мақталаётганига қарап керак. Суқрот айтганидай, афиналик одамни Афинада мақташ қийин эмас.¹⁶⁵ (Платоннинг «Менексен» асарида Суқрот афиналикларни Лакедемонда (Спартада) ва Лакедемонликни Афинада мақташ учун ритор (нотик)дан юксак маҳорат талаб қилинади, дейди. Арасту шуни кўзда тутмоқда — А.А.Таҳо-Ҳоди изоҳи).

Нотиқ тингловчиларни ўз мақтовига ишонтириш учун қайси муҳитда (қайси ҳалқда) қандай фазилатлар қадрланишини билиши керак. Масалан, искифларда бошқа, Лаконикада бошқа, файласуфларда бошқа хислатлар мақтовли саналади. (Умуминсоният эътироф қилган хислат — фазилатлар адолат, ҳақиқат, ватансеварлик, олийҳиммат, саҳоват, меҳр-муруват барча ҳалқларда қадрланади — М.М.)

Кимнидир мақтаётганида нотиқ ўша одамнинг қилган иши, жасорати, қаҳрамонлиги аждодлари ва ўзидан аввал ўтган машҳур одамлар қилган улуф ишларга тенг, муносибми эканлигини ҳам ўйлаши зарур. Чунки, аждодлар шоншуҳратига яна шон-шуҳрат қўшиш ажойибdir.

Одамларнинг турли бахтсизликларга учраганида биз кутмаганда яхши томонга ўзгариши ҳам гўзал ҳолат. Бирор аввал ўртача одам эди, бахтсизликка учраганида жасурлигини кўрсатди (ёнғин, тошқин ва бошқа оғатлар вақтида). Ёки аксинча, бир одам аввал ҳеч қандай фазилати йўқдай эди, катта мансабга қўйилганида камтаринлашиб ҳалқقا яхшилик қила бошлади (Ҳаётда бунинг акси кўп учрайди.). Кеосли Симонид бир шеърида ёшлигига сув ташувчи бўлганини мақтайди,¹⁶⁶ бошқа шеърида Лаодика исмли аёлнинг отаси тиран (Афина тирани Гиппий), эри тиран (Лампсак шаҳри ҳокими Эантид), акаси тиран (Афина ҳокими Гиппарх) бўлишига қарамай, мард, ҳалқпарвар аёл эканлигини

мақтайди.¹⁶⁷ (Халқ шу аёлдан бундай яхшиликни кутмаган — М.М.)

Мақтов нутқи аслида (бирор давлат ва жамоат арбобига хос) фазилатларни тасвирлаб беришдан иборат. (Фазилатлар эса маънавий гўзал инсонларда бўлади). Инсон фазилатлари унинг фаолиятида, қилган ишларида кўринади. Энкомий — мадҳияда қисман насл-насабга, тарбияга эътибор берилгани ҳолда, асосан ҳасаб (шахснинг амалий ишларда етуклиги) биринчи ўринга қўйилади. Шу сабабли мадҳияларда инсон фаолияти тасвирланади, буюк қилмишлар эса фазилатли одамларга хосдир.

Нутқда мақтов ва маслаҳат бир-бирига ўхшашири. Инсоннинг яхши қилмишлари, амал-ишлари тасвирланганида бошқаларга ибрат қилиб кўрсатилади. Мана шу мақтов сўзларни бошқача тарзда (умумлаштириб) айтиса, маслаҳат ва ўғит — панд-насихатга айланади. Инсон тақдир насиб этган нарсалари билан эмас (яъни, бойлиги, насл-насаби билан эмас), балки ўзи қилган мардона ишлари билан фахрланиши керак. (Шарқда ҳам насаб ва ҳасаб (ўз кучи билан шуҳратга сазоворлик) тушунчалари бор. Атоқли олим Ваҳоб Раҳмон бу ҳақда маҳсус мақола ёзган — М.М.)

Шахс ё бир ўзи, ё сафдошлари бўлса ҳам, улар сафида биринчи бўлиб, ёки бир неча яқин сафдошлари билан бирга жасоратли ишни бажарган бўлса ажойиб, гўзал иш деб мақталади. Яна, бир инсон ноқулай вақтда ва ноқулай, оғир шароитларда буюк ишни бажарган бўлса, кўпроқ мақтовга сазовордир. Яна бир инсон кўрсатган жасорат мадҳия қўшиқларда куйланган бўлса, ўша қаҳрамон сабабли давлат тақдирлаш ва шарафлашнинг янги турларини жорий этган бўлса, ўша одамларнинг қилган ишлари ҳам гўзаладир. Агорада (Афина шаҳри халқ йигини майдонида) Гармодий ва Аристогитонга қўйилган ҳайкал ҳам гўзал¹⁶⁸ (Бу икки йигит Афина тиранларини ўлдиришни ўз зиммасига олган. Гиппарх ўлдирилган, Укаси Гиппий қизи ва куёви яшаётган Лампсак шаҳарига қочган (Кичик Осиёдаги Лампсак шаҳри, Эпикур шу ерда яшаб, ижод қилган. Афина халқ кенгаши қарори билан тиранкушлар, тиран ўлдирувчилар

Гармодий ва Аристогитонга шу манзара тасвирланган брон-за ҳайкаллар гуруҳи ўрнатилган — А.А.Таҳо-Ҳодий изоҳи).

Агар бирор муносиб шахсни мақташга сўз топилмай қолса, унинг қилмишини машҳур одамларнинг қилмишига ўхшатиш мумкин. Агар бу мумкин бўлмаса, ўша шахсни номашҳур одамлар билан таққослаб, улардан устунлигини кўрсатиб бериш ҳам мақтов турларидан биридир. Нотиқ Исократ шундай қиласарди. Лекин, мамдуҳ (мадҳ этилаётган шахс) муносиб бўлса, машҳур одамларга қиёслаш яхшироқ, чунки агар бу одам ўша машҳурлар каби ёки улардан кўпроқ яхши ишлар қилган бўлса, унинг қадр-қиммати янада ошади. Бундай вақтда адолат юзасидан муболага ишлатиш ҳам ўринли, чунки кимдир кўпчилик яхшилардан афзал бўлиши ажойиб, камолотдир.

Муболагалар уч турдаги нутқлардан (кенгашув нутқи, ҳакамлик — суд нутқи, эпидейктив — васф, тантанавор нутқ) кўпроқ эпидейктив нутқда ярашади, чунки бу ерда нотиқ чиндан-да ажойиб ишлар қилган одамлар ҳақида гапиради, бунда нотиқнинг вазифаси ўша яхши ишларни ярашиқли сўзлар, маънолар билан васф этиш (ва тасвирлаш)дир.

Ҳаётий мисоллар эса кўпроқ кенгашув (маслаҳат) нутқига ярашади, чунки бу ерда биз бўлиб ўтган воқеалар мисолида энди бўладиган ишлар, катта мақсадлар ҳақида гапирамиз.

Энтилемемалар (риторик силлогизм, асословчи, далилловчи фикрлар) эса кўпроқ ҳакамлик, судлов нутқларида қўлтанилади. Чунки, бу ерда нотиқ бўлиб ўтган воқеадан (судланяётган шахснинг айби бор-йўқлиги) ноаниқ бўлса, (айбловчи ёки оқловчи) ўз фикрини далиллаши, сабабларини кўрсатиб, асослаб бериши керак.

Ҳар қандай мақтов ва қоралов нутқида, мана шу қоидаларга риоя қилиш, мақтов мазмуни нималардан иборатлигини, далиллар қаердан олинишини билиш зарур. Қоралов нутқида мақтовнинг зидди бўлган қоидаларга (қораланаётган шахсда муайян инсоний фазилатлар йўқлигига, аксинча, муайян иллатлар, камчиликлар борлигига) эътибор берилади.

Адолатсиз, ноҳақ ҳатти-ҳаракатлар (қилмислар) нинг сабаблари; бундай ҳатти-ҳаракатларга сабаб бўлувчи ҳолатлар; бу ҳатти-ҳаракатлар кимларга нисбатан содир қилинади (юз берган бўлса, содир қилинган бўлса) ўшалар ҳақида, ноҳақлик —adolatsizlik ўзи нима? Ноjёя (ёмон, хунук) ҳатти-ҳаракатларнинг, иллат (қусур, айб, ёмон хулқ) нинг ва ўзини тия олмасликнинг мотивлари (сабаблари) — ихтиёрий ва гайрихтиёрий қилмислар, умуман инсон фаолиятнинг мақсадлари, тасодифийлик, табиийлик, мажбурлаш, одам тусига кириб қолганлик тушунчалари, тушунган ҳолда онгли тарзда қилинган, даргазаблик, жаҳл таъсирида қилинган, истик, хоҳши билан ихтиёрий қилинган ҳатти-ҳаракатлар.

Кейин айблаш ва ҳимоя қилиш ҳақида нечта ва қандай хулоса чиқариладиган (хулоса қилинадиган) ҳолатлар, вазиятларнинг сони (миқдори) ва табиати борасида (тўғрисида) айтиш лозим. Бу ерда учта нуқтага (пунктга) эътиборни қаратишимиш керак. Сабабларнинг табиати қандай, сабаб миқдорининг нақадар катта аҳамиятга эгалиги, ўша сабабларнинг таъсирида одамларнинг ноҳақ муносабатда бўлишлари (adolatsizlik билан ҳаракат қилишлари); қандай кайфиятлар таъсири остида одамларнинг ноҳақ, адolatsiz иш қилишлари, қандай одамларга нисбатан биз нотўғри муносабатда бўламиз (ноҳақ муносабатда бўламиз) ва бу кишилар қандай шароитларда ҳолатларда зулм кўрадилар? — шуларни кўриб чиқамиз.

(Шундай қилиб), адolatsizlik, ноҳақлик тушунчасини аниқлайлик ва кейин эса юқорида кўрсатилган нуқталарнинг ҳар бирини тартиб билан таҳлил қиласиз, синчиклаб текшириб кўрамиз.

Қонунга хилоф тарзда бошқа бирор шахсга зарар еткашиб майли — ноҳақ муносабатда бўлишни, қасддан ёмонлик қилишни билдиради. Лекин қонуннинг икки тури бор — хусусий ва умумий. Давлатдаги одамлар ўшанга мувофиқ яшайдиган ёзилган қонунларни мен хусусий қонунлар деб атайман. Гарчи у ёзилмаган бўлса ҳам, барча одамлар

томонидан тан олинган, эътироф қилинган қонунни мен умумий қонун деб атайман.

Одамлар ўзлари онгли ва ихтиёрий (зўрлашларсиз) тарзда қиладиган ишларини кўнгилли бўлиб (ўз ихтиёри билан) бажарадилар.

Одамларнинг кўнгилли бўлиб қилган ишлари ҳамиша ҳам улар томонидан қасдан қилинмайди (бажарилмайди), лекин улар томонидан қасдан қилинадиган ҳамма нарса (иш) кўнгилли тарзда бажарилади, чунки одам ўзи қасдан қила-диган ишига нисбатан ҳеч қачон фафлатда бўлмайди.

Биз ихтиёрий тарзда (кўнгилли бўлиб) зарар етказадиган ва ноҳақ муносабатда бўладиган сабаб — мотивлар, бу ёмон хулқ, (иллат, камчилик) ва ўзни тута олмаслик (тия олмаслик) (баднафслик; эҳтиётсизлик), қачонки биз битта ёки бир неча иллатларга (камчиликтарга; касалликларга) эга бўлсак у ҳолда биз айнан, шу иллатларнинг таъсирида ноҳақ ишлар қиласиз. Масалан, пулга нисбатан таъмагирлик, очкўзлик, баданнинг, вужуднинг ором олиши, завқланишига, роҳатланишига нисбатан ўзини тия олмаслик, хавф-хатар вақтида дангасалик, қўрқоқлик қилиш, машақатларга нисбатан заиф, чидамсиз бўлиш (чунки қўрқоқлар хавфли да-қиқаларда қўрқиши таъсирида ўзларининг дўстларини, ўртоқларини ташлаб кетадилар). Иzzатталаб одамлар ҳам ноҳақлик, жабр, зулм қиласилар. Жаҳли тез, жizzаки одам ғазабнинг таъсири остида ноҳақ иш қиласди (ноҳақ, нотўғри иш қиласди, нотўғри йўл тутади); ғалабани астойдил, жуда жуда хоҳлаган (хоҳловчи) киши ғалабани деб (ғалаба учун) иш қиласди (йўл тутади), қасоскор одам эса қасос олиш туйғуси таъсири остида иш қиласди. Ақлсиз, фаросатсиз (калтафаҳм) одам эса — нима ҳақ ва нима ноҳақ эканлигидан бехабарлиги, билмаслиги оқибатида ноҳақ иш қиласди, уятсиз, орсиз киши эса яхши одамдан нафратланиши туфайли ёмон иш қиласди. Шунга ўхшаш тарзда қолган барча одамларнинг ҳар бири ўзининг иллатига (нуқсонига, камчилигига) мос ҳолда адолатсиз бўлиб чиқадилар. Лекин буларнинг ҳаммаси қисман биз айтган фазилатлар, яхши хислатлар етишмаслигидан ва қисман эҳтирос, қизиққонликдан келиб чиқади: Нимани кўзлаб (нима учун), қандай кайфият

таъсири остида (таъсирида) ва кимларга нисбатан одамлар ноҳақ иш қилишларини айтиш қолди холос.

Шундай қилиб нотиқ (қораловчи) одамлар қандай сабаблар таъсирида ва қандай одамларга нисбатан бемалол ёмонлик қилишларини аниқлаб олиши, синчиклаб ўрганиб чиқиши керак. Чунки шак-шубҳасиз аниқки, қораловчи қайси сабаблар таъсирида одамлар ўзларининг яқинларига нисбатан ноҳақ иш қилишларини, бу сабаблардан айнан қайсилари ва қанчалари муҳим мотивлар эканлигини аниқлаши керак. Ўзини ҳимоя қилувчилар эса, айбловчи айтган сабаблар бўлмаганлигини исботлаб берниши зарур.

Ҳамма одамлар бирор ишни ё биронинг мажбурлаши билан, ё ихтиёрий тарзда қиласидар. Файриихтиёрий иш қиласидиганлардан баъзилари тасодифан шу ишни қиласидар, бошқалари эса зарурат туфайли содир этадилар. Зарурат туфайли ёмонлик қиласидиганлардан баъзилари мажбурият орқасида (зўрлаш туфайли) қиласалар, бошқалари табиати (характерига, талабига мос тарзда қиласидар. Шундай қилиб, одам улар томонидан файриихтиёрий тарзда содир қилинадиган ҳамма нарсалар (воқеа, ишлар) ё тасодифан ёки табиатига мувофиқ ёки мажбурлаш орқасида (зўрлаш туфайли) содир қилинади.

Одамлар томонидан ихтиёрий тарзда қилинган ёмонликларнинг сабаблари ҳам уларнинг зиммасида (устида) бўлади, бирор иш улар томонидан одатга кўра содир қилинади, бошқа бириси эса кучли орзу, интилиш, иштиёқ, ният таъсирида содир бўлади. Бундан ташқари баъзилар ўз ақли билан, бошқаси эса ўйламасдан калтафаҳмлик билан ёмонлик қиласиди. Истак, бу яхшиликка интилишдир. Чунки ҳар бир киши мақсад, ниятини ўзи хоҳлаган яхши деб ҳисоблаганидагина бошидан кечиради. Истак, хоҳиш (мақсад) бу ғазаб ва кучли ҳис-туйғу, эҳтиросдир.

Шундай экан, одамлар ўзлари содир этадиган ишларнинг ҳаммасини еттита сабабга кўра қиласидар: 1. Тасодифан. 2. Табиати (характерига кўра (мос тарзда). 3. Мажбурият (зўрлаш) туфайли. 4. Одатига кўра. 5. Ўйлаш. мулоҳаза қилиш туфайли. 6. Ғазаб ва 7. Кучли ҳиссиёт, эҳтирос сабабли. Ёши, ҳолати (шароити) ва ҳоказо каби мотивлар

нинг таснифини бу ерга қўшиш бефойда бўларди.¹⁶⁹ Чунки агарда ўспириналарга, бўз болаларга, ёш йигитчаларга жаҳл, ғазаб кучли ҳиссиёт, эҳтирослар хос бўлса, у ҳолда улар ноҳақ ҳаракатларни ўзларининг ёшликлари сабабидан эмас, балки ўзларининг ғазаб ва эҳтирослари таъсирида қиласидилар.

Одамлар бойлиги ва камбағаллиги сабабли ноҳақ ишлар қиласидилар. Тўғри, камбағаллар муҳтожликлари туфайли кўп пул топишни орзу қиласидилар, бойлар эса ортиқ дараҷада мол-дунёнинг мавжудлиги туфайли роҳатланиш, ҳузурланишни хоҳлайди. Аслида бу одамларнинг ёмонлик қилишга зарурат йўқ, лекин бундай одамлар бойлик туфайли ёки камбағаллик туфайли эмас, балки кучли эҳтирос, кучли ҳистийғуларнинг таъсирида ишга киришадилар. Шунинг сингари баъзи одамлар адолатли, одил ва баъзи одамлар адолатсиз бўладилар. Ҳамма одамларнинг хатти-ҳаракатлари уларнинг қалби кўнгли тозалиги ёки ичи қоралигини намоён қиласиди.

Одамлар юқорида кўрсатилган мотивларнинг таъсирида ҳаракат қиласидилар, кучли ҳис-туйғу, эҳтирос таъсирида ёки эс-ҳуши жойида бўлганида ёмонлик қиласидилар. Баъзи одамлар яхши феъл-атворни ўзларига дастуруламал қилиб оладилар ва бошқалари эса аксинча, ёмон феъл-атворни ва кучли жаҳл-ғазабни ўзларига дастурул амал қилиб оладилар. Кўнгли оқ одамларнинг яхши ишидан яхши оқибатлар келиб чиқади. Ёмон хулқли одамларнинг бўлмағур ишларидан ёмон оқибатлар келиб чиқади. Ўртача иш тутадиган одамда айнан унинг ўртача иш тутишлиги туфайли ҳузурланиш, роҳатланиш меъёрини билади, чегарадан ошмайди. Лекин ўзини тия олмайдиган одамлар эса ҳузур ва роҳатда ўзини жиловламайдилар.

Шу сабабли бунга ўхшаш таснифлашларни бир четда қолдириб, энди ёмонлик қилиш оқибатлари одатда қандай руҳий, маънавий хусусиятлар билан боғлиқ, алоқадор бўлишини кўриб чиқиш керак. Чунки агарда одам оқ ёки қора, қари ёки ёш бўлса, бундан ҳали ҳеч қанақа холоса чиқариди бўлмайди. Аксинча одам ёш ёки қари эканлигига қарамай, адолатли ёки ноҳақ (адолатсиз) бўлиши муҳим фарқ ҳисоб-

ланади. Одамларнинг феъл-атворларида ҳам шундай фарқ-ларни келтириб чиқариш мумкинлигини айтишимиз керак. Масалан, инсон ўзини бой ёки камбағал деб, баҳтли ёки баҳтсиз деб ҳисоблайдими, бу аҳамиятли. Лекин бу тўғрида биз кейин гаплашамиз.¹⁷⁰ Ҳозир эса бошқа (аввалроқ бел-гиланган) саволларга тўхтalamиз. Шу масалалардан бири — тасодифийлик. Сабаби номаълум, бирор аниқ мақсад учун қилингани аниқланмаган, доимий ҳам, кўпинча ҳам учрамайдиган, белгиланмаган тартибдаги ҳолатлар тасодифий деб аталади. Буларнинг ҳаммаси шак-шубҳасиз тасодифийлик тушунчасининг таърифидан маълум.

Ихтиёrsиз, мажбуrlаш билан қилинган ёмонликни одам ўз ақли билан ва хоҳиши билан қилмайди. Одат бўлиб қолган ёмонликни эса одам кўп марта содир қилган бўлади. Ўз ақли билан қилинган ёмонликни одамлар бирор неъматга, бойликка эришмоқ учун қилади.¹⁷¹ Ўша одамларнинг назарида бу бойлик ё бирор нарса бошқа бир мақсадни амалга ошириш учун керак бўлиши мумкин.

Баъзи ўзини тиёлмаган одамлар ҳам ўзи учун фойдали (ўfirlikni) фойда топиш учун эмас, бирорга ёмонлик қилиб ҳузурланиш учун қиладилар.

Қасос олиш ва жазоланишнинг фарқи бор: жазолаш ёмонлик қилган одамни тўғри йўлга солиш учун, қасос олиш эса қасд олувчининг фойдаси учун амалга оширилади.

Ғазаб нималигини эҳтирослар ҳақидаги рисоламизда¹⁷² айтиб ўтганмиз.

Майл, истак эса ёқимли нарсаларга, ишларга қаратилади. Доим ҳаётимизда бўлиб турадиган, биз ўрганиб қолган нарсалар ҳам истакли, ёқимлидир. Одамлар ўзига ёқимли, ўрганиб қолган ишларни ўз ихтиёри билан бажаради.

Ҳақиқий ёки эҳтимолий ёмонликдан, ташвишдан қутулиш ҳам неъмат, яхшиликдир. Катта фалокат кичик фалокатга алмашгани ҳам яхшилик ва ёқимлидир. Ўта ёқимсиз нарса камроқ ёқимсизлик билан алмашгани ҳам яхшиликдир.

Энди биз фойдали ва ёқимли нараларнинг қанчалигини ва турларини кўриб чиқишимиз керак. Маслаҳат нутқи

ҳақида гапирганимизда фойдали нарсалар нималар эканлигини эслатғанмиз. Ҳозир эса ёқимли нарса, ҳодисаларнинг таърифини берамиз. Бу таърифлар жуда ноаниқ (қисқа) ҳам, жуда чўзиқ, бачкана ҳам бўлмаслиги керак.

11-боб

Роҳат таърифи. Ёқимлиликнинг турли даражалари.

Роҳат, ёқимлилик кўнгил иши бўлиб, бу ҳолатда инсон (билган, кўрган, ҳис этган нарсадан) табиий ҳолда тез севиради. Ёқимсизлик эса шу ҳолатнинг аксиdir. Шундай экан, бизни севинтирадиган барча нарсалар дилимизни роҳатлантиради, бизни хафа қиласидиган (ёки севинтирмайдиган) нарсалар эса ёқимсизdir. Руҳнинг табиий ҳолати асли роҳатда бўлади.¹⁷³ Ёқимсиз нарсаларни билиш, кўриш, ҳис этиш эса руҳнинг табиий ҳолатидан оғиши, издан чиқишидир.

Инсон (ўзида ва ўзгада кўрган) баъзи одатлар, қилиқлар ҳам ёқимлидир. (Хусусан, севимли одамнинг яхши одат, қилиқлари бўлса — М.М.) Одат инсон табиатига яқинроқ ҳолатдир. Тез-тез бўлиб турадиган нарса доимий бўладиган нарсага яқиндир. (Алишер Навоийнинг «Табиатга ҳар неки одат бўлур. Чу эскирди одат, табиат бўлур» байтини эсланг. Навоий. Ҳикматлар. 62-бет. Тўпловчи Солиҳ Муталлибов.)

Инсон ўз ихтиёри билан иш қилиши ёқимли, мажбуран бажараши — ёқимсиз, яъни кўнгилга, табиатга зид. Мажбурий, зарурат, муҳтожлиқдан қилинадиган хатти-ҳаракат одамни қийнайди. Шоир айтади:

*Ҳар қандай мажбурият дилни яралар.*¹⁷⁴

Агар одам ўрганмаган бўлса, (бегоналарга) ғамхўрлик, хизмат қилиниши, уринишлари ёқимсизdir, чунки бу ишлар мажбурият юзасидан қилинади. (Шу маънода, инсоний бурчларни бажариш ҳам машаққатли, агар одам ватан, халқ, ота-она олдида бурчини ихтиёрий бажарса — фазилатdir — М.М.)

Зарурият туфайли эмас, кўнгил майли, истаги билан қилинадиган кўпгина енгилтакларча (ахлоқсиз) ҳаракат, феъл-

атворлар (онгсиз, одобсиз одамларга) ёқимли күринади. Истаклар, ҳойу ҳаваслар, дангасалик, енгилтак феъл ва гап-сўзлар, бегам, бепарволик, ҳазилкашлик, кўп ухлаш (баъзи-ларга) ёқимлидир.

Шу маънода баъзи истак-ҳоҳишлар тубан, баъзилари оқилонаидир. Менинг (Арасту) назаримда одамнинг жисми, бадани эҳтиёжларидан туғилган истак-ҳоҳишлар — ейишичиш, ташналики қондириш, танқис таомларга ўчлик тубан истаклардир. Яна шаҳвонийлик, лаззатпарастлик, се-зиш, кўриш, тегиниш аъзоларига алоқадор роҳатланишга интилиш ҳам тубан истак, ҳоҳишлардир.

Оқилона истак-ҳоҳишлар билим, ишонч туфайли, (яхши-ликни севиши, фазилатлар туфайли туғиладиган истаклар: ёқтирган бирор нарсани (нодир ва қизиқарли китоб, ҳовли, боғ, соат, жавон, уй жиҳозлари, турмуш учун фойдали нар-саларни) қўлга киритишдан ёки шуларни эслаш, ўйлашдан одам роҳатланади.

Умуман, инсон сезувчи, ҳис этувчи нарсалардан ёки ўша нарсаларни эслашдан (масалан, Гомер, Эсхил, Софокл, Эв-риппид, Афлотун, Арасту, Вергилий, Овидий, Шекспир, Гёте, Байрон, Саъдий, Ҳофиз. Навоий, Машраб асарларини ёдлаш, эслашдан) роҳатланади. Агар ҳаётда кўп мاشаққат, қийинчилкларни кўрган одам кейинчалик, яхши яшаётган бўлса, аввал бўлиб ўтган воқеаларни эслаши ҳам ёқимли (ва фойдали)дир.

*Ҳалокатдан омон қолган инсон гоҳида
Фалокатли лаҳзаларни эслаб, севинар.¹⁷⁵*

Ёки:

*Ортда қолган ҳалокатли, оғир дамларни,
Саргардонлик тугаб битгач, эслаш қувончли.¹⁷⁶*

Буларни эслаб севинишнинг сабаби, эндилиқда ўша ма-шаққатларнинг йўқолганидир. Борлиги бизни севинтира-диган нарсалар эса ё ўткир ҳузур бағишловчи ёки ёқимли фойда келтирувчи нарсалар ё ҳолатлардир. Умуман олганда одамлар яхши нарсаларнинг борлигидан ёки ёмон ҳоди-

саларнинг ўтиб кетганини эслашдан роҳатланадилар ё бўлишини умид қилиш ва гоҳида ҳатто қаҳр-ғазаб туйфуси ҳам ёқимлидир. Аҳиллес учун ғазаб:

*Асалдан ҳам ширин роҳат оқизгай дилга.*¹⁷⁷

Бунинг сабаби шуки, биз арзимаган, номуносиб, енгил нарсалардан ёки аксинча, ўч олишга кучимиз етмайдиган, биздан қудратлироқ одамлардан ғазабланамиз ёки камроқ ғазабланамиз. (Одатда такаббур мансабдорлар қўйл остида-гиларга, кучлилар ожизларга қаҳр-ғазабини сочадилар. Арзимас хатоси учун одамларга ғазаб қилиш ахмоқ бошлиқларга хосдир. Лекин, агар кимдир бизга ёки дўстимизга, яқинимизга адолатсизлик қилса, зарар еткисса ғазабланишимиш табиийдир. Ёмонликни кўриб ғазабланмаслик орият, номус йўқлигини билдиради. Лекин, ҳар қандай ҳолда инсон қаҳр, ғазабини жиловлаб, ўзини босиши Алишер Навоий айтганидай, ўрмонда арслонни босгандан кўра паҳлавонликдир — М.М.)

Инсон истак-ҳоҳишлари, ҳойу ҳавасларининг кўпчилиги роҳатланиш билан, ё унга интилиш билан ё лаззатли онларни эслаш билан боғлиқдир. Кучли ташналиктни қондириши, ёки уни эслаш, ёки уни умид қилиш ҳам инсонга роҳат беради. Ошиқ, маъшуқлар — севишганлар ҳам шундай. Ошиқ ёки маъшуқа севгилиси билан суҳбатдан (висолдан) ва ё мактубини ўқишидан, ёки висол онларини элашдан роҳатланади. Севишганлар висолдан ҳам, ҳижрон изтиробларидан ҳам роҳатланадилар. Шоир ишқ изтиробларини тасвирлаб берганида (аниқроғи, достон қаҳрамони севги тарихини баён қилганида

*Йиглашга тушибилар тинглаб одамлар.*¹⁷⁸

Агар (ёмонлик қилган одамдан) ўч олиш қийин бўлса, қасос олганида роҳатланади. Агар ўч ололмаса, ғазбланиб, қайфуради. (Курашда, жангда, мусобақаларда ғолиб чиқиш ҳам ҳузур-ҳаловатлидир. Баҳслашув, беллашув, мусобақаларда, турли ўйинлардан (oshiқ, қимор, бедана, хўроз, ит

уриштириш, шахмат, нарда ўйинларидан ҳам) одамлар роҳатланадилар.

Баъзилар гаров боғлаб, (пойгода) пул тикиб, судлашиб, ҳазиллашиб ҳам роҳатланадилар.

Иzzат-ҳурмат, обрў ҳам одамга ёқимлидир. Ҳар бир инсон ўзини иззат-ҳурматга лойиқ деб билади. Яхши одамларнинг шундай ўйлаши табиийдир. Бундайлар айниқса ҳақгўй одамлардан иззат-ҳурмат кўрсалар хурсанд бўладилар. Бу ҳолда бизга яқин одамлар узоқ одамлардан ишончлироқ, дўстларимиз ва юртдошларимиз бегоналардан кўра ишончлироқ, (баъзиларга) замондошларимизнинг фикри ўтмишдаги одамларнинг фикридан кўра ишончлироқ, ақллининг фикри ақлсиздан кўра, кўпчиликнинг фикри озчиликнинг фикридан кўра ишончлироқ, ҳақиқатга яқинроқдир. Инсонлар ўзидайларга эътибор қилиб, болаларга ва ҳайвонларга кам эътибор берганидай, булар томонидан кўрсатилган иззат-ҳурматга ҳам эътиборсиз, бепарво қарайдилар. Мабодо бундайларнинг иззат-ҳурматини ёқтирсалар ҳам, иззат, обрў туфайли эмас, бошқа сабабдандир.

(Арасту замони учун бу фикрлар асосли эди, лекин ўтган 2400 йил давомида замонлар ўзгарди, одамлар ўзгарди. Кейинги замонларда одамлар иззат-ҳурмат, обрў ҳақида бу ерда айтилганларнинг тескарисини ўйлай бошладилар. Эндиликда иззат-обрў масаласида яқин одамларнинг, дўстлар ва юртдошларнинг ҳурматидан кўра, узоқдаги, бегона одамларнинг ҳурмати ишончлироқ бўлиб қолди. Ҳозирги одамларнинг мақтовидан кўра ўтмишдаги одамлар мақтаган нарсалар (масалан, камтаринлик, ҳалоллик, поклик афзалроқдир, ҳозир бу хислатлар учун деярли иззат-ҳурмат кўрсатмайдилар. Ҳозир ва аввал ҳам кўпчилик нодонларнинг мақтоворидан кўра озчилик оқилларнинг мақтоби ишончлироқдир. — тарж.)

Дўстлар ҳам ёқимли, чунки улар даврасида ичилган май ҳам ёқимли. Дўстларнинг уни яхши кўриб, ҳурматлаши ёқади, чунки ўзини яхши одам эканлигини ҳис этади. Барча ҳис этувчи одамлар буни яхши билади. Дўстларнинг ҳайратига сазовор бўлиш жуда ёқимли, чунки бу обрў келтиради. Одамзодга (кўпчиликка) хушомад ҳам, хушомадгўй одам-

лар ҳам ёқади, булар унинг ихлосманди, мухлиси, муҳиби бўлиб кўринади.

Доимо ўрганиб қолган бир ишни бажариш ҳам ёқимли, чунки одамга одатдаги нарсалар ёқади. (Баъзан) ўзгаришлар ҳам ёқимли, бир хиллик гоҳо жонга тегади. Одамлар айтганидай, «барча ҳолатларда ўзгариш яхши». ¹⁷⁹ (Эврипид асарида Электранинг акаси Орестга айтгани.) Вақти билан ўзгаришларни кўриш ёқимли. (Яхшиликка ўзгариш бўлса — М.М.)

Кўп ҳолларда (илм, ҳунар) ўрганиш, ўқиш, ҳайратланиш роҳатлидир. Одам ўзини ҳайратлантирган нарсаларга ҳавас билан қарайди. Илм олиш эса табиат қонунларини билиб, уларга амал қилишга сабабчи бўлади.

Бошқаларга хайр-эҳсон, ҳомийлик қилиш ёқимли, завқлидир, уларни олганлар ҳам шодланадилар. Кимларга хайр-эҳсон қиласа, у одам ўшалардан устун эканлигини кўрсатади. (Муҳаммад с.а.в. ҳадисини эсланг: «Устдаги қўл, оstdаги қўлдан яхшироқ; берувчи қўл олувчи қўлдан яхшироқдир».) Хайр-эҳсон, дўстларга, яқинларга яхшилик қилиш яна шунинг учун ёқимлики, шу йўл билан уларни (камбағалчиликдан, ночорлиқдан қутқазиш), оёққа тургизишга асқотади. (Ислом дини ва ахлоқида ҳам бу энг гўзал хислатлардир.) Битмаган ишни битказиш, етишмаганни тўлдириш ҳузурлидир. Устоzlик. ўқитиш шу камчиликларни тўлдиради. Устоzlар ишидан ҳайратланиш ҳавасни туғдиради, ҳавас тақлид қилиш, ўрганиш истагини пайдо қиласи (Арасту яхшиликка, буюк ишларга, ҳаётга ва санъатга тақлидни ижодий ҳодиса деб билади.) Тақлидий санъатлар: рассомлик, ҳайкалтарошлиқ, поэзия (эпос, драма, бадиий наср) билан шуғулланиш ҳам, улардан баҳра олиш ҳам завқлидир. Гарчи тақлид мавзуи (объекти) арзимас нарса (майса, гул, дарахт, ҳайвон) бўлса ҳам, уларнинг ўхшашини ҳосил қилиш завқлидир (мимесис — ҳаётта тақлид шудир — М.М.) Санъат асарлари одамларга ҳам завқ-ҳузур, ҳам билим беради.

Табиатан бир жинсдаги ва турдаги нарсалар — бир-бири учун ёқимли, масалан, «Одам одамни, тулпор тулпорни, ёшлар ёшларни, (ит итни) ёқтиради». Халқ орасида (юнонларда) «Тенг-тенги билан», «Ҳар ким ўзига ўхшаганни из-

лайди», «Ҳайвон ҳайвонни танийди», «Қарға қарғанı ҳимоя қилади» каби мatal ва мақоллар бор.¹⁸⁰ (Ўзбекларда ҳам бор, фақат сал бошқачароқ: «Тенг-тенги билан, тезак қопи билан (ўртоқ)», «Ўхшатмагунча учратмас», «Қарға-қарға-нинг кўзини чўқимайди».)

Барча ўхаш нарсалар бир-бири учун яқин, ёқимли бўлгач, барча одамлар ҳам озми, кўпми ўхаш, масалан, ўзи ўзига ёқимли, ўзини яхши кўрувчи (иззатталаб, худбин) бўладилар. Шу сабабли одамлар аввало ўзиники бўлган нарсаларни ёки ўз одатлари, қилиқларини, масалан, ўзини мақтovчи хушомадгўйларни ўз фарзандларини яхши кўрадилар. Чунки, болаларимиз ўзимиздан бўлгани учун. (Аввал айтганимиздай) чала ишларни битириш ҳам ёқимли, чунки биз битирган иш бизники бўлиб қолади (болаларни тарбиялаб вояга етказиш ҳам шундай.)

Мансаб, ҳокимият шунинг учун ёқимлики, унга етишиш учун билим, қобилият, донолик талаб қилинади. (Шу сабабли мансабдорлар ўзини билимли, доно ҳисоблайдилар, аслида бундай бўлмаса ҳам.) Ҳақиқий донолик жуда кўп ажойиб нарсаларни билишдир. (Баъзи мансабдорлар ажойиб нарсалар деб бойлик, пулдорликни айтадилар — тарж.) Кўпчилик одамлар иззатталаб бўлгани учун, ўз яқинларини сал нарсага койиб, сўкишни ҳам яхши кўрадилар.

Баъзан одам ўзи аввал бажаролмайдиган ишни қила олса ҳам роҳатланади, шодланади. Шоир айтганидай:

*У бир ишга боегланиб қолган,
Ва қун бўйи шу иш билан банд.
Шуни уддаладим дея у хурсанд...¹⁸¹*

(Ҳақоратга ўхшамайдиган) ҳазил-мутойиба ва дам олишни мазмунли қилувчи ўйин-кулгулар ҳам завқлидир. Аммо, биз кулгилилик масаласини «Поэтика» асарида алоҳида кўриб чиқсан эдик.¹⁸² («Поэтика»нинг шу қисмлари бизгача етиб келмаган). Ёқимли нарсалар ҳақидаги фикрларимиз мана шулардан иборат. Энди бу айтганларимизнинг тескариси бўлган ёқимсиз, нохушликларнинг сабабларини кўриб чиқамиз.

Ноҳақ ишларга сабаб бўладиган ҳолатлар. Ноҳақ ишларнинг ва жиноятларнинг жазоланмай қолдирилишига (жазозга тортилмай қолишига) имкон түгдирадиган шарт-шароитлар.

* * *

Энди эса биз одамларнинг қандай ҳолатда ноҳақ муносабатда бўлишлари ва кимларга нисбатан ноҳақ иш — ёмонлик қилишлари ҳақида гапирамиз. Одамлар мазкур ноҳақ қилмишларни кимгадир ёмонлик қиляпман демасдан амалга оширишни ўzlари учун мумкин деб ҳисоблаганларида ноҳақ ишларга киришадилар. Бундан ташқари улар ўзларининг қилмишларини (ноҳақ ишларини) фош бўлмай қолаверади деб ўйлайдилар ёки бу қилмишлари фош бўлган тақдирда ҳам ўша учун жазога тортилмаймиз, ёки ҳатто жазога тортилганимиз тақдирдаям бу қилмишлардан (ноҳақ ишлардан) ўзимиз ва яқинларимиз учун олган (кўрган) фойдала қараганда бу жазо аҳамиятсиз бўлади, деб ўйлайдилар. Ноҳақ иш қилувчилар нимани мумкин бўлган ва нимани имконсиз деб ўйлашини кейинроқ айтиб ўтамиз, чунки бу мулоҳазалар нутқнинг барча турлари учун аҳамиятга эгаидир (аҳамиятлидир).¹⁸³

Одатда (mansabdor) дўстлари ва пуллари кўп бўлган одамлар ва бундай ноҳақ ишларнинг ҳадисини олган, гапга уста, абжир одамлар ўзларини жазо олмасдан ноҳақ ишларни қилишга ҳақли деб ҳисоблайдилар. Агар дўстлари ҳам кўп бўлиб, ўзлари мансабдор бўлган одамлар ўзларини энг кучли деб ҳисоблайдилар; агарда ўзлари олғир ва мансабдор бўлмаса, у ҳолда уларнинг мана шундай дўстлари, хизматкорлари ёки жиноятга аралашган шериклари бор бўлса, бу уларга ноҳақ ишларни қилишга имкон беради, буни сир сақлаш ва ўша ишлар учун жазога тортилмаслик имконини ҳам беради. Гоҳо ноҳақ иш қилувчилар ўз дўстига шундай қилаётган бўлса ёки судъя билан дўст бўлса, жазоланмаймиз, деб ишонадилар. Чунки, одатда дўстлар бу одам томонидан ноҳақликни кутмайдилар, шу сабабли, ундан эҳтиёт бўлиш

чораларини кўрмайдилар ва иккинчи томондан эса дўстлар ишни судга бермасдан (иш судгача етиб бормасдан) ярашиб кетадилар. Ҳакамларга келсак, улар кимлар билан дўст бўлсалар ўшаларнинг кўнглини топадилар ёки уларни бутунлай жазога тортмайдилар ёки уларга арзимаган жазо тайинлайдилар.

Одатда ноҳақ (жиноий) ишларни ҳеч ким кутмаган одамлар содир қиласидилар, буларга ўзининг айбини яшириш осон бўлади. Масалан, қизларни зўрлаш каби жиноятни ожиз, чўлоқ ёки хунук, бадбашара одамдан кутмаганлари учун улардан гумон қилмайдилар. Бундай нарсаларни одамлар пайқамайдилар ва эътибор бермайдилар, деб ўйладайдилар.

Ортиқ даражада равшан кўриниб турган ва кўзга ташланиб турган нарсаларни ҳам сир сақлаш, яшириш осон бўлади, чунки бундай нарсаларни (ҳамма билгани учун) жиноят деб ўйламайдилар. Ҳудди шунга ўхшаб, фавқулодда ва жуда хавфли жиноятни ҳам яшириш осон бўлади, чунки бундай нарсалардан эҳтиёт бўлишни ҳеч ким маслаҳат бермайди. Одамлар одатдаги жиноятлардан сақланадилар, буни одат тусиға киргандай, касалликдан сақлангандай қиласидилар. Лекин ҳеч ким, ҳеч қачон сира учрамаган нарсага нисбатан эҳтиёткорлик чораларини кўрмайди. Мутлақо душманлари бўлмаган ёки душманлари жуда кўп бўлган одамларга ҳужум қилиш, ташланиш ҳам осон ҳисобланади; биринчи ҳолатда ҳужум қилувчи унинг қурбони ҳеч қандай эҳтиёт чораларини кўрмаслигига, бу қилмиши фош бўлмаслигига ишонади, иккинчи ҳолатда эса у ўзининг ҳужум қилишини ошкор бўлмай қолади деб ишонади, чунки ҳимояланган ҳолатдаги одамларга ҳужум қилиш ўша одам фикрича, мумкин бўлмаган ҳолат деб тасаввур қилинади ва айбдор ўз ҳимояси учун бундай ишга ҳеч қачон журъат қила олмаган бўлишини (юраги бетламаслигини) айтиши мумкин.

Хилват, кимсасиз жойларда яширина олганларга ҳам жиноят содир қилиш осон бўлади. Жиноят содир қилинган жой ёки вақтни ҳеч ким билмайди, деб ўйладайдилар.

Куйидаги одамлар ҳам жиноят қилишга журъат этадилар:

Жиноят фош бўлганда суддан қочиш ёки вақтдан ютиш ёки ҳакамни сотиб олиш имкониятига эга бўлган кишилар.

Жазога тортилган тақдирда ҳам уни ижро қилишдан қочиш имконияти бор бўлган ёки уни давомли тарзда кечикириши (орқага суриш) имкониятига эга бўлган кишилар.

Ниҳоят, ҳеч нарсаси йўқ, жазоланса ҳам ҳеч нарса йўқотмайдиган (безорилар).

Булардан ташқари, баъзилар жиноятдан келадиган фойдани, даромадни арзирли, аҳамиятли ва тез қўлга киради деб тасаввур қилган одамлар ҳам жиноят қилишга журъат этадилар, бу жиноятга бериладиган жазони эса улар арзимайдиган, ёки узоқ деб ҳисоблайдилар. Жазоси камроқ, олиниадиган фойдалар кўпроқ бўлган жиноятлар ҳамма вақт ижрочиларини топади. Тиран, золим ҳокимни эса жинояти учун жазолаш осон эмас. Бундай зўравонлар учун жазоланиш фақат шармандаликтан иборат бўлади (шармандалик билан якунланади). Баъзан аксинча, баъзи жиноятлар эгасига шон-шуҳрат келтиради. Масалан, бирданига кимдир отасининг ёки онасининг қотилидан қасдини олишга эришса, шуҳрат қозонади. Зенон бунга муваффақ бўлган.¹⁸⁴ Буннинг учун жазо эса пул жаримаси, сургун қилиш ёки шунга ўхшаш бирор нарсадан иборат бўлади.

Одамлар юқорида кўрсатилган у ёки бу мотивлар — сабаблар таъсирида, юқорида кўрсатилган у ёки бошқа кайфиятларнинг, руҳий ҳолатлар таъсирида ноҳақ ишларни қилишга киришадилар. Лекин булар табиатан бир-бирига ўхшамаган, мутлақо тескари характеристдаги шахслардир.

Яна кўп ҳолларда ўз жиноятини яширишга ёки амалга оширишга муваффақ бўлган ёки жиноятлари учун жазосиз қолган одамлар, яна тез-тез муваффақиятсизликка учраган, иши юришмаган кишилар жиноят қилишга журъат қиладилар, чунки улар худди урушдагидек ёки шунга ўхшаш ҳолатларда, вазиятларда ҳар қандай йўллар билан ғалаба қилишга уринган одамларга ўхшайдилар. Яна жиноят кетидан дарров ҳузур-ҳаловат бошланадиган ҳолатларда одамлар жиноят этишга журъат қиладилар, кейинчалик эса қандайдир нохуш, ёмон нарсани бошдан кечиришга, синовдан ўтказиши-

га түфри келади. Ёки жиноятдан фойда яқин, жазо эса узоқ бўлганида. Ўз нафсини тия олмайдиган одамлар бунга ўхшаш ҳолатда бўладилар. Нафсни, ўзини тиймаслик эса бизнинг орзу-ҳавасларимизни, истакларимизни ташкил этувчи барча нарсаларга тааллуқлидир.

Жиноятлар яна қуйидаги ҳолатларда ҳам содир бўлади: жиноят ва жазо билан боғлиқ ҳамма ёмон нарсалар бир вақтга (озроқ муддатга) келади, ҳузур-ҳаловат ва фойдага кечроқ эришсалар-да, узоқ давомли тарзда эришадилар. Бундай жиноятларга ўзини тия биладиган ва ақллироқ одамларгина интиладилар.

Ўз құлмишларининг тасодифий эканлигини ёки зарурат туфайли эканлигини ёки табиат қонуни ёки бўлмаса одатий эканлигини тушунтириб бериш имконияти бўлган одамлар томонидан ҳам жиноят содир қилиниши мумкин. Умуман қаерда жиноят эмас, балки хато қилингандигини исботлаб бериш мумкин бўлган ҳолатларда ҳам жиноят содир бўлиши мумкин. Раҳбарлар кўнгли бўшлиқ қиласидиган жойларда ҳам жиноят содир этилиши мумкин.

Гоҳо одамлар муҳтожлик туфайли ноҳақ құлмишларга қўйл уриши мумкин. Муҳтожлик, эҳтиёж икки хил бўлиши мумкин: ё зарур нарсаларга муҳтож камбағал одамлар ёки ортиқча нарсаларга яна-да кўп обрў, шон-шуҳратга эга бўлишга интилган бойлар жиноят қиласидилар. Гоҳида жуда ёмонлик бўлган, бадном бўлган одамлар ҳам жиноятга қўй уришлари мумкин. Биринчи турдаги, яъни камбағаллар ўзларидан ҳеч ким шубҳа қиласлигини мўлжаллаган, тахмин қиласидиган ҳолда, иккincinnлари (бойлар) эса ўзларининг бундан обрўлари, шон-шуҳрати ёмонлашмаслигини, пасаймаслигини кўзда тутган ҳолда ноҳақ иш, жиноят қиласидилар. Мана одамлар қандай руҳий ҳолатда бўлганларида жиноятларга қўй урадилар.

Жиноятлардан зарар кўрувчи одамлар ва нарсалар одатда қуйидагича бўладилар: улар жиноятчида йўқ бўлган нарсаларга эга бўладилар (бирор зарурий нарса ёки бирор ҳузурланишга даҳлдор бўлган ишларга тааллуқли). Ноҳақ ишлар яқин ёки узоқ бўлган одамларга нисбатан ҳам қилинади, биринчи ҳолатда дарров фойда олиниши сабабли,

иккинчи ҳолатда эса карфагенликларнинг ибодатхонасида-
ги тилла буюмларни ўғирлаб кетгандаридек.¹⁸⁵

Эҳтиёткорлик чораларини кўрмайдиган одамларга ҳам
ноҳақ дилсиёҳлик, хафагарчилик, ранж-алам етади. Ортиқ
даражада ишонувчан одамларга ҳам (чунки бундай ҳолатда
жиноятчи барчанинг диққат-эътиборидан осонгина яши-
риниб қолиши мумкин бўлади). Яна бегам, бепарво одам-
ларга ҳам. Чунки ишни судгача олиб бориш учун чаққон,
куйинчак бўлиш лозим.

Кўпинча виждонли одамларга ҳам дилсиёҳлик етади, чун-
ки улар ўз фойдаси учун ёмонлар билан баҳсга киришишга
қизиқмайдилар. Кўпчилик томонидан аввал ҳақоратланга-
нида ишни судгача олиб бормаган кишиларга ҳам ранж-
алам, хафагарчилик етади, чунки бундай одамлар мақолда
айтилганидек, мизияликларнинг ўлжасига айланадилар.¹⁸⁶
Ҳеч қачон ҳақоратга учрамаган ё учраса ҳам уларга кўп то-
қат қилган одамларга ҳам дилсиёҳлик етади, чунки улар ва
булар ҳам эҳтиёткорлик чораларини кўрмайдилар. Бирин-
чилари ҳеч қачон уларни ҳеч ким ҳақорат қилмайди, деб
ўйлаганликлари сабабли, иккинчилари эса бундан кейин
уларни ҳеч ким ҳақорат қилмайди, деб ўзларича фикрла-
ганликлари сабабли рўй беради. (Ёмонлар фикрича) ноҳақ
айбланган, туҳмат қилинган ёки осон туҳмат қилиш мум-
кин бўлган одамларни ҳам бемалол хафа қилиш, ранжитиш
мумкин. Чунки бундай одамлар одатда ҳакамга ишонмай ва
ундан қўрқиб, ишни кўриб чиқиши учун судга шикоят ёзиши-
га журъат эта олмайдилар ва ҳеч кимни ўз фикрига ишон-
тира олмайдилар ҳам. Ҳамманинг нафратини ва ҳасадини
уйғотадиган одамларга ҳам шундай бўлиши мумкин. Но-
ҳақлик гоҳо бирор нарсага эга бўлган одамларга қарши
йўналтирилади, бу уларнинг ота-боболарига ёки ўзларига
қарши ёҳуд уларнинг дўстларига қарши иш бўлади. Ҳалқ
мақоли бор — ёмонларга фақат баҳона керак. Душманлар-
ни ва дўстларни хафа қиласидилар. Чунки дўстларни хафа
қилиш осон, душманни хафа қилиш эса ёқимлидир. Дўстла-
ри йўқларни ҳам хафа қиласидилар. Чиройли қилиб гапира
олмайдиганларни ҳам, ишни олиб бора олмайдиганларни
ҳам хафа қиласидилар. чунки бундай кишилар ишни ҳакамга

топширса, орқасидан юришга вақт сарфламайди. Кўнгилчан бўлса, келишади, жанжалсиз ҳал қиласди.

Вақтни бой бериш, беҳудага сарфлаш ноқулай, ўнғай-сиз бўлган одамларга нисбатан тез-тез ноҳақ муносабатда бўладилар. Масалан бошқа ерликлар, хорижликлар ва ҳунармандлар ўзларининг ҳалол меҳнатлари, пешона тери билан ўз қўллари билан нон топадилар (тирикчилик қиласди), чунки бу одамлар озгина нарсага ҳам муросага келадилар ва осонгина ишни (жиноий ишни) тўхтатадилар. Ўзлари кўп ҳолатларда ноҳақ ишлар қилган одамларга ҳам ёмонлик қилинади. Ҳозир айнан ўзларига ноҳақ муносабатда бўлаяптилар, чунки ноҳақлик деярли ноҳақлик бўлиб туюлмаяпти. Қачонлардир бирорга худди шундай хафагарчилик, дилсиёҳлик етказилади. Кимдир бошқаларни хафа қилишга одатланганиб қолган, масалан бошқаларни ҳақоратлашга одатланган одамни агар бирор кимса ҳақорат қиласа табиийдир. Ўзларини хафа қилган ёки хафа қилишни хоҳлаган ёки хафа қилишни хоҳлаётган ёки хафа қилаётган одамлар билан ҳам ноҳақ муносабатда бўладилар, бундай ҳолатда ноҳақлик, адолатсизлик деярли ноҳақлик, адолатсизлик бўлиб туюлмайди. Дўстларимизга ёки кимдан ҳайратлансак, ёки кимни севсак, ёхуд ўз ҳукмдорларимизга ёқиш учун, ёки умуман бирор фойда олишимиз мумкин бўлган одамларга ёқимли бўлиши учун бошқаларни осонгина хафа қиласиз. Муносабатларни узиб қўйган одамларга ва устидан биз ҳукм чиқарган одамларга нисбатан ҳам бизлар ноҳақ адолатсизлик қиласиз. Масалан, Каллипп Дионга нисбатан йўл тутганидек,¹⁸⁷ чунки бундай хатти-ҳаракатлар, қилмишлар деярли ноҳақлик, адолатсизлик бўлиб туюлмайди. Сиракуза тиранни Дионисийнинг қайниси Дион Афлотуннинг шогирди эди. У тиранияни ағдариб, адолатли давлат қурмоқчи бўлганида Каллипп уни ўлдирган, тиранга ёқиш учун.

Баъзан ҳамма одамлар хафа қилаётган кишини биз ҳам қўшилиб хафа қиласиз. Гелон тиран бўлиб бир шаҳар аҳлига зулм қилганида, дўсти Энесидем унга табрик хати юборган эди.¹⁸⁸ Чунки бундай ҳолатда иккиланиш, тарааддудланиш мумкин эмасдек туюлади. (Ўзбекларда буни «Ўлганнинг устига тепган» дейдилар.)

Кўпинча бир одамга диёлсиёҳлик, ранж-алам етказида-ди, кейин бу айбни ювиш учун дили оғриган одамга кўп яхшиликлар қилинади. Фессалиялик Ясон айтганидек, кўпгина адолатли ишларни амалга ошириш учун баъзан ноҳақ иш қилиш керак бўлади.¹⁸⁹

Инсон осонгина ноҳақ ишларни қилишга ўзи йўл қўяди, имконият туғдиради, бундай ишларни қилиш ҳаммада ёки кўпчиликда одат тусига кирган. Чунки бундай ҳолатда ўзини кечиришларига ишонадилар.

Одамлар яшириш осон бўлган нарсаларни ҳамда тез сарфлаб туттиладиган нарсаларни ўғирлашга осонгина журъат қиласидар (Масалан, ғамлаб қўйилган озиқ-овқатларни). Буларга яна қуйидагилар: шаклини, рангини ва таркибини ўзгартириб осонгина бошқача шаклу шамойил бериш мумкин бўлган нарсалар ҳам киради, кўпгина жойларда яшириш ўнғай, қулай бўлган нарсалар ҳам киради. Яна бир жойдан бошқа жойга кўчириш, ўтказиш осон бўлган нарсалар ёки кичик жойларда яшириш осон бўлган нарсалар ҳамда ўғриларда кўп бўлган нарсалар ҳам киради.

Кўпинча шундай одамларни ҳақоратлашадики, ҳақоратланган кишилар бу тўғрисида гапиришдан уялади, ор қиласиди, масалан бизнинг аёлларимизга ёки ўзимизга ёхуд ўғилларимизга нисбатан қилинган шармандалиқ, бадномлик. Биз кўпинча ножўя ишларни ҳам қилиб қўямиз, уларни суд орқали таъқиб қилишга арзимайди ҳам. Буларга аҳамиятсиз ва кечириш мумкин бўлган ножўя ишлар киради.

13-боб

Адолат ва адолатсизликни икки томонлама ажрим қилиш (аниқлаш) услуги. — Хусусий қонун ва умумий қонун. — Ноҳақ қилмисларнинг иккита тоифаси — Ёзилмаган қонунларнинг иккита тури. — Ҳақиқат тушунчаси.

Ноҳақ иш қилувчи кишиларнинг руҳий ҳолати ҳақида, хафа қилинган шахслар ва ўғирланган нарсаларнинг ҳолати ҳақида, дилсиёҳлик ва ноҳақликнинг сабаблари тўғрисидаги барча фикр-мулоҳазалар ана шулардан иборат. Энг ав-

вало қилмишларнинг ҳар қандай турлариниadolat билан мос келиш-келмаслигини синчиклаб ўрганиб чиқамиз.

Адолат ва адолатсизлик тушунчаси икки хил ажрим қилинади (аниқланади). 1. Қонунларнинг иккита тоифасига кўра ва 2. Ўзлари дахлдор бўлган одамларга кўра. Мен умумий ва хусусий қонунлар мавжудлигини баён қиласман.¹⁹⁰ Ҳар бир халқ ўзи учун ўрнатган қонунни мен хусусий қонун деб атайман ва бу қонун ёзилган ва ёзилмаган бўлади.¹⁹¹

Табиий қонунларни эса мен умумий қонун деб атайман. Табиатга кўра нимадир адолатли ва нималар адолатсиз бўлиш ҳақида ҳеч қандай алоқа ва келишувлар бўлмаса ҳам, ҳамма халқлар томонидан эътироф қилинган, ёзилмаган умуминсоний, умумий қонунлар бор.

Адолатлиликнинг бундай тури эҳтимол Антихонанинг қилмишида кўринади. Коринфда қонун таъқиқлашга қарамай, Антихона одамийлик юзасидан акаси Полиникнинг жасадини дағи қилишга уриниши ёзилмаган қонун, табиий адолат доирасига киради.¹⁹²

*Бу қонун абадий. У на бугун ва на кеча пайдо бўлмаган.
Ва ким чиқарганини ҳеч ким айта олмайди.*¹⁹³

Мана шундай қонун асосида Эмпедокл ҳар қандай тирик жонни ўлдиришни таъқиқлайди, бундай турдаги хатти-ҳаракат бирвларнинг кўз ўнгида адолатли бўлиб ва бошқа бирвларнинг назарида эса ноҳақ, адолатсиз бўлиб туюлиши мумкин эмас, бу ҳамма инсонлар учун бирдек мажбурий қонундир, у бутун осмоннинг ва ўлчаб бўлмайдиган еру осмонда кучга эгадир.¹⁹⁴

Алкидамант (Элея файласуфи, V—IV аср) ҳам ўзининг Мессенага оид нутқида шу табиат қонуни ҳақида гапирган.¹⁹⁵

Жиноятлар кимга қарши қилинаётганига қараб, икки турга ажратилади: 1. Фақат бир одамга зарари тегадиган жиноят. 2. Ватанга, давлатга, барча халқга қарши жиноят. Ҳар иккаласи ҳам адолатсизлик, ноҳақликдир. Бирвнинг ҳаққига хиёнат қилувчи ва калтакловчи, урушувчи кимса бирор аниқ шахсга нисбатан ноҳақ йўл тутади. Ҳарбий маж-

буриятни ўташдан бош тортадиган одам эса бутун жамиятга нисбатан ноҳақ иш қилган бўлади.

Шундай тарзда барча ноҳақ қилмишларни бутунлай жамиятга ва жамиятнинг бир ёки бир нечта аъзоларига дахлдор бўлган ноҳақ ишларга ажратиб бўлиб, ноҳақликнинг обьекти бўлмиш одам ҳандай зулм турларига учрайди, деган саволга қайтамиз. Ихтиёрий тарзда ноҳақ иш қилаётган одамга чидаб, тоқат қилиб туриш бу ноҳақликнинг обьекти бўлиш демакдир. Биз аввал ихтиёрий ёки мажбурий равишда ноҳақликнинг амалга оширилишини аниқлаган эдик.¹⁹⁶ Чунки ноҳақ иш — ҳаракатнинг обьекти бўлмиш одам дилсиёҳликка, ноҳақ етказилган ранж-аламга ва бунинг устига ўзининг истагига ҳам қарши чидашга мажбур бўлади. Ноҳақликдан етган ранж-алам, дилсиёҳлик тушунчалиси эса юқорида айтилганлардан маълум (негаки биз юқорида эзгулик билан ёвузлик тушунчаларини X бобда кўриб чиқдик).

Мажбурийлик ва ихтиёрийлик тушунчасини ҳам аниқлаган эдик (одам нима қилаётганини ўзи онгли тарзда тушуниб, ихтиёрий бажаришини айтган эдик).¹⁹⁷

Шундай қилиб ҳамма қилмишлар бутун жамиятга ёки унинг алоҳида бир аъзосига тааллуқли, тегишли бўлади. Ноҳақлик инсон томонидан бутунлай бехабарлик туфайли ва истагига қарши ёки кўнгилли ва тўла англаған ҳолда қилинади. Ихтиёрий жабр, зулм атайлаб, қасддан қилинади бошқалари эса жазава, қаттиқ ҳаяжон таъсирида содир этилади.

Фазаб тўғрисида эса кучли ҳиссиёт, эҳтирос ҳақидаги асарда айтиб ўтамиз («Хитоба»нинг II китоби, 2-бобида.). Билиб туриб ноҳақлик қилувчиларнинг руҳияти, жиноят сабаблари ҳақида аввалги бобларда фикр юритганмиз.¹⁹⁸

Одамлар кўпинча маълум, ножўя ишни қилишни эътироф этганлари ҳолда маълум иш-ҳаракатнинг малакасини (даражасини) тан олмайдилар ёки бу малака нимага дахлдор, тааллуқли эканлигини тан олмайдилар. Масалан, бир одам бирор нарсани олдим, лекин ўғирламадим деб даво қиласди. Ёки у биринчи бўлиб урдим, лекин ҳақорат қилмадим, дейди. У билан алоқада бўлдим, лекин бузуқлик қил-

мадим, дейди. Бошқа бир одам ўғирликни қилдим, лекин шаккоклик, худо безорилик, кофирилик эмас деб қатъий ишонтиради, чунки ўғирланган нарса худога, Оллоҳга тегишли эмас, дейди. Яна бири бошқа бирорнинг ерини ҳайдаб ташлади, лекин жамоатнинг даласини эмас деб ўз фикрини тасдиқлайди. Яна бир одам душманлар билан алоқада, мулоқотда бўлиб турдим, лекин хиёнат қилмадим, деб даъво қиласди. Бундай ҳолатларни, ҳодисаларни, бундай ўғирлик, ҳақорат қилиш малакаларини, ҳақиқатни аниқлаш учун аввало ўғирилик нима, бирорни уриш ва ҳақоратлаш нима, бузуқлик нима, хиёнат нима, куфр, иймонсизлик, шаккоклик нима эканлигини аниқлаб олишимиз керак.

Бунга ўхшаган барча ҳолатларда, ҳодисаларда маълум ҳатти-ҳаракат ноҳақликми, ножӯя ишмиди ёки йўқми аниқлаш учун у бу ишни қайси мақсадда (ниятда, қасдда) қилганигини аниқлаш зарур. Ҳақоратлаш ва ўғирлик каби ҳолатлар аввалдан ният қилинганликни кўрсатади: биринчи урган уни ҳақорат қилмаган (балки ҳақоратга жавоб берган бўлиши мумкин). У буни бирор бир мақсадда қилган ҳолатда бўлсагина, масалан унинг номига доф тушириш, бадном (шарманда) қилиш мақсадида ёки ўзи ҳузурланиш учунгина урган бўлса ва бирор нарсани яширинча олган одам бу ўғирликни бошқа одамга зарар етказиш учун, ўғирланган нарсани ўзиники қилиб олишни истаган бўлса, жиноят деб баҳоланади.

Бошқа ҳодисаларга нисбатан ҳам худди шу биз томонимиздан кўриб чиқилган воқеалар тўғрисида айтилган гапларни айтиш мумкин. Адолатли ва адолатсиз ишларнинг иккита тури мавжуд эканлиги сабабли ва ёзилган қонунлар нималарни изоҳлаб беришлари ҳақида гапирган эдик, энди эса ёзилмаган қонунлар ҳақида гапиришимиз қолди холос. Улар ҳам икки турли бўладилар: улардан бирлари жуда ортиқ даражадаги эзгу ишларнинг ва иллатларнинг, камчиликларнинг намоён бўлишини кўзда тутади, ўшалар (эзгу ишлар ва иллатлар) мақтовлар ва танбеҳлар билан обрў, иззат, ҳурмат ва бадном бўлиш, шармандаликлар билан, умумий ҳурматни билдиришлар билан алоқадор, боғланган бўладилар; масалан мурувват кўрсатувчига миннатдорлик билдириш,

яхшиликка яхшилик қайтариш, дўстларга ёрдам бериш ва ҳоказолар ҳам шуларга тааллуқлидири.

Ёзилмаган қонунларнинг бошқалари эса ёзилган хусусий қонунларнинг камчиликларини, етишмаган жойларини тўлдиради, негаки кўринишдан адолат соҳасига тааллуқли бўлиб, ёзилган қонунга зид тарзда (қонунда ёзилган нарсага зид, терс бўлишига қарамасдан) уларда адолат, ҳақиқат бор.

Ёзилган қонунларнинг эса камчиликлари кўп. Қонунщунослар томонидан баъзан ихтиёрий равишда ва баъзан эса ўзлари билмай камчиликка йўл қўйилади: ўзи истамаган ҳолда, қонуннинг камчиликлари уларнинг диққат-эътиборидан четда қолган пайтда (эсдан чиққанда), ихтиёрий эса қачонки улар ўша ҳолат, ҳодиса ҳақида ҳеч қандай маслаҳат, кўрсатма бера олмаган пайтда камчиликка йўл қўядилар, чунки уларнинг ажрими (таърифи) барчага тааллуқли бўлган қонунларга асосланиши лозим. Мазкур ҳодиса эса доим бўладиган тааллуқли эмас, балки кўпроқ бўлиб турадиган қисмга дахлдор ҳисобланади. Ҳаёт воқеаларининг оқибати, натижаси чексиз бўлганлиги сабабли бирор кўрсатмалар бериш қийин бўлган ҳодисалар ҳақида ҳам шундай дейиш мумкин. Масалан, қонун темир билан уриб ярадор қилишни таъқиқлайди, бу темир қанчалик узунликда эканлигини аниқлаш ва айнан қандай темирни таъқиқлаш кўзда тутилганлигини билиш қийин. Инсониятнинг ҳаёти бундай нарсаларнинг ҳисобига етмаган бўларди. Шундай тарзда қачонки аниқ таъриф, ажримни бериш имкони бўлмаган тақдирда қонунга асосланиб қарор, ҳукм чиқариш зарур, бундай ҳолатларда, ҳодисаларда умумий ифодаларни билдириш лозим. Бу ердан шундай хулоса келиб чиқадики, агар бирор одамнинг қўлига темир ҳалқа (билигузук) бўлиб, уни бошқа одамга қарши кўтарса ёки унга зарба берса у ҳолда ёзилган қонунга кўра, у айбдор ҳисобланади, ноҳақ зулм қилған бўлади ва бу ҳақиқатан ҳам тўғри қарордир.

Агар биз берган (айбдор деган) тушунча ҳақиқат бўлса, у ҳолда шак-шубҳасиз, билиш керакки, нима ҳақиқатга мос келади ва нима мос келмайди, қандай одамларни (айбдор десак) ҳақиқат тушунчасига мос келмайди? Кечиришга лойиқ

бўлган барча нарсалар ҳақиқат тушунчасига яқинлашиб келади. Бундан ташқари ҳақиқат турли баҳтсизликларга, ноҳақ ишларга ва хато-камчиликларга бир хил баҳо берманглар деб талаб қиласди. Баҳтсизликлар жумласига ҳеч қандай ёвуз (қабиҳ) ниятларсиз ва ғаразсиз рўй берадиган иш-ҳаракатлар тааллуқли бўлади.

Адашиш, янглишишлар жумласига эса ғаразсиз, (тасодифий) рўй берадиган ҳамма нарсалар киради. Лекин ахлоқсизлик, нопоклик сабабли қилинган ишларни адашув, янглишув деб бўлмайди. Ноҳақ қилмишлар жумласига ғаразли ният билан, қасддан қилинган ҳамма нарсалар, шу билан бирга бузуқлик оқибатида рўй берган ҳодисалар ҳам киради. Чунки кучли ҳиссиёт, эҳтирос таъсирида қилинадиган ишлар бузуқлик, гуноҳ ишларга киради.

Инсоннинг баъзи заифликларини кечириш адолатлидир. Яна қонуннинг ҳарфини эмас, балки қонун чиқарувчининг фикрини, ғоясини кўзда тутиш, ножӯя хатти-ҳаракатни, ишни эмас, балки уни содир қилган одамнинг мақсадини, ниятини кўзда тутиш қисмни эмас, балки бутунни кўриш, одам ўзини мазкур ҳолатда қандай кўрсатганлигига эмас. балки у кўпинча ва доимо қандай бўлганлигига эътибор қаратиш одатлидир. Яна ҳақиқат шундан иборатки, бизга бирорлар қилган ёмонликдан кўра, кўпроқ бизга қилинган яхшиликларни эслаш, ўзимиз қилган яхшиликларга қараганда кўпроқ биз кўрган яхшиликларимизни эслаш, бизга қилинган ноҳақликларга сабот билан чидаш ва суд билан эмас, балки сўз билан баҳсласиши ва ниҳоят, жамоат, ҳалқ олдида судга мурожаат қилгандан кўра, ҳурматли воситачи, вакилга мурожаат қилиш адолатлидир. Чунки воситачи ҳақиқат ҳақида жон куйдиради, ҳакам, судья эса қонун ҳақида жон куйдиради, ташвишланади: ҳақиқат тантана қилиши учун воситачи судлар ўйлаб топилган (Воситачи-лар суди жабр қилган ва жабр кўрган томонларни, моддий ёки маънавий зарарни қоплаш воситасида яратиришга уринади — М.М.).

Ноңақ құлмиштарнинг турли мезонлари. Оғырлаштирувчи ҳолаттар.

Ёзилган ва ёзишмаган қонунларнинг бузилиш ҳоллари.

Хақиқат түғрисидаги таълимот мана шундай тарзда изоҳланы қосын.

Аслида ҳар қандай ноңақ хатти-ҳаракатлар, маънавий бузуқликдан, ахлоқсизликдан келиб чиқади. Баъзан энг аҳамиятсиз, майда-чуйда ножӯя ишлар, құлмишлар ҳам агар маънавий жиҳатдан қаралса, энг катта жиноятлар ҳисобланыши мүмкін, масалан Каллистрат (афиналик стратег ва нотиқ Мелакопни ибодатхона қурған ىшчиларга уч марта ярим оболдан кам ҳақ тұлғагани (яни, муқаддас қурилишга ажратылған пулдан озгина уриб қолғани) учун айблади.¹⁹⁹

Адолат, ҳақиқат соҳасыда зиддият, қарама-қаршиликлар ҳам учрайди. Бундай хатти-ҳаракатларга баҳо беришда шахснинг бирор имконият, шароит туғилса, жиноят қилишга қобил эканига қаралади. Ибодатхона қурувчиларини ярим обол қийматидаги уч танғага алдаган одам бошқа ҳар турли жиноятларни қилишга ҳам тайёр, уста ҳисобланади.

Баъзан құлмишлар, хатти-ҳаракатларнинг мұхимлиги бир-бирига қиёсланып аниқланади. Баъзан эса келтирилған зарапра қараб иш түғрисида ҳукм қиладилар. Энг катта жиноятлар ҳар қанча жазо берилса кам бўладиганидир. Бундай жиноят олдида ҳар қандай жазо арзимайдиган бўлиб қолади. Даъвоси йўқ бўлған оғир жиноят — унинг учун муносиб тарзда товон тўлашнинг иложи йўқ, азият чеккан, дучор бўлған киши ҳеч бир бадалдар қониқиш, қаноат ҳосил қила олмайдиган жиноятдир. Бирорга етказилған, қилинган ёвузлик тузалмайдиган, бедаво бўлса — оғир жиноятдир. Судлов ва жазо эса ўша жиноят дардига шифо беришнинг ўзига хос бир туридир.

Жабрланган, ҳақоратланган одам агар ўз жонига қасд қилган бўлса, ноңақлик қилган одам янада кўпроқ жазога лойиқ бўлади. Софокл деган нотиқ²⁰⁰ (бу, машҳур шоир, драматург эмас), айлов нутқида Эвктемонни ҳимоя қилиб сўзлар экан, жабр кўрган киши ўз жонига қасд қилган экан,

жиноятчига ҳам шундай жазодан күра камроқ жазо берилса норозиман, деган эди.

Баъзан эса жиноятнинг оғирлиги олдин ҳеч ким томонидан бундай жиноят содир этилмаганлиги ёки фақат камгина одамлар бундай ишга журъат қилган, қўл урганлигига қараб баҳоланади. Яна бир одам бир хил жиноятни кўп маротаба содир қилганлигига қараб ҳам баҳоланади. Баъзи ножўя ишлар, хатти-ҳаракатларнинг олдини олиш ва жазолаш учун янги воситаларни кашф қилиш, ижод қилишга тўғри келади. Масалан, Аргосда бир одамни жазолаш учун янги қамоқхона қурилган. Кейин ноҳақлик қилувчи қанчалик раҳмсиз, шафқатсиз ёвузлик қилган бўлса, шунча оғир жиноят ҳисобланади. Яна атрофлича, пухта ўйлаб қилинган жиноятлар ҳам оғир деб баҳоланади. Ёки бирор ножўя қилмиш ҳақидаги ҳикоя эшигувчиларда, тингловчиларда ҳамдардликдан кўра кўпроқ қўрқув, даҳшат уйғотганда ҳам янада оғир жиноят ҳисобланади.

Нотиқлик санъати назарияси — риторикада яна бир одам кўп маротаба қонунбузарлик ва жиноят қилганлиги оғирлаштирувчи ҳолат деб баҳоланади. Бир одам бирданига қасамёдни, шартномани, кафолатни, никоҳ бирлашмалари ни тузиш ҳақидаги ҳуқуқларни бузган бўлса, бундай ҳолатларда биз кўпгина ноҳақ ишларнинг, кирдикорларнинг жами билан иш кўрамиз.

Агар ноҳақлик, адолатсизлик қонун идоралари ходими-лари томонидан содир этилса бу ҳолат айбни янада оғирлаштиради. Бундай ножўя ҳаракатларни масалан ёлғон гувоҳлар қиласидилар. Булар судда, ёлғон гувоҳлик жазолана-диган жойда шу ишга журъат қилган бўлсалар, бошқа жой-ларда нималар қилмайдилар? Одамлар (айниқса) жуда уяла-диган, ҳижолат бўладиган ножўя хатти-ҳаракатлар ҳамда агарда одам ўзининг валинеъмати, яхшилик, мурувват кўрса-тuvчисига нисбатан ёмон муносабатда бўлган тақдирдаги ҳаракатлар ҳам оғир гуноҳ ҳисобланади: бу ерда янада айб-дорроқ ҳисобланади, биринчидан у ёвузлик қиласапти ва ик-кинчидан эса эзгулик, яхшиликка ёмонлик қилмоқда.

Ёзилмаган қонунларни бузадиган ножўя хатти-ҳаракатлар жуда катта муҳим аҳамиятга эга бўлади, чунки энг яхши

ахлоқиј, маңнавий сифатларга, хислатларга эга бўлган одам ҳеч ким мажбуrlамаган ҳолда, ўзи ихтиёрий тарзда одил, адолатли инсон бўлади. Ёзилган қонун эса мажбуrlовчи характерга эга бўлади, ёзилмаган қонундан узоқ, холи бўла-ди. Бошқа бир томондан эса ўша одам ножӯя ҳаракатлари, ишлари билан, ёзилган қонунларнинг тескарисини қиласиди. Бундай ҳолатлар эса ўша одамнинг айбларини янада кўпайтиради, чунки оғир жазо берувчи қонунларни бузган одам енгил жазога лойиқ ишларни ҳам қила олади.

Шундай қилиб шу тарзда (яъни юқоридагидек) биз жиноятни нима, қандай ҳолатлар оғирлаштириши ва қандай ҳолатлар жиноятни енгиллатиши ҳақида гапириб ўтдик.

15-боб

«Нотехникавий» далилларнинг турлари бешта: қонун, гу-воҳлар, шартномалар, қийноқ ва қасам. Улардан қандай фойдаланиш мумкин?

Юқоридаги изоҳларимиздан кейин энди «нотехникавий» деб аталувчи далиллаш усулларини тартиб билан кўриб чиқишимиз керак; улар маҳсус адлия нутқи соҳасига таалтуқли бўладилар. Бундай далиллар беш турли: қонунлар, гу-воҳлар, шартномалар, қийноқ остидаги кўрсатмалар, қасамлар. Энг аввало бу соҳадаги қонунлар ҳақида ва улардан қандай фойдаланиш мумкинлиги тўғрисида гапирамиз.

Кўриб чиқилаётган иш ҳақида ёзма қонунларда айрим, ҳукм топилмаса, ҳакам (судья) ва суд аъзолари ёзилмаган, лекин умуминсоний қарашлар, адолат, инсоф, ҳақиқатга яқин умумхалқ қонунига асосланиши керак бўлади, чунки, табиий ҳақиқат билан умумхалқ қонуни (ҳозирги тилда миллий урф-одат, анъаналар)га кўра ҳукм чиқарилади.²⁰¹ Ёзма қонунлар тез-тез ўзгариб туради, ёзилмаган, халқ анъаналари, одатлари эса минг йиллар давомида шаклланган бўлади.

Шунинг учун Софоклнинг «Антихона» трагедиясида мана бу ҳикматли гапларни кўрамиз. Антихона шоҳ Креонтнинг қарорига қарши тарзда, лекин ёзилмаган қонунга му-вофиқ ҳолда, акасининг жасадини тупроққа топширганини бундай оқлайди:

*Бу қонунлар кече ёки бугун чиқарылмаган,
Балки улар мангу барқарор.
Мен ким қарши бўлса ҳам,
Бу одатларга ҳурматсизлик қила олмайман.*²⁰²

(Софокл трагедиясида тасвирланишича, Фивлар шаҳрига етти давлат бирлашиб ҳужум қиласидилар, лекин енгиладилар. Фивлар, яъни ўз ватанига қарши олти подшоҳни қўшинлари билан бошлаб келган Полиник (Антихонанинг акаси) жангда ҳалок бўлади. Фивлар шоҳи Креонт ватан хоини Полиникнинг жасади дафн этилмасин, қарға-қузғуларга ем бўлсин, агар кимки бу фармонни бузса ўлим жазоси берилади, деб фармон чиқаради. Антихона акаси Полиникнинг хонлигини оқламаса ҳам, сингиллик ва одамийлик бурчини бажариб, уни кечаси яширинчча дафн этади. Эртасига, бу маълум бўлиб, Антихона ўлимга ҳукм этилади.

Софокл асарида Ватан олдидаги бурч билан инсонийлик бурчи ўртасидаги зиддиятли руҳий кечинмалар коллизияси ёритилган. Бу ерда Арасту ким ҳақлиги ҳақида ўз хуносасини айтмайди, лекин у Антихонанинг инсоний бурчини бажариши расмий, ёзма қонунга зид келса ҳам, маънавий жиҳатдан юксакроқ эканлигини айтади. Умумхалқ фикри, одати ёзма қонунга нисбатан маънавий жиҳатдан афзалроқдир, дейди — М.М.)

Шу каби ҳолатларда бир қонун бошқа аълороқ қонунга зид келиб қолмаслиги ёки ўзига ўзи зид келмаслиги учун ҳаракат қилиш зарур. Масалан, бир қонунда ҳакамларнинг расмий қарори қандай бўлишидан қатъи назар, кучга киради, деб айтилган. Бошқа бир қонун эса қонунга қарши бўлган қарорларни нашр қилишни, оммага билдиришни тақиқлайди. Агарда қонун икки хил маънони билдиурса, у томонга ёки бу томонга фойдаланса ҳам бўлаверади деб ҳисобланса, бундай ҳолатда уни адолат ва одамийлик нуқтаи назаридан, маъқулроқ эканлигини аниқлаш керак бўлади, кейин эса улардан фойдаланиш, уларни ишлатиш, қўлланиш лозим.

(Ҳар ким ўз манфаатини кўзлайди. Қонун эса халқ ва давлат манфаатини (камроқ ҳолатларда шахс манфаатини

ҳимоя қиласди. Абул Аъло ал-Мааррий фикрича (Х аср), «Қонун ҳалқни тўрга тушириб, қонини ичувчи ўргимчак ини». Арасту фикрича эса, қонунни алдаш беморнинг ўз дардини яшириб, шифокорни алдашга ўхшайди — М.М.)

Шу тарзда қонунлар тўғрисидаги саволни кўриб чиқдик. Гувоҳларга келсак, улар икки турда бўладилар: қадимгилар ва янгилар. Бу охиргилари эса яна қўйидагиларга бўлина-дилар: хавфли бўлса ҳам ёлғон кўрсатма беришга таваккал қўймайдиганларга ажратиладилар.

(Қадимги гувоҳлар деганда машҳур шоирларни ва бошқа шон-шарафли зотларни кўзда тутаман, уларнинг ҳукмлари ҳаммага машҳурдир. (Афсуски, ҳозирги қонунларда Гомер, Шекспир, Алишер Навоий, Фузулийнинг машҳур ҳикматли сўзлари гувоҳ сифатида ўтмайди. Сабаби — судъялар буларни ҳужжат сифатида тан олмайди. — тарж.)

Масалан, барча афиналиклар Саламин (билан иттифоқ-дошлиқ) ҳақида Гомернинг сўзларини, Тенедос ороли аҳолиси Сигей аҳли ҳақида гапирганида коринфлик Периандр (етти донишманднинг бири) гувоҳликка чақирадилар.²⁰³ Клеофонт (лашкарбоши) давлат арбоби Критийга қарши сўзлаётганида Солон элегиясидаги қўйидаги сўзларни гувоҳликка чақиради:

*Жингалаксоч Критийга айт,
Қулоқ солсин отахонига.²⁰⁴*

(Бу ерда лашкарбоши Критийнинг ёшликтаги устози Суқрот кўзда тутилади. — М.М.).

Бундай гувоҳликлар рўй берган воқеа-ҳодисаларга нисбатан қўлланилади.

Бўлғувси, келгуси воқеаларга нисбатан гувоҳлар бўлиб башоратларни тушунирадиган одамлар хизмат қиласдилар, масалан Фемистокл тушда кўрилган ёғоч деворлар кемаларда жанг қилиш лозимлигини англатади деб айтган эди.²⁰⁵ Бундан ташқари, аввал айтганимиздек, мақоллар ҳам гувоҳлар бўлиб хизмат қиласдилар, масалан қари одам билан дўстлашмасликни маслаҳат берадиган киши учун мана бу

мақол гувоҳ бўлиб хизмат қиласи: «Ҳеч қачон қари одамга яхшилик қилма». Ўлдирилган оталарнинг болаларини ҳам ўлдиришни маслаҳат берувчилар учун эса «Отасини ўлдириб, болаларини соғ-омон қолдирган одам ақлли эмас, калтафҳамдир» деган (бўлмагур) мақол бор.²⁰⁶ Янги гувоҳлар — ҳаммага маълум, таниш бўлганлар қандайдир бир фикр билдирган эдилар; уларнинг фикр-мулоҳазалари айнан шу мансалалар, саволлар бўйича судлашаётган, даъволашаётган одамларга фойда келтиради. Масалан, Эвбул судда Платоннинг Харетга қарши Архибий²⁰⁷ ҳақида айтган гапларидан фойдаланган эди: «У туфайли мамлакатда очиқчасига фоҳишабозлиқ, ахлоқсизлик кучайиб кетди». Ёлғон гапираётганилиги фош бўлишидан хавфсировчи одамлар ҳам янги гувоҳлар жумласига кирадилар. Кўриб чиқилаётган воқеа рўй бердими ёки йўқми каби саволларни ечиш вақтидагина бундай одамлар гувоҳлар бўлиб хизмат қиласидилар, лекин воқеанинг ўзига хос хусусиятларини аниқлашда улар гувоҳ бўла олмайдилар. Масалан бирор бир хатти-ҳаракатнинг (ишнинг) адолатли ёки адолатсиз, фойдали ёки фойдасизлиги ҳал қилинадиган масалаларда улар гувоҳ бўла олмайдилар. Бунга ўхшаган ҳолатларда ишга алоқаси бўлмаганлар холис гувоҳлардир. Энг ишончли гувоҳлар қадимги гувоҳлар (донишмандларнинг фикрлари). Чунки улар порага сотилмайдилар...

Айбланаётган одамнинг айбини исботлаш учун гувоҳлар бўлмаган вақтда ёлғон гувоҳларга ва пулга сотилишга йўл бермаслик учун ҳакамлар, судъялар адолат, ҳақиқат, оқилона йўл тутиш ва эҳтимоллик асосида ҳолатни баҳолашлари зарур. Ўзини оқлашга гувоҳи бор одам билан гувоҳсиз одам тортишиб қолганида эҳтимоллик, тусмол, гумон далил ўрнига ўтмаслигини айтиши керак. Яна айтиши керакки, фақат сўзларга ишониладиган бўлса, гувоҳларнинг нима ҳожати бор?

Айбловчи нотиқ ва унинг рақиби, ҳар икки томон ўз сўзларининг исботи учун ҳолис гувоҳлар топиши адолатли ҳукм холосага келиш учун фойдалидир. Агар гувоҳлар ишончли одамлар бўлсалар, мазкур ишга алоқадор бўлмасалар ҳам, айбланаётган ёки айбловчининг шахсини, маънавий

фазилатларини ёки нуқсонларини айтиб бериши масалани одинлаштириши мумкин.

Биз аввалги фаслларда кўриб чиқсан умумий асослар топлар ва энтилемалардан фойдаланиб, гувоҳнинг айбланувчига ёки айбловчига дўст ёки душман эканлигини, иши кўрилаётган одамларнинг ҳурмат-обрўйи ёки бўлмағур ёмон эканлиги ҳақида тўлиқ ёки қисман маълумотлар олиш мумкин.²⁰⁸

Шартномага келсак, уларнинг маъносини қай даражада кўпроқ ёки камроқ тасаввур қилиши ҳақида, уларнинг ишончга сазовор лойиқ бўлишлари ёки лойиқ эмасликларини кўрсатиш ҳақида гапириш нотиқ учун фойдалидир. Агарда шартномалар нотиқнинг фойдасига далолат берса у ҳолда уларни ишончли ва қонуний кучга эгалигини намоён қилиш лозим; агарда улар рақибнинг фойдасига далолат берса (кўрсатса), у ҳолда аксини, муҳим эмаслигини исботлаб бериш керак.

Шартноманинг ишончли ва ишончсиз далиллари гувоҳлар ҳақидаги фикр-мулоқазалардан ҳеч нимаси билан фарқ қилмайдилар, чунки қандай шахслар уларга имзо чекишлиари ва уларни қандай одамлар саклашларига боғлиқ ҳолда шартномалар ишончли ёки ишончсиз бўладилар. Бир бора шартнома тан олиндими, эътироф этилдими, унинг аҳамиятини ошириш керак, агарда у биз учун маъқул, ижобий бўлса, шартнома ҳам қисман қонун кучида бўлади. Лекин шартномалар қонунга куч бермайди, аксинча қонунлар қонуний шартномаларга куч беради ва умуман ўша қонуннинг ўзи қисман шартномадир, демак кимки қонуний шартномага ишонмаса ёки уни бекор қилса, ўша одам қонунни бузган ҳисобланади.

Одамлар орасидаги ихтиёрий муносабатларнинг катта қисми шартномасининг бошида асосланган бўлади ва шунинг учун шартнома ўз кучини йўқотиши билан одамлар орасидаги ҳамкорлик ҳам кучини йўқотади. Агарда қонуний шартнома биз учун маъқул бўлмаса ва рақибларимиз учун эса маъқул бўлса, бундай ҳолатда энг аввало биз учун маъқул бўлмаган, ижобий таъсир кўрсатмайдиган қонуний шартномага эътиroz билдиришимиз лозим.

Арасту шу фаслда яна суд муҳокама. Тортишувлари вақтида айловчи ва айланувчиларнинг ўз сўзи ҳақиқатлигини (ҳақлигини) исботлаш мақсадида юонон маъбуллариномига қасам ичиш одатлари ҳақида ёзди. Маъжусийлик динига ҳалқ орасида ишонч-эътиқод заифлиги сабабли кўп одамлар ёлғондан қасам ичишга ҳам ўрганиб қолгандар. Шу сабабли ҳакамлар, судьялар, айловчилар бу қасамларга унчалик ишонмаганлар. Лекин, судьялар, гувоҳлар қонун талабига кўра муҳокама бошланиши олдидан «ҳақиқатни гапираман», деб қасам ичганлар.

Шу ўринда Арасту аввалроқ яшаб ўтган машҳур файласуф Ксенофанинг муҳим бир фикрини келтиради. Ксенофан айтган эдики, суд тортишувида томонлардан бири ҳақиқий диндор, иймонли одам, бошқаси динсиз одам бўлса, тенглик бузилади ва судлашув адолатли бўлмайди, гўё паҳлавон одам билан нимжон одам курашга тушгандай кўринади.²⁰⁹ Художўй одам ростдан қасам ичади, динсиз одам ёлғон қасам ичади. Лекин динсиз одамнинг қасамига ишониш мумкин эмас.*

Биз фойдаланган русча матн 1894 йилда Н.Платонова грекчадан русчага таржима қилиб, нашр этган матнга асосланган. Зарур ўринларда биз ҳам грекча луғат ва терминлардан фойдаландик. Масалан, арете — фазилат; агафон — оққўнгиллик; кало-кагатия — оқилона гўзаллик; фрагменторум — асаддан парчалар; энкомий — мадҳия; энтилемма — далилнинг бир қисми (2-қисми — ақлда мавжуд); топлар — барча эътироф қиласидиган умумий асослар, далиллар, ҳикматлар. Диано-этика — оқилона хулқлар. Мегатос — улуғлик. Софос — донолик ва ҳ.к.

АРАСТУ «РИТОРИКА»СИДА НОТИҚЛИК САНЬЯТИ ВА МАЛЬНАВИЯТ МУАММОЛАРИ

Қадимги Юнонистонда риторика — хитоба санъати поэтика билан узвий алоқадор бўлса-да, у давлат бошқаруви, давлат ва жамоат арбобларининг сиёсий фаолияти, сулҳ ва ҳарб, уруш ва тинчлик, ватан ҳимояси, давлатнинг иқтисодий ҳарбий қудратини ошириш, шон-шуҳратли ишлар, қаҳрамонликларнинг барчаси ватан учун деб билувчи халқ олдида энг муҳим муаммоларни муҳокама қилиш, ўз мақсади, таклифи, сиёсий йўлининг ватан ва халқ манфаатларига мувофиқ эканлигини далиллаш каби ҳаёти зарурат билан боғлиқ эди. Эллада вилоятларида ва пойтахтларида Алкивиад, Дионисий, Горгий, Исократ, Ликур, Солон, Демосфен ва бошқа давлат, жамоат арбоблари халқ олдида нутқ сўзлар экан, аввало шахсий фазилатлари, сўнг риторика санъатини яхши эгаллаб олгани сабабли, ўз фикрларини мантиқий далиллар, фуқароларни буюк ишларга сафарбар қиласар эдилар. Эллада давлатлари гуллаб-яшнаган даврларда поэтика илмига нисбатан риторика илмига қизиқиш жуда катта эди.

Суқрот, Пифагор, Эмпедокл, Демосфен, Фокион, Протагор ва бошқа донишмандлар поэтика ва риторика санъатларини фалсафий талқин қилиб, фалсафанинг муҳим қисмига айлантиридилар. Лекин, Арастунинг бошқа риторлардан фарқи шундаки, у риторикани фақат сўз санъати деб чекланмай, уни ахлоқ билан, инсон руҳий олами билан, маънавият билан боғлиқ ҳолда тушунтириди. Арасту «Риторика»си унинг «Поэтика»сига нисбатан фалсафий теранлиги, жўшқинлиги, серқирралиги, салмоқдорлиги билан ажralиб туради. Антик дунё маданиятининг атоқли билимдони, қадимшунос олим А.Ф. Лосев ёзишича, мумтоз юон маданияти даврида давлат, жамият ва шахс муносабатлари адолатсеварлик, виждан-эътиқод, мардлик, самимилик, та-

биатга яқынлик, ор-номус, ватан ва халқ ишига фидойи-лик каби инсоний фазилатлар иззат-хұрматда, қадри ба-ланد эди.²¹⁰

Македониялик Александрнинг истилочилик урушлари оқибатида жуда катта ҳудудларни бирлаштирган монархия, империя даврида вужудға келған эллинизм маданияти ҳәётида юқорида айтилған инсоний фазилатлар ўрнини кибру ҳаво, барча соҳалардаги фаолиятни шахсий манфатта бўйсундириш, мол-дунё тўплаш, мансабпарамастлик, шуҳратпарамастлик авж олди. Бу ўзгаришлар фалсафанинг асосий ма-салаларига кучли таъсир қилолмаса-да, поэтика назарий қоидаларини ўзгартиrolмаса-да, риторика илмининг маз-муни ва савиясига салбий таъсир кўрсатди. Риторика илми-даги бундай орқага кетишни Арасту (мил.авв. 384-322) аса-ри билан Галикарнасли Дионисий (мил.авв. 55-8) асари ўрта-сидаги фарқларда ҳам кўриш мумкин. Агар Арасту «Рито-рика»сида бутун инсоният тақдирига қизиқиши, адолат ва ҳақиқатни, ватан ва халқ манфаатларини ҳимоя асосий ўрин эгалласа, Дионисийнинг «Сўз бирикмалари ҳақида», Демет-рийдан (милодий I аср)нинг «Услуб ҳақида» асарида маз-мун, маъно, ҳаёт фалсафасига нисбатан грамматик шакл ма-салалари биринчи ўринда туради.

Юлий Цезар диктатурасига қарши стоикларча курашган Цицерон, шунингдек, Клавдий ва Нерон даврида яшаган Луций Сенека мумтоз юонон риторикаси руҳида тарбиялан-ғанлиги учун нутқларида ва нотиқлик санъати ҳақидаги асарларрида ёвузликка, шахсий манфаатпарамастликка, тама-гирликка, шуҳратпарамастликка қарши кураш foялари яна аввалти ўринларга етиш учун тиклана бошлади. Арасту «Рито-рика»си уч китобдан иборат бўлиб, биринчи китоб бош-ланишида риторика ва диалектика муносабатлари, агар бош-қа, бу иккалови (яъни, риторика ва диалектика) барча фикр-ловчи инсонлар учун зарур, умумий эканлиги, судда кўри-лаётган ишда туҳмат, бўхтон, ҳамдардлик, қаҳр-ғазаб каби ҳолатлар воқеа иштирокчиларида бўлса ҳам, судьялар-ҳакам-лар бундай ҳолатларга тушмай, ҳолис туриши зарурлиги, давлат қонунларида мумкин қадар барча ҳаётий муаммо-лар ҳақида хулоса бўлиши, ҳакам ватан ва халқ учун қайси

иш-амал адолатли ва фойдали, қайсилари заарли бўлишини билиши, ҳақиқатни аниқлашда силлогизм (мантиқий фикрлаш) билан риторик далилдан (энтимема)дан биргаликда фойдаланиш яхши натижа бериши ҳақида фикр юритилади.

Арастунинг бошқа риторика устозларидан жиддий фарқ-ловчи хусусиятларидан бири шуки, у Афлотуннинг «Давлат», «Қонунлар» асарларидан муфассал кўриб чиқилган қонунлар назариясини бойиттан ҳолда, судъялар — ҳакамлар жиноят ва жазо масалаларида ҳеч қачон ўзича иш тутишига йўл бермаслиги кераклигини тушунтиради. Шунинг учун қонунларга зид, ахлоқий, маънавий фазилатларга зид ҳолатлар, тубанлик, жамият ва шахсга заар етказувчи ҳолатларни кўриб чиқишида нотиқ ўта ҳолис бўлиб, у халқни ишонтира олиши зарур. Нотиқ тингловчиларни ўз фикрининг ҳақлигига ишонтиришда Гомер, Гесиод, Вакхилид, Симонид, Эсхил, Софокл, Эврипид ва бошқа буюк шоирларнинг фикрларидан, яъни нодир бадиий асарларда айтилган эҳтиросли фикрлардан ҳам ҳужжат сифатида фойдаланиши мумкинлигини айтади. Арасту шу нарсани риторик исбот ёки энтимема (далиллаш) деб айтайди. Унинг фикрича, риторик исбот — энтимема мантиқий ва диалектик фикрлашга зид нарса эмас, балки энтимема ҳам мантиқий холоса — силлогизмнинг бир туридир. Ҳар қандай ишонтириш усууллари каби, риторик исбот ҳам силлогизм (мантиқий асоссли фикр)дир. Риторик исбот яна диалектика (қарама-қарши фикрлардан тўғрисини аниқлаш) усулидаги нутқча ҳам алоқадордир.

Арасту «Риторика»нинг мана шу бошланиш қисмларидаёқ Демокрит, Пиррон ва киникларнинг скептицизми — шубҳакорлигига қарши ўлароқ, «Табиатига кўра одамлар ҳақиқатни излаб топишга қобилиятлидирлар ва кўп ҳолларда уни излаб топадилар ҳам», — дейди. Арасту шу ўринда ўзидан аввал ўтган риторика олимларининг нутқ санъатининг ҳаёт ҳақиқатини ифодалаш хусусиятига қизиқмай, фақат суд муҳокамасида ютиб чиқиши усуулларига (яъни, асоссан суд нутқига) қизиқиши билан чекланганлигини танқид қиласиди. «Риторика фойдалидир, чунки ҳақиқат ва адолат ўз табиатига кўра ўзига қарши кучларга (яъни, адолатсиз-

лик, жабр-зулм, ноҳақ ва нопок ишлар) нисбатан қудратли-роқдир. Лекин, агар (суд муҳокамаларида ва халқ йиғинла-ри, ҳокимият мажлисларида) нотўғри қарорлар чиқарилса, адолат ва ҳақиқат енгилиб қолади, бундай ишлар эса қора-лашга лойиқдир». ²¹¹

Арастунинг донишманд файласуф ва инсон сифатида бу-юклиги, улуғворлиги шундаки, у миллатлар ва халқларнинг баҳт-саодатга эришуви учун, адолатли давлат ҳуқуқий, яъни қонунларга барча риоя қиласидиган, фуқаролик жамияти қуриш учун барча давлат арбоблари адолат ва ҳақиқатни ҳимоя қилиш, ақли қобилиятларни инсоний фазилатлар би-лан безаб, жамиятнинг маънавий мусаффолиги учун хизмат қилиши зарурлигини, адаб, шоир, нотиқлик санъати уста-лари инсонларни улуғ ва эзгу ишларга даъват қилиши ва ўзлари намуна бўлиши зарурлигини ҳеч қачон эътибордан қочирмас эди.

Арасту риторика илмини жамият ҳаётига яқинлаштири-ди ва илмнинг мақсад, вазифалари жуда шарафли ва мурак-каб эканлигини, у инсон руҳиятининг жуда кўп муаммола-ри билан боғлиқ эканлигини тушуниради. «Яна шуниси борки, — дейди Арасту, — биз энг аниқ билимларга эга бўлганимизда ҳам, шу билимлар асосида гапирсак, баъзи одамларни ишонтириш жуда қийин бўлади. Чунки, аниқ би-лимларга асосланган нутқни билимли, зиёлилар тушунса-да, оломон, кўпчилик халқ яхши тушунмайди. Оломонга (ом-мага) мурожаат қилганимизда исбот, далиллар ҳақида ом-мабоп, осонроқ қилиб гапиришимиз зарур. Биз оломон ол-диди қандай гапириш ҳақида «Топика» асаримизда фикрла-римизни айтганмиз». ²¹²

Арастунинг фикрича, нутқ санъатида далиллашнинг уч усулидан бирини танлаш уч ҳолат билан боғлиқдир:

1. Нутқ мазмунида нотиқнинг маънавий, руҳий гўзалли-ги (ёки маънавий қашшоқлиги)га қараб, тингловчилар ишо-нади ёки ишонмайди.

2. Тингловчиларнинг кайфиятига қараб. (Тингловчилар хурсандлиги ёки хафачилик вақтида гапиришади. Арасту бошқа ўринда — тингловчиларнинг билими ва маънавият савияси нутққа таъсир қилиши ҳақда сўзлайди)

3. Нутқнинг мазмуни, савиясига қараб. (Бизнингча, тингловчиларни ишонтиришда бу энг муҳим ҳолатдир).

Тингловчилар савияси, табиати уч турли бўлгани сабабли риторик нутқлар ҳам уч турлидир, — дейди Арасту. Булар:

1) Маслаҳат берувчи нутқ. Мақсади — тингловчиларни бирор тадбирни бошлишга мойил қилиш ёки аксинча, нотиқ фикрича, тадбир (уруш ёки сулҳ тузиш) заарали бўлса, ундан воз кечтириш. Тадбирнинг фойда, заарини тушунтириш.

2) Судлов нутқи. Бунда нотиқ айбдор деб, иши кўрилаётган шахсни (ёки бир қанча шахсларни) оқлаш ёки қоралаш мақсадида гапириб ўз хulosасини далиллаб беради.

3) Эпидейктив — тарбияловчи нутқ. Бунда нотиқ ажойиб, эл-юрт учун фойдали қилмишларни, қаҳрамонларни мақтайди, ёмон, салбий, шармандали қилмишларга нафрат билдиради (ёки лаънатлади).

Бу соҳада ҳам Арасту ўзидан аввалги риторика олимларидан фарқли ўлароқ, уччала нутқ турида ҳам нотиқлар яхшилик, эзгуликнинг улуғворлигини, ёмонликнинг тубанлик, разолат эканлигини, гўзал ва шармандали, адодатли ва ноҳақ қилмишларининг моҳиятини ишончли далиллар орқали тушунтириб бериш зарур деб ҳисоблади. Шу билан бирга нотиқ гўзал ёки тубан қилмишларнинг камлик ёки зиёдалик даражаларини ҳам яхши билиши керак. Қайси турда нутқ сўзланишидан қатъи назар барча нотиқлар беш соҳадаги аҳволни: 1) Мамлакатнинг иқтисодий аҳволи қандайлигини; 2) уруш ва тинчлик масалаларини (бу соҳадаги тарихий воқеаларни ҳам); 3) Мамлакат мудофаасига доир ишларнинг аҳволини; 4) Мамлакатга кириб келадиган маҳсулотлар ва ташқарига чиқариладиган маҳсулотлар (импорт ва экспорт) соҳасидаги аҳволни; 5) Қонунларни яхши билиши зарур. Арасту бу соҳаларнинг ҳар бирида юз берадиган ҳолатларни яхшилаб тушунтиради. Қонунлар масаласига келганда Арасту давлат бошқаруви тузумларининг турлари, демократиянинг яхши ва ёмон жиҳатларини, олигархия нималигини тушунтиради.

«Риторика» I китобининг 5-фаслида Арасту ҳар қандай давлат ва жамият аъзоларининг энг олий мақади — баҳт-саодатга эришув эканлигини, баҳт-саодат (*evdemonia*) тушунчасининг 4 хил таърифи борлигини, баҳт-саодатнинг таркибий қисмлари (насл-насаб, авлодлар, фарзандлар, невараларнинг кўплиги, жисмоний ва руҳий неъматлар (фа-зилатлар) ҳақида фикр юритади.

Донишманд шу фаслда насл-насаб тозалиги, мол-дунё, моддий бойликлар, руҳий-маънавий бойликлар инсоний фазилатлар, жамиятда. эл-юрга иззат-обрўли одамлар бўлиш, соғлиқ, жисмоний қувват (паҳлавонлик), дўстлар қаторида (машҳур ва) яхши, обрўли одамларнинг кўплиги (христофилия), толеъи очиқлиги (*entuhia*), тасодифий баҳт — омад нималигини тушунтиради.

Ҳар қандай инсон алоҳида ҳам, жамоа ҳолида ҳам муайян мақадга интилади. Одамлар шу мақсадга мувофиқ ҳаётда у ёки бу йўлни танлайдилар, баъзи йўлларни шу мақсадга тўғри келмагани учун четглаб ўтадилар. Мана шу асосий мақсад, муҳтасар қилиб айтганимизда — баҳт-саодат (*eudemonia*)дир. У, бир неча таркибий қисмлардан иборат. Энди шу нарса, (яъни, баҳт-саодат) нима, у қандай қисмлардан иборат, шуни кўриб чиқайлик. Аслида, одамларни баҳтга элтувчи иш-амалларга даъват қилиш, аксинча, баҳтсизликка элтувчи ишлардан қайтариш зарур. Қандай қилиб, баҳтни ва ё унинг бир қисмини бунёд этиш мумкин? Баҳт-саодатни нималар вайрон қиласиди? Нималар баҳтга этишувга ҳалақит беради? Ёки нималар баҳтиёрликка бегона ишларни вужудга келтиради? Мана шу нарсаларнинг нима эканлигини одамлар яхшилаб тушуниб олсалар ундай ишларни қилмаган бўлур эдилар.

Баҳт-саодатни фазилатлар билан қўшилган фаровонлик деб таърифлаш мумкин. У яна: ўз ҳаётида мамнунликдир ёки ёқимли ва хавф-хатарсиз ҳаёт, ҳизматкорларнинг кўплиги ҳамда уларни бемалол сақлаб туриш ва фойдаланиш имкониятими? Бизнингча турли жамиятларда турли ахлоқий, маънавий камолот босқичларидағи одамлар баҳт-саодатни турлича тасаввур қиласидилар ва турлича тушунадилар. Арас-ту кўпчилик халқлар қадрлайдиган неъматлар ҳақида сўзлайди.

«Агар бахт-саодат чиндан ҳам шу каби нарсаларда бўлса, булар қаторига яна: насл-насабнинг асллиги, дўст-ёронлар кўплиги, яхши одамлар билан дўстлашиш, бойлик, яхши (одобли) ва кўп фарзандлар ва набиралар, бахтли кексалик кабиларни ҳам қўшишга тўғри келади. Бундан ташқари, бахт-саодатга яна: соғломлик, чеҳра гўзаллиги, бақувватлик, ҳушқадамлик, мусобақаларда эпчиллик кабилар жисмоний устунликларни ва яна: шон-шуҳрат, иззат, обрў, омад каби неъматларни ҳам қўшиш мумкин. Чунки, инсон ҳам ўзида, ҳам ўзидан ташқарида мавжуд неъматларга эгалик қиласидан ўзини бахтли ҳис этади. Инсоннинг ўзида руҳий ва жисмоний неъматлар бўлиши мумкин. Ўзидан ташқарида эса — насл-насабнинг асллиги (бу неъмат, қандай оиласда туғилиш инсоннинг ўзига боғлиқ эмаслиги туфайли — ундан ташқарида ҳисобланади — М.М.), яхши дўстлар, иззат-ҳурмат каби неъматлар бўлади. Яна: иззу шоҳ (манасаб) қудрати, омад ҳам инсон ихтиёридан ташқаридаги неъматлар бўлиб, агар шулар бўлса, одам қўлга киритган бошқа неъматларини ҳам яхши сақлай олади». Лекин кўпчилик одамлар ноҳақ ва нопок йўл билан топилган бойликларни толеъи баландлик, омад деб ўйлайдилар. Арасту бахт-саодатни ташкил этувчи ноз-неъматларнинг ҳар бирини алоҳида кўриб чиқади.

Бирор кучли халқ ёки қудратли давлатнинг аслзода фуқароси бўлиши учун ўша одамнинг ота-боболари шу давлатда қадимдан яшаб, машҳур йўлбошчилар, подшоҳ, вазир ёки уламолар авлодидан бўлиши ҳам бахт-саодатдир. Мана шундай машҳур зотлар авлоди бўлган одамлар (насл-насаб баҳси мусобақасида) бошқалардан ўзини устун деб биладилар. Айрим шахс учун насл-насабнинг тозалиги ота томонидан ҳам, она томонидан ҳам давлатга, халққа катта хизматлар қиласиган машҳур одамларнинг хонодонига мансубликка боғлиқдир. Аждодлари орасида ана шундай шон-шавкатли эркаклар, аёллар, ёшлилар ва қарияларнинг бўлиши насл-насаб асллигидир. Оиласда яхши (солиҳ, хушхулқли, соғдил, мард, меҳнатсевар, паҳлавон, олижаноб) фарзандлар кўп бўлиши — давлатнинг ҳам қудратини ташкил этади: чунки, мамлакатда яхши тарбия кўрган (руҳий, маъна-

вий) ва жисмоний жиҳатдан ҳам гўзал, бўйдор, паҳлавон, чаққон йигитлар кўп бўлиши давлатни кучли қиласи, обрўйини оширади. Маънавий гўзалликка келсак, камтарлик ва мардлик — йигитларнинг энг яхши фазилатлари дир. Давлат учун ҳам, айрим оила бошлиғи учун ҳам фозил (фазилатли) йигитлар ва қизлар бўлиши баҳт-саодатdir.

Қизлар учун жисмоний жиҳатдан — гўзал, хушқомат бўлиш, маънавий жиҳатдан — камтарин, меҳнатсевар, олижаноб бўлиш — энг яхши фазилатлардир. Ҳар бир инсон ва умуман давлат шундай ажойиб йигитлар ва қизларга эга бўлиш баҳт-саодатdir. Ҳар бир инсон ва давлат шунга интилиши керак. Македон давлатидаги каби, бузуқ аёлларнинг кўп бўлиши фаровонликни икки баравар камайтиради. (Моддий) бойликнинг таркибий қисмлари: танга (пул маблағлари) кўплиги ерга ва кўчмас мулкка эга бўлиш, чорвали моллари ва бўйдор, чиройли қулларнинг кўплиги (Арасту қулдорлик тузумида яшаганини унутмайлик — М.М.) озод инсон агар (яхши фазилатлари билан) иззат-ҳурмат, қадри топган бўлса, шу бойиклар унга фойда келтириши мумкин. Фойдали мулклар: озод инсоннинг қадр-қимматига яраша ҳосил ва роҳат, ҳузур-ҳаловат келтирувчи мулклир. Ҳосил келтирувчи деганда мен олинадиган даромадни айтмоқчиман. Роҳат берувчи нарсалар эса — улардан фойдаланганингда хурсандчиликдан бошқа ҳеч вақо олинмайдиган нарсалардир... Мулкка эгаликнинг шубҳасиз ишончли бўлиши ундан ўзи истаганча вақтида, ўрнида ва шароитида (оқлаб фойдаланиш мумкин бўлган мулклардир. Умуман олганда, бойликнинг моҳияти ундан фойдаланишадир. Чунки бекор ётган, (моддий ва маънавий жиҳатлар) бефойда мулкларни бойлик деб бўлмайди. (Шу маънода яхши, меҳнатсевар ижарачи ҳам бойлик топади).

Яхши обрў (reputatsia)га эга бўлиш халқ орасида жиддий одам деб ном чиқаришдир. Кўпчилик одамлар, фозил ва оқил одамлар интиладиган хислатлар соҳиби бўлишдир. Олиҳимматли одамни халқ ҳурматлайди. Адолат юзасидан, фуқароларга яхшилик, хайр-эҳсон қилиувчи одам иззат-ҳурмат қилинади. Ёхуд маълум вақтларда, маълум жойларда нодир, ноёб бўлган нарсалар ва хислатларга эга бўлган одам-

лар ҳам иззат-обрў қозонадилар. (Масалан, носоғлом ижтимоий шароит туфайли кўпчилик мунофиқ, риёкор, ёлғончи, бир-бирини алдаб, ёхуд лаганбардорлик, хушомадгўйлик билан кун кўрадиган жамиятда рост гапирувчи ва ҳалқ фаровонлигини ўловчи одам эл-юртда катта иззат-обрў топади. Бундай азиз одамларни қадрлаш ўрнига, уларни таъқиб қиласидиган ҳокимиётдан эса эл-юрт нафратланади)...

...Жисмоний фазилатлар: бадан соғломлиги, баданни турли касалликлардан асраш. Баъзи узоқ яшовчи одамларга, масалан Геродик муолажа қилган одамларга бошқалар ҳавас қилмайдилар. (Гиппократнинг шогирди, Мегарали Геродик касалларни гимнастика билан «даволаб» умрини чўзар экану, дардига даво қилмас экан — А.А. Тахо — Годи изоҳи.)

«Гўзалликка келсак, — дейди Арасту, — бу фазилат турли ёшдаги одамларда турличадир. Ўсмирлар, ёшлар югуриш, тош кўтариш ёки бошқа қийин машғулотлар билан хушқомат ва кучли, чайир гавдали бўлса — гўзал ҳисобланади. Айниқса, пентатл (беш кураш, югуриш, сакраш, кураш тушиш, диск улоқтириш ва найза отиш) билан шуғулланган атлётларнинг гавдаси гўзалdir, чунки улар гавдасини ҳар жиҳатдан чиниқтирганлар.

Етук ёшдаги одамларнинг танаси ҳарбий машиққатларга чидамли, хушқомат, савлатли (виқорли) бўлса гўзалdir. Қариялар агар тирикчилик учун зарур юмушларни ўзи бажаролса, мункиллаб, касал бўлиб ётиб қолмаса — гўзал ҳисобланади. Бақувват деб, бошқа нарсалар ёки одамларни ўз ихтиёри билан ҳаракатга келтира оладиган одамни айтамиз. Бу эса (оғирроқ) нарса ёки одамни жойидан жилдириш, туртиш, қисишиш ва ҳоказоларда кўринади. Кучли одам шуларнинг барчасида ёки баъзиларида моҳир бўлиши мумкин. Паҳлавон деб, бошқаларга нисбатан бўйдор, чайир, кенг яғринли — елкали одамни айтамиз. Аммо, бу сифатлар унинг чаққонлигига ҳалақит бермаслиги керак.

...Яхши қариш деб, анча ёшларгача қаригани билинмайдиган, дард чекмайдиган (соғлом) одамни айтамиз. Агар тез қариса ёки секин қариганида ҳам кўп дард тортса, кўп жойлари оғриса — баҳтли қариш эмас, албатта. Яхши қариш аслида одамнинг ўз феъл-атворига (хушчақчақ, очиқ чеҳра-

ли, салга асабийлашмайдиган, покиза ва яхшилик билан яшашга) ҳам боғлиқдир. (Исломий ахлоқ-одобда ҳам покиза, яхшилик билан яшайдиган одамларга узоқ умр ваъда қилинади — М.М.) Яхши қариш одамнинг тольеига, тақдирига ҳам боғлиқ. Кўп ғам, кулфат бошига тушган одамлар тез қариши ҳам табиййидир. (Бунда кучли ё соғлом одам ҳам тез қариши мумкин).

Полифилия — одамнинг дўстлари кўп бўлиши ёки христофилия — яхши дўстлари бўлиши яхши албатта. Чунки, дўстлик — ўзига раво кўрадиган яхшиликларни ўзгаларга (яъни дўстларига) ҳамраво кўришдир. Бунда бошқа одамга қилинадиган яхшилик шу одамни яхши кўриш, ҳурмат қилиш юзасидан бўлади. (Исломий хулқ-одобга кўра, дўстларга яхшилик қилувчилардан Аллоҳ таоло ризо бўлади ва мукофотлайди).

Омад (yevtuhia) деб, барча неъматларни ёки улардан баъзиларини кутилмагандага қўлга киритишни айтамиз. Бу ҳолатнинг ҳам сабаблари бор, аммо ўша сабабларни инсон ақлидроқи англаши мушкулроқдир. Тасодифий мұваффақиятлар — омадга ҳам одамнинг бирор ишга сабаб бўлиши мумкин. Аммо, гоҳо шу соҳада маҳоратсиз одамга ҳам омад келиши мумкин. (Баъзилар билимсиз бўлса, олий ўқув юртига кириб олишни омад ҳисоблайдилар, аммо бу омад эмас, балки тасодиф сабаблидир). Аммо, гўзал қад-қоматли бўлиш омади одамнинг маҳорати ёки мол-дунё сарфлашига боғлиқ эмас, балки табиат инъоми, илохий неъматдир. Кўпинча, тасодифий бахтга эришув, омад бошқаларда ҳасад уйготади. Мисол учун, бир оиласда барча ака-укалар хунук, биттаси чиройли. («Таврот» ва «Қуръон»)да келтирилган Юсуф алайҳиссалом ва унинг оғалари каби). Ёки, хазинани бошқалар топмасдан, бир одам топиши. Ёхуд, уруш вақтида ўқ бошқаларга тегиб, бир одамга тегмай қолиши — тасодифий омадлардир.

Арастуниянг бадиий-эстетик қарашлари «Риторика» I китобининг 9-фаслида ҳам равшан ифодасини топган. Бу ерда донишманд эпидейктив (тарбиявий) нутқ сўзловчи нотиқ билиши зарур бўлган ажиблиқ, эзгулик, гўзаллик, инсоний фазилатлар ва унинг турли даражалари, мақтовли қилмиш

лари ҳақида фикр юритади. Арасту шу фаслда ажойиблик, баркамоллик, гўзалликнинг бундай таърифини беради: «Гўзаллик (грекча *to kalon*) ўзича ёқимли, мафтункор бўлиш билан бирга, яна мақтовга лойиқdir, ёки ўзича табиий неъмат (*adatos*) бўлгани учун ҳам ёқимли бўлади. Гўзаллик тушунчасининг маъноси шундай экан, демак инсон учун фазл — фазилат (*azetes*) ҳам гўзаллик ва неъмат, эзгуликдир. Фазилат ҳам (илоҳий неъмат сифатида) мақталади. Агар инсонда фазилатлар фозиллик бўлса, шу неъмат орқали у бошқа неъматларни ҳам қўлга кирита олади. Арасту фикрича, фазилатлар қуйидаги хислатлардан ташкил топади: адолат, яъни одиллик беғаразлик, (самимият) мардлик, оқиллик, саҳоват, олижаноблик, меҳр-шавқат, мулоимлик (аёллар учун), донишмандлик, оғир-босиқлик (вазминлик, виқор). Бу фазилатларнинг баъзилари, масалан, жасурлик — уруш вақтида, адолат эса ҳам уруш, ҳам тинчлик вақтида зарур. Бағрикенг (ҳимматли, феъли кенг) одам пул учун ўзини пастга урмайди; ҳолбуки кўпчилик назари паст одамлар пул учун одамгарчиликдан кечадилар. Арасту фикрича, адолатли давлатда фуқароларнинг инсоний фазилатлари қонуларда ҳам мақтовли деб белгилаб қўйилади ва бунинг зидди — иллатлари — алдов, баҳиллик, жабр-зулм, очқўзлик, таъмагирлик, мунофиқлик, юлғичлик ва бошқа тубан хислатлар қонунларда ҳам қораланади. Барча хислатларда, айниқса фойда-манфаат излашда, роҳатланишда ёки ғазабланишда, шодлик ва қайғуда ҳаддан ошмаслик, ўртачалик, меъёри билиш ҳам — фазилат ҳисобланади. (Грекча ва русчада қўлланадиган «золотая середина» жисмоний ҳаракат ва руҳий ҳолатларда ҳаддан ошмаслик — олтин меъёр доимо қадрланади).

Арасту «Риторика»нинг I китобидаги 9-фаслда воқеълик, ҳаётнинг турли-туман соҳаларида нима гўзал ва нима хунук, тубан эканлиги ҳақида кенг, теран фикрлайди, бу фикрларини фалсафий асослайди. Арасту фикрича, бағрикенглик, саҳоват, ҳиммат одамларга чин дилдан, беғараз пул ва мол билан ёрдам беришдир. Баҳиллик ва ҳасислик — бунинг тескарисидир. Олижаноблик, олийҳимматлик (*medaeopsehia*) — буюк даражада хайр-саҳоватлар қилиш-

дир. Пасткашлик, майдалик (*mikropsyia*) — бунинг тескарисидир. Оқилона, ўйлаб иш қилиш (*phronesis*) интеллектуал фазилат бўлиб, у юқоридаги ишларда меъёри сақлашга ёрдам беради.

Устози Афлотуннинг фикрларини ривожлантириб, Арасту айтадики, фазилатларнинг ўзи кам, шу фазилатлардан келиб чиқувчи иш-ҳаракат, қилмишлар ҳам гўзалдир. Жасурлик фазилати гўзал, айни вақтда жасурлик билан битказилган иш ҳам гўзалдир. Адолат, одиллик фазилати гўзал, айни вақтда одиллик билан ҳал этилган иш ҳам гўзалдир. Бирорларга ўз фойдасини кўзлаб яхшилик қилиш ҳам дуруст, лекин ўз фойдасини кўзламай, холисона (исломий фалсафада — холисонлиллоҳ) қилинган яхшиликлар гўзалдир. Ўзи учун эмас, ўзгалар манфаатини ўйлаб яхшилик қилиш гўзалдир. Баъзи одамлар ўз роҳатини кўзлаб, бирор уят иш қилишни ният қилсаю, лекин уялиб, ўша ёмон ишни қилмаса, ўзини шармандаликтан асрай олса, бу ҳам гўзалдир. Бошқалар фойдасига беғараз, фақат шон-шуҳрат толиш учун улуғ ишлар қилиш ҳам гўзалдир. Ватанга ёмонлик қилган, ҳалққа зарар етказган душманлардан қасос олиш ҳам гўзал, чунки, қасос олинмаса, шармандаликка рози бўлиш демакдир. Бизнингча, Арасту бу ерда Гомер «Илиада»сида Спарта шоҳи Менелайнинг ёш ва гўзал хотини Еленани олиб қочган трояликлардан қасос олиш учун жанг қилган барча қаҳрамонларни айтмоқчидир.

Шундан сўнг Арасту барча замонлар ва барча инсонлар учун қимматли бўлган абадий қадриятлар ҳисобланувчи гўзалликлардан ташқари, вақти, ўрни, ҳолатига қараб, баҳоланадиган, ўзгарувчан гўзалликлар ҳам бўлиши мумкинлигини эслатади. Арасту фикрича, моддий манфаат кўзланмайдиган ва барча ҳалқлар ҳурмат қиласидиган ишлар ҳам гўзалдир. Юнонларда тирикчилик учун фойда келтирмайдиган мол-мулк гўзал ҳисобланган (Бизнингча, Арасту бу ерда аслзодаларнинг ўйларидаги чиройли айвонлар, нақшинкор устунлар, барельеф, сурат ва ҳайкаллар, чиройли ва жўшқин фаввораларни, хуллас, моддий фойда келтирмаса ҳам, завқлантирувчи, руҳни бойитувчи санъат асарларини ҳамда хушманзара ўрмон ва боғларни айтаётган бўлса ке-

рак). Арасту «Риторика» асарида қадимги адабиёт ва фалсафада биринчилар қаторида жамият тинчлиги, осойиштагига зарар келтирувчи,adolatciz, ноҳақ ишлар қилувчи одамларнинг руҳий олами таҳлилини берган. Арасту психоанализ асосчиларидан биридир.

Нотиқнинг мақсади жиноят ёки бирор ножӯя ишнинг содир этилганлигини фош этиш бўлса, айборнинг бирор жиноий ишни қандай ният-мақсад билан қилганини яхши ўрганиб, билиши зарур, — дейди Арасту. Унинг фикрича, нотиқлик санъатининг энг муҳим вазифаси, мақади —adolatciz, ноҳақ ишлар қайси сабабга (ёки сабабларга кўра) қилинганини билиш учун инсон руҳиятидаги интилишларни, майл-истакларни яхши билиш учун моҳир руҳшунос ҳам бўлиши зарур. Арасту фикрича, халққа зарар келтирувчи ноҳақ ишларни бундай таснифлаш, турларга ажратиш мумкин.

I. Тасодифий қилмишлар ва зарурат сабабли, пухта ўйланган қилмишлар. (Тасодифий қилмиш жазоси енгилроқ)

II. Пухта ўйланган, зарурият сабабли қилмишлар икки турли:

1. Мажбурий, бирорнинг зўрлаши билан қилинган ёмонликлар.

2. Ўз табиатига кўра, ихтиёрий қилмишлар.

Жамият ҳаётидаadolatciz, ноҳақ ишларнинг жуда кўп қисми инсонларнинг ихтиёрий, табиатидаги майл-истаклар (иллатлар) билан боғлиқдир.

Инсон табиий майл-истаклари ҳам икки хил:

1. Оқилона, майл-истаклар.

2. Ақлга зид (жамият учун зарарли) майл-истаклар.

Оқилона майл-истакларга қўйидагилар киради:

1. Соғлиқни яхшилаш учун куч-қувватли бўлиш.

2. Имкони етганича тоза таомларни ейиш.

3. Маълум миқдорда мол-мулкли бўлиш.

4. Оила қуриб, фарзандларга эга бўлиш.

5. Ота-онага, яқинларга моддий ва маънавий ёрдам бериш.

6. Яхши дўстлар орттириш.

7. Истеъдоди, меҳнати билан обрў, шуҳрат қозониш ва бошқалар.

Арасту фикрича, ақлга зид майл-истаклар қуйидагичадыр:

1. Тасодифан ёмонлик қилиш.
2. Табиий эҳтиёжи сабабли уят ишлар қилиш.
3. Бировларнинг (кўпинч, ўзидан катталар, хўжайинларнинг) зўрлаши билан бировларга ёмонлик қилиш.
4. Ўз одатига кўра ёмонлик қилиш.
5. Бировларнинг фикрига қўшилиб иш қилиш.
6. Жаҳл-ғазаб устида ёмонлик қилиш.
7. Эҳтирослар (тубан эҳтирослар)га берилиб, ёмонлик қилиш.

Арасту ноҳақ иш қилувчиларнинг руҳиятини шу қадар теран, чуқур таҳлил қиласиди, (психоанализ) бу ҳақдаги фикрлари келгуси асрларда яшаган руҳшунослар учун ҳам қимматли илмий манба сифатида хизмат қиласиди.

Баъзиларнинг фалончи ўшлиқ қилиб, шу хатога йўл қўйди, аслида ў ўшлиги сабабли эмас, жаҳл-ғазаб ва эҳтирослари туфайли ёмонлик қиласиди. Камбағаллар бой бўлай деб, бойлар айш-ишратда яшай деб, ноҳақ ишларга, жиноятларга қўл урадилар. Барча хатти-ҳаракатларда, қилмишларда меъёрни унудиши, ҳаддан ошиш ёмон оқибатларга олиб келади. Адолатсиз, такаббур, мақтанчоқ, номард, жоҳил бойлар меъёрга ҳам, қонунга ҳам беписанд қарайдилар. Барча ишларни ўзлари ишламай топган пул, бойлик билан битиришга интиладилар.

«Риторика»нинг II китобида Арасту уч турли нутқларда ҳам (кенгашув нутқи, суд нутқи, сафарбар этувчи ва тарбияловси нутқ) нотиқ халқда (tinglovchilararda) ўз сўзларига ишонч уйғотиши зарурлиги ҳақида, қайси усууллар билан ишонч уйғотиши мумкинлиги тўғрисида фикр юритади. Арасту нотиқнинг ҳақиқатни ҳимоя қилишда холислиги, беғарзлиги, ўз фойдасини эмас, давлат ва халқ манфаатини кўзлаб гапириши зарурлигини уқтирган ҳолда, нотиқ ўз тингловчиларининг руҳиятини яхши билган ҳолда уларнинг эҳтиросларини уйғотиши зарурлигини ҳам тушуниради.

Нотиқ бирор мансабга номуносиб одам ҳақида гапираётганида у одамнинг тубан қилмишларини исботлаб, тингловчиларнинг ўша одамга нисбатан қаҳр-ғазабини уйғоти-

ши керак бўлади. Бунга эришиш учун нотиқ ҳам ҳолис ва эҳтирос билан сўзлаши зарур. Лекин жаҳл-ғазаб устида қилинган ножӯя ишларнинг сабаби бошқа, нотиқнинг тингловчиларда ёвуз ва олчоқ одамнинг ножӯя ишларига адолатли қаҳр-ғазаб уйғотиш бошқадир.

Арасту фикрича, адолатсиз, хунук, ноҳақ ишларнинг кўпчилиги бирорларни менсимасликдан келиб чиқади. У, менсимасликнинг (русча — пренебрежение) уч турини кўрсатади: жирканиш, ахмоқлик, ҳақорат қилиш. Лекин буларнинг ҳам кўпгина сабаблари бор.

7-фаслда Арасту хайрли ишлар ва кимларга хайр-эҳсон қилиш, 8-фаслда кимларга ҳамдардлик, меҳр-муруват кўрсатиш, меҳр-шафқатга кимлар муҳтоҷлигини айтади.

Арасту «Поэтика» асарида трагедиянитнг мазмуни ва қаҳрамон характери ҳақида фикр юритиб, ёмон қаҳрамонлар эмас, балки айрим камчиликлари бўлган софдил, олижаноб, яхши одамларнинг фожеага учраши томошабинларда ҳамдардлик уйғотишини айтиб, трагедиянинг инсонларни ҳамдардлик орқали поклаш (*katapsis*) назариясини баён қилган эди. Аслида ҳам яхши одамларнинг бошига қайфу, кулфат, мусибат ёғилганида ҳамдардлик билдириш (баъзан ёмонларга ҳам) софдил, олижаноб, яхши инсонларга хос хислатдир.

Баъзан эса, фожеалар ёмон одамларнинг ҳам кўзини очиши, кушига келтириши мумкин. 9-фаслда — нафрат ва унга сазовор одамлар, 10-фаслда — ҳасадгўйлик ва бунинг сабаблари, 11-фаслда — тақобат ва мусобақа, 12-фаслда — ёшлар табиати, характерига хос хусусиятлар, 13-фаслда — қарияларга хос характер хусусиятлари, 14-фаслда — етук ёшдагиларнинг характери, 15-фаслда — насл-насабли аслзодаларнинг характери, 16 фаслда — бадавлат одамларнинг характерли хислатлари, 17-фаслда — куч-қудрат, ҳокимият эгаларининг характерига хос хусусиятлар, 18-фаслда — уч турли нутқ сўзловчилар нималарга эътибор бериши зарурлиги, 19-фаслда — воқеаларнинг бўлиши мумкинлиги ва мумкин эмаслиги (имкон ва имконсизлик эҳтимоли) ҳақидағи масалаларни кўриб чиқади.

Иккинчи китобнинг 19-фаслида Арасту бир эмас, кўп масалаларни ўртага қўяди. Булар ҳам санъатга, ҳам фалса-

фага алоқадор масалалардир. Арасту баъзи шоирларнинг фикрларига асосланиб, воқеаларнинг содир бўлиши ёки бўлмаслиги эҳтимоли ҳақида сўзлаётганида нотиқ буни аниқлаш учун воқеани содир қилган ёки содир қилиш эҳтимоли бўлган одамларнинг табиати хусусиятларидан келиб чиқиши зарурлигини айтади.

Арасту «Поэтика» асарида ҳам воқеа ва характерлар, уларнинг қилмишлари ҳақида гапирганида бу масалага жиддий эътибор берган эди. У «Поэтика»нинг XXV бобида поэзияга қарши эътиrozлар ва уларга раддиялар ҳақида бундай ёзади: «Модомики, шоир (мусаввир ёки бошқа тасвириловчи, санъаткор) ҳаётни акс эттирас экан, у мұқаррар рационалда қуйидаги уч ҳолатдан бирини: (1) ҳаёт қандай бўлса, шундайлигича, (2) ё одамлар айтаётган ва тасаввур қилганича (3), ё ҳаётнинг қандай бўлиши кераклигини тасвирилаши керак бўлади».

Арасту «Поэтика»нинг бундан аввалги (XXIV) бобида шоир ҳаётда йўқ, бўлмайдиган нарсаларни ҳам худди бўлгандай қилиб тасвирилаши мумкинлигини айтган эди. «Умуман, гаройиб, аммо эҳтимол тутилган нарса, ишонарсиз бор нарсадан кўра ҳақиқатга яқинроқдир».

Лекин, шунга қарамай, Арасту санъатдаги реализм, ҳаққонийликни ёқлаб, бундай дейди: «Ҳикояларда (асар сюжетида) тасаввур қилиб бўлмайдиган нарсалар бўлмагани яхши, агар бўлса ҳам, улар мазкур ривоятдан ташқарида қолсин».

Қуйироқда Арасту бу фикрини янада ойдинлаштиради: «Шоир ҳаётда қандай бўлса, шундай тасвирамабди, деган таънага эътиroz билдириб, шуни айтиш мумкинки, шоир ҳаётда қандай бўлиши кераклигини ҳам тасвиrlайди. Софоклининг айтишича, у одамларни қандай бўлиши керак бўлса, шундай тасвиrlади. (Бу фикр Эсхилга ҳам тааллуқли) Эврипид эса, одамлар ҳаётда қандай бўлса, шундай тасвиrlади».

Аритофан «Қурбақалар» комедиясида нариги дунёда (Аид салтанатида) Эсхил билан Эврипиднинг худди шу масалада баҳслашганларини тасвиrlайди ва Арасту айтган Эсхилнинг йўлини (идеал қаҳрамонлар тасвирини) — юксакроқ санъат деб, хулоса қилади.

Арасту «Риторика»нинг II китобидаги шу 19-фаслда Альберт Эйнштейндан 2400 йил аввал эҳтимоллик, нисбийлик назариясининг ҳам тамал тошини қўйган. У ёзди: «Охири бўлган нарсанинг бошланиши ҳам бўлади. Чунки ҳамма воқеа-ҳодисанинг бошланиши бор. Давоми бор (мавжуд ёки янги вужудга келаётган) нарсаларнинг аввалги қисми ҳам бўлади... Санъат ва фанларнинг мавзуи бўладиган воқеа-ҳодиса бўлган, бўлаётган ва энди (бундан кейин) бўлиши мумкин. Қисмлари бор нарсанинг бутуни ҳам бордир.²¹³ Шу орада Арасту мантиқ илми фалсафасини санъатга ҳам татбиқ этиши қизиқарлидир. У, жинс (род) ва тур (вид) ҳақида гапириб, «Агар жинс (масалан, одам), ҳайвонлар, қушлар ҳам бўлади. Агар турлар бўлса (масалан, одамлар, ҳайвон ва қушлар) бўлса, уларнинг жинси (жониворлар) ҳам бўлади. Кемалар бор экан, триера (уч қатор эшкакли кемалар) ҳам бўлади. Триера бор экан, кема ҳам бўлади. Ўзаро боғлиқ бўлган икки нарсадан бири бор экан, иккинчиси ҳам бўлади... Ва агар бирор нарсани санъат, ҳунар ва тайёргарликсиз ясаш мумкин бўлса, у нарсани санъат, ҳунар ва тайёргарлик билан ясаш янада мумкинроқ (осонроқ) бўлади. Шу маънода трагедиянавис Агафон асарида бундай дейялади:

*Ясаймиз баъзи нарсаларни санъат, ҳунар-ла,
Баъзисин ато қиласар бизга зарурат. тақдир.²¹⁴*

Арасту яна айтадики, табиатда кам учрайдиган нодир нарсалар бўлиши мумкин бўлса, кўп учрайдиган нарсаларнинг борлик эҳтимоли кўпроқдир.

Ҳаво очиқлигидан кўра, ҳаво булатли бўлса, ёмғир ёғиш эҳтимоли кўпроқдир. Бу фикрлардан шундай хулоса чиқадики, нотиқ ўз фикрини исботлаш вақтида эҳтимоллик дарражаларини ҳам яхши билиши зарур.

Арасту «Риторика» II китобининг 20-фаслида нотиқ сўзлаётганида ўз фикрини исботлаш учун ҳаётий мисоллар, ўхшатишлар, Эзоп ва бошқаларнинг масал ва ривоятларидан фойдаланиши яхши самара беришини айтади ва ўзи ҳам намуна учун шундай масал ва ўхшатишлардан бир нечтаси-

ни келтиради. Кейинги, 21-фаслда Арасту афоризм — ҳикматли сўзлар (доноларнинг айтганлари) билан риторик силлогизм ёки энтилема (яъни, чиройли далил) ўртасидаги фарқни кўрсатади, 23-фаслда топлар — баҳсада рақибининг айболовига қарши қўлланилладиган рад этиш далиллари (Арасту бу ҳақда маҳсус «Топика» асарини ёзган, Форобий шарҳида арабий қилиб «Тубика» дейилган) ҳақида фикр юритади. Шу фаслда Арасту бизнинг замонамизгача етиб келмаган бир қанча трагедиялардан мисоллар келтиради (Масалан, нотиқ ва трагедиянавислардан Теодект. У Исократ, Афлотун ва Арастунинг шогирди, 50 та трагедия ёзган, «Алкмеон», «Аякс», «Орест» ва бошқалар — А.А. Тахо — Годи изоҳи.). Шу ерда Арасту яна яхши топлардан бири сифатида нотиқ Алкидамантнинг донишмандлар ва шоирларни барча халқлар иззат-ҳурмат қилишини исботловчи қўйидаги толи — исботловчи жумласини келтиради:

«Паросликлар Архилоҳни, бу шоир чақимчи бўлса ҳам, Ҳиос аҳли Гомерни, у ватандоши бўлмаса ҳам, Митилена аҳли — Саффони у аёл бўлса ҳам ҳурматини жойига қўярдилар, Лакедемон аҳли Хилонни, Италия аҳли — Пифагорни Ҳеронтлар — оқсоқоллар кенгашига сайладилар Лампсак аҳли Анаксагор вафот этганда ўз ватандоши бўлмаса ҳам иззат-ҳурмат билан дағн қилган эдилар. уни ҳозир ҳам эъзозлайдилар... Афиналиклар бир вақтлар Солон қонунларига риоя этганларида, Лакедемон (Спарта) аҳли Ликург қонунларига амал қилиб турганларида, Фива аҳли файласуфлар давлат раҳбари бўлиб турганда бахтиёр, осойишта яшаган эдилар. Арасту яна Периклнинг замондоши, Кипр-Қибрис давлатининг маърифатли подшоҳи Евагорни мақтаб нутқ ёзган Исократнинг маҳоратини эслатади. Яна Исократнинг Тесей давридаги Еленани ва Александр — Париш олиб қочган Спарта маликаси Еленани оқтаб, ёзганини эслатади.²¹⁵ (Гомер «Илиада»сида Троя оқсоқоллари бундай аёл номуси учун уруш бошлаш айб эмас, деган фикрга келадилар). Яна бир ўринда Арасту ўз сабоқдоши ва шогирди, трагедиянавис Теодектнинг Суқрот ҳақидаги нутқини мақтайди. Исократнинг истеъдодли шогирди моҳир нотиқ Каллип ҳам олтин гулчамбар билан тақдирланган.

Унинг яна бир шогирди Эфор — адабий танқидчи, жаҳон халқлари тарихчиси эди.

Арасту II китобнинг 25-фаслида рақибнинг силлогизмларини қарама-қарши фикр айтиб, йўққа чиқариш ҳақида ёзар экан, бунинг учун ҳаётни, тарих ва адабиётни чуқур билиш зарурлигини айтади. Ҳақиқат билан ҳақиқатга яқин фикрларнинг фарқини кўрсатади (Ҳақиқат доимо тўғрилик, ҳақиқатга яқин нарсалар эса баъзи ҳолларда тўғри, чиқишини англатади.).

Арасту «Риторика»сининг III китоби асосан риторик ва поэтик услугуб масалаларига бағишиланган. У, риторика санъати баъзи хитоба, нотиқликда энг муҳими уч масалани ҳал этиш зарурлигини айтади:

1. Тингловчиларни ишонтириш усулларини қаердан олиш, ўрганиш масаласи. Булар ҳақида I ва II китобда айтилди.

2. Нутқ услуби масалалари (*lexis*). Бу энди кенгроқ кўриб чиқилади.

3. Нутқ қисмларини қандай қуриш масаласи.²¹⁶

Арасту I-масаланинг холосасини такрорлади. Тингловчиларни ишонтиришнинг ҳам уч манбай бор.

1. Нотиқ айтган ҳолатни тингловчилар ҳам бошидан кечирган бўлса, ўша фикрга ишонадилар.

2. Тингловчи нотиқнинг софдиллигини, маънавий етуклигини билганларида.

3. (Қонунга мувофиқ) нотиқ холосаси исботлаб берилганида. (Юқоридаги манба, ўша жойда)

4. Услуб ҳақида. Қандай усуlda ва оҳангда гапирилади? Бунинг ҳам уч шарти бор. 1. Табиий тартибга кўра энг муҳим масалани биринчи ўринга чиқариш. 2. Шу масалага доир фикрларни қай тартибда қисмларга бўлиб жойлаштириш (Аввал нимани, ундан кейин нималарни гапириш). 3. Декламация — ижро масаласи. Арасту фикрича, трагедия ва рапсодия (достон айтишга) воқеа, ҳаракат киритилмаган, авваллари фақат шоирлар, рапсадлар воқеани баён қиласи ҳизни билади (Кейинроқ бир, икки, уч актёр ва хор ижро чилари қўшилди). Асарни бир одам (шоир, достончи — рапсод) ижро этганида турли қаҳрамонларнинг характерини

кўрсатиши учун шоир ёки рапсод (актёр каби) овозини турлича қилиб ўзгартириши зарур эди. Айниқса, эҳтиросли саҳналарда. Шоир, рапсод қаҳрамонларнинг ҳолатига мувофиқ гоҳ баланд овозда, гоҳ секин, гоҳ қичқириб, гоҳ ўртача овоз билан ижро қилиши ритмни ҳам акс эттириши керак эди. Кейинроқ буларни актёрлар ижро эта бошладилар.

Арасту айтишича, драматик, трагик поэзия энди туғилаётганида актёрларнинг обрўси асарни ёзган шоирга нисбатан баландроқ эди, сиёсат баҳсларда ҳам давлат арбобидан кўра нотиқларнинг обрўси баландроқ эди. Арасту маданиятсиз, ривожланмаган ёки айниган давлатларда шундай бўлади, деб шоирдан актёрни баланд қўйишни қоралайди.

Асар мазмунига нисбатан услуг ва усуllibарнинг биринчи ўринга қўйилиши ҳам худди шу сабаблидир, дейди Арасту. У, шу ҳолатни қоралаб, бадиий асарнинг мазмуни бирламидир, бу мазмунни турлича усул ва оҳангларда айтишни муҳим деб билиш тингловчиларнинг савияси пастлигидандир, дейди. Аниқ фанларда, масалан геометрияда секин ё тез, ёки турлича овозда ва услубда айтишнинг сира аҳамияти йўқ. Шу ҳақда Фрасимах (Суқротнинг баҳсдаги рақиби, Афлотун диалогларининг қаҳрамонларидан бир — тарж.) «Ҳамдардлик уйғотиши» асарида озроқ тўхталиб ўтган. Ҳолбуки актёр табиатан, туфма истеъдодли бўлиши керак. Истеъдодли актёр маҳорати техникага (турли усуllibарни ўрганишга) муҳтож эмас. Нутқ услуби ва усуllibари эса техника соҳасидир. Нутқ услуби, техникасини яхши билган нотиқлар шон-шуҳрат гулчамбарини олиб кетишлари шу сабаблидир. Ёзма нутқда ҳам мазмунга, фикрга нисбатан услуг гўзаллиги биринчи ўринга қўйилмоқда.

«Шоирлар, табиийки, бу соҳада анча илгарилаб кетдилар, — дейди Арасту. — Сўзлар нарсаларнинг хусусиятига тақлид қиласди. Санъатлардан рапсодия (достончилик, куйлаб айтиш, драматик санъат ва бошқалар шу тариқа вужудга келган. Шоирлар оддий нарсаларни ҳам шоирона ифодалаб, ўз услуби билан шон-шуҳрат қозонгач, (нотиқлар) аввало шоирона услуг (поэтик стиль)ни ижод қилдилар. Масалан, Горгий (Машҳур ритор, Сицилиянинг Леонтин шаҳридан, софистика асосчиларидан бири (мил. ав. 483-375), эл-

лик беш ёшида Афинага келган. Афлотуннинг «Горгий» диалоги бор.) шундай қиласы. Ҳозир ҳам күпчилик саводсиз одамлар шу услубни (шоирона услубни) нафис деб ўйлайдилар. Аслида ундай эмас». Арасту шеъриятдаги нағислик билан нотиқ нутқидаги нағислик бошқа-бошқа нарсалар эканлигини тушунтиради, «Ҳозир ҳатто трагедия ижодкорлари ҳам нағис сўзлардан, гексаметрдан воз кечиб, жонли тилга яқин ямб вазнида ёзмоқдалар». Ҳозирги шоирлар, дейди Арасту, ўзлари илгари қўллаган (баландпарвоз) ифодаларни жонли тилга яроқсиз деб ишлатмай қўйдилар. Қадимги юнон маданияти заршуноси, атоқли филолог олим А.А. Тахо-Годи «Риторика»га ёзган изоҳларида билдиришича, қадимги шоирлар гексаметр вазнини ташкил этувчи «дактил-спонда» ритм шаклининг «мұхим», «тантанавор», «улугвор» турларини, трохей вазниниң «даҳшатли» ва «қўрқинчли» турларини, ямбнинг тезлиги ва шиддатли эканлигини фарқлаб кўрсатгандар. Шарқ халқларининг диний эътиқодини юонлар ўзлаштирганидан сўнг «Илоҳларнинг Буюк Онаси — Кибела-Ҳубални шарафлаш учун айтиладиган қасида — пеонларнинг гайрат-шижоат уйготишини айтганлар. Арасту шоирлар фойдаланмай қўйған баландпарвоз вазнда ёзиш ҳозир кулгини қистатади», дейди.

Шу мулоҳазалардан сўнг Арасту услубнинг энг муҳим хусусиятлари эндиликда шоирона (жимжимадор) ёзиш эмас, балки фикр аниқлиги, равшан, тушунарли бўлиши зарурлигини айтади. «Нутқ услуби юксак ҳам эмас, тубан ҳам эмас, нутқ мазмунига мувофиқ бўлиши керак».

Арасту фикрича, «нутқда қўлланадиган отлар-исмлар ва феъллар ҳалқона бўлса яхши. Булардан бошқача отлар-исмлар ҳақида поэтик санъат ҳақидаги асарларимизда айтиб ўтганмиз». Бу фикр «поэтика»нинг 21—11-фаслларига тааллуқли. 21-фаслда Арасту кенг қўлланадиган ва ноёб сўзлар ҳақида гапиради. Лекин, бир сўз баъзи одамлар орасида кенг қўлланилиши, бошқа одамлар орасида кам қўлланилиши мумкин. Ноёб сўзлар эса барча халқларда кам истифода қилинадиган сўзлардир. Фақат шоирлар ўйлаб топган янги сўзлар ҳам таъсир қиласы ўқувчига. Масалан, шоир май ко-

сасини «Дионис қалқонини» дейди, жанг қалқони эса «арес косаси» дейди.

Арасту фикрича, күпгина хорижий нарсалар қимматли бўлгандай, шоирлар учун кўпчиликка номаълум, ноёб сўзлар ҳам қимматли, ҳайратли кўринади. Шеърий тилга ярашган тантанавор, улуғвор сўзлар насрга ярашмайди. Қариялар айтадиган сўзлар ёш болага ярашмайди ва аксинча, ёш болаларнинг сўзлари қарияларга, қулнинг сўзлари хожага ва мансабдорнинг сўзларини қул айтса ярашмайди. Арастунинг бу фикрлари икки минг йил ўтгандан кейин бадиий адабиёт ва санъатнинг ҳаётйлиги, табиийлиги, ҳақиқатга яқинлиги, реалистик услугуб ҳақидаги назарияларга пойdevор бўлди, дейишимиз мумкин.

Шу фаслдаги мана бу сўзлар ҳам санъат асли — спецификасини билдирувчи реализм қонуниятига алоқадор: «Нотиқнинг гапириш услуби актёр Феодорнинг овозига ўхшаши керак, у кимнинг номидан гапирса, ўша одамнинг овозига ўхшатар эди, бошқа актёрлар овози (қаҳрамонларнинг характеристига, нутқига) бегона эди».²¹⁷ Лекин, бизнингча, комедиограф драматурглар ва умуман шоирлар орасида 2400 йил давомида қаҳрамонлари тилининг жонли халқ тилига яқинлаштиришда Аристофанга етадиган санъаткорни топиш қийин. У, «Булутлар» комедиясида умумлашган, типик олим — софист сиймосини тасвирласа ҳам, исмини Суқрот деб қўйгани учун, ўзи истамаган ҳолда донишманд Суқротнинг ўлимига сабабчилардан бири бўлиб қолди. Бу санъатнинг қудратли таъсир кучи ёмонликка хизмат қилди. Арасту ҳам шу фаслда Аристофаннинг «Бобилонликлар» комедиясидаги ҳазил сўзлар завқ уйғотишини айтади. У Аристофаннинг ўзи билмасдан Суқротга ёмонлик қилганини билса ҳам, кек сақламай, буюк санъаткорлигини эътироф қиласди.

Арасту яна бир ўринда Эврипид трагедияларининг тилини жонли халқ тилига яқинлиги учун мақтайди. Шу билан у «ўзининг санъаткорлигини яшириб туради». Яъни, томошабин бу сўзларни драматург шоир Эврипид тўқиган эмас, қаҳрамон ўзи айтмоқда, деб ўйлади. Бу эса, Арасту айтмоқчи ҳаётга тақлиднинг энг яхши намунасиdir!

Шу фаслда айтилган күчма маъноли сўзлар, метафоралар бадиий асар тилини, мазмунини бойитиши ҳақида Арасту айтган муҳим фикрлар «Поэтика»да жуда қисқа қилиб айтилган эди.

Арасту «Риторика» III китобининг 4-фаслида ўхшатиш ва метафоранинг ўхшашлиги ва фарқлари ҳақида гапиради. Булар орасида фарқ жуда кам.— дейди у.— Агар «Аҳилл шердай жангга ташланди» дейилса, ўхшатиш, агар «Шер (яъни, Аҳилл) жангга ташланди» дейилса, метафора бўлади. Насрда ҳам ўхшатишлар фойдали, лекин у кўпроқ шеъриятда асқотади. Сўнг у ўхшатишларга турлича мисоллар келтиради. ... Геодамантнинг ўхшатиши: «Евксен=Архидам-геометрия билимлари» ёки аксинча: «Архидам=Евксен+геометрия билимлари». (Бу насрдаги ўхшатиш, яъни: Евксен геометрияни билса Архидамга тенг бўлар эди, геометрияни билмагани учун унга тенг эмас.)

Афлотун «Давлат» асарида «Ўликлардан зирхли кийимларни ечиб олган одамлар ҳақида одамлар тош отса, одамларни эмас, тошларни тишлаётган итларга ўхшайдилар», — дейди. Перикл Самос аҳлини «Қанд бўлагини олиб туриб, йиғлаётган ёш болаларга» ўхшатади. Ўхшатиш билан метафора орасидаги фарқ шуки, «...дай», ...дек», ...ўхшайди» қўшимчалари бўлса ўхшатиш, бу қўшимчалар бўлмаса метафорадир».²¹⁸

Лекин, бизнингча, орадан ўтган минг йиллар давомида бадиий адабиёт қоидалари ўзгариб, ривожланиб, ўхшатишга нисбатан метафоралар маънолари чуқурлашиб, аллегорияларга яқинлашган кўринади. Арасту келтирган яна бир мисолда фиал-катта пиёла, яъни коса — Дионаснинг қалқони деб аталса, қалқон эса Арес (уруш илоҳи)нинг май косаси деб аталса, бу шубҳасиз метафорадир. Демак, метафораларда фалсафий маъно чуқурлашади.

Учинчи китобнинг 5-фаслида Арасту нутқ равон, мазмуни тушунарли, тўғри бўлишининг бешта шартини кўрсатади. Бу шартлар қўйидагилардир:

1. Жумла тузища боғловчиларни тўғри ишлатиш.
2. Сўзларнинг ўзини тўғри ишлатиш.

3. Бир неча маъноларни англатувчи сўзларни иложи борича ишлатмаслик. Атайлаб айтиска, бошқа гап. Арасту шу

ўринда Эмпедоклни айтадиган муҳим фикри бўлмаса ҳам, чуқур маъноли гаплар айтаётгандай ўзини кўрсатишни танқид қиласди. Шу ерда Арасту яна башоратчи Оракулланинг ҳам аниқ бир фикр айтмай, чуқур маъноли гап айтишлари ни эслатиб, уларга деярли ишонмаслигини билдиради.

4. Жумлада исмлар-отларнинг жинсини тўғри айтиш. (Баъзиларнинг гапидан эркакми, аёлми, ўрта жинсдаги исмми, билиш қийин бўлади.) Бу масалада Протагор тўғри жумла тузганини айтади: «У аёл келиб, суҳбатлашди ва кетди.» (Агар бу жумлада аёл деб кўрсатилмаса, «келди», «суҳбатлашди», «кетди» сўзларидан эганинг жинси билинмайди. Бу масалада рус тили жуда аниқ ва қулайдир: «Она пришла, поговорила и ушла». Бу ерда агар «Она» сўзи бўлмаса ҳам, аёл бошқа сўзлардан билиниб туради.

5. Жумлада исмлар, отларнинг сони аниқ кўрсатилиши зарур. Масалан: «Улар келиб, уриб кетдилар».

«Умуман олганда,—дейди Арасту,—гап (жумла) ўқишига ва ўқишига қулай бўлиши керак. Богловчилари кўп (узун) жумлаларни тушуниш қийинлашади. Тиниш белгилари (вергул, нуқта, сўроқ, ундов...) қўшилмаган ёзма нутқни ҳам тушуниш қийин». Арасту шу ўринда тушуниш қийин қилиб ёзгани учун «Қоронғу» деб ном олган Гераклитнинг бир жумласини келтиради.

Арастунинг 6-фаслда айтганлари барча замонлар ва барча тиллар учун ҳам аҳамиятлидир. «Тил услубнинг тарқоқ, узун жумлада ёки ихчам жумлада ифодаланиши сабаби шуки,—дейди у,—«доира» деб айтиш ўрнига таъриф, тушунча: «марказдан узоқ нуқталари бир хил масофада жойлашган текис юза» деб айтиса, чўзиқ услугуб, аксинча. таъриф ўрнига исмлар айтиса ихчам услугуб вужудга келади». Арастунинг яна бир муҳим фикри: «Нарсалар ҳақида уларда аслида бўлмаган сифатларни исталганча қалаштириб ташланса чўзиқ услугуб вужудга келади». Бу ерда Арасту тил ва услубнинг ҳаётйлиги ҳақиқатни ифодалаш каби поэтиканинг асосий қонунларидан бирини эслатмоқда.

Етти фаслда услубнинг асосий фазилатлари — унда жонли ҳаётдаги каби туйғу (pathetice) бўлиши, у характерни (ethice) ифодалаш ва ҳақиқатга мувофиқ бўлиши ҳақида сўз

боради. Сүнгги сифат-фазилат шуни билдирадики, нотиқ (ёки адеб, шоир) муҳим нарсалар ҳақида арзимас, енгил сўзлар айтмаслиги, арзимас нарсалар ҳақида тантанавор сўзламаслиги, оддий сўзларни безамаслиги (жимжимадор қилмаслиги) керак. Масалан, Клеофонт «Мухтарам дўлана» дегандай.

Агар ҳақиқатга қарши ғазабланган, ноҳақ ва шармандали ишлардан нафратланган яхши, ажойиб ишлардан хайратланган, қайгули ишлардан маъюсланган одамнинг нутқи (гаплари) ҳис-туйғуга бой, ҳаяжонли бўлади». Арасту яна хушёрлик билан айтадики, баъзи нотиқлар аслида йўқ ҳолатларни ҳам бордай кўрсатиб, ҳис-хаяжон билан гапириб, тингловчиларга таъсир ўтказадилар... Яна: нотиқлар агар яхши, ёқимли нарса-ҳодисалар ҳақида совуқёнлик билан, ёмон ишлар ҳақида мулойим, ёқимли оҳангда гапирса, тингловчиларнинг ишончини йўқотади. Жаҳл билан гапирганди мураккаб сифатлаш ва муболага («фалокат осмондай бепоён» ёки «аждаҳодай» яшовчи деган сўзларни ишлатиш узурли, кечиралидир. Руҳлантирувчи, ҳаяжонли, ҳис-туйғуга бой сўзлар поэзияга ярашади, чунки шеърият — илоҳийдир...

Учинчи китобнинг кейинги фаслларида Арасту насрда гапиравчи шеърий вазнда сўзламаслиги, лекин насрда ҳам оҳангдорлик, равонлик (ритм) бўлиши зарурлиги, ямбий вазн жонли тилга хослиги, трохей ва тетраметрлар — рақсга мослиги, пеон — мадҳияга мувофиқлиги ҳақида гапиради.

Арасту фикрича тинимсиз, давомли нутқ қадимий услубуга хос («Илнада» шу услубда) даврларга бўлинган нутқ сўзлашга ҳам, ишга ҳам осондир. Лекин даврлар (тугал фикрлар) жуда узун ҳам, жуда қисқа ҳам бўлмасин. Зид ва қарама-қарши маъноли сўзларни ўринти ишлатиш (тезис ва антитетислар) ҳам нутқни ёқимли қиласи. Масалан: «Улар шахсий ҳаётда варвар-қуллар хизматидан фойдаланадилар, сиёсий ҳаётда эса ўзларини қулга айлантирадилар». Яна: «Ўз уйларида (юртларида) сизларни сотган эдилар, бу ёқقا келганида ўзлари сотилдилар». Яна: «ўзи мис чақага арзимаса ҳам, унга мис ҳайкал ўрнатдилар».

Арасту учинчи китобнинг 10-фаслида нафас ва таъсирли иборалар қандай топилишни айтади. Аввало, сийقا, ҳаммага маълум фикрларни эмас, иложи борича, охорли, янги билим берувчи сўзларни айтиш зарур. Масалан: «Уларнинг тинчлиги биз учун урушдир». Аниқ-равшан тасаввур қилинадиган сўзларни айтиш ҳам яхши таъсир қилади.

Арасту фикрича, тўрт хил метафорадан энг яхшиси — ўхшашлик (аналогия) асосида тузилганидир. Перикл сўзлари: «Давлатимиз ёшларининг урушда ҳалок бўлиб йўқолиши — йил фаслларидан баҳорнинг йўқолиши кабидир». Лептин сўзи: «Элладанинг бир кўзи кўр бўлиб қолишини истамайман». Лашкарбоши Хабрийни давлат кенгashi ноҳақ жазолашни истаганида «Уни мис ҳайкали ҳимоя қилади» (яъни, унга шарафли ишлари учун мис ҳайкал ўрнатилган). Бу ерда ҳайкал жонлантирилган.

Кейинги фаслларда сўз ўйинлари, (лутфлар), топишмоқ, жумбоқлар, парадокслар, омонимлардан фойдаланиб топилган ҳазиллар, мақол ва мatalлар, гипербола-муболағалар нутқнинг таъсирчанлигини ошириш ҳақида сўз бор боради. 12-фаслда нутқ турлари, мақсадлари ҳам услубни белгиллаши айтилади. «Ёзма нутқнинг услуби бошқа, оғзаки нутқ ва баҳс-мунозара, ҳалқ олдида ёки судда сўзланадиган нутқларнинг услублари бошқа-бошқадир. Ёзма нутқ равон, равшан, баҳс-мунозара нутқида турли одамларнинг фикрлари, сўзларини келтиришда нотиқ актёр каби, уларнинг нутқига ўхшатиш керак бўлади.

Баҳс-мунозарали нутқнинг икки тури бор: 1. Ахлоқий-тарбиявий нутқ услуби билан. 2. Патетик (ҳис-ҳаяжонли) нутқ услуби фарқланади. Эҳтиросларни жунбушга келтирувчи патетик нутқ актёrlик нутқи асосан драмаларда қўлтанилади.

Ўқиганда осон кўринган шоирнинг тили (шеърий нутқ) ҳалқ тинглаётганида тушуниш қийин кўринади. Оғзаки нутқча хос такрорлар ёзганда ёмон кўринади. Арасту фикрича, (таъсирни кучайтириш учун) такрорлар зарур бўлиб қолса, синонимлардан фойдаланиш яхшидир. (Қаранг: Древние риторики. Стр. 150.)

Арасту 13-фаслда ёзадики, ҳар қандай нутқ икки қисмдан иборат: 1. Баён, ҳикоя. 2. Ишонтириш учун далиллаш

қисми. Бошқача айтганда: 1. Вазифа, масалани ўртага қўйиш қисми. 2. Шу масалани хал этиш қисми. Арасту фикрича, нутқни тўрт қисмга ҳам бўлиш мумкин: 1. Кириш (муқаддима). 2. Масала қўйиш. 3. Ишонтириш (далиллаш). 4. Хулоса.

Учинчи китобнинг 14-фаслида Арасту нутқнинг муқаддима қисмини алоҳида кўриб чиқади. Унинг фикрича, нутқ муқаддимасини (достон ёки драматик поэзиядаги пролог, най навосида — прелюдияга ўхшайди. Найчи куйнинг прелюдия қисмida бор маҳорати билан (тантанавор оҳанг (билин) тингловчиларнинг эътиборини тортади. (Людвиг ван-Бетховеннинг «Қаҳрамонлик симфонияси» муқаддимасини эслайлик. Эпидейктив (ахлоқий, тарбиявий) нутқда ҳам нотиқ муқаддимада нималар ҳақида сўзлашини муфассал айтади, сўнг баён қисмига ўтади. Исократ «Елена ҳақида» нутқида софистларнинг эристикасини — баҳс-мунозара усулларини қоралайди. Хуллас, эпидейктив нутқнинг муқаддимаси: мақтов ёки қоралов, ишонтириш ёки ишонмасликка чақириш, тингловчиларга мурожаатлардан иборат.

Арасту шу китобнинг 15-фаслида айбловни рад этишнинг турлича усулларини кўрсатади. Бу усулларда содир этилган қилмиш адолатлими, йўқми, кимга фойда келтиргани ва кимга зарар келтиргани аниқланади, айбдорни нотиқ оқлаш ниятида бўлса, унинг фазилатларини кўпроқ гапириши, камчиликлари ҳақида камроқ гапиради.

Шу ерда Арасту шоир драматург Эврипид ҳаётидан қизиқ бир воқеани мисол қилиб келтиради. Бир душмани Эврипидни Дионис шарафига мусобақада ҳакамлик қилган вақтида қонунни бузди, бунинг учун у судга берилсин, деб ҳақорат қилган экан. Бу даъвони Эврипид «Антидосис» деган асарида рад этганлигини айтади (Досис — ҳақорат, Ан-бидосис — ҳақоратга қарши жавоб, деган маънони билдиради).

16-фаслда Арасту нутқнинг баён ёки ҳикоя қисмини қандай қуриш, айблов нутқида айбдорнинг ёмон ишларини кўпроқ ҳикоя қилиш, ҳимоя нутқида бу ҳақда камроқ ҳикоя қилиш керак. Ҳамма билган, таниган одамларнинг таърифини камроқ айтиш, номаълумроқ одам ҳақида бўлса, унинг

қандай одамлиги ҳақида ҳикояларни күпроқ айтиш зарур бўлади.

Арасту 17-фаслда нутқнинг учинчи — далиллаш қисми-ни таҳлил қиласди (1-қисм — муқаддима, 2-қисм — ҳикоя). Бирор шахснинг айблов иши кўриб чиқилаётганида (суд нутқларида) шу ишнинг зарари каттами, кичикми, агар бу иш қилингани аниқ исботланмаган бўлса, далиллар талаб қилиш, халқ олдидаги нутқда эса, қилинган иш адолатлими, ноҳақликми — аниқлашга кўпроқ эътибор берилади. Бу нутқларда Ҳомер асаридан мисоллар ёки бошқа машҳур донишмандларнинг ҳикматли сўзларини келтириш ҳам далиллаш санъатига хосдир. Рақибидан кейин гапирган одам айтилган айбловларнинг асоссиз эканлигини далиллар билан исботлаш керак бўлади.

18-фаслда Арасту суд нутқларида айбловчига уч ҳолатда мантиқий саволлар бериб, айбномани рад этиш мумкинлигини айтади. У бундай мисол келтиради: Суқротни «Худолар»га ишонмайди, деб, ўлимга ҳукм қилишни истаган айбловчи Мелеттга у: «Менинг демонларга (фаришталарга) ишоннишимни тан оласанми? — деб сўрайди. Мелет «Ҳа» деб жавоб беради. Кейин Суқрот: «Ундай бўлса ғалати-ку. Худонинг фаришталарига ишонган одам Худонинг ўзига ишонмайдими? — деб савол беради ва шу тариқа айбловни рад этади». (Айбловчилар енгилганига қарамай, аввалдан ўзаро келишиб олган суд ҳайъати аъзолари Суқротни ўлимга ҳукм этадилар ва қайси хилда ўлишни ўзи хал қилсин, — дейдилар. Муддати етганда Суқрот цикута заҳарини ичиб, ҳалок бўлади, қонунга қаршилик қилишни истамайди.)

Яна бир ҳолатда, дейди Арасту, рақиб саволга жавобида соғистлар каби «ҳам шундай, ҳам шундай эмас», деб жавоб берганида, бу жавобнинг мантиқизлигини айтиш зарур. Агар рақиб ўзининг аввалги фикрига қарши фикр айтган бўлса, буни ҳам фош этиб, унинг фикрини рад этиш мумкин.

Гоҳида эса, қарши томоннинг жиддий гапига ҳазил билан ёки ҳазилига жиддий гап билан жавоб бериш керак. «Биз «Поэтика» асарида ҳазиллар неча турли бўлишини айтганмиз», дейди Арасту. Атоқли олима А.А. Тахо-Годи изоҳ

беришича, «Поэтика»нинг ҳазилнинг турлари ҳақидаги қисми бизгача етиб келмаган.

Арасту «Риторика» учинчи китобининг сўнгги 19-фаслида нутқнинг хулоса қисми ўз навбатида яна тўрт қисмга бўлинишини айтади. Бу қисмлар: 1. Аввалги далилларга асосланиб, ўзининг ҳақли эканини, рақибининг ноҳақлигини эслатиш. 2. Муболага ва камайтиришдан фойдаланиш. 3. Тинг-ловчиларни қиздириш. 4. Қайси мақсадда нутқ сўзлаганини эслатиш.

Бу тўрт қисмнинг ҳар бирини қандай бажариш «Риторика»нинг биринчи ва иккинчи китобларида муфассал баён қилинган эди.

Хулоса қилиб айтсак, Арасту «Риторика»сида бу санъат умуман тилга, нутқа алоқадор бўлиш билан бирга, нутқнинг насрий, шеърий ва драматик турларига тааллуқли бўлиб, айни вақтда нотиқлик санъатида ҳам бадий наср, поэзия, драматик санъатларнинг бадий тасвир воситаларидан фойдаланиш мумкинлиги ҳақида фикр юритилади. Яна, риторика санъати диалектикага, фикрни мантиқий асослаш, зиддиятли фикрлардан ҳақиқийларини ажратиб олиш илмига ҳам яқин, яъни шу илмдан ҳам фойдаланиш шарт.

Лекин Арасту «Риторика»сининг қиммати фақат шуларда эмас. Энг муҳими, бу асарда Арасту нутқнинг барча турларида нотиқ фалсафани, ахлоқий, маънавий баркамолликни, адолат ва ҳақиқат, гўзаллик ва инсоний фазилатларнинг ҳимоясига, уларнинг ғолиб чиқишига хизмат қилиш зарур.

ИЗОХЛАР

¹ «Поэтика»нинг барча бобларига сарлавҳалар атоқли арас-тушунос ва таржимон М.Л. Гаспаров томонидан қўйилган. В.Г. Аппельрот таржимасида бу сарлавҳалар йўқ.

² Эмпедокл — милод. ав. V асрда яшаган, «Табиат ҳақида» поэмасининг автори, Арасту бошқа бир ўринда уни «Энг Ҳомерона» шоир дейди. Аммо, шунга қарамай, «акс эттириш предметига кўра» у шоир эмас, олимдир.

³ Ҳеремон — милод. ав. IV асрда яшаган, драма ижодкори.

⁴ Машҳур Полигнот ва колофонылик Дионисий Юонон — Эрон урушлари даври (милоддан ав. VI аср)да яшаган. Карикатурачи Павсон сал кейинроқ, Аристофан даврида ўтган.

⁵ Клеофонт — кейинроқ тубан поэзия вакили сифатида тилга олинади. Гегемон (V аср охири) ва Никохар (IV аср) комедиографлар.

⁶ Тимофеј ва Филоксен — IV аср хор лирикасида янги услуб-нинг энг йирик вакиллари. Улар тубан нарсалар тасвири билан ҳайратлантиришган (Филоксеннинг машҳур одасида бир кўзли дев Полифемнинг севгиси кўрсатилади).

⁷ Бу ерда а) қаҳрамонлар нутқи бериладиган эпос; б) дифи-рамба; в) драма санаб кўрсатилмоқда.

⁸ Мегара — Афина яқинидаги дорийлар шаҳри. Сицилия Мегараси шу Мегаранинг Сиракузя яқинидаги мустамлакаси. Эпихарм милод. ав. 550-445 йилларда яшаган: афиналик илк комеди янавислар Хионид ва Магнет 488 ва 472 йилларда ижод этишган.

⁹ Афинада «комлар» деб қишлоқларни эмас, аксинча шаҳар маҳаллаларини айтишган.

¹⁰ Ўхшатиш, акс эттириш табиийлиги ҳар қандай санъатнинг манбай, гармония ва ритм табиийлиги — поэзия санъатининг манбай.

¹¹ Драматик тасвирлар — яъни драма сюжетидаги кескин ўзгариш, тўсатдан билиш ва бошқа унсурлардан иборат тасвирлар.

¹² Ўз ҳолича — ривоят, характер, нутқ ва фикрда ўз ҳолича, музика ва саҳна безагида — театр томошаси сифатида.

¹³ Арасту хор қўшиқлари орасида куйловчи бошловчиларни биринчи актёрлар деб ҳисоблайди.

¹⁴ «Хато» — хатти-ҳаракатда, «мажруҳлик» — характерда. Нуқсон трагедия асосида ҳам бор, лекин у ерда «дардли» ва «зарарли».

¹⁵ Трагедияда хор VI аср охиридан, комедияда — 465 йилдан давлат ҳисобига ўтган. Бинобарин, Хионид ва Магнет у вақтда ҳаваскорлар орасида ижро этишган.

¹⁶ Эпихарм ва унинг издоши Формий илк марта «коҳиши» қўшиқларидан «кулгили» қўшиқларга ўтган шоирлар саналади. Кратет ҳам Аттика комедиясида шундай қилган.

¹⁷ Арасту асаридаги «ривоят», «миф» лотинча таржимада «фабула» деб олинди ва адабиётшуносликда кенг оммалашиб кетди.

¹⁸ «Бахт хатти-ҳаракат туфайли келади» — Арастунинг «Нижомахам ахлоқи» асаридаги фикр.

¹⁹ «Энг янги», Эврипиддан кейинги давр шоирлари, чамаси, анъанавий ривоятлардаги бир хиллиқдан қутулиш учун сюжетларни ишлашга алоҳида эътибор беришган бўлса керак.

²⁰ Чамаси, Зевксид идеал гўзалликка эришмоқ учун характерли сифатлардан воз кечган шекилли.

²¹ Ҳамдардлик ва қўрқинч уйғотиб, дилни мафтун қиласди.

²² Энг қадимги шоирлардан бири Фриних бўлса керак.

²³ Оддий сурат билан, ёки кейин бўяладиган дастлабки чизиқлар билан.

²⁴ Янги трагиклар, чамаси, нутқ — тилдан асосан сюжетдаги ўзгариб турувчи вазиятларни тасвирлаш учун фойдаланишган.

²⁵ Ҳажмга эга бўлмаган, яъни жуда кичик ҳажмли.

²⁶ «Одатдаги уч трагедия ўрнига юз трагедия» — яъни ҳар асарни қўйишга шу қадар кам вақт кетадики, у вақтни судда нотиқларга ажратилган вақт билан қиёслаш мумкин. Қадимги судларда вақт сув соати билан ўлчангандан.

²⁷ Сокин одам қатнашадиган воқеа ва фаол шахснинг «хатти-ҳаракатлари» кейинги саҳифаларда кўрсатилади.

²⁸ Манбаларда тўртта «Хераклнома» ва учта «Фесейнома» («Тесейнома») тилга олинади.

²⁹ Арасту бизгача етиб келмаган «Шоирлар ҳақида» асарида «истеъдод» ва «санъаткорлик», «маҳорат» тушунчаларини қиёслаган. Чамаси, у санъаткорликдан «истеъдод»ни устун қўйган.

³⁰ Арасту «комедия» деганда қадимги, Аристофан давридаги ямбнавислик асарларини эмас, янгича комедияни назарда тутади.

³¹ Агафон — Эврипиднинг кичик замондоши, Афлотуннинг «Базм» асари қаҳрамони, трагик поэзияга муҳим янгиликлар киритган. Унинг пьесаси «Гул», «Анфей» (тўқима исм) деб ўқилиши мумкин.

³² Ҳақиқатан юз берган — Эсхилнинг «Форслар» асари ва IV асрдаги бошқа тарихий трагедия намуналари.

³³ Аргослик Митий — Демосфен томонидан жанг арава эгаси деб тилга олинади. Митий мусобақа ғолиби сифатида ҳайкал ўрнатишга сазовор бўлиши мумкин.

³⁴ «Линкей» — Арастунинг замондоши «Феодект» драмаси.

³⁵ Эврипид. «Ифигения Таврида»да Ифигения Пиладга «Акамга элтинг», деб хат беради. Шунда Орест синглисини таниб қолади. Пилад эса хатни ёнида турган Орестга беради. Шунда Ифигения акасини таниб қолади.

³⁶ Кейинроқ трагедиянинг одатдаги таркибий қисмлари тасвирланади. 1. Диалогли ёки монологли пролог; 2. Парод — хорнинг дебочаси; 3. Кейин диалогли саҳналар (эпизодийлар) ва хор қўшиқлари (стасимлар) навбатлашиб келади; 4. Сўнгги стасимдан кейин диалогли эксад (ечим) келади. Саҳна қўшиқлари (ариялар, монодиялар) Эврипид вақтидаёқ кўпайган эди.

³⁷ Анапест — марш вазни, трохей, — рақс вазни ҳисобланган. Шунинг учун ҳар иккиси «турғун хор қўшиғида» ўринсиз ҳисобланган.

³⁸ «Одамийлик» — бу ўринда: илк инсоний туйғу. Шу туйғудан ҳамдардлик ва қўрқув туйғулари камолга етади.

³⁹ Арастуга кўра, «хато» — ёмон ният билан эмас, билмасдан қилинган хатти-ҳаракат («Никомах этикаси»). Ўзи билмасдан Эдип отасини ўлдиради, Фиест болаларининг гўштини ейди.

⁴⁰ Яъни томошабинларда гоят кучли ҳамдардлик ва қўрқув уйғотади. Камчилик — ривоятлар, характерлар, хорларда.

⁴¹ «Орест ва Эгисф» — Алексиднинг (?) номаълум афсонавий комедияси. Бахтиёрлик билан тугайдиган трагедиялар — Еврипиднинг «Алкестида» ва «Елена» асарлари.

⁴² «Фаройибот» — минг кўзли Аргус, боши одам, гавдаси от кентаврлар, сигир қиёфасидаги Ио ва бошқалар.

⁴³ Астидамант I-IV аср бошида яшаган трагик. «Ярадор Одиссей» автори — Софокл.

⁴⁴ Софокл. «Антихона», чопарнинг гўристондаги можаро ҳақида ҳикояси.

⁴⁵ Эврипиднинг (?) «Кресфонт»ида бегона юртларда ўсган ўғил отасининг учини олиш мақсадида келади ва уни танимаган онаси қўлида ўлишига сал қолади. «Гелла» трагедиясининг автори ва сюжети маълум эмас.

⁴⁶ «Тўрт мақсад» — умуман трагик қаҳрамонга, қандайдир турдаги трагик қаҳрамонга, шу асардаги трагик қаҳрамонга ва ўз-ўзига муносаблик.

⁴⁷ Аньанавий афсонавий образга ўхшаш.

⁴⁸ Ноизчил — масалан, Ахиллнинг кайфиятидаги ўзгаришлар.

⁴⁹ «Орест» — Эврипид драмаси. «Сцилла» — Тимофей дифирамби (унда Одиссей дўстларини Сцилла еб қўйгани учун қайфуради). «Меланиппа» — Эврипиднинг шу номдаги трагедияси. (Унда Меланиппа аёлларга хос бўлмаган нутқ сўзлайди.)

⁵⁰ Эврипиднинг «Медея»сида қаҳрамон аёлни воқеадан олиб кетиш учун театр машинасидан фойдаланилади.

⁵¹ «Эдип»даги мантиққа зид воқеа. Чамаси, Эдип узоқ йиллар давомида Лаййнинг ўлими сабабини суриштириб билмаганлиги ҳақида гап бораётган бўлса керак.

⁵² Трояликлар баҳодири Гектор юонон баҳодири Патроклни ўлдиради. Патроклнинг дўсти Ахилл яккама-якка жангда Гекторни ўлдиради, шунда ҳам ғазаби босилмай, унинг жасадини жанг аравасига боғлаб шаҳар атрофида судраб айлантириб юради. Оқсоқоллар ҳар қанча насиҳат қилсалар ҳам Ахиллнинг ғазаби босилмайди.

⁵³ Афсонага кўра, аждаҳо тишидан дунёга келган кадмилликларнинг баданида найза изи бор экан. Милоддан ав. IV аср шоири Каркин драмасида Фиестнинг фил суюгидай оппоқ елкаси юлдуздай ярақлаб турар экан. Софокл трагедиясида малика Тиро Посейдондан туққан фарзандларини тоғорачага солиб дарёга оқизиб юборади. Бегона элларда ўсган болалар улғайиб ватанига тоғорачани олиб қайтишади, онаси шу белгидан фарзандларини таниб қолади.

⁵⁴ «Тўкувчи мокисининг овози» — Терей томонидан зўрланган ва тили кесиб ташланган Филомела дастгоҳда матоҳ тўқиб,

бўлган воқеани тасвирлайди ва шу матоҳни Терейнинг хотини Прокнага юборади.

⁵⁵ Бу асарларнинг сюжети бизга равшан эмас.

⁵⁶ «Одиссей — сохта хабарчи» асари ҳақида ҳам бизда етарли маълумот йўқ.

⁵⁷ *Merostes politikes* — «Никомах этикаси»нинг бошланишида ҳам сиёsatни фанларнинг меъмори деб улуғлаш фикри бор (Юнонча сиёsat — политикос, давлат деганидир — М.М.).

⁵⁸ *Spoysaion einai aretas ekhein* — Арасту учун фазилат ва яхшилик ташқаридан буйирилувчи фармон эмас, балки шахсий ва ижтимоий амалиёт ишидир: руҳий ҳолатнинг мусаффо, ишончли ва яроқли экани хатти-ҳаракат ва қилмишларнинг тӯғрилиги гаровидир.

⁵⁹ Этика — ахлоқ сиёsatнинг бир қисми, аммо полис (шашар-давлат) адолат ва дўстлик асосига қурилса, сиёsat — ахлоққа мутлақо боблиқ бўлиб қолади. Шундай алоқадорлик эътиборга олинса, сиёsat оқилоналиги (ҳарбий санъат, иқтисод ва риторикага эмас) балки ахлоққа боғлиқдир. Кейинги уч соҳа сиёsatга бўйсунади, ахлоқ эса сиёsatни бошқаради. Арасту бу ерда сиёsat ва ахлоқни яхлит ҳодиса деб билувчи Афлотун билан ҳамфикрdir. («Давлат ёки Адолат ҳақида» асарининг номига эътибор беринг.) Афлотун полис, шаҳар-давлат ва «кўнгил шаҳри», сиёсий фаолият ва ички, маънавий фуқаролик тушунчаларининг яқинлиги ҳақида гапиради. (Афлотун фикрича) болалар тарбияси — уларнинг кўнгиллари шаҳрида фаровонлик сиёsatи foяларини сингдириш (гуллатишdir). Арасту ҳам кўнгилдаги фуқаролик билан ташқи фуқаролик, кўнгил тузуми билан давлат тузуми яқин бўлиши зарурлигини айтади. Иккала алломанинг бу ҳақдаги фикрида фарқ шундаки, Афлотун учун «кўнгил шаҳрида» самовий, илоҳий қонунларни жорий қилиш муҳимdir (ислом файласуфларининг давлат сиёsatига қарашлари ҳам Афлотун фалсафасига жуда яқинdir, шу туфайли Шарқда Арастудан кўра Афлотун фалсафаси машҳурроқ эди. Қаранг: Форобий. Талхиси навомиси Афлотун — Афлотун қонунларнинг моҳияти ҳақида. Урфон Отажон таржимаси. Форобий. Фозил одамлар шаҳри. Муҳаррир: М.Хайруллаев. Тузувчи. М.Маҳмуд) Афлотун учун кўнгилдан ташқаридаги давлат фуқаролар (ва раҳбарларнинг — М.М.) ички, руҳий оламининг фақат модели — нусхаси ва

рамзидир. Арасту учун эса, одамларнинг кўнгиллари тузуми фуқаро ва давлат тузуми билан боғлиқлиги, инсон ўзлигини топиши учун умум (халқ) иши (инсонпарвар сиёсат) зарурдир. Унинг фикрича, бир инсон учун яхшилик қилишдан, кўпчилик, халқ учун яхшилик қилиш афзалдир (аммо бунинг учун аввал айрим инсонларга яхшилик қилиш керак. — М.М.)

⁶⁰ Арастунинг пифофурчилар ҳақидаги асари сақланиб қолмаган. Қўйироқда, I китобнинг 33-бобида Арасту пифофурийлар адолати — «ўзаро тенг жазо олиш» (*to antiperentes*) ўзига ўзи кўпайтирилган сон-квадрат ҳақида гапиради. Бу ерда фақат тенг жазо эмас, балки миқдорлар мутаносиблиги — ўзаро пропорционаллик ҳақида гап боради.

⁶¹ Этика, ахлоқ илмининг вазифаси табиий фазилат, яхшиликларни ўйлаш, ният қилиш, кўпайтириш соҳасида амалий ишлар қилишдир. (Ҳаётдан узоқ) ғояларни мушоҳада қилиш эса одамни чалғитиб, совуқон қилиб қўйиши мумкин. Арасту мазкур 1-бобнинг ҳаммасида Афлотуннинг оламни мавжуд олам ва ғоялар оламига бўлиши фалсафаси билан баҳс қиласди.

⁶² «Никомах этикаси»да илоҳий шодликнинг соддалиги айтилади (VII китоб, 15-боб). «Метафизика»да Худои таолонинг ўз бунёдкорлик фаолиятидан роҳатланиши (XII китоб, 7-боб) ва «Политика»да Ҳақ таолонинг меҳрибонлиги, раҳмати, жаннатий шодлиги ҳақида фикр юритилади (VII китоб, 1-боб).

⁶³ Арасту «ёки» деганида кўпинча аввалги тезиснинг зидди, раддини айтади. Ахлоқий неъмат мавхум ғоя эмас. Ахлоқий неъмат: 1. Ҳар бир аниқ мавжудот учун яхшилик эканлигини; 2. Ғояни; 3. Умумий тушунчани; 4. Индукция натижасини англатади. Биз бу ерда биринчи маънони қабул қиласди.

⁶⁴ Афлотуннинг ўзи ғоялар ҳақида аниқ ва абстракциясиз ўйлашни ва гапиришни билар эди. Арасту, бу ерда Афлотунни эмас, балки унинг фалсафий мактаби издошларининг мавхум ғояларини танқид қилмоқда. Шу маънода амалий фан, санъат ва ҳунарнинг вазифаси неъматларнинг турлари ҳақида ўйлаш эмас, балки ўша неъматларни бунёд этишидир. Арасту фикрича, «Никомах этикаси»да ҳар қандай билим унинг ифодаси бўлган аниқ нарсалардан олингач, уларнинг ғояси ҳақида гапиришнинг ҳожати йўқдир.

⁶⁵ Epistemon pason — бу ерда фан — санъат ва ҳунар билан ўхшаш маънода олинмоқда. Учта «Этика»да ҳам Арасту фанни амалий фаолият сифатида тушунади.

⁶⁶ Арасту айтган, етишиш қийин бўлган «ўрталиқ», «ўртача йўл тутиш» тушунчаси «ўргача одам» маъносига зиддир. Бу ерда гап ифрат — ҳаддан ошишнинг ҳар икки қутбидан қочиб, марказий мавқеда туриш ҳақида сўз боради. Мисол учун «Оломон»га мансуб одамлар (ёрқин шахслардан фарқланиб — М.М.) гоҳ қизиқон-жаҳлдор, гоҳ лоқайд, гоҳ жуда мақтанчоқ, гоҳ индамас-писмиқ одамлардир. (Шарқ донишмандлари айтган олтин меъёр шудир — М.М.)

⁶⁷ Суқрот ва Афлотун фикрича, биз одамлар ўз ихтиёrimiz билан эмас, балки нафсимиз буйруғига бўйсуниб, ёвуз ва гуноҳ ишлар қиламиз; бизни ақлсизлик (яхшиликлардан) маҳрум қиласди», ғам-ташвишлар «маҗбурлайди», лаззат, роҳатлар «йўлдан оздиради». Ёвузлик (кўпайишининг) сабаби жамиятнинг чала, номукаммалиги, ҳақиқий билимларнинг етишмаслиги ва (покиза, тўғри) яшашни билмаслигимиздандир.

⁶⁸ Бу ерда Искандарнинг Ҳиндистонга ҳарбий юришига ишора бўлмаса керак. Арасту кўпчилик асарларида Ҳиндистонни «жуда олис ўлка, у ёқдаги воқеаларга биз таъсир кўрсатолмаймиз», деб ёзади. Шуниси қизиқки, Афлотун ва Арасту кўпинча Миср донишмандлиги, илм-фанлари ҳақида галирадилару, аммо ҳинд фалсафаси ҳақида индамайдилар. (Бизнинг ватандошимиз Абу Райҳон Беруний «Осорул боқия» ва «Ҳиндистон» асарларида ҳинд фалсафий таълимотлари ҳақида муфассал маътумотлар беради — М.М.).

⁶⁹ Юонча: *kai anei toy prattein*. Афлотуннинг ақлга хос кўринимас гўзаллик (нуйс) ҳақидаги фикрини давом эттириб, Арасту шу гўзаллик қандай ифодаланишини айтади. Арасту учун севги ҳам агар ифодаланмаса, у севги эмасдир («Никомах этикаси», 1-боб, Ўша китоб, 2-боб).

⁷⁰ Суқрот жасурликни билимга боғлар экан, фақат оддий хабардорлик ва малакани назарда тутмайди, албатта. Суқрот фикрича, билим фазилат билан тенг ва у тўғри ўйлаш ва оқилликка яқиндир. Арасту фикрича ҳам фазилатлар шулардан келиб чиқади. Бу ерда ҳам Суқротнинг ўзи эмас, балки унинг таълимотини нотўғри талқин этувчиларнинг фикрлари рад этилмоқда.

⁷¹ Омир, Ҳомернинг «Илиада» («Илионнома») асаридаги юононлар баҳодири Аҳиллга қарши курашувчи троялик қаҳрамон Гекторнинг жанг олдидаги айтган сўзлари — М.М.

⁷² Олий неъмат ор-номус эмас, бахтиёрликдир. (Бу ерда, албатта, ор-номус ҳам буюк неъмат, аммо) Арасту олижаноблик, олийҳимматни барча фазилатларнинг осмонига ўхшатар экан, бундай ҳиммат бошқа фазилатларга ҳам йўл очишини кўрсатади. Ана ўша фазилатларнинг барчаси — евдемония — бахтиёрликни ташкил этади ва у неъматлар орасида энг эъзозлиси (*timion*) деб ҳисобланади. («Никомах этикаси»).

⁷³ Бу хусусда «Никомах этикаси», IV китоб, 10-14-бобларга қаранг. Арасту бу ерда санааб ўтилган ўрталик — меъёллардан 6 тасини (мустақыл) фазилатлар қаторига қўшмайди: ёмонликдан норозилик, ўз қадрини билиш, уят ва камгарлик, ҳазил-мутойиба, хушмуомалалик, дўстпарварлик ва ҳаққўйлик. Булар барчаси «ҳаяжонли ҳолатларнинг ўрталиги» (*pathetikai mesotetes*)дир. Уларни қисман аффектлар (руҳий камчиликлар) — нуқсонли ҳиссият, эҳтиросларга, қисман ҳали камол топмаган табиий, тугма фазилатлар қаторига киритади (арастушунос олим В.В.Бибихиннинг бу фазилатларни Арасту шундай талқин этганлиги ҳақидаги изоҳларига биз қўшилмаймиз. Чунки Арасту бундай қадрли хислатларни аффектлар — нуқсонлар қаторига қўшиши мумкин эмас — М.М.).

⁷⁴ Афлотун адолатни «мукаммал фазилат» дейди. У «Давлат» асарида ҳам адолатни барча фазилатларнинг етакчиси, дейди. У, «Адолат олижанобликдан ва ҳатто оқилликдан ҳам юксакроқ фазилатдир, чунки адолат бошқа барча фазилатларни ўз ичига олади, шу маънода у барча фазилатлар жамидир» (*hole arete*) деб ҳисоблайди. Чунки адолат фуқаролардан (айрим) фазилатларга эга бўлишни эмас, балки (илоҳий) қонунларга амал қилишни талаб этади. («Никомах этикаси», V китоб, 3-боб). Арастунинг адолатга оид бу фикрини И.Кант сал ўзгартириб: «Бизга тепамизда юлдузли осмон, қалбимизда маънавий фармон (илоҳий қонун) бўлса. бас», деб ифода қилган эди (И.Кант. «Амалий ақлни танқид» асари. Хулоса).

⁷⁵ Қаранг: «Никомах этикаси». V китоб, 3-боб. Арастунинг «Адолат pros heteron (бошқаларга нисбатан)» деган фикри Афлотуннинг кўнгил хотиржамлиги, ўзимизга адолат, деган фикрига қаршиидир. (Яхши, теранроқ ўйлаб қаралса Афлотун ва Арастунинг бу фикрлари ўргасида зиддият йўқдир — М.М.).

⁷⁶ Афлотуннинг «Республика» асаридаги эҳтиёж сабабли айирбошлиш назариясини Арасту «Никомах этикаси», V китоб, 8-бобида муфассал баён қилган.

⁷⁷ Юқоридаги 4-изоҳга, шунингдек, «Никомах этикаси», V китоб, 8-бобга қаранг.

⁷⁸ Koinono gar hoi politai tines. Кенг маънода: «Фуқаролар ўзаро умумий (мулкларга) эга бўлгани, яъни тенг ҳуқуқли бўлгани учун ҳамжамият (бу ерда жамият маъносида) тузадилар».

Афлотунда, шунингдек, софистларда, кейинроқ стойикларда учрайдиган *orthos logos* — «чин ақл» иборасини Арасту ўзининг меъёр (ўрта йўл тутиш) таълимотига асос қилиб олган. Афлотун ҳам «Республика» асарида «Доимо ўрта йўлни топишни билиш керак» деган эди (Х китоб, 619а бобида). Инсон ақлли мавжудот (*logon ekhon*), шундай экан, у асл руҳи, ўзлигини топиш учун ҳар қандай тушуниш эмас, балки энг тўғри тушуниш асосида иш тутиши керак. Айни вақтда *orthos logos* — қарама-қарши қутблардаги гуноҳлардан қочиш учун тўғри мавқе, нисбатни, яъни фазилатни топишдир. Арасту фикрича, оқилона фазилатларни ва фозил ақлни фикрий мантиқ йўли билан топиш мумкин эмас (ёки топиш қийин), меъёрни қалбан ҳис этиш керак. Амалиётнинг сўнгти мезони ҳис-туйғудир.

⁷⁹ Арасту таълимотида оқилона ҳис-туйғу (*aisthesis*) — баъзан логос (ақл)дан устундир. Фақат индивидуал, шахсий муайян ҳолатгина эмас, балки англашнинг биринчи асослари ҳам «оқилона туйғу» билан топилади. «Оқилона ҳис-туйғу» (*aisthesis*), дастлабки сезги нуйс (*noys*) билан тенгdir.

⁸⁰ Бунёд этиш ва ясаш (*poeisis*) ижро ва ҳаракат (*praksis*)ларнинг фарқланиши ҳам Афлотунга ва ундан ўтиб, Ҳесиодга уланади.

⁸¹ Суқрот софистларга қарши чиқиб, фазилатни билим ва ақлга тенглаштиради. (Юқорида, 70-изоҳга қаранг). «Ҳозирги файласуфлар» (Яъни, Афлотун академиясининг барча шогирдлари ҳам Афлотунга издош эмас эдилар) топган *kata ton orthon logon* (тўғри ўйлаб иш тутиш) дастурини баъзилар ақлга бўйсунмайдиган фазилатлар ва ақлга зид бўлмаган фазилатлар деб тушундилар. Арасту эса *meta toy orthos logos* (тўғри ўйлаш асосида ва қалб амри билан) деб ўрта йўлни ифода қилди: бунда фазилат, эзгулик, ақл — логосда йўқолиб ҳам кетмайди, аммо ақлга зид иш тутмайди ҳам. Бу foя аслида Афлотунда ҳам бор (*meta phroneseos*).

⁸² Юқорида тилга олинган (72, 74-изоҳларга қаранг) олижаноблик ва адолат, яна оқиллик (*phronesis* — фронесис) ўз энтелихиясида (кўнгил интилишларининг «тўғри ўйлаш» билан қўшилганида) амалда барча фазилатларни ўз ичига олади. Бу Афло-

тун айтган намунали, мукаммал сиёсат давлатнинг барча қисмларини бошқарганидек, бу фазилатлар мажмуаси ҳам дил, кўнгил хатти-ҳаракатларини бошқаради. (Форобий. «Фозил шаҳар одамларининг қарашлари» асарида бу масалани янада чуқурлаштириб, шаҳар-давлат бошида турган одамда барча зарур фазилатлар етишмаса, турли фазилатлар соҳиблари бирлашиб, давлатни адолатли бошқарадилар, дейди. Бунда Форобий парламентли республика тузумига хос коллегиал ташкилот — Олий Кенгаш ёки Олий Мажлис аъзолари ақлий кучлари ва фазилатлари биргалашиб, давлатни адолатли бошқаришларини кўзда тутади — М.М.).

⁸⁴ Кўнгилнинг эҳтиросли интилишлари билан «тўғри ўйлаб иш тутишнинг уйғунлиги (энтелехия) Арасту ахлоқий таълимотида жуда муҳим бўлганидан, у ички курашлар давомида эришиладиган вазминликнинг ўрни қаерда эканлигини белгилай олмайди. Шунга кўра, тийиқсиз одам ахлоқсиз, бузуқ одамдан яхшироқ деган фикрга келади. (Рус арастушуноси В.В.Бибихиннинг бу талқини тўғри эмас. Бу ерда Арасту масаланинг жуда ўткирлигини ҳисобга олиб, шу тарзда ўргага қўйган. Мазкур масала жуда кўп муҳокамаларга арзиди — М.М.).

⁸⁵ Арасту кичик Суқротдан фарқлаш учун шундай дейди. Бу сўзни «Муҳтарам, ёшулли Суқрот» деб ҳам таржима қилиш мумкин. Суқрот фикрича, пухта билим — кўнгилдаги энг ҳукмрон қобилиятдир. Шу маънода бирор соҳада пухта билимли одам иродасизлик қилиди, деб бўлмайди: бу ерда иродасиз дейилаётган одам шунчаки ҳаётдан нима исташини ўзи яхши билмайди. (Бу масаланинг шундай шарҳланишига ҳам биз қўшилмаймиз. Бу ҳақда алоҳида фалсафий рисолалар ёзид, чуқурроқ ва тўғрироқ шарҳлаш мумкин — М.М.)

Sophrosine нинг оқиллик ёки сўзнинг этимологий (келиб чиқиш) маъносига кўра «ҳалол» дейиш мумкин. Чунки бу ерда шунчаки, босиқлик, вазминлик ҳақида эмас, балки нопок, гуноҳли ишлардан сақловчи мукаммал фазилат ҳақида гап боради. (Бу оқилона шарҳга биз ҳам қўшиламиз — М.М.).

⁸⁶ Арасту «Никомах этикаси»да бу ҳақда кенгроқ тўхталган (VII китоб, 5-бобда).

⁸⁷ Бу иборалар Арастунинг «Биринчи аналитика» асаридан кўра, «Топика» асарида кўпроқ учрайди. Баъзи асарларини адаптириб юбориш Аастуга хос эмас.

⁸⁹ Яъни, босиқлик, вазминлик, мақтоворлық түлиқ фазилат бўлмаса-да, у доим фазилатдан узоқ эмас.

⁹⁰ Матн «Никомах этикаси»га қараб тўлдирилди (VII китоб, 6-бобга қаранг).

⁹¹ Фақат гапида туриш (принцип) учун ёмонлик қиласидиган одам энг ёвуз одамдир. Сирақузалик Дионисий (бу шахс «Политика» («Сиёсат») ва «Риторика» («Хитоба»)да ҳам тилга олинади), шунингдек, Афлотуннинг хоин шогирди, Хераклея тиранни Фаларид шундай одамлар эди.

⁹² Арасту этикасига хос психоанализ — руҳ таҳлили бу ўринда асосий мавзу сифатида талқин этилади. Арасту психологияси — ривожланган фан даражасида, аммо унинг ҳозирги психологиядан фарқи — Арасту руҳий касалликларни эмас, соғлом руҳий ҳолатларни тадқиқ этган.

⁹³ Сўзлар ўта ихчамлигидан бу ўринни тушуниш қийин бўлиб қолган. Эҳтимол, бундай маъно кўзда тутилган: бирор учун ёмон кўринган ҳузур-ҳаловатли иш бошқа одам учун бошқа вақтда ва бошқа ўринда неъмат бўлиши ҳам мумкин. (Арасту фикрича), чинакам роҳат, ҳузур-ҳаловат доимо аниқ, шахсий иш бўлиб, у ҳаёт тажрибасига, санъаткорлик ва зийракликка ҳам боғлиқдир. Ф.Дирльмайер фикрича, Арасту ҳедонизми (роҳатпарварлиги) шу қадар руҳланганки, бу сўз ҳатто ўз маъносини йўқотган (яъни, мутафаккир моддий лаззатдан кўра, руҳий лаззатларни афзал кўрган — М.М.). Шу маънода Арасту эвдемонизм (ҳаётпарварлик)нинг мумтоз вакилидир. Аммо унинг эвдемонизми хедоний эмас, балки аретологий (фазилатлар эгасига хос) эвдемонизм эди (Лебедев А. Аристотель. Фалсафа энциклопедик луғати. М., 1983, саҳ.37, русча).

⁹⁴ Яъни: агар илмлар роҳат бермаса, умуман роҳатнинг кераги йўқ бўлиб қолади. «Роҳат берувчи илмлар» ибораси Афлотуннинг «Ҳорфий» асаридан олинган.

⁹⁵ Тўғри, яъни эзгу ақлга мувофиқ келмайдиган, ёвузлик, ёмонлик учун ишлатиладиган фазилатни умуман фазилат деб бўлмайди. Инсоний майларнинг логос (ақл) ва маънавий-ахлоқий фазилатлар билан боғлиқлиги Арасту фикрича, инсон табиати, жавҳаридан келиб чиққандир.

⁹⁶ Дирльмайер шарҳи: «Арасту баҳтли тасодиф, омадни гоҳо «натижга» эмас, «сабаб» деса ҳам бу фикрини ойдинлаштириб, яна бундай дейди: «Омаднинг сабабкори — бизнинг фазилати-

миз ва яхшиликка, неъматга интилишимиздир. Мабодо агар ёмонликдан яхшиликни афзал деб билмаганимизда бизга яхшилик қаёқдан келар эди? Шу маънода омад — сабаб эмас, натижадир».⁹⁷

Анъанага кўра, *kalokagatia* — калокагатия (маънавий гўзаллик) ички, руҳий қадр-қўймачнинг ташқи неъматлар билан қўшилишидир. Аммо Арасту бу фикрни яна теранлаштириб, инсонни ташқи неъматларга (бойлик, мансаб ва ҳоказоларга) эришганида ҳам айнитмайдиган фазилатлар соҳиби маънавий гўзалдир, дейди.

⁹⁸ И китобнинг 34-бобига ва 79, 82-изоҳларига қаранг. Арасту бу ерда «Мувофиқлик» ва «биргалик» сўзларининг фарқига эътибор бермайди. Уламолар сезганидек, Арасту кўпинча ўзи ихтйро қилган техник терминларга унчалик эътибор бермайди. (Кенин A. Аристотель этикаси. Оксфорд, 1978, саҳ.220).

⁹⁹ «Зоғча зоғчанинг кўзини чўқимайди», «тeng тенги билан». Қаранг: «Никомах этикаси», VIII китоб, 2-боб.

¹⁰⁰ «Ит ва фишт», «қурғоқ ер ва ёмғир». Яна 90-изоҳга қаранг.

¹⁰¹ Эврипиднинг «Орестея» трагедиясидан. М.Гаспаров таржимаси.

¹⁰² Қаранг: Арасту. Метеорология. II китоб, 2-боб.

¹⁰³ Эврипиднинг «Орестея» асаридан.

¹⁰⁴ Худо — одамларнинг хулқига доир фан мавзуи эмас.

(Арасту инсон хулқи ҳақидаги илмлар оддий мавзуу, Худои таолонинг таважжуҳи бошқа, илоҳий мавзудир, демоқчи — М.М.).

¹⁰⁵ Одатда қаҳрамон ёки паҳлавонни (лоф бўлса ҳам) Иккинчи Ҳеракл, деб атар эдилар. Бу ерда инсон соддадиллик билан ўзига жуда юксак баҳо беришига киноя қилинмоқда.

¹⁰⁶ Инсон дўстида, кўзгудаги каби, ўзини билиши Афлотуннинг шу ҳақдаги фикрини шарҳлаш ва ривожлантиришдир. (Ислом файласуфи имом Муҳаммад Фаззолий «Кимиёи саодат» асарида бу фикрни жуда кенг ва теран шарҳлайди — М.М.).

¹⁰⁷ Бу ерда фикр узилса ҳам матн таҳлилидан англапшилишича, фақат эвдемонизм (бахтиёрлик) масаласи таҳлил этилмай қолган. Эҳтимол, қадимги тўлиқ нусхада бу мавзуу чуқурроқ очилгандир. Аммо асарни кутилмаган ўринда тугаллаш Арастуга хос хислатдир. (57–107-изоҳларнинг муаллифлари В.В. Бибихин ва Маҳкам Маҳмуд).

¹⁰⁸ Диалектика — грекча диалог, сұхбат маъносида. Афлотун (Платон) фикри: «Диалектик — савол бериб, түгри жавоб изловчи одам. Диалектика санъати — дәхқон далага уруғ сепганидай, донишманд күнгилларга уруғлар сепади, улардан ҳақиқат униб чиқади ва бу ҳосил абадий, ўлмас бойликдир».

¹⁰⁹ Энтилемма — ақлда күзда тутилған далил, мантиқий хулоса. Икки таниш мулоҳазадан учинчи — янги хulosани чиқариш. У риторик силлогизмдир.

¹¹⁰ Аэропаг — қадимги Грецияда демократик тузум даврида пойтахт (Афина) асосий майдонида белгиланған вақтларда халқ түпланиб, давлат масалаларини қандай ҳал этишини муҳокама қыладиган жой.

¹¹¹ Силлогизм ёки энтилемма — икки таниш фикрдан учинчи, янги хulosани чиқариш.

¹¹² «Топика» — Арасту асари. Үнда исботлаш санъатида күпчилік тан олған, әзтироф қылған фикр, ҳикматли сүзлар, халқ мақодлари исбот учун келтирилиши айтлади.

¹¹³ Донишманд Прокл (412—486) Афлотуннинг «Кратил» асарига ёзған комментарийси — шарқида «Арасту ва софистлар фақат риторика ва фақат диалектика санъатлари одамларни ишонтира олади ёки хато фикрдан қайтаролади» дейді.

¹¹⁴ Ритор (нутқшунос) ва нотиқ Исократ (Перикл замондоши 436—338) риторика санъати ҳақида бундай дейди: «Риторика — вужудға эмас, руҳға алоқадор энг муҳим масалаларни ҳал этиш билан шугулланади». (Македония Афинани босиб олганида Исократ құл бўлишни истамай, ўзини ҳалок қылған).

¹¹⁵ Арасту диалектика ва софистикани таққослаб айтади: «Диалектикани билувчи — ҳақиқий донишманд, софистика эса сохта донишмандлықдир». М.Форобий софистикани — муголата — хато фикрлаш, дейди.

¹¹⁶ Плутарх («Қиёсий ҳаётномалар»да) Демосфен билан Фокионни таққослаб, биринчиси — энг буюк нотиқ, иккинчиси энг моҳир нотиқ эди», дейди. Демосфен тингловчиларга нутқи билангина эмас, балки мардана ҳаёти билан ҳам таъсир ўтка зарди. Эврипид трагедиясида ҳалок бўлған Гекторнинг онаси (Гекуба) Одиссейга бундай дейди:

Сен сўзламасанг ҳам,
Грекларнинг кўнглини
ром этасан жозибанг билан...

¹¹⁷ Арасту эҳтирослар ҳақида «Риторика»нинг II китобида кен-
грок, муфассалроқ фикрлайди.

¹¹⁸ Арасту «Никомах этикаси»да («Катта Ахлоқ китоби»да
ҳам) сиёsatшунослик илми билан риторика, стратегия, эконо-
мика яқинлигини айтган эди («буларни билганлар энг қобили-
ятли одамлардир»).

¹¹⁹ Йўллаш, грекча эпагога, хусусий, якка нарсалардан уму-
мий билимга йўлловчи индукция усулидир. Арасту. (I—Анали-
тика, 2-китоб)

¹²⁰ Энтилемма билан силлогизмнинг алоқадорлиги ҳақида 2-
изоҳга қаранг. Арасту «II—Аналитика» асарида бундай дейди:
«Нотиқлар бошқаларни ё индукциянинг бир тури бўлган мисол-
лар билан ёки силлогизмли энтилемалар (асословчи фикрлар)
билин ишонтирадилар».

¹²¹ «Топика», I китоб. 10-боб.

¹²² Арастунинг «Методика» асари бизгача етиб келмаган (ёки
у бизгача бошқача номда етиб келгандир — М.М.). Диоген
Лаэртий (II аср) ёзишича, «Методика» 8 китобдан иборат бўлган.

¹²³ Суқрот (469—399) — Афина донишманди, ҳақиқатни то-
пишнинг диалектик усулини (йўлловчи, зиддиятларни аниқлаб,
ҳал этувчи савол-жавоблар усулини) кашф этган. У Греция маъ-
жусийларининг кўпхудолигини тан олмагани учун ўлимга ҳукм
этилган. Афлотун (Платон) «Суқрот апологияси», «Критон» ва
«Федон» асарларида донишманднинг сўнгти кунлари ва соатла-
рида айтган фикрларини муфассал баён қилган. Яна қаранг:
Ксенофонт. Сократические сочинения. М.: Академия, 1935.

¹²⁴ Дориэй — атлет (курашчи) Родосли Диагорнинг ўғли. Олим-
пия ўйинларида кураш (панкратий) бўйича уч марта ғолиб
бўлган. Афина — Спарта урушида Спарта жангчиси сифатида
Дориэй асир тушган. Лекин, спортдаги шон-шуҳрати сабабли
озод қилинган. Булар ҳақида Павсаний «Эллада тавсифи» аса-
рида ёзди.

¹²⁵ «I — Аналитика», I китоб, 8-боб.

¹²⁶ Грекча тестор сўзи «белги» ва «мақсад» маъноларини анг-
латади.

¹²⁷ «1-Аналитика», 2-китоб (энтимема ҳақида).

¹²⁸ Сиракуза (Сицилия) тирани Катта Дионисий. Унинг ўғли Кичик Дионисий ҳам тиран эди. У, Афлотунни ўлимга ҳукм қилганида жияни Дион устозини тилаб олгач, Афлотунни қул қилиб сотиб юборишган. Қаранг: Плутарх. «Дион». («Қиёсий ҳаётномалар»). Писистрат — Афина тирани, у айёрлик билан ўзига шахсий соқчиларни кўпайтирган. Феаген — Мегара тирани.

¹²⁹ Аподиктив — мантиқ термини: тўла ишонтируви фикр.

¹³⁰ Арасту. Топика. I-китоб, 1-боб.

¹³¹ Эпидейктив нутқ — тантанали нутқ, бирор жуда муҳим во-
қеага бағишиланган нутқ.

¹³² Ахилл — Гомер «Илиада»си қаҳрамони. Пелей ва Фетида (сув париси)нинг ўғли. Патрокл — Троя жангчиси, Гектор уни жангда ўлдирган (Гекторни Ахилл ўлдиради). «Илиада»нинг XIX қўшиғида Ахиллнинг тулпори Ксанф тилга кириб, унинг ўлими ни башорат қиласди. Уни Гекторнинг укаси Александр — Парис товонига ўқ отиб ўлдиради.

¹³³ Риторика ҳақиқий ишонтирувчи усуллари билан диалектикага, ишончлига ўҳшовчи фикр айтиш билан софистикага яқин туради.

¹³⁴ Арасту давлат бошқарувининг асосий уч турини: монархия, аристократия, тимократия (мулқдор) давлатини кўрсатади. Арасту фикрича: энг яхшиси монархия (агар подшоҳ тиран, золим бўлмай, адолатли, доно бўлса), энг ёмони — тимократия. (Перикл ва Демосфен демократия тарафдорлари эдилар). Арасту тиранияни чекланмаган ҳокимият деб қоралайди. Буни очиқ айтмаса-да, тиранни ўлдирган қаҳрамонларнинг ҳайкалларига ҳайриҳоҳлигини билдиради. Тимократиянинг бошқача номи — олигархия — М.М.

¹³⁵ Бахт-саодат нималардан иборатлиги ҳақида Арасту «Нижомах этикаси»да ва «Ахлоқи кабир»да ёзади. Унинг фикрича, «ҳақиқий роҳат фазилатларга мувофиқ руҳий фаолиятдир» (психик энергия). Арасту «Риторика»да роҳат-фароғатни Суқрот руҳида (фазилат — арете), стоячилар руҳида (ўзидан қаноатланиш — автаркия), эпикурчилар руҳида (ёқимли ҳаёт — ҳевестон, хевдемония) талқин қиласди ҳамда кўпчилик ўртамиёна одамлар фикрича, роҳат, лаззат — бойликда деган тасавурни танқид қиласди.

¹³⁶ Насл-насаб тозалиги. Афиналик нотиқ Исократ «Евагор ҳақида» нутқида унинг насл-насабини мақтайди.

¹³⁷ Афлотун (Платон) «Қонунлари»да эркакларга нисбатан аёлларни (писмиқ, айёр-қув, тартибсиз), қадри пастроқ деб таърифлайди. Арасту «Сиёsat» асарида Спарта аёлларининг ўзбоншымчалигини, эрларига таъсир ўтказишини, уларга ҳатто Ликург бас келолмай, ўз қонунларида аёлларга эркинлик берганини айтади. Афлотун фикрича, аёлларни давлат ишларига жалб этиш заарли бўлиб, фаразгўйликни, молпарамастликни кучайтиради.

¹³⁸ Мегарали Геродик — Косли Гиппократнинг устози. У, Афинада гимназия очиб, шифобахш гимнастикани жорий қилган. У касалларнинг умрини чўзган, лекин касалини тузатолмаган. Афлотун «Давлат» асарида «У ўзини ҳам, беморни ҳам қийнарди» деб ёзади.

¹³⁹ Пентатл — беш кураш: югуриш, сакраш, кураш, диск — лаппак отиш, найза отиш. Панкратий — кураш ва муштлашув қўшилгани.

¹⁴⁰ Арасту «Табииёт» («Физика») асарида тўлиқ детерминизм — сабаб-оқибат боғланишларини чуқур ёритган. «Ўз-ўзидан ёки тасодифан бўлган деган нарсаларимизнинг ҳам сабаблари бор. Фақат баъзи сабабларни тушунишга инсон ақли ожизлик қилади».

¹⁴¹ Суқрот фазилатларга яна адолат, ҳалоллик, мардлик, ростликни ҳам қўшади (Афлотун. «Менон»). У, «Давлат» асарида бағрикенглик, олийҳимматликни чинакам файласуфлар фазилати, дейди.

¹⁴² Гомер. «Илиада», 1-қўшиқ.

¹⁴³ Гомер. «Илиада», 2-қўшиқ.

¹⁴⁴ Бу мақолни бошқа ҳеч қаерда учратмадик.

¹⁴⁵ Кеосли Симонид (мил. ав. VI—V асрлар) машҳур юонон шоири, Элегиялар ва хор (жўр) қўшиқларнинг муаллифи. Юонон қаҳрамони Беллерофонтнинг ўғли Главк трояниклар тарафида эди. Лекин, Коринфликлар грек бўлгани учун ўзларини, трояникларнинг душмани деб билганлар. Шу сабабли, Симониднинг бу байти уларга ҳақоратдай кўринади.

¹⁴⁶ Арасту барчага маълум юонон мифологиясидан мисоллар келтиради. Донолик илоҳаси (фариштаси) Афина урушда Одис-

сейни ҳимоя қилади. Уч фаришта — Афина, Гера, Афродита «Гўзаллар гўзалига» деб ёзилган олтин олмани талапиб қолганида, Троя шаҳзодаси Александр-Парис Афродитани энг гўзал деб, танланди. Шу сабабли Афродита Парисга Спарта подшоҳи Менелайнинг гўзал хотини Еленани олиб қочишга ёрдам беради. Агомемнон бошлиқ юнонларнинг бирлашган қўшинлари Трояга, Парисга қарши уруш бошладилар. Ахилл — Гомер «Илиада»сининг бош қаҳрамони.

¹⁴⁷ Леодамант — машҳур нотиқ Исократнинг шогирди, у ўз нутқида стратеглар Каллистрат ва Хабрийни Спарта билан сулҳ тузиш тарафдори бўлғанлари учун айблайди. Хабрий мил.ав. 388-йилда Спарталиклар устидан ғалаба қозонган. Кейинроқ, сулҳ тузиш фикрига келган.

¹⁴⁸ «Барчасидан сув аъло» — шоир Пиндарнинг I-Олимпия одасидан. Бу ерда шоир донишманд Фалеснинг олам мавжудотлари сувдан пайдо бўлган деган фикрига ишора қилган.

¹⁴⁹ Афлотуннинг «Горгий» асарида Суқрот «Ноҳақ иш қилувчидан ноҳақликка учраган одам яхшироқdir» дейди. Афлотуннинг «Кратон» асарида ҳам Суқрот — ноҳақликка ноҳақлик билан жавоб беришини қоралайди. Эврипид эса «Одамлар душманларига зарар етказишни истайдилар» дейди.

¹⁵⁰ Гомер. «Илиада», IX қўшиқ. Этолияли Мелеагрни хотини жангга бор деб қистайди.

¹⁵¹ Эпихарм (мил. ав. VI—V асрлар) — сицилиялик комедиянавис. Пифагорчилар издоши. Фалсафий асарларидан айрим парчалар сақланиб қолган.

¹⁵² Кеосли Симонид — шоирнинг собиқ балиқчи, Олимпия голиби ҳақидаги одасидан.

¹⁵³ Ификрат — Афина стратеги. У оддий кўнчининг ўғли эди.

¹⁵⁴ Гомер. «Одиссея». Достон охирида Одиссей хотини Пенелопани безовта қилган куёвларни камонидан ўқ отиб, қириб ташланди. Биргина Фемийни қўшиқчи шоир бўлгани учун омон қолдиради.

¹⁵⁵ Перикл (469—429 йилларда) — Афина давлат раҳбари, стратег, демократлар етакчиси, оташин нотиқ. Афина унинг даврида гуллаб-яшнаган. Қарант: Плутарх. Қиёсий ҳаётномалар. I-том. Перикл. Бу ерда Пелопоннес урушининг биринчи йили жангла ўлган ёшларнинг дағн маросимида Перикл шундай дегани айтилмоқда.

¹⁵⁶ Бошқарув тузумлари ҳақида 134-изоҳга қаранг. Афлотун «Давлат» асарида яна аралаш тузумлар ҳақида ҳам гапиради. Спарта давлатининг тузуми гоҳ тиранияга, гоҳ энг демократик тузумга, гоҳ аристократияга, гоҳ монархияга ўхшаб кетади.

¹⁵⁷ Арасту. Сиёsat. IV китоб, 4, 5, 8-боблар.

¹⁵⁸ Энкомий — авваллари Олимпия ўйинларида ғолибни ша-рафлаб айтиладиган қўшиқлар, кейинроқ умуман мақтов сўзла-ри, нутқлар. Арасту «Никомах этикаси»да ёзишича умуман мақ-тов фазилатларга тааллуқли, энкомий эса ҳам руҳий, ҳам жисмо-ний қобилиятлар мақтовидир.

¹⁵⁹ Арастунинг «Эвдем этикаси»да, Афлотуннинг «Горгий» диалогида айтиладики, баркамоллик, гўзаллик ҳам неъмат ва ҳузур берувчидир. Афлотунга нисбат беришувчи «Таърифлар»-да «ажойиблик — неъматдир».

¹⁶⁰ Афлотуннинг «Менон» диалогида фазилатлар муҳокама қилинади. Арасту «Никомах этикаси»да ёзди: «Роҳат, ҳузур фазилат билан боғлиқ руҳий фаолият бўлса, биз фазилат нима-лигини билишимиз зарур».

¹⁶¹ Сапфо (Саффо) ва Алкей — VII—VI асрларда Лесbos оро-лида яшаган қадимги юонон шоирлари. Мелодия, мелика, яъни яккахон ашула шеърияти асосчилари.

¹⁶² Архилохнинг бир шеърида содиқлик қасамига хиёнат қилган дўстнинг бошига кулфат ёғилганига ҳурсандлик ифодаланган.

¹⁶³ Бу одат ҳақида: Ксенофонт (Сүқротнинг шогирди)нинг «Ла-кедемон (Спарта)ликларнинг давлат тузуми ҳақида», Элияннинг. «Турли-туман ҳикоялар» асарларида айтилган.

¹⁶⁴ Паралогизм — исботлашда, баҳсда атайн мантиқий хато-га йўл қўйиш (софистика).

¹⁶⁵ Афлотун «Менексен» диалогида Сүқрот тилидан айтади: «Афинада Лакедемонликларни (спарталикларни) мақташ ва La-кедемонда афиналикларни мақташ учун нотиқдан маҳорат та-лаб қилинади.

¹⁶⁶ Юқоридаги 152-изоҳга қаранг.

¹⁶⁷ Кеосли Симонид Афина тирани Гиппийнинг қизи Архедика қабротшига ёзган битик-эпитафиядан. Изоҳи матнда кенгроқ бе-рилган.

¹⁶⁸ Бу воқеанинг изоҳи ҳам матнда берилди (М.М.). Тиран-кушларга атаб ишланган гуруҳли ҳайкал муаллифлари Критий ва Неосиот. (Агорада)

¹⁶⁹ Арастунинг бу таснифини қуйидагича ифодалаш мумкин:
Инсонлар қиладиган барча қилингандар иккى хил:

1. Билмасдан (бейхтиёр); 2. Билиб (ихтиёрий).

I. Билмасдан (бейхтиёр) қилингандар ишлар ҳам иккى хил:

1. Тасодифан; 2. Муқаррар.

Муқаррар ишлар ҳам иккى хил:

1. Мажбурий; 2. Табиати, феъл-авторига кўра.

II. Ихтиёрий, билиб қилингандар иш-ҳаракатлар ҳам иккى хил:

1. Одатга кўра; 2. Интилиш, эҳтирос сабабли.

Интилиш, эҳтирос сабабли қилингандар ишларнинг ҳам иккى тури бор:

1. Оқипона (яхшиликка интилиб);

2. Ақлсизларча ишлар.

Ўз навбатида, ақлсизларча ишлар ҳам иккى тури:

1. Жаҳл устида қилингандар иш-ҳаракатлар;

2. Ҳаяжон, эҳтирос билан қилингандар иш-ҳаракатлар.

¹⁷⁰ Арасту. Риторика. II-китоб, 11-боб.

¹⁷¹ Арасту. Риторика. I-китоб, 5-боб.

¹⁷² Арасту. Риторика. II-китоб, 2-боб.

¹⁷³ Роҳат, ҳузур-ҳаловат ҳақида қаранг: Арасту. «Никомах этикаси», VII китоб, 12, 13-боблар.

¹⁷⁴ Паросли Эвен. 8-парча (Дийл тўпламида). Арасту «Никомах этикаси»да шоир Эвеннинг одат давом этаверса табиатга айланиш ҳақидаги фикрини келтирган. Эвен номли иккى шоир ўтган. Бири Афлотуннинг «Суқрот апологияси» (ҳимояси) асарида тилга олинган. Суқротнинг катта замондоши, соғист.

¹⁷⁵ Эврипид. «Андромеда» трагедиясидан.

¹⁷⁶ Гомер. «Одиссейнома», XV қўшиқ.

¹⁷⁷ Гомер. «Илиада». XVIII қўшиқ.

¹⁷⁸ Гомер. «Илиада», XXIII қўшиқ. «Одиссейнома», IV қўшиқ.

¹⁷⁹ Эврипид. «Орест» трагедиясидан. Электранинг акаси Орестга айтган сўзлари. Арасту «Никомах этикаси»да ёқимли ўзгариш ҳақида бундай дейди: «Инсон табиати мураккаб, номукаммал бўлганидан тез ўзгариб туради. (Яхши томонга) ўзгариш ёқимлидир».

¹⁸⁰ Афлотун, «Федр» диалогидан. Гомер ҳам «Одиссейнома»да айтади: «Ўхшатмаса учратмас, бу — Тангри иши».

Арасту айтади: Натурфилософлар (Демокрит, Гераклит, Левкипп ва бошқалар) табиат — ўхшашларни яқинлаштириб, такомиллашиб, тартибга тушиб боради, деб ҳисоблайдилар.

¹⁸¹ Эврипиднинг бизгача етиб келмаган «Антиопа» трагедиясидан.

¹⁸² Арастунинг кулгилилик ҳақидағи фикрлари, эҳтимол, «Поэтика»нинг йүқолған қысмларида бўлгандир. Мавжуд «Поэтика»да эса, қадим вақтларда комедиянинг келиб чиқиши баён қилинган.

¹⁸³ Арасту. Риторика. II китоб, 19-боб.

¹⁸⁴ Бу шахс бизга маълум эмас.

¹⁸⁵ Карфагенning Гречиядан узоқлиги сабабли (Африканинг шимолида эди). Баъзи қадимшунослар Карфаген ўрнига Халкедон аҳли деб ўқийдилар, чунки булар уста товламачилар экан.

¹⁸⁶ Мизияликлар қўрқоқлиги билан танилган, бу ерда умуман аҳамиятсиз маъносида.

¹⁸⁷ Дион. Бу изоҳни матн орасида бердик (М.М.)

¹⁸⁸ Гелон — Сиракуза тири. Каттабий ўйини: катта идишдаги сувда кичик идишларни чўқтириши.

¹⁸⁹ Ясон — Фессалиядаги Фер шаҳар-давлатининг тири, у атрофидаги давлатларни босиб олишга интилган, лекин ўлими ҳалақит берган. (Бу аввалроқ ўтган машҳур аргонавт Ясон эмас.)

¹⁹⁰ Арасту. Риторика. I китоб, 10-бобга қаранг.

¹⁹¹ Нотиқ Лисий динсиз Андрокидга қарши нутқида Периклнинг Худони инкор этувчиларни айблашда ёзилган ва ёзилмаган қонунлардан фойдаланиш мумкин деган фикрини келтирган эди.

¹⁹² Софоклнинг «Антихона» трагедиясидан. Изоҳи матн орасида берилди.

¹⁹³ Софоклнинг шу асаридан.

¹⁹⁴ Сицилиядаги натурфилософ, Акрагантли донишманд Эмпедокл (мил. авл. VI—V асрлар) айтишича, бутун олам ҳодисалари меҳр-муҳаббат, дўстлик ва душманлик ўртасида кураш сабаблидир.

¹⁹⁵ Элеяли Алкідамант — софист Горгийнинг шогирди, Исократнинг устози. Унинг 2 нутқи сақланиб қолган.

¹⁹⁶ Қаранг: «Риторика», I китоб, 10-боб.

¹⁹⁷ Шу асар, 6-бобда айтилган.

¹⁹⁸ Арасту. Риторика. II китоб, 2-боб.

¹⁹⁹ Юқорида, 147-изоҳга қаранг. Бу воқеа бошқа манбаларда учрамайди.

²⁰⁰ Софокл — мил. ав. V аср охирларида яшаган машхур нотиқ. Бу трагедиянавис шоир Софокл эмас, ундан кейинроқ ўтган.

²⁰¹ «Риторика»нинг II китобида ҳам шу фикр учрайди. Арасту «Сиёсат» асарида Демосфен нутқларидаги каби «Энг адолатли оқииллик» ҳақида сўзлайди.

²⁰² Юқорида, 192, 193-изоҳларга қаранг.

²⁰³ Гомер. «Илиада», II қўшиқдан:

Саламиннинг ўн икки кемасин бошлаб,

Паҳлавон Аякс, Телемон ўғли ёрдамга келди.

Байтдан кўринадики, Троя уруши вақтида Саламин ороли халқи Афинага иттифоқчи бўлган.

Периандр — Коринф тирани. Тарихчи Херодот уни золим, ёвуз эканлигини айтади. Етти донишманднинг бири — Периандр бошқа шахс бўлса керак. Арасту айтган бу воқеа бошқа манбаларда учрамайди.

²⁰⁴ Клеофонт — Пелопеннес урушлари давридаги лашкарбoshi, нотиқ. У Спарта талаби билан Афина деворларини бузишга қарши чиққани учун 30 тиран бошқаруви вақтида ўлимга ҳукм этилган. Бу шахс Лисий нутқида, Ксенофонтнинг «Юноистон тарихи»да тилга олинган.

Критий Каллесахр ўғли. 30 тиран бошқаруви етакчиси. У ёшлигида Суқрот суҳбатларини эшитган, лекин тушунмаган. (Агар тушунса, тиранлар қаторида бўлмасди — М.М.)

Солон — Афиналик машҳур қонуншунос (мил.ав. VII—VI асрлар). Етти донишманднинг бири — Ҳикматларидан бири: «Сира ҳаддан ошманг». Қаранг: Плутарх. Қиёсий ҳаётномалар. Солон.

²⁰⁵ Фемистокл — Афинали давлат арбоби, машҳур лашкарбoshi. Эрон-Юнон урушлари даврида Афина денгиз флотини кучайтирган, шаҳарни мустаҳкам қилган, Пирей бандаргоҳини қуришга бош бўлган. Фемистокл Саламин жангидаги Эрон флоти устидан галаба қозонган.

²⁰⁶ Суда (ёки Свида)нинг Византия лексикони (изоҳли луғати). Шу луғатда мақолни давом эттириб айтилган «баҳил, ҳасадгўй болага, сергап аёлга, ақлсиз гўдакка, қўшнининг итига яхшилик қилманг», деган фикр бор.

²⁰⁷ Эвбул — юноистонлик нотиқ ва демагог, машҳур нотиқ Демосфеннинг рақиби. Эвбул стратег бўлган вақтида Афина

давлатининг ҳарбий қудратини оширишга эмас, ўйингоҳ, томошагоҳларга кўпроқ маблағ ажратиш ҳақида қонун чиқарган. Македония подшоҳи Филиппга сотилган ва Афинага зарарли сулҳ шартномасини тузган.

Харет — Афиналик лашкарбоши. У жасурлик ва олий ҳимматлик билан эмас, балки исрофгарчилиги, ёвузлиги, тарафдорларни сотиб олиши билан машҳур эди. У, Херонея жангидага деб тахмин қилинади (мил. ав. 338 йил).

Бу ерда Аристофанга рақиб бўлган комедиянавис Платон ҳақида сўз боради. Асарларидан айрим парчаларгина бизгача етиб келган: Грекча: Comikorum Atticorum fragmenta/ v1/ lipsiac (Лейпциг), 1880.

²⁰⁸ Арасту. Риторика. II китоб, 23-боб.

²⁰⁹ Колофонли Ксенофан (мил. ав. VI—V асрлар) — файласуф ва шоир, Элея фалсафий мактаби асосчиси. У, юнонларнинг мифологик «илоҳ»ларини ахлоқсиз ва Худо эмас, деб, Гомер ва Гесиод асарларининг «илоҳлар»га доир қисмини танқид қилган.

(108–209-изо.ўлар ва шарҳларнинг муаллифлари Маҳкам Маҳмуд ва Назарбек Раҳим).

²¹⁰ А.Ф.Лосеф. Античные теории в их историко-эстетической значимости // «Античные риторики». Изд.: МГУ, 1978. Стр.8.

²¹¹ Античные риторики. Москва. И.: МГУ, 1978. Стр. 17.

²¹² Ўша китоб, 19-бет.

²¹³ Ўша китоб, 102-бет.

²¹⁴ Античные риторики. Москва. И.: МГУ, 1978. Стр. 103.

²¹⁵ Буюк нотиқ Исократ ўз ватандоши, машҳур Демосфен каби македониялик Филипп ва Искандар истилочилигини кескин қоралайди. Херонеяда (Плутарх ватани) Македония греклар устидан галаба қозонганида (мил. ав. 338) Исократ заҳар ичиб ўлган.

²¹⁶ Античные риторики. Москва. Изд.: МГУ, 1978. Стр. 127.

²¹⁷ Античные риторики. Москва. Изд.: МГУ, 1978. Стр 129.

²¹⁸ Арасту. Риторика. 3-китоб // Античные риторики. Москва. Изд: МГУ, 1978, Стр. 149.

МУНДАРИЖА

УСТОЗИ АВВАЛ	3
САНЪАТ ВА АДАБ НАЗАРИЯСИНИНГ ИЛК	
ДУРДОНАЛАРИ	16

ПОЕТИКА

(Нафис санъатлар ҳақида)

I. АСАР МАЗМУНИ	20
Поэзия ўхшатиш санъати	20
Тасвирлашнинг турли воситалари	20
II. ТАСВИРЛАНМИШ ҲАЁТНИНГ ХИЛМА-ХИЛЛИГИ	21
III. ТАСВИРЛАШНИНГ ТУРЛИ УСУЛЛАРИ	22
IV. ПОЭЗИЯНИНГ ТАБИЙ ПАЙДО БЎЛИШИ	23
Поэзиянинг тараққиёти ва бўлиниши	24
Трагедиянинг камолоти	25
V. КОМЕДИЯНИНГ МОҲИЯТИ ВА ТАКОМИЛЛАШУВИ	26
Трагедиянинг эпосдан фарқи	26
VI. ТРАГЕДИЯ. УНИНГ МОҲИЯТИ	27
Трагедия. Унинг унсурлари	27
Фабула ва унинг муҳимлиги	28
VII. ТРАГЕДИЯНИНГ ЯХЛИТЛИГИ	30
Трагедия ҳажми	30
VIII. ВОҚЕА БИРЛИГИ	31
IX. ВОҚЕАДА ЎЗИГА ХОСЛИК ВА УМУМЛАШМА	32
X. МУРАККАБ ВА СОДДА ФАБУЛАЛАР	34
XI. ТРАГЕДИЯНИНГ ИЧКИ БЎЛИНИШИ:	
Мушкулот, тўсатдан билиш, эҳтирос	34
XII. ТРАГЕДИЯНИНГ ТАЩҚИ БЎЛИНИШИ	35
XIII. ТРАГЕДИЯНИНГ ТАРКИБИ	36
XIV. ҲАМДАРДЛИК ВА ДАҲШАТ УЙФОТИШ	38
XV. ХАРАКТЕРЛАР	40
Характерларнинг изчиллиги ҳақида	40
Характерларнинг ҳаётийлиги ҳақида	41
XVI. БИЛИВ ҚОЛИШ	42
XVII. ЖОНЛИ ТАСАВВУР	43
Асарнинг умумий ва хусусий томонлари	44
XVIII. ТУГУН ВА ЕЧИМ	45
Трагедиянинг турлари	45
Яна тугун ва ечим ҳақида	46
Бир ва кўп фабулали трагедиялар	46
Воқеада хорнинг роли	47
XIX. ТИЛ ВА ФИКР	47

ХХ. НУТҚ БЎЛАКЛАРИ	48
ХХI. ОТЛАРНИНГ ТУРЛАРИ	50
ХХII. СЎЗ ТАНЛАШ	52
ХХIII. ЭПОС, УНИНГ РИВОЯТ ЖИҲАТИДАН ТРАГЕДИЯГА ЎХШАШЛИГИ	54
ХХIV. ТУРЛАР ВА ТАРКИБИЙ ҚИСМЛАРДАГИ ЎХШАШЛИК	55
ХХV. ПОЭЗИЯДАГИ ҲАҚИҚИЙ ВОҚЕЛИК ТАСВИРИНИ ТАНҚИД ҚИЛГАНЛАРГА ЖАВОБ	58
ХХVI. ТРАГЕДИЯНИНГ ЭПОСДАН УСТУНЛИГИ	62
 Абу Наср Форобий. ШОИРЛАР САНЬАТИ ҚОНУНЛАРИ	
ҲАҚИДА	65
Абдусодик Ирисов. АРАСТУ «ПОЭТИКА»СИ ВА УНИНГ ШАРҚДАГИ ИЗДОШЛАРИ	74
Маҳкам Маҳмуд. «ПОЭТИКА» ВА ҲОЗИРГИ ЗАМОН АДАБИЁТИ	78
АРАСТУ «ПОЭТИКА»СИ ФОРОБИЙ ТАЛҚИНИДА	90
АРАСТУ «ПОЭТИКА»СИ ИБН СИНО ТАЛҚИНИДА	120
 «АХЛОҚИ КАБИР»	
(Катта ахлоқ китоби)	
АРАСТУ ҲАКИМНИНГ «АХЛОҚИ КАБИР» АСАРИНИНГ ЎЗБЕКЧАГА ТАРЖИМАСИ ҲАҚИДА	128
«КАТТА АХЛОҚ КИТОБИ»	130
Ҳаёт неъматлари	132
Ҳаёт неъматларининг турлари	138
ИККИНЧИ КИТОБ	179
ЮНОНЧАДАН Т. МИЛЛЕР ТАРЖИМАСИГА ИЗОҲЛАР	220
 РИТОРИКА (ХИТОБА)	
(Нутқ маданияти ва нотиқлик санъати)	
Биринчи китоб	224
Маҳкам Маҳмудов, Рашидхон Шукуров.	
АРАСТУ «РИТОРИКА»СИДА НОТИҚЛИК САНЪАТИ ВА МАЊНАВИЯТ МУАММОЛАРИ	299
ИЗОҲЛАР	328

АРАСТУ

**ПОЭТИКА. АХЛОҚИ КАБИР.
РИТОРИКА**

Мұхаррір
Наврұз БЕКМУРОДОВ

Тех. мұхаррір
Вера ДЕМЧЕНКО

Мусаҳҳиқ
Зокир ЗАМОНОВ

Бадиий мұхаррір
Уйғун СОЛИХОВ

Компьютерда саҳифаловчи
Феруза БОТИРОВА

Босишига 16.03.2011 й. да рухсат этилди. Бичими 84x108 1\32.

Босма тобоги 11,0. Шартли босма тобоги 18,48.

Гарнитура «Lextimes Cyr+Uzb». Офсет қоғоз.

Адади 500 нұсха. Буюртма № 99.

Баҳоси келишилтган нархда.

«Янги аср авлоди» НММда тайёрланди.

Лицензия рақами: АI № 081

«Ёшлар матбуоти» МЧЖда босилди.

100113. Тошкент, Чилонзор-8, Қатортол күчаси, 60.

Мурожаат учун телефонлар:

Нашр бўлими – 278-36-89; Маркетинг бўлими – 128-78-43

факс — 273-00-14;

web-сайтимиз: www.ibook.uz

e-mail: yangiasr@ibook.uz; yangiasravlod@mail.ru